



D B ^{D.f. 29. f. 2}
f: 29. E. 2

~~A A 118~~

vis.





H. B. Piranesi F.
in aed. apud Paulum Prinetorum, sub signa aulica, 1766



CHRISTOPHORI.
FORSTNERI. AVSTRII.

Ad libros sex priores Annalium

C. CORNELII TACITI.
NOTÆ POLITICÆ.

Quibus pleraq. omnia, quæ reliquis quoq. Taciti
libris continentur, suis quæque locis
explicantur.



AD SERENISS. PRINCIPEM
IOANNEM CORNELIVM
VENETIARVM DVCEM.

Adiuncta est in fine, eiusdem

ORATIO

Habita Venetijs in Excellentissimo Collegio
Mense Iulio. ann. c13. 13. cxxv.



SERENISSIMO
IOANNI
CORNELIO

Venetiarum Principi

P. F.



Initium erat, Serenissime Princeps, quòd superiore anno cum Excellentissimo Senatu tam benignas mihi in publico aures præbuiſti. Tu verò tanquam merito gratiam habuiſti, meq. vltro Equeſtri veſtro Ordini adſcripſiſti. Ego quidem, quàm mihi domicurta ſupellex ſit, non ignoro: ſed nō oportuit me pro maximo beneficio, quia equalē non poſſem, nul-

Iam

lam gratiam rependere. Et hæ ad
Cornelium Tacitum notę politicę
ad Cornelium Principem, etiã me
non mittente vltro ibant. Pręterea,
ciuilis prudentiæ doctör, cum quo
libentiùs, quàm cum prudētissimi
Senatus Veneti sapientiss. Principe
versaretur? Deniq. pessimũ Impe-
ratorem, & scelera, flagitiaq. cũ fa-
ctis promeret, locis occultatẽ in al-
tissima Europę scena, corã optimo
Principe produxi: quo vtilissima
comparatione fœda flagitiorũ fa-
cies, & ex diuerso virtutum tuarum
pulcherrimus splendor pulcherri-
mũ Orbi spectaculũ repręsentarẽt.
Vale. Patauij. xii. Cal. Octob. c. d. xxvi.

Serenitatis Tuz
humilimus cliens

Christophorus Forstnerus Austrins.

Erudite HOSPES
qui hunc Librum manu teris, oculo percurris,
ad TACITI medullam accede.
Per has Notas ille tibi obscurus alioqui & implexus
notior & planior fiet.
Per has ad Tiberianas technas, vt declines, non
vt fallas, pertinges.
Ad hanc Cynosuram tu
& in malefida popularis auræ statione,
& in dubio Principalis malaciæ salo,
inuidiam inter & gratiam,
tutus enauigabis.
Hic denique edisces
& alios regere pro imperio, & te ipsum pro dignitate.
Te felicem TACITE hisce notis.
Te feliciorem FORSTNERE hac TACITI notitia.
præconia sua vltro tibi commodat TACITVS:
non iam TACITVS, sed merito LOCVTIVS.
vt
posthac nulli sis tacendus ori:
vtq.
Notę placeant numquam sine
laude loquendæ.

Laur. Pignorius
amico eruditiss. ponebat.

BREVIARIUM

Notarum præcipuarum ad librum I.

Operâ I.R.M.

P Rincipatus antiquissima reipub. forma, eoque dignissima. cart. 1	
Tyrannidem corrigit optimatum imperium.	1
Anarchia & popularis status confusio corrigitur potenti vnius dominatu. Ita Romam non potuisse libertatem vl-	
tra pati. Cæsaris principatum ordinandæ Reip. necessarium fuisse.	
M. Brutus curæ de Cæsaris nihil profecerit, cum L. Brutus re-	
gum electione libertatem Romæ introducere potuerit. Corru-	
ptam moribus civitatem, nunquam in vera libertate vivere pos-	
se. demonstratum illud Atheniensium, Syracusanorum, Medio-	
lanensium, Florentinorum, Senensium, Mutinensium, & generali-	
ter urbium Italicarum, deniq. Frisiorum exemplis.	2 3.4.5.6.7
Tria historica veritatis impedimenta: incitium, adulatio, odium.	7
Quibus artibus libertatis oppressores utantur, offensum exemplis	
Augusti Cæsaris, & Cosmi Medicæi.	8 9
Annorum curam summè necessariâ. de quo præcipue dicitur ad fi-	
nem libri quarti.	9
Vis, ambitus, pecunia in corrupta rep. omnia possunt.	10
Numerosam prolem maximum esse regni subsidium. certo succel-	
lore pravas aliorum spes cohiberi.	10.11
Senes principes iuencularum amoribus obnoxij.	12
Optimum pacificandi instrumentum esse intermedias personas,	
que velut inuitos ad pacem cogant, quam utraq. pars bello falsa	
expetit.	13
De simulacris imperiorum, & rerum publicarum.	13.14
Silentium arcanorum principum necessaria ministri virtus. te-	
meratores secretorum punitos. periculosum esse secretorum par-	
icipem fieri.	15.16
Velocissimam esse de morte Principum famam: eamq. rebus du-	
bijis ad tempus suppressendam.	16.17
Graviorum facinorum, scelerumq. ministros, nec ipsis Principi-	
bus,	

bus, qui ea iusserūt, gratos esse. quod libro tertio pluribus explico.	18.19
Arcana regnorum temere non vulganda.	19.20
Princeps iubeat, non disputet	20
Metuendum fuisse Tiberio Germanicum, quod verus Augusti sanguis fuerit: quod tot legionibus præerat; quod populi fauorem habebat.	20.21
Cur Tiberius Augusti testamentum publicè legi iusserit, Agrippina Claudii ultimam voluntatem suppresserit	21
Quare Augustus inuiſos sibi heredes testamento scripserit?	22
Quæ sit adulatorio libertatem præferens?	23
De tyrannicidio	23.24
Obseruatio historica de certis diebus felicibus, vel infelicibus. item: regna plerunq. concidisse sub Principe, qui idem cum fundatore nomen habuerit	25.26
Nunquam bella innoxia esse posse	26
De viuis vix vnquam vera scribi	27
Regna & Resp. ab vno fundari, a pluribus seruari.	27
Vi parata regna vi conseruari. Cur quidam tyranni sua morte obire potuerint? qui item Tiberius, crudelissimus hominum? Cur Albæ Dux, vi, & procerum Belgicorum supplicio nihil profecerit?	28.29.30.31
Quid sit imagine pacis decipere. quid item bello inuictos pace vincere? Cum vno populo non diu belligerandum.	32.33.&c.
Principes vtilitate amicitias colere	33.34.&c.
In fœderibus quemq. suum commodum spectare	35.36.&c.
Affinitates inter Principes inita quales?	43
Principes sæpè Theologos & Ictos in speciem consulere.	44
Bonum an malum successorem sibi Princeps optare debeat?	44
Capitale interdum esse secretis principum nec opinato interuenisse	45
Breuiarium imperij quid, & quam necessarium Principi?	46
Cur Augustus testamento addiderit consilium coercenda intra terminos imperij?	47
Affinitatibus Principum innexi, ijs plerunq. inuisi sunt:	48
Fato quodam fieri quod plures vnus familiæ diuerſis temporibus Principibus infideles fuisse leguntur	49
Potentium in aula esse mollire principum iras, non exasperare.	50
Vulgi minas inanes plerunq. esse	50
Militares seditiones plerunq. ex ocio existerè	51
Praue faciundos, vulgo gratos principibus cauendos.	52
Inter prima regni auspicia petentibus nihil concedat Princeps	51.52.
Militiæ hodiernæ miseria	51.52.
Plura simul petere, imprudens	53

Res aduectas dissimulandas. proditiōis prēmia nostris ab hoste
 proposita non euulganda esse. 74
 Ducum belli potestatem non nimis circumscribendam. statius esse
 se liberius illis arbitrium rerum agendarum permittere. In po-
 lyarchico Reip. statu plerūq. tarditate consilia, eorumq. executio-
 nem laborare. 75-76
 Honores, dignitatesq. peritissimo cuiq. non ex favore aulico di-
 stribuendas 76-77
 Vbi largiri flagitiosum, & negare periculum est: differre reme-
 dium est 78-79
 Religionis pretextus nota principum ars. & de vera nostrē reli-
 gionis vi in animis hominum. 80-81 &c.
 Violenta consilia in sedandis seditionibus non semper prodesse. 84
 Magnæ & implacabilis seditionis argumentum sunt ordines le-
 gesq. atq. pacta inter seditiosos 85
 Germanicum vix amore recti, sed metu reculsisse imperium. Im-
 perium cupientibus omnia media consilia perniciose esse. 86-87
 Singularis seditiones comprimendi ratio 87-88
 In vestiendo, conuersando &c. illorum morem imitandum esse,
 cum quibus versamur. 89
 Non esse prudentis moueri vulgi sermonibus 90
 Quale arcana imperii fuerit, posse etiam alibi quā Romæ im-
 peratore fieri. Indecorum & perniciosum Principi omittere fa-
 cilē urbem, vnde in omnia regimen. Translationē imperii in Ori-
 entē causam fuisse inuasionis Barbarorum: alia similia adnotata. 92-93
 Qui exercitus facile ad seditiones prolabantur, qui non? 95
 Quæ tempora coniurationibus apta? 96
 Valtationes bellicę quę iure gentium indicite. 96
 Adulteria coniugum reginarum interdum tolerasse, quibuldam
 pro regni arcano habitum. 97
 Tyrannidis arcana, velle luxu esse deditos, quorum ferocia ti-
 metur. id quomodo obtineatur, explicatum 98
 Acerrima proximorum odia. 80
 Consulatum sit, necne populum intestinis dissidiis laborentem bel-
 lo aggredi 80-81-82
 De virum hostilium disfectione, quam hodie dissectionē vocant. 83
 Inopinata animum infringere 84-85
 Præpropera prædę auditas. 86
 Sepe vnam vocem, vnum nutum, aliudue quoddam leuissimum ac-
 cidens maximum contenti res esse. 86-87
 Nihil in bellis facilius exire, quā de quib. hostis non cogitauit. 88-89-90
 Cuncta mortalium incerta; summa maxime. 91

Vana à scelestis, dicta à maleficiis differre

92.

Apud Tyrannos, leuissima quæq. pro maiestatis crimine haberi.

92. 93.

De auaritia Procerum in aulis, de falso maiestatis crimine, de delatorum artibus latissime dictum. Tum quibus modis in eiusmodi accusationibus Princeps verum à falso cognoscat: deniq. de eorum dispositorum, quos Postas vocamus, origine disputatum.

94. 95. 96. 97. 98. 99. 100. 101. 102. 103. 104. 105

Ordo sententiæ in Senatu dicenda

105

Ipsi Principes ius dicere debeant?

106

Liberalitati parsimoniam debere præferre Principem

107

Breviarium præcipuarum notatum

ad librum II.

Externum imperium esse odiosum, præclara populorum in historia memoratorum facinora gesta esse suorum ducum auspicio. Externa imperia difficile seruari; gentium inuidia, & populorum subiectorum ferocia. Optimam tamen rationem esse suos mores, suaq. iura nouiter acquisitis populis conseruare. Politicorum arcanorum magistros non aptos esse populis qui totam libertatem aut totam seruitutem ferre nequeunt. Lucretiæ stuprum illatum non fuisse causam exactorum ex urbe Roma Regum. Cur post sublatum à viuis Alexandrum recenter subacti populi non rebellauerint? Cur Poloni exteros Reges sibi imponere assueverint? Vulgus lætari à noua imperia; à nouo Principe immoderata expectari.

Tribus rebus auctoritatem adipisci Principes, propria virtute; illorum, qui circa Principem sunt, excellentia; & externa morum compositione. Enumerantur propria Regum, & à priuatorum sorte separatæ virtutes. Præclaros in quacunq. arte viros in aulam politis stipendiis vocandos. Recens, popularitate, iocos omnia cum modo habenda.

Magnam priuatorum potentiam, opes, virtutem quoq. interdum Principi timendam; quod per exempla monstratur. Remedia quibus nimis opes quorundam refragentur, ne noceant, recensentur singulatia, nec vulgò ita notæ; crudelia, mitiora. De Ostracis iniquitate. De perpetuis & temporariis imperiis; haut vulgaria notantur. Arces, castellaq. procerum non semper Principi tutæ esse.

Bellicas artes ex libris non disci

126

| | |
|--|----------------|
| Congressus Principum cum cura & cautione instituendos. Moris
esse, ut cum duo Principes loco certo congregiuntur, prior ad de-
stinatum locum veniat, qui dignitate alterum anteit | 147. 148 |
| Sermone patrio ubiq. vti, ad publicam auctoritatem spectare. La-
tine lingue honos | 149 |
| Romanos auspicia interpretatos ex usu negociorum. Contra A-
mirum | 151 |
| De vi & efficacia desperationis | 152 |
| Vanam quorundam certam sibi pollicentium victoriam sæpe con-
fidentiam fuisse | 153. 154 |
| De trophæorum, triumphique usu | 154 |
| De taciturnitate in consiliis | 155 |
| Principes non nisi tuta certa q. cum gloria coniuncta sibi, cætera
ardua legatis permittere debere | 156 |
| Veteribus morem fuisse stataria pugna belli aleam experiri. Mo-
ram facere in castellorum oppugnatione quibusdam non probari.
Hodiè tamen aliam temporum, armorumq. conditionem esse. | |
| Resoluitur illa questio, cur nostri &ui Principes, quamvis poten-
tissimi non potuerint armorum gloria & imperii dilatazione ve-
teribus æquiparari? Causa castellorum munimentorumque fre-
quentiæ, tormentorum maiorum minorumq. inuentioni, & mer-
cenario militum generi adscribitur | 157. vsq. 167 |
| Veterum erga milites gratitudo; & è contrario nostri seculi duci,
& militari ærario præfectorum variaz fraudes, quibus militem iti-
pendio fraudant, Principesq. circumueniunt, enarrantur | 168 |
| Predictiones aruspicum plerumq. fallaces esse; sed & capitale, de
Principis aut reip. salute statuere consulere, aut respondere. | 171 |
| Sæpe iniuriarum non aliud remedium esse, quam si non intelli-
gantur | 174 |
| Dominationis regiaz arcanum esse, conuiuere suorum populoru
qui priuilegiis & immunitatibus magnis gaudent, peccatis, & cû-
cta facta, cum prohiberi possent, scire atq. immunitatum abroga-
tione punire malle | 175 |
| Premia ipsum Principem tribuere, pœnas per magistratus irroga-
re debere | 177 |
| Varia coercendæ iudicium improbitati remedia. Quædam item
contra litium immortalitatem. Aduocatorum deniq. plerumq.
improbitatem & impericiam iudiciorum pestem capitalem esse
ostenditur, præscribunturq. modi, quibus tribunalium sanctitas
ab hac labe vindicetur, sancturque | 178. vsque 191 |
| Bonas literas in paupertate natas in eadem, tanquam propitio suo
elemento viuere | 192 |
| Præcipua æmulosû in aula ars, inuisos sibi honoris specie amoliri | 194 |
| Cum | |

| | |
|--|---------------|
| Cum Principum consanguineis reuerenter agendum : breui mo-
mento summa rerum veri . principum propinquorum similitates
consiliariis eorum plerunq. exitiosas. serè enim fieri, & illi reco-
ciliati depositas iras in ministros primarios vertant. | 195 |
| Innotum esse, piura regni omnia vnius familiæ pluribus personis
conferre | 198 |
| Quantum sepe in vno viro momenti sit? | 199 |
| Dimidia inter subiectos populos serere, & alere, quibus Principi-
bus conueniat | 201 |
| Principes, quæ necessitate & temporis iniuria coacti promittunt,
non seruare solere. Sed id male contra Machiauellum. Ita paci-
scendum, vt aut nocere alter non possit, aut non velit. Omne me-
dium incertum vitorum. Minas, ludibria, contumelias stultorum
vitionem esse, nec enim ea debiliorem hostem facere | 204. vsq. 212 |
| Noua imperia pace opus habere | 212 |
| Rebus dubiis audendum | 213 |

Summa eorum, quæ præcipua habentur in Notis ad lib. III. Annal.

| | |
|--|---------------|
| Imprudens est, libertatem in seruitute vsurpare | 216 |
| Luctus in publico non decet Principes | 216 |
| A tyrannidis peremptos lugere non licet | 216 |
| Societate enipit tutiores nos putamus | 216 |
| Occupatores libertatis suum regnum rempub. vocant. Non sem-
per verum, vt resp. æternæ, ita Principes mortales esse | 217 |
| Adulteria, & beneficia quibundam pro dominationis arcano, re-
gnandique instrumento haberi | 217. 218. 219 |
| Etiam innocentes recenti inuidiæ impares. | 220 |
| Cædes Principis scelus est, cuius vltor est, quisquis successit. | 220 |
| Neminem præiudicio damnandum | 221 |
| Prionis errores | 221 |
| Pœnarum irrogatio magistratibus permittenda | 222 |
| Spes vitæ plerunq. magnos animos infringit | 223 |
| Antonii Perezii historia collata cum hac de Pisone narratio-
ne | 223 |
| Pronus in miseros fauor est | 227 |
| De confessorum humanorum incertitudine. de fatò contra Ma-
chiauellum | 228 |
| Decimatio antiquæ militiæ | 235 |
| Principes etiam crimen maiestatis remittant, nunquam tamen verè | |

Dominationis origo. Vi prima imperia cœpisse. Iusti æqueque non semper vereribus curam fuisse, ostensum exemplis Atheniensium, Spartanorum, Theſſalorum, Romanorum. Non igitur nduam esse, quam vulgò Machiauellicam politicam vocant. Quæ quamvis vulgò damnetur hodiè, eam tamen plerunque viurpari. Item de dominationis flagitiis, quæ Itali la ragion di stato vocant

239

Tulerint Romulus leges

248

De Principum potestate disputare, periculosum esse

248

Vindiciæ pro compilatione iuris Iustiniani; contra Iustum

Lipsum

248

Corruptus status popularis pessimus

251

Procerum in aula gratiosorum duplex differentia

251

Omnium horarum homines

252

Quid sit somnum & inertiam ostentare

253

De causis, ob quas gratiosissimi quique in aulis plerunque tanderuant; amplissimè disquisitum

254

Virtus nobilitati, an hæc illi præstet?

274

Aegrè senibus cum iuuenibus conuenire

275

Scorta militaria veteribus ignota

275

Stultum esse, cum potentioribus competere

276

Asylorum abusus

276

Vix adeò luxum in iuuenibus, quam in senibus omnium rerum, fastidium communi hominum iudicio damnari

277

Libertatem plerunque rebellionibus prætendi.

277

In bellis ciuilibus multos esse, qui non apertè deficiunt; coque

Principibus noxiores sunt

280

Egregiæ duæ singulæque firmandi status rationes

281

Principum artem esse, ad prima rebellionum initia conuincere

282

Vrbes populosas artium exercitio & mercimoniis facilè seruari.

Bella quæ a Principibus contra Respublicas geruntur, cunctando gerenda esse. Opinionem, qua mercaturam cum nobilitate pu-

gnare, creditur, arte principum inualuisse

285

Ira potentiorum quomodo sedanda

286

Sententia de vita hominis tarda esse debet

287

De luxu nostrorum temporum

288

Nocet sepè nimia seueritas, & antiquus rigor

288

Aduersus luxum remedia

289

De sacrorum præfectis eorumque negligentia querela

291

Quæ sint struendæ & ædificia publica principis cura digna

292

Quæ

| | |
|--|-----|
| Que sit optima ratio extinguendarum sedandarumque rebellio-
num | 293 |
| Oppressa virtus magis conspicua | 293 |

Breuiarium lib. IV.

| | |
|--|----------------|
| F ortunam in senibus plerunque deficere | 294 |
| Penē omnium Principum fatum esse, vt vni se regendos tradāt:
quæque inde ad Rempub. mala redundent | 295 |
| Seditiones militares (pariendo, diuendendoque militem præca-
ri. Generaliter item de seditionibus, coniurationibus, & contra
illas remedijs discribitur) | 300 |
| De subitis & argutis consilijs, quæ ex tempore capiuntur | 314 |
| De acutis & intricatis consilijs | 316 |
| Nullam fidem esse regni locis | 317 |
| De armorum studio, sitne vile, an damnosum reipublicæ. Vbi fi-
mul de causis Romanæ potentiz: de vitijs illius Reip. de causis
diuturni imperij Veneri: & quare ista Resp. imperium non, vt
Romæ, extenderit. de Turcicæ potentiz fundamento. de corru-
pto eiusdem hodierno statu &c. | 318. vsque 340 |
| Principibus negocia pro solatijs esse debere | 342 |
| Pellendos vrbibus histriones | 342 |
| Principibus suspectos esse, qui proximi imperio destinantur | 342 |
| De isto artificio politico, quod Itali <i>tenere in gelosia</i> dicunt | 344 |
| Nimis magna beneficia odio haberi | 346 |
| Fortuna an industria in aulis plus valeat? | 346. 347 |
| Domini voluntas ministri cynosura esse debet | 347 |
| De magnorum imperiorum vitijs | 348 |
| Ecquod optimum sit imperij genus | 354 |
| Qui in repub. qui item in Principatu callidi temporum pruden-
tioresque verē vocentur | 355 |
| De impijs, improbisque libris coercendis | 357 |
| Hodierna titulorum vanitas | 357 |
| Vane scere vulgatos honores | 358 |
| Contemptu bonæ famæ, contemni virtutes | 358 |
| Ratio moris etiam præsentem Principem scripto adeundi | 358 |
| Principes summa rerum ad famam dirigere | 359 |
| Inuidiæ effugiendæ quæ ratio? | 360 |
| Principes ægrè se reprehendi patiuntur | 360 |
| Immodicam populorum libertatem & nimias immunitates ple-
runque rebellionum causam esse | 361 |
| Pacis mentione aliorum in se impetum remorari ceterosque po-
tenti- | |

| | |
|--|------------|
| liticos astus y fuppare quatenus licitum | 363 |
| Præua continua non igitur ab ambitione Principum , quàm cupi- | |
| ditatibus ministrorum peruenire | 369 |
| Sua quique ipse facillime capitur | 369 |
| Mos vulgo, fortuita ad culpam trahere | 370 |
| Tributorum acerbitatem diuinis & naturæ legibus aduersam esse. | |
| Principum securitatem non in inopia subiectorum consistere ra- | |
| tionibus & exemplis ostensum. Quæ item ratione tributorum, | |
| necessariorum inuidia molliatur | 371. vsque |
| Audientiæ difficultas | 383 |

Ex lib. V. Annal.

| | |
|--|-----|
| L ibidinem principum etiam publicè exitiosam esse | 387 |
| De intempestiuis facerijis | 389 |
| De ijs, qui se falsò aliorum familijs inferuerunt | 392 |

Breuiarium Notarum ad lib. VI.

| | |
|--|-----|
| T ributorum & vectigalium abusus | 397 |
| Conscientia tyrannorum | 398 |
| Familiaritatem cum iis , qui principibus accepti postea eorum | |
| gratia exciderunt, nemini damnosam esse debere | 398 |
| Sub tyrannis non licere neces propinquorum flere | 400 |
| Turpe esse ignorare rem, quam quis scire profitetur | 400 |
| De ijs furis & Hebræorum fraudibus | 401 |
| Acria plerunque omnium rerum initia esse, incuriosum finem. Le- | |
| ges ad antiquam sinceritatem reuocandas | 402 |
| Bonos principes ad euitandam auaritię famam perduellium puni- | |
| torum bona agnatis relinquere debere | 403 |
| Confugia principum | 404 |
| Amor an metus tutius munimentum? | 405 |
| Ingenitum esse Principi, diffidere ministris potentibus | 406 |
| Magnam prudentiam esse, scriuere temporibus. Nimiā perti- | |
| naçiam, & rigorem intempestiuum sæpè nocuisse: & de R E- | |
| PVTATIONIS iactoribus | 408 |
| Salutem reip. esse supremam legem & reliquas necessitate ita vr- | |
| gentibus cedere debere | 409 |
| Ingenitum dexteritatem & moderationem in rep. esse necessa- | |
| riam | 410 |
| Exulum & aliorum alios commodi sui causa ad bellum impellen- | |
| tium infida esse consilia | 413 |

| | |
|--|-----|
| Regiam fobolem aut per alicnam iniuriam pulsos validum esse in- | |
| strumentum alliciendis populorum animis & turbandis regnis | 414 |
| Varias esse artes quibus debiliores bellum arcere & a potentiori- | |
| bis fibrecare debeant | 415 |
| In bello inteream sciminationem & imperiosam vehementiam | |
| preferendam esse lente indulgentie | 417 |
| Satine miles aut argenteoq; ornandus? | 422 |
| Auxilia externa vocanti esse exitiosa, exemplis probatur | 424 |
| Imperia popularia a principibus subacta feliciter ad Senatum tra- | |
| ferri | 426 |
| Vtrum sit optabilibus, bonus princeps bono amicorum consilio | |
| defectus, an vero prudentes amici, mali aut insipientis principis? | 416 |
| Satius esse agere quam quiescere si utrobique idem periculum | |
| immincat | 427 |
| Principes ferè semper licentia & vi dominationis degenerare | 427 |
| Huius rei causa 7. indicantur | 429 |

Lectori meo Salutem.



I lector, hanc varie lectionis ambitul-
sam tabulam non hic suspendissem, nisi,
dum imprimitur liber, quidam de scho-
la homo nullum à me bonum authorem
laudatum, & , ut ipse loquebatur, al-
legatum dixisset. Traianum Bocca-
linum esse caput & caudam meae scriptio-
nis. Primum equi-
dem non miror, Boccalinum inter bonos scriptores non cense-
ris, quibus præter Auicennam & Auerroem nihil bonum est.
Deinde, quare Principum artes, regnorum arcana, aula ge-
nium describenti Scotus, Albertus Magnus, & cetera
quamuis magna, scholis tamen nata ingenia, testes producendi
fuerint, non video. Quid enim, nec Reginonem, nec Eginar-
dum, nec Abbatem Vrspringensem, nec Othonem Frisingen-
sem, nec Nauclerum, nec omnes deniq. historicos laudauit, quia
nec omnes ad institutum meum faciebant. An verò etiam
Terofus & Metasthenes, & nugator Annius, & Turpini
fabulæ, & ex recentioribus ille, qui Fasularum antiquitatem
asserturus L. Catelinam in ea urbe Missam Spiritus San-
cti audiuisset scribit, allegandi erant? Iustus Lipsius in no-
tis ad sua politica paucissimos ex omni historicorum numero
recenset, quos comparanda prudentia magistros putabat.
Nunc, quantò pluribus ego doctoribus usus sim, ex hac tabulâ
vide, & vale.

Andreas Alciatus I. C. in histo-
ria Mediolan.
Aristoteles in polit.
Augustinus in lib. de ciuitate Dei
& confessionibus

Ammianus Marcellinus
Arrianus
Achilles Tacitus
Aeneas Syluius
A. Gellius

Ant.

Ant. Maria Gratianus
 Albericus Gentilis
 Ant. Perezus
 Andr. Maurocenus
 Antonius Contius I. C.
 Arnoldus Clapmarius
 SS. BIBLIA.
 Blondus
 C. Cæsar
 Claudianus
 Clemens Alexandrinus
 Christophorus Besoldus
 Columella
 Cassiodorus
 Cariolanus Cepio
 Carolus Sigonius
 C. CORNELIVS TACITVS
 Dio Cassius
 Dionysius Halicarnassæus
 Euripides
 Florus
 Frontinus
 Festus
 Fr. Guicciardinus
 Fr. Balduinus I. C.
 Fr. Bocchus
 Gerardus de Roo
 Georgius Phranzas Protone-
 starius Cōstantinopolitanus
 Guilielmus Neubrigenfis
 Herodotus
 Heliodorus
 Helmoldus
 Hieronymus Conestaggius
 Iustinus Trogi Epitomator
 Imp. Constitutiones
 Iulius Paullus I. C. falsò pro
 Patauino habitus
 Io. Barclaius
 Io. Bodinus
 Io. Borerus
 Io. Baptista Cinus

Io. Baptista Madrianus
 Io. Baptista Pigna
 Io. Cuspinianus
 Iacobus Cuiacius I. C.
 Iustus Lipsius
 Io. Baptista Egnatius
 Jac. Augustus Thuanus
 Iulianus Gofeliius
 Leonardus Aretinus
 Lucanus
 Lactantius
 Lampridius
 Lazarus Superantius
 Laurentius Pignorius
 M. Cicero
 Marcianus N.
 Mamercus Panegyrista
 Martialis
 Nicetas Choniates
 Nicephorus Gregoras
 N. M.
 Orland. Malauolta
 Ouidius
 Pomponius I. C.
 Plutarchus
 Polybius
 Plinius vterque
 Philostratus
 Polyænus
 Pomponius Mela
 Polydorus Virgilius
 Paulus Paruta
 Paulus Aemilius
 Pandolfus Colleenutius
 Paulus Iouius
 Petrus Iustinianus
 Petrus Matthæus
 Paullus Manutius in descri-
 ptione Transylvanie
 Q. Curtius
 Salustius
 Seneca Philosophus

Senec-

Seneca Tragœdus
Suetonius
Statius
Spartianus
Sozomenus
Sextus Aurelius Victor
Scipio Amiranus in disputat.
ad Tacit. & historia Flor.
Scipio Gentilis I.C.
T. Linius
Thucydides
Theophilactus Simocata
Tryphoniuss I.C.

Trojanus Boccalinus
Thomas Dempsterus
T.C.
Tiberius Decianus I.C.
Velleius Paterculus
Valerius Maximus
Virgilius
Vopiscus
Vlpianus I.C.
Vbbo Emmius
Xenophon
Xiphilinus
Zonaras

CHRISTOPHORI

FORSTNERI AVSTRII

NOTÆ POLITICÆ

Ad librum I. Annalium

C. CORNELII TACITI



RBEM Romam à principio Reges habuerunt) quemadmodum principio rerum gentium nationumq. imperiū penes Reges fuit, testante Iustino, (*lib. I*) & Sallust. (*in Catilin.*) his verbis igitur initio Reges; nam in terris nomen imperij id primum fuit. Quibus Aristoteles ad stipulatur: *XI. Polit.* fuerat inquit, antiqua Ciuitatum gubernatio paucorum & regia. Et his omnibus antiquior scriptura sacra, interprete D. Augustino *XV. de Ciuitate Dei XX.* Cainum cum successoribus, & post terrarum illuuiem Nembrot Reges fuisse asserit. Inde sua Principatui antiquitas, & ex antiquitate dignitas constat.

(*Consulatum L. Brutus instituit.*) Monarchia siue legitimus Principatus, cum in tyrannidem degenerat, corrigitur aristocratico, siue optimatum imperio. Plerumque enim qui optimates ab vnius tyrannide patriam liberarunt, ipsi sibi dominatum adsciscunt; vt apud Trogi Epitomatores, qui Magos sustulerant, ipsi for-

te de imperio certant.

Dictatura ad tempus sumebantur) Omnis imperij arcum est, præcipuos magistratus temporarios facere: quæ de re albi commodior monendi locus erit. *infr. ad lib. II. ad verba cæterum Tiberio Cæc.*

Qui cuncta discordijs Civil. b. fessa, nomine Principis sub imperiũ accepit.) Popularis dominatus cū senescit, in anarchiã & oïum rerū confusionē transit: eiusq; non aliud remediũ est, quàm potens vnus dominatus. Certè Roma in ea conditione erat Cæsaris & Augusti temporibus, vt impossibile esset, recuperare libertatem. Omnia factio- nibus laborabant. Salua esse Roma non poterat nisi beneficio seruitutis. *Seneca V. de benef. XVI.* Non enim vltrà ferre poterat libertatem. Tot millia hominum pugnabant, non an seruirent, sed cui. *Sen. II. de benef. XX.* Quid tibi vis? M. Cato, exclamat in epistolis Sceneca, iam non agitur de libertate: iam pessundatã est: quæritur, vtrum Cæsar, an Pompeius possideat Rempu- blicam. Quid tibi cum ista contentione? nullæ tuæ sunt partes. dominus eligitur. Hoc intuitu Pompo- nius I. C. (*in L. II. ff. de orig. jur.*) nec esse fuisse scribit, per vnum consuli Reipublicæ: & Tacitus noster, paullò inferius: *non aliud discordantis Patriæ remedium fuisse, quàm vt ab vno regeretur: & alibi (i. hist.) pacis interfuisse, omnem potestatem ad vnum transferri.* Non enim gradu, sed præcipiti cursu à virtute descitum, ad vitia transcur- sum: vetus disciplina deserta, noua inducã; in som- num à vigilijs, ab armis ad voluptates, à negocijs ad o- tium erat cõuersa ciuitas (*Vel. Pater II.*) omnia virtutis præmia ambitio possidebat (*Sallust. in Catilin.*) suspectum erat

erāt prouincialibus Senatus populiq. imperium, ob certamina potentium, & auaritiā magistratuum; inualido legum auxilio, quæ toti ambitu, postremo pecunia turbabantur. (Tacit. I. Annal.) Rebus modicis facile æquitas habebatur. postquam subactō orbe, & æmulis urbibus, Regibusq. excisis securas opes concupiscere vacuum fuit: prima inter Patres plebemque certamina exarsere: modò turbulenti Tribuni, modò Consules præualidi; & in urbe ac foro tentamenta ciuiliū bellorum. Mox è plebe infima C. Marius, & nobilium seuissimus, L. Sulla victam armis libertatem in dominationē reuerterant. (C. Tacitus II. histor.)

Multi mirantur, Romanos auspicijs L. Bruti, eiectis Tarquinijs felici ausu libertatem adipisci potuisse: M. verò Brutum, occiso Cæsare idem decus appetentem, infelicitè rem tentasse. Nec absque causa mira videri debet ista fati diuersitas. Quippe Tarquiniōrum regnum temporum vetustate coalitum erat, & radices egerat: Cæsaris nouella potestas. Primis temporibus exigua Populi Romani potentia; Cæsar in maximam urbem inciderat. Libertatis bonum vetustissimis Romanorum, uti assuetis regiæ dominationi incognitum; postremi se suosque maiores multis sæculis in libertate vixisse meminerant. Quæ omnia faciliorem M. Bruto libertatis recuperationem, difficiliorem Lucio efficere debebant. Verum enim verò cum Lucio Bruto tyrannos eijcere sine tumultu, sine cæde (quod in conuersionibus Rerump. aut nunquam aut rarò accidere solet) contigerit: Marcus verò eodem ardore recuperandi libertatem à tyranno occupatam armatus nihil profecerit: diuersorum effectuum diuersas fuisse causas con-

sentaneum est. Roma primis temporibus de vrbis su-
pomærio propagando eoq; contra finitimorum inui-
diam tuendo sollicita, ingenti, ac prope incredibili li-
bertatis studio tenebatur: nec erat paucorum ambitio,
nec partium studia, quæ insequentibus temporibus in-
ualuere. Omnium ordinum consilia, cogitationes, o-
pera deniq; patriæ salutem & amplitudinem spectabât.
nondum solutione mollicie sobria vetustas infecta, nec
ambitiosis mensis, nec flagitiosis quæstibus inhiabat:
sed vnanimâti ardore summi, & infimi inter se congru-
entes ad speciosam pro Rep. mortem tanquam ad por-
tum aliquem tranquillum & placidum properabant.
(*Ammian. xxxi.*) Postea morû corruptela ab armorum
perpetuo studio (quod cum libertatis æternitate pu-
gnasse alibi ostendemus) & militum enormi licentia
orta est. His enim imperatores, vt promptam illorum
operam contra inimicos suos, & interdum contra ip-
sam quoq; Remp. haberent, effrenem libertatem per-
mittebant. Inde reliquos quoq; ordines peruasit ma-
lum. Qui magistratus sibi aut suis petebant, donis &
omni ambitu suffragia ciuiû emercabantur; ipse quoq;
Senatus non iam sui aut publicæ rei memôr, in factio-
nes discesserat, & adhærebat partium ducibus, auctori-
busq; nouitatum. vnde omnia confusionis plena erant:
nihil vsquam prisca & integri moris: (C. Tacitus in An-
nal.) nec qui virtute præstabat, sed quo ditior quisque
& insolentior, cò faciliior ipsi ad honores aditus pate-
bat. Dum ergo Roma à factionibus immunis libertati
studebat, vrbisque dignitatem, & imperij amplificatio-
nem vnicè sibi propositam habebat; pronum fuit Lu-

cio. Bruto totum populum tam egregij facinoris socium habere; & semel partam libertatem retinere: quod corrupta Republica, quę nisi beneficio seruitutis salua esse non poterat, M.Bruto impossibile fuit. Præterea magna diuersitas non modò inter primos Romanos, & vltimam Romuli sæcem fuit, sed & inter illos, qui dominationem affectabant. Tarquinij enim superbia, insolentia, crudelitate omnim in se odia prouocauerant. Cæsar verò militem donis, populum vniuersum comitate, spectaculorum epulorumq. magnificencia, & profusa largitione suum fecerat: quibus viribus ultum cum occidisset Brutus, nil aliud actum est, quàm quod Cæsari, qui clementia regnum se stabiliturum putauerat, Octavius ab illo adoptatus, in eundem militum, plebisq. fauorem successit; qui cum Cæsaris exemplo didicisset, tyrannicas vires indulgendo, ignoscendoq. euerti; securius remedium existimauit, vti scruissimis nobilissimorum Ciuium proscriptionibus: quibus factum est, *ut seq. & domum & pacem sustentauerit*: (Tacit. in Annal.) deniq. imperium tanquam rem hæreditariã, nemine contranitete, in Tiberiũ transmiserit.

Ex quo liquet, verum esse, quod quidam tradit, Ciuitatem corruptis moribus viucentem, & à primis institutis degenerantem, etsi tota tyrani familia extinguitur, nunquam se in libertatem asserere posse. Quamquam autem nullum potest esse illustrius documentum, quàm quod modo de Romanis attulimus: sunt tamen & alia hinc inde in historia, non veteri tantum, sed & recenti, quę idem ostendunt. Athenę perpetuis conuersionibus subiectę erant: & Solon, qui Remp. opti-

optimis legibus formauerat, illam adhuc vitius Pistrati tyrannide oppressam vidit. Nam corruptio illius Populi facultatem subministrabat omnibus, qui occupare libertatem volebant. Syracusæ cum breue tempus libertas affluisset, in antiquam seruitutem reciderunt. Mediolanenses mortuo Philippo Vice Comite (Blondus Amir. in hist.) & Florentini, occiso Alexandro Duce (Io. Baptista Hadrianus in histor.) nouis dominis in prædam concesserunt. Vt verissimè Cosmus Medices Cardinali Saluiato dixerit, in tanta opum inæqualitate, morumq. corruptione Florentinam Rēp. non amplius esse libertatis capacem, quæ optari potius quàm sperari debeat. (Cinus I. de vita Cosmi) Cæteræ Italiæ ciuitates, ex quo se obedientię Imperatorum Romanorum subdlexerunt, freno, quo regerentur, potenti destitute, non tanquam libere, sed vt in factiones miserè scissæ, egerunt. Et Guicciardinus (*lib. XIII. histor.*) ob tot principatus, in quos distracta est Italia, & diuersa imperantium consilia, quibus quisq. suam potentiā augere aut tueri cupit, penè impossibile esse fatetur, pacatam eam agere. Et alius ait, nullam prouinciā verè felicem esse, nisi vnius siue Reip. siue Principis imperio contineatur. De Senensibus speciatim notat Guicciardinus (*I. histor.*) magis nomen tenuisse libertatis, quàm vim ac potestatem. Distractos enim perpetuò in multas factiones, illi parti subiectos fuisse, quæ pro conditione temporum, & auxilijs innixa exterorum Principum, superior esset. De Mutinensibus apud Ioan. Bapt. Pignam in historia Principum Arestinorum (*lib. IV.*) atrocissimi casus, & sequissimæ tragediæ narrantur quas

quas hic enumerare nimis longum foret. Frisij à Rol-
lonis Normanni discessu, continuata libertate patrijs
legibus Remp. administrabant: Imperatorem Roma-
num summum Principem reuercebantur: eiusq. Lega-
tum, qui diffusis Reip. membris vno imperio legitimo
colligandis concordiam ordinum tueretur, è medio sui
creabant; Potestatis nomine, Itatorum more, ei im-
posito. Post consuetudine Praefectum hunc supremũ
creandi intermissa aliquoties, cum seorsim sibi consu-
lere membra eiusdem Reip. inciperent, vnumq. corpus
in partes plures scinderetur: libertas quidem, in hoste
externum consensus, cætera omnia paria: sed vitio fe-
rè communi immodicæ libertatis domi non semper
eadem quies aut concordia. Nam inter familias no-
biles, quæ opibus & auctoritate eminebant, æmulatio-
nes sæpius exorta, in factiones (Vet cooperorum &
Scirniq. barbaræ & infausta nomina) populum
distrahebant; armaq. ciuilia sumpta, ac in mutuam per-
niciem exercita: donec tandem ad orientem Frisia, de-
cocta libertate in Grethanæ familiæ (ex qua orientalis
Frisiæ Comitum origo) ditionem, ceteræ partes vltraie-
tinae & Monasteriensibus Episcopis, Ducibusq. Saxo-
niæ, mox Geldris, postremo Burgundis cederet (v. Vbb.
Emm. in hist. Fris.)

Donec gliscente adulatione) tria sunt historice ve-
ritatis impedimenta; inscitia, adulatio, odium.
Veritas, inquit Tacitus (I. hist.) pluribus modis
infracta: primum, inscitia Reip. vt alienæ mox libidi-
ne assentandi, aut rursus odio aduersus dominantes.
Et hic: Tiberij, Caij, & Claudij, ac Neronis res floren-
tibus

tibus ipsis ab metum falsè postquam occiderant, recensibus odijs compositæ sunt.

Sine ira, & studio, quorum causas procul habeo.) nota, historias verissime scribere, qui non immixti gestis, quæ ipsi scribunt amoris odijq., causas nullas habent. Mihi Galba, ait Tacitus (I. hist.) Otto, Vitellius, nec beneficio, nec iniuria cogniti, &c.

Postquam Bruto & Cassio cæsis) nota, obsecro, nota, quibus artibus, qui Rerump. libertatem opprimunt, vtantur. Deuicerat Augustus duersarum partium duces; sed & illos, quorum ope inimicos oppresserat: vsitata Magistratuum appellatione relicta, militem donis, populum annona, cunctos otij dulcedine pellexerat. Interim sentiente, aut contradicente nemine munia Senatus, Magistratuum, legum, ad se trahebat. Ferocissimi per acies aut proscriptione ceciderant: Ceteri ex seruitio honores, ex contumacia exitium sperabant, aut timebant. Prouinciæ, quæ superbè & auarè habitæ erant, mutationem status amabant. Porro Augustus recens imperium multiplici liberorum & propinquorum subsidio firmavit. Eadem erant veterum Magistratuum vocabula: & ipse Augustus vsitata principis appellatione contentus. Iuniores post Actiacam victoriam, etiam senes plerique inter bella ciuium nati. nullus penè reliquus, qui Remp. viderat. Verè Traianus Boccalinus (I. Ragguag. LXXXIV.) primæ huius pagine Annalium Taciti præceptis à Medicis felicissimè curatum esse cancrum populi Florentini ait. Iunge his quæ diximus, & compone Cosmi Mediceæ acta, vt à Ioanne Baptista Hadria-

no, & eiusdem nominis Cino scribuntur: iurabis ex Taciti schola prodijſſe. Aduerſæ factionis duces, Strozius, Valerius, ceteriq. ad montem Murlum capti, & deinde carnificis manu ceſſi. Veteris Reip. inane ſimulacrum in XLVIII. viris conſiſtebat. Eedem Magiſtratum appellationes, quæ ſtante Rep. Duodecim collegia, ſex Procuratores, octo practici, Mōtium officiales, Camarlingi, & ceteri. Verum ipſe Princeps vi ipſa horum omnium munia ad ſe traxerat. Excubix, arma, cætera aulae. Miles ex Germanis lectus in forum, miles in curiam comitabatur. Nobiles Florentini, quanto quiſ ſeruitio promptior, opibus & honoribus augebantur. Piſæ, aliaq. Florentini dominiij oppida, cū antè Magiſtratum avaritia lacerarentur, & aliàs etiam inuiti parerent, hanc mutationem non abnuebant. Plebs Florentina, ingenito erga Nobilitatem odio, & iam ſub Alexandro, annona, ludis, & otij dulcedine capta ſuperiores Reip. turbas, velut præteritam maris tempeſtatem ex ſecuro littore gratiſſimo horrore recordabatur.

Ad tuendam plebem) quicunq. dominatum appetuerunt, libertatem & plebis patrociniū cupiditatib. ſuis obtenderunt. de quo alibi dicam.

Populum annona) conſentit Italorum adagium, quo dicunt, panem in foro, iuſtitiam in tribunali, ſecuritatem vbique, boni imperij ſigna eſſe. Coſmus ſuperior Medices, cū Ioannem Annibalis F. Bentiuolum ad Bononiensem principatum capelſedum dimitteret, inter cætera Reip. gerendæ percepta tria hæc præcipua dediſſe dicitur: annona curam ſedulò ageret: omnibus

nullo discrimine ius diceret: ab alienis vxoribus abstineret. (*Jo. Bapt. Pigna VII. hystor. Atestin.*) Ceterum quantum intersit, pascere plebem, quamq. illi aberrēt, qui ab expilatione & inopia ciuium Principum salutem dependere arbitrantur, alibi quoq. tractauimus.

Qua vi, ambitu, postremò pecunia turbabantur) ita assolet in corrupta Republica. Vis, ambitus, pecunia omnia possunt. Quàm vellem! non hac infirmitate Europæ nostræ prouinciæ penè omnes laborarent. Nisi me omnia fallunt, funus erunt; aut vehementissima, & ingratiissima medicina pellenda erit tanti morbi vis.

Subsidia dominationi) numerosa proles subsidium aulae, ac dominationis, & munimentum Regni bonis authoribus (*Sueton. Tacit. hic & 1v. & v. hystor.*) dicitur: contra principis orbitas contemnitur.) *Alexander Magnus apud Q. Curt.*) Vbi enim certus successor est, prauæ aliorum spes cohibentur. (*Tacit. 111. Annal.*) Inde Tacitus plenam (*Cesarum domum cupitis Seiani moram attulisse ait*) (*111. Annal.*) *Non legiones, non classes, perinde firma imperij munimenta sunt, quàm numerus liberorum.* (*Tacit. 1v. hystor.*) Hinc pium iuxta & prudens consilium est, ab ijsq. semper Principibus vsurpatum, qui imperium recens partum firmasse in familia memorantur, imperium in filij natu grandioris manus consignare, titulos & dignitates seruare. Diuus Augustus sororis filium Marcellum, dein generum Agrippam, mox nepotes suos, postremò Tiberium priuignum, in proximo sibi fastigio collocauit (*Tacit. I. Annal. & I. hystor.*) Ioannes Comnenus Alexium filium, vt ambitioforum quorundam motus, & multorum ad quosdam regij generis

ris viros concursum reprimeret, viuis ab exercitu imperatorem saluari iussit (*Nicetas Choniates 1. Annal.*) Hugo Capetus, ad quem à Caroli Magni familia Francicū regnum transijt, ne in nondum firmato regno, exoreretur, tanta mortalium cupiditate rerum nouarum moles, Robertum filium sibi cooptrauit. (*Paulus Aemilius lib. 111. de rebus gest. Franc.*) Cosmus Hetrurix Dux imperiū viuis filio tradidit. (*Jo. Bapt. in. VII. de vita Cosmi. 1 humanus lib. xxxv.*) Apud Persas olim non licebat Regi in expeditionem proficisci, nisi prius successorem nominasset. (*Herodot. lib. VII.*) Postremò eo fine plerique Principes Christiani successuros sibi titulis quibusdam, quibus certus successor velut digito demonstratur, insignire solent. In Imperio Germanico Romanorum Reges, in Gallia Delphini, in Britannia Vallia Principes vocantur. Olim in Cypri Regno primogenitus, Galileæ, (*Coriolan. Cypio lib. 111. de gestis Petri Moecenici.*) & in Neapolitano regno Salerni Princeps (*Scipio Amirat. in vita Joanne Reg. Neap.*) appellabatur. Ut meritò Alexander Magnus reprehendatur, quòd rogatus, quem imperij hæredem faceret? non nominatim aliquem dixerit, sed dignissimum. Qua voce, veluti classicum inter amicos cecinisset, aut Eridos pomum immisisset, ita omnes in æmulationem consurrexerūt, ut infestissimis odijs, bellisq;, & inauditis parricidiorum sceleribus, se mutuò persecuti sint. (*Iustinus*) Est tamen casus, quo nominare successorem exitiosum est: de quo vide Arnoldum Clapmarium (*111. de Arcanis Rerump. x.*)

Senem Augustum deuinxerat adeò) plerunque senes iu-

nuncularum amoribus obnoxij sunt : Augustus tantum sapiens, tam cordatus Princeps neglectæ suæ soboli per adoptionem inductum prætulit. Sapientissimus mortalium Salomon Rex vxorum delinimentis persuasus Veri & vnici DEI nostri cultu relicto ad fictitiorum Deorum religiones animum vertit. Suleimanus Turca Roxolanæ Vxoris persuasione inductus Mustafam filium strangulari præcepit. Alia infinita, ne similitudo sarietatem pariat, prudens prætereo.

Abolenda magis infamia) sæpè Principes bellis fessi pacem quidem tacite suspirant, ceterum eam ab hoste petere neutra pars ex dignitate sua esse putat. Quo casu apta ratio est, alium præbere se medium, qui monendo, rogando, deniq. quouis modo tanquam inuitos ad ea cogat, quæ potissimum vterq. cupit. Ita neuter indecore pactus videbitur. Anno Christi M.D.xxxvii. Leonora Franciæ, & Maria Hungariæ Regina sorores germanæ inter Carolum Quintum Cæsarem, & Franciscum Galliæ Regem octo mensium inducias pepigerunt. (*Hadrian. 11. histor.*) Anno M.D.xxxxiv. Ferdinandus Rex ijsdem Principibus medium se interposuit. Anno M.D.xcvi. Clemens Octauus Pontifex inter Philippum Hispaniarum, & Henricum Gallorum Reges pacis proxeneta fuit. (*Petrus Masb. 1. histor.*) Et olim Turcarum imperatorem, veritum, ne ob amissam Eubœam Christiani Principes communibus viribus in se irent, interuentu nouerca, Christianis sacris addictæ, cum Venetis pacem tentasse accepimus. (*Coriolanus Cæpio lib. 1. de gest. Petri Mocenici.*) Deniq. cum superioribus annis inter Paulum V. Papam & Remp. Venetam exor-

ta discordia essent, Cæsar, Gallia, & Hispania Reges varijs cautionibus, quibus vtriusq. seruaretur authoritas, pacem firmarunt: quæ res nouissimè summa & fide & prudentia descripta est à Petro Sarpo.

Eadem Magistratum Vocabula) quando Rerump. formæ conuertuntur, & vel in Optimates populumue transferre summam potestatem tyrannis cogit: vel, ne collidat optimates ambitio, ne vnam gentem factiones diuidant, in Regem confertur purpura, solium, sceptrum; quia id sine legum & consuetudinum mutatione fieri nequit: vnabre saltem relinquenda est, & simulacrum eius, quod adimitur. Ius imperij valeat; inania trāsmittantur. Ita post exactos Roma Reges, quia quædam sacra per ipsos Reges factitata erant, nec vbi Regum desiderium esset, Regem Sacrificulum Romani creauerunt. (*Liuius* 11.) iterum cū ad vnum Resp. peruenisset, leuibz adhuc & tenuibz regiæ potestatis munimentis, Augustus eadem magistratum vocabula reliquit quidem: at ipse munia Senatus, magistratuū, legum in se transtulit nullo aduersante. Titulorum inania contempsit; vsitata Principis appellatione contentus. Romani, Latini nominis populis sub fœderis nomine dominati sunt. Et simili fraude prætexto fœderis & protectionis titulo olim magnam Frisicæ partē Groningani sub imperium suum redegerunt. (*Vbbo Eminius* xxxi. & xxxi 1. *histor. Fris.*) C. Cæsar (*Dio Cassius lib. xxxxi 11.*) Tiberius (*Tacit. 1. Annal.*) & Nero (*Suetonius in Nerone cap. xvii. Tacitus xiv. Annal.*) Senatum priuatarum causarum iudicijs occuparunt; quò ipsi tutius & liberiùs dominatu fruerentur. Carolus Martellus,

lus, cùm Franciæ regnum non affectaret modò, sed reuera teneret quoque: regios titulos auersatus est, Princeps Nobilitatis appellari contentus. Qua arte Pipino filio Regnum obtinuit. (*P. Aemil. lib. I. in fine.*) Vtricus Grerhanus, primus orientalis Frisiæ Comes, cùm eam dignitatem ab Imperatore Friderico III. inscio Frisiorum populo accepisset; nec diploma in lucem producere, aut profiteri nouum honorem apud ferocem & libertatis retinentissimum populum auderet: tempori rem in præsens inuidiæ futuram reseruauit. A priori viuendi instituto minimè recessit; comis, benignus, placidus: non domini, sed Rectoris Frisiæ orientalis nomē præferre, Comitum titulum prorsus dissimulare, Generosi appellationem interdum admittere, interdum ne hanc quidem poscere: deniq. talem se comparare, vt auctoritate potius quàm imperio regere, sepiusque litium arbiter quàm iudex esse videretur. Quibus artibus factum, vt admirabili studio & ipsum & posteros populus semper persecutus fuerit. (*Vbbo Emmius xxiv. historie Frisiae.*) Carolus Quintus Imperator Florētiæ Reip. forma immutata, specioso ac plausibili libertatis nomine relicto, eandem vnus imperio subiecit. (*Ioannes Baps. Hadrian. I. histor. Joannes Bapt. Cinus lib. I. de vita Cosmi. Maurocenus lib. xv. histor. Venet.*) Vt mirer ego quid in mentem venerit Florentino illi, in disputationibus scribenti, in conuersionibus regni in popularem vel Optimatum statum, relinquendam esse pristinae formæ aliquam speciem; verum quando à populo vel optimatibus ad vnum transfertur rei summa, omnia ita immutanda esse, vt pristini status, neq. vola,

neq.

neq. vestigium vltra extet. Certum quidem est, effectū Remp. omnino mutari, & quæ antè senatui, vel populo competeabant, arbitrij Principis fieri; qui in Republica potentes fuerant, premi aut extingui; denique, quod Critias apud Xenophontem (*II. histor. grec.*) ait, nullas Rerump. mutationes sine hominum cæde contingere: inde tamen non consequitur, vmbra saltem prioris status conseruandam non esse: quod vel vnus Augusti actis comprobatur. Sustulerat ille proscriptione crudelissima, quoscunq. conatibus suis obnitentes deprehenderat: munia legum, Magistratuum ad se traxerat: deniq. vnus omnia poterat.

Omnia Caesar erat

& nihilominus prioris Reipublicæ, & libertatis speciem aliquam reliquerat. Sed de hoc suprà quoque diximus.

Bona libertatis) cuius non vltra capax erat Roma.

Plures) boni scilicet & qui tuta & præsentia, quàm vetera & periculosa malebant.

Alij cupere) quibus nimirum in turbatis rebus vnica spes.

Scelus Vxoris suspectabāt) semper enim de morte Principum atrocita quæq. finguntur, cædes, venena, alia; vel amore in defunctum, vel odio in suspectos.

Vxori Martia aperuisse) Ministrorum de rebus Principis sui sanctissimum esse debet, & obliuioni similimū silentium. plurimos secretorum profanatio perdidit. Exemplo est Fabius Maximus, de quo hic Tacitus, & Plutarch. in lib. *περί αὐτοκρατορίας*. Granio Marcello inuitabile crimen fuit, *scdissima quæque ex moribus Tiberij sparsisse*

fiste. (Tact. hoc libro) Cosmus primus, Magnus Hetru-
riæ Dux, Sforzam Almenum Perusinum feruentissima
apud se gratia, quòd de secretis suis amoribus impru-
denter quædam vulgasset, sua manu occidit. (*Joannes
Bapt. Cosmi lib. viii. de vita Cosmi.*) Plus est, quòd neces-
sitate interdum adigi videntur Principes, vt secretorū
suorum arbitros, quamquam fidissimos, & in nullo pec-
cantes violare cogantur. Quod quidem à proditiōe
parum abesse videtur. Alaimus ex Sicilia Proceribus,
cūm contra Petrum Aragonium Carolum Regem ar-
canis literis euocasset; cōperto literas illas in Petri ma-
nus peruenisse, Garfiam Nicosium sibi à secretis, qui il-
las scripserat, ne vel præmiorum spe, vel tormentorum
metu rem proderet, occidit; proiecto capite in mare &
reliquo trunco in arcano domus suæ sepulto. Vt pro-
inde nescio quis à Lysimacho Rege gratiam petere ius-
sus sapiētissimè mihi precatus videatur, ne secretorum
suorum quicquam sibi communicaret.

*Latique interdum nuntij vulgabantur, donec prouis que
tempus monebat, simul excessisse Augustum, & rerum potiri
Neronem fama eadem tulit.*) velocissima est de Principum
morte fama: quam etiam sæpe ante mortem vulgatam
esse notauimus. Credimus (*inquit Ammianus xviii.*) ne-
que enim dubium est, per aërios tramites famam præ-
petem volare. Antequam Maximus tyrannus occisus
esset in Gallia, Romæ in circo Maximo populus, incer-
tum ratione quadam percitus, an prælagio, Sylluanus
deuictus est, magnis vocibus exclamauit. (*Ammian.
Marcellin. xv. hist.*) Mēse Aug. anni Christi. MDXCviii.
Hispaniæ Regis mors in Gallia nuntiata, demum Se-
ptem-

ptembri mense insecuta est. Elizabetha Angliæ Regina, quo primum die decubuit, in Gallia mortua dicta fuit. (*Petrus Math. vj. bistor.*) Deniq. excessum D. Matthiæ Imperatoris quo ego tempore Viennæ Austriæ fui, in ipsa vrbe aliquot antè horis, quàm is contigit vulgari memini. Ne igitur interregni tempore res turbentur, illi qui secretorum regionum arbitri sunt, mortem Principis celare debent, atq. suppressere, vsq. tum necessarijs omnibus prouisis, de certo successore sit transactum. Agrippina in morte Claudij Cæsaris cunctos aditus custodijs clausit; crebroq; vulgauit, ire in melius valetudinem Principis: quò miles bona in spe ageret. (*Tacit. xii. Annal.*) Valentiniano Cæsare mortuo, Merobaudes, ne Gallici milites ad seditionem prolaberentur, presso Principis excessu Sebastianum militari fauore sublatum, & eò maximè tunc cauendum, longius amandauit: & ocyus Valentinianum Valentiniani F. quadrimū lecticæ impositum in castra adductum, sexto post Parentis obitum die, Augustum solemni more nuncupauit. (*Ammian. Marcell. lib. xxx.*) Suleimano Turcarum Imperatore in castris ad Zigerū mortuo, Muhametes purpuratus, ne res vulgaretur, Medico occultè necato, tam diu rem secretam habuit donec Filius Selijmus Constantinopolim ad volans, in sede imperij paterni consideret. (*Aut. Maria Gratian. i. de bell. Cypr. Annal. Hungar.*) Christiani Oldenburgici Comititis in vrbe sua a Saxonibus obsessi mors, sicut ipse æger præceperat, miro studio celata tantisper est, donec hostiles copiæ, moræ tædio, quod futurum ipse prospexerat, dilaberentur. (*Vbbo Emmius vj. bift. Frisæ.*) De-

niq. hoc modo Moluci Scirifij, Maurorum Regis in prælio contra Sebastianum Lusitaniae Regem expirantis, (*Hieron. Conestagg. ii. de coniunct. Portug. cum regno Castiliae*) Amurathis Turcarum Imperatoris, & Caroli Mansfeldij ad Strigonium defuncti, mors per aliquot dies latuit.

Primum facinus noni principatus fuit, Posthumi Agrippae cedes :) tyrannicae Politicae necessaria lex est, tollere omnes, qui meliori iure in occupato regno nituntur : qua de re paullo inferius dicam. Debu itur Tiberius, qui fraude, & nouercalibus artibus procurata adoptione in familiam Augusti irrepserat, vniuersum Augusti sanguinem cædibus & venenis persequi.

Neque imperasse se) qui aularum flagitijs, & principum sceleribus instrumenta se præbent, nec ipsis, quibus infandum addixere ministerium, grati sunt.

Graviorum facinorum ministri, quasi exprobrantes adspici solent. (*Tacit. xiv. Annal.*) Ita Anicetus, qui eadē Agrippinae iussu Neronis patrauerat, leui post admissum scelus gratia, dein grauiore odio fuit. (*Tacit. xiv. annal.*) Inde turbæ ex rapinis & expilationibus ministrorum ortæ nulla ratione expeditius componi possunt, quam si istorum artifices scelerum, velut publicæ victimæ cæsi meritissimo afficiantur supplicio, & in horum locum alij, accepti populo, incorruptisq; moribus substituantur. Ferè enim fit, vt vix vnquam Princeps, sæpius ministri & amici incusentur : & læsi ciues, more canum lapidem, non iacentis manum mordeant. Et hoc commune bonorum, malorumq; Principum remedium est. Nam & illi quæ se inscijs ab improbis gesta sunt, cæde
son-

fontium expiant, & hi sua peccata, alienum crimen, alienam inuidiam faciunt. Commodus Imperator seditionem plebis Cleandri pessimi hominis supplicio compescuit. (Dion. lib. Lxxij.) Cæsar Borgias crudellissimus hominum, ut scuitiæ famam à se auerteret, Remirum Orcum, quo præcipuo tyrannidis instrumento usus fuerat, capite plecti iussit. Tiberius scuitiæ suæ ministros, *ut peruersti ab alijs nolebat, ita plerunq. satiatos, & oblati in eandem operam recentibus, veteres & pragraues afflixit.* (Tacit. iv. Annal.) Contrà imprudenter Valentinianus Cæsar gregariorum etiam leuia puniebat errata; præfectorum verò flagitia progredi sinebat in maius; & ad querelas in eos motas, plerunq. obsurdescebat. Inde in Britannijs seditiones, in Africa clades, & in Illyrico vastitates emerferunt. (*vide Ammianum Marcellinum lib. xxix. & xxx.*)

Ne arcana domus) omnia imperia, sua quibus innituntur fundamenta habent: certas, inquam, conditiones, & ad illas accommodatas leges regulasque, quarum obseruatione illorum stat salus: quas ideò arcanas vocamus, & nemini notas esse conuenit, nisi ipsis Principibus, & qui secreti Senatus pars sunt. Augustus, teste Tacito, & Suetonio, Tiberio imperij breuiarium reliquit. Sanctissimus Hebræorum Rex Dauides filium Salomonem sibi successurum de ijs, quæ ad regni salutem maximè pertinere visa sunt, monuit. Deniq. Carolus Quintus Imperator filio Philippo II. & hic Philippo III. secreta imperij administrandi mandata dederunt. Hæc arcana non esse vulganda, sapienter hic monet Crispus. Imperia regnaque fama stant: nec è re est,

hostes aut dubios amicos scire, quæ nostræ vires, quæ debilitas, quæ consilia sint. Cleomenes Spartanus, ut asserit Plutarchus in illius vita, quod Ægyptij regni arcana perdidicisset, in illo regno iussu regionum ministrorum occisus est. Apud Venetos nullum maius piaculum est, quàm nimia cum Senatoribus, & his qui Senatui à secretis sunt, familiaritas. Nolunt enim illi, (& sapientissimo sane consilio) ab externis suæ Reip. secreta explorari. Malunt haberi rustici, inhumani, contemptores, quàm Reipublicæ suæ arcana vulgari.

Neue vim Principatus resolveret, cuncta ad Senatum vocando) Ea imperandi conditio est, ut non aliter ratio constet, quàm si præter Principem nulli reddatur. (Tacitus hic) Lex & Princeps, qui animata lex est, iubeat, non disputent. Iussa, velut ex abdito cælorum fulmina, vereantur omnes: nec unde aut quare veniant, curiosa, nec profutura indagatione inquirant. Perit sua Principi Maiestas, resolvitur Principatus vis, si factorum rationem reddere cogatur.

Cuncta per Consules incipiebat, tanquam vetere Republ.)
De simulacris rerumpublicarum dixi quædam supra ad verba: *Eadem Magistratum vocabula &c.*

Ex formidine, ne Germanicus &c.) meritò Tiberio formidandus erat Germanicus. I. quod verus sanguis Augusti erat: ipse contrà per vxoriû ambitum, & senili adoptione irrepserrat. II. quod in eius manu tot legiones, immensa sociorum auxilia. III. quod mirus eius apud populum fauor. Omnia non sine ratione Tiberio

rio suspectanda. Nam nec securus esse potest Princeps, maximè qui vi fraudèue occupauit alienum imperium, superstitè priorum regum progenie: & in illorum qui armorum potentes sunt, manu est, vt regnet Princeps, vt pereat. Illi vim imperij, illi neruos potestatis cum tenere se cernunt, vix pares erunt stimulis sollicitantibus integritatem suam, & quantum possint, si audere velint, superbè monentibus. Mens potentiæ conscia, & regij fastigij dulcedinem delibans, adulantium vota, cinctum forribus viris latus ad quid non impellent? Denique populi fauor indignatione replet Principem, amulum ferre nescientem: indeq. multis exitio fuit incautus populi amor.

*Ofunestus multis populi
dirusque fauor*

exclamat Seneca: (in Octauia) & Tacitus, (III. Annal.) breues, inquit, & infausti Populi Romani amores. Exemplum, præter infinita, quæ profana historia supeditat, quæque alibi recitamus, extat in S. Scripturis, de Dauide, quem, ex quo populo gratus esse cœpit, *Samuel Rex perpetuo odio persecutus est. Posuit eum Saul, inquit Sanctus Spiritus, super viros belli, & acceptus erat in oculis vniuersi populi, maximeq. in conspectu famulorum Saul.* & paullo post subiungit: non rectis ergò oculis Saul respiciebat David à die illa, & deinceps.

Testamentum illatum) alij consilio institit Agrippina Neronis mater, quæ Claudij testamentum recitari non permisit: ne ante positus filio prauignus, iniuria & inuidia animos vulgi turbaret. (Tacit. XI. Annal.) Sed credo sanum fuisse vtrumq. consilium. Verebatur Agrippina inuidiam

diam Populi, cui Nero prima iuuenta par non erat. Tiberius iudicium Augusti meritis videbatur; & tantis rebus exercitus, maturaq. prudentia inanes rumores timere non poterat.

Jaſtantia gloriaq. ad poſteros) mihi ſanè hoc Auguſti conſilium minimè probatur; vanæ cuiuſdam gloriæ deſiderio ſucceſſorum ſalutem periculo expoſuiſſe. Fallitur qui hoc beneficio conciliare ſibi ſuiſque aduerſarum partium primores voluiſſe ſcribit. neq. enim inanis iſta ſubſtitutio tertio gradu facta vnquam exitum habitura videbatur, cùm Auguſti domus tot munimētis inſiſteret. Et è contrario ſcriptos tertio gradu ad improbas ſpes concipiendas, & Auguſti hēredes primo ſecundoq. loco ſcriptos tollendos mouere poterat.

Ambitioni omnis fenestra claudenda. *Primæ dominantis ſpes in arduo ſunt; ubi fueris ingreſſus, ad ſunt ſtudia & miniſtri.* Iaſtantia verò & gloria ad poſteros, quæ cauſa à Tacito aſſertur, non mouere ſola debebat Auguſtum, vt anceps, & vel ad ſalutem vel exitium ambiguum vſurparet conſilium.

Ea ſola ſpecies adulationis ſupererat) quæ ſcilicet libertatem præ ſe ferebat, cùm re ipſa adulatio eſſet. Cuius exemplum extat infrà lib. 111. annal. vbi cùm Tiberius L. Ennium ob friuolam cauſam maiestatis poſtulatam inter reos recipi nolle, Ateius Capito, quaſi per libertatem, non debere patribus eripi vim ſtatueſſe aiebat, neq. tantum maleficiū impunè habendum. Sanè lenius eſſet Imperator in ſuo dolore, Reip. iniurias ne largiretur.

Libertatis improſperè repetita) vide ſupra ad verb.

Cun-

Cuncta discordijs civilibus fessa ; &c.

Cum occisus Cæsar alijs pessimum, alijs pulcherrimum facinus videretur) etiam nostri æui homines de cæde Cæsaris variè iudicant ; & de iustitia, vel iniquitate tyrannicidiorum variè disputant. Sed in isto controuersiarum genere temerarium est, sed & intutum pronunciare. Interim securissima est nostri Taciti sententia ; bonos Principes optandos : qualescunque, non aliter ac sterilitatem, hyemem, cæteraque naturæ mala tolerandos. Etiam magnum contra percussores tyrannorum, aut quorumcunq. Principum, præiudicium est occultum DEI iudicium. Miramur sæpè, & cum horrore occulto intuemur DEI Opt. Max. iustitiam, Principum, hoc est, vicariorum suorum iniurias cædesq. scuerissimè vindicantem. Plenè sunt omnes historiæ talium exemplorū. Sed ego maximè eminentia adducam. Percussorum Cæsaris neq. triennio quisquam amplius superuixit, neq. sua morte defunctus est. Damnati omnes, alius alio casu perierunt ; pars naufragio, pars prælio : nonnulli semet eodem illo pugione, quo Cæsarem violauerant, interemerunt. (*Sueton. in Jul. cap. ult.*) Rodolphus Sueuicæ Dux, cum contra Henricum IV. Imperatorem, dominum suum conspirasset, in prælio dextrâ, qua illi fidei iusiurandum præstiterat, amisit : ex eoque vulnere mortuus est. (*Helmoldus in (breuico) Slauior. lib. i. c. xxvi i i.*) In actis posteriorum Imperatorum Constantinopolitanorum euidentissima diuinæ Nemesis iudicia cernuntur : quæ huc adscribere nimis longum esset. Adolpho Nassouio, in prælio ad Spiram cæso, quotquot vel locij fuerant fœderis contra eum initi, vel fœdera-

deratis auxilia tulerant, pœnas dederunt. Comes de Hagerloch occisus : Otto de Ochsenstein submersus aquis : Episcopus Moguntinus in sella sedens apoplexia extinctus : Episcopi Argentinenſis latus gladio famulus hausit; Comes de Leiningen Phrenitide correptus : & Albertus Austriacus, qui ipsi successit à fratris filio Ioanne trucidatus est : qui tamē & ipse cum coniuratis ultionem diuinam sensit. Nam VValterus de Escembach tota vita pastorem agens, post triginta annos miserè moriturus nomen suum manifestauit. Rodolphus de VVart equi caudæ alligatur, & fractis rota membris necatus est. Ioannes profugus per syluas & ferarum latibula Pisis tandem perpetuo carceri mancipatus est. Vlricus de Palm Basileæ latitans, in domo, quæ vocatur Conuersarū, miserè obiit (*Cuspinianus in Adulpho & Alberto*) De exercitu illo ingenti, qui deserto Mauritio ad Phocam tyrannum desciiuit; adeoque miserrimæ necis Mauritio causa fuit, alij in conflictu, alij vlticibus fulminum ignibus, alij fame & egestate, alij deniq̃ gladiō periere. Auget miraculum, quòd cum Heraclius, qui Phocam proximè secutus est, copiarum numerum inijsset, duos omnino ex tanta multitudine, quæ dominum prodiderat, superstites inuenit. (*Theophilactus Simocata* v. 11. *historiarum*) Gabriel Comes Mongomerius cūm Henricum II. Galliæ Regem in equestri certamine imprudens lethali vulnere laxisset, post quindecim annos, reuera nullo alio crimine nocens, securi percussus est. (*Thuanus*) Quo insigni exēplo omnes discant, solocalū non consilio tantū nocentes effici, quicunque vel imprudentes perniciem principibus attulerint.

Quòd

Quod idem dies accepti quondam imperij princeps, & vice
 supremus: quod Nole in domo & cubiculo, in quo pater eius O-
 ctavianus, vitam finivisset.) sunt qui certos statosq; dies si-
 bi suisq; felices aut infastos esse, siue vera siue supersti-
 tiosa obseruatione notarunt. Turcæ totum mensem
 Augustum conatibus suis felicem esse, autumant. Illo
 Magnus Ismael in Calderanis campis, & Campso Gau-
 rus Memphiticus Rex ad Singam deuicti, & Metone
 in Peloponnese à Baiazete in potestatem redacta, &
 Zigetum captum est; &, quod maiorem facit miratio-
 nem iv. Cal. Septemb. qui vulgo est vicesimus nonus
 Augusti, & Rhodus & Buda, & Belgradum expugnata
 & Ludouicus Rex ad Mohazium cæsus est. (*Tibullus*
lib. xxxvii.) Anno Christi M. D. LXVII. Gotha, &
 in ea Ioannes Fridericus Saxo, die quam Misericordias
 Domini vocat Ecclesia, captus est: qua die ac penè hora
 antè viginti annos Ioannes Fridericus Septem vir, eius
 parens apud Mulbergam à Carolo V. acie victus atque
 captus est. Cæterum, vt temporibus, ita personis quo-
 que, certa omina inesse creditur. Indeque notatum est,
 regna, & imperia plerunq. vel concidisse, vel saltem in-
 signem subiisse mutationem, sub principibus cogno-
 minibus primis imperij auctoribus. Persarum regnum
 sub Dario & Cyro cæptum, altero Dario imperante, eor-
 ruit. Idè accidit in Macedonico regno; cuius primam in-
 cremeta fuerunt sub Philippo Alex. finis Philippo Persei
 patre. Libera Roma facta est, auctore L. Bruto; in domi-
 natione recidit, temporib. M. Bruti. Cōstant. Magnus im-
 perij Bizantini fundator fuit: quod euersum atque ad
 Turcas translatum est, imperante Constantino ex fa-

milia Palæologorum; & horum vterq. matrem habuit, Helenam nomine. Balduinus primus ex latinis eripuit Constantinopolis imperium Græcis; Græci ab altero Balduino id receperunt. Primus Veteris Romæ post euersam libertatem Dominus Octavius Augustus fuit: vltimus Augustulus, cui imperium extorsit Odoacer Herulus. Ezelini Patauinorum tyranni condita ab Alberico gentis in eodem nomine desijt. Urbano II. Pontifice Maximo Hierosolyma recepta à paganis, Urbano Tertio reciderunt in seruitutem. Heraclius Cæsar de Cosdroe Persisq. Sanctam Crucem recuperauit; Heraclio Patriarcha rursus amissa est. Primo Lusitaniæ Comiti nomen fuit Henricus: vltimo Rege Henrico defuncto, ad Hispanos illud regnum transijt. Hæc quid sunt, quàm

Sydyus, & occulti miranda potentia fati?

Ad arma ciuilia actum, que neque parari possent, neq. haberi per bonas artes) Quemadmodum caloris vi non modo sicca, verùm etiam, quæ in propinquo sunt, humida, absumuntur: ita bella, etiam quæ iusta causa suscipiuntur, nefanda quæq. opera, cædes, stupra, sacrilegia secum trahunt. Nemo Martem ita in potestate habet, vt nusquam exorbitet. Nulla ducis prudentia, nulla industria, nulla seueritas tanta vnquam fuit, quæ hoc potuerit efficere, vt quod natura noxium est, fieret innoxium. Vbi tantum armorum (*Verba Theodorici Gothorum Regis sunt apud Aemilium lib. I. de r. b. Franc.*) corporumq. sub signis stabit, quis cruori legem dabit, ynde, & quantus fluat. Ad ista facinora qui sponte prouolat, nullam illorum potest à iusto DEO sperare veniam: nec qui ne-
ces-

cessitate trahitur excusatur, si non animum habet, bellum pace commutandi, ubi prima fuerit occasio in civilibus maximè armis; quæ, ut noster Tacitus ait, neque parari possunt, neque haberi per bonas artes. In pace causa & merita spectantur, ubi bellum ingruit, innocentes ac noxii iuxta eadunt.

Non aliud discordantis Patriæ &c.) dixi supra ad verba, cuncta discordijs civilibus fessa &c.

Principis nomine) vide supra ad verba, eadem Magistratuum vocabula &c.

Pauca admodum vi tractata, quo cæteris quies esset.) hæc nos paullo post explicabimus.

Vita eius variè extollebatur &c.) de viuo Principe vix unquam vera dici scribiuè possunt. Viuorum enim, sicut Velleius ait, ut magna admiratio, ita difficilis censura est. Quamobrem suspecta non sine ratione habentur rerum gestarum monumenta, quæ de spirantibus adhuc Principibus litteris consignantur. Historia de viuo scripta premenda est: eiusq. euulgatio in eam temporum felicitatem differenda, qua sentire quæ velis, & quæ sentias, dicere liceat.

Ut ab uno regeretur) certa regula traditur, non ad institutionem modò, sed & reformationem Rerump. vniuersi imperium necessario requiri: & nullam Rempublicam, nullum regnum, siue à primis inijs rectè institui, siue iam antè male formatum & institutū nouis planè legibus rectè emendari posse, nisi huius rei potestas ab vno solo dependeat. Multitudo igitur consulentiū potius apta est conseruandis legibus, quàm ijs excogitandis ferendisquè. Cleomenes exactis Ephoris ad se-

Spartanz vrbis, in qua nullis tunc legibus locus erat, imperium traxit. (*Plutarchus in Cleomene*) Augustus Cæsar, occiso Antonio, amoto Lepido sui iuris Roman fecit. & hac ratione Romuli cadem fraternam, & Titij Tatij necem, tanquam necessariam constituendæ Romanæ Reip. defendit aut excusat Machiauellus. Impiè! scelestè!

Proscriptionem Civium, diuisiones agrorum; ne ipsis quidem qui fecere laudatas.) in nouo Principatu alijs rem edijs Tyrannus, qui vi aut fraude dominationem occupauit, insistere debet; alijs legitimus Princeps, qui iure, legibus aut moribus regno potitur. Quamquam non ab omni violenti consilio tyrannis argui potest. Sunt quædam solius tyrannidis propria; quædam bonis Principibus cum tyrannis communia: & solo sine bona vel mala. A me nemo requirat, iusta ab iniustis, moderati Principatus & tyrannidis subsidia munimenta-que separatim tradere. Nimie temeritatis, sed & capitalis audaciæ foret, censorem me constituere sine suffragio, actionum quas nisi à Maximo DEO iudicari nefas est. Mihi propositum, vt alibi (quod semel profiteri sat est,) ita hic quoq., non quæ Principes decent, sed quæ facere solent, historia monstrante viam, tradere. nulla hic iuris, æqui bonique quæstio. de facto, de consilio Principum tractatur: iuris disceptatio alijs relinquitur. Igitur, cum naturali ratione conuincamur, quibus quidq. artibus comparatum est, ijs facile conseruari: consequitur, vi fraudeq., aut omnino inuitis gentibus (quod & sine iniusta vi, fraudeq. contingere potest) parua imperia, violentis modis conseruari: &

vt alicubi Seneca inquit, scelera sceleribus tuenda esse. Si enim verum est, Principes ante omnia operam dare debere, vt regnent sine emulo; & si nunquam securus est Princeps, in nouo regno, quamdiu viuunt, qui inde exacti sūt vel qui fortiori iure in illo niti se existimant: quis non videt, *periculum ex misericordia*, (Tacit. i. i. hist.) & tollendum omnimodo esse sanguinem priorum Regum, sc̄iendum in insignes viros, atque adē omnem formidolosam Virtutem; deniq. liētores, delatores, Carnifices, cruces, & secures vnica incolumitatis munita esse: cū clementia nunquam extingui possit odij, semel concepti rabies, & desiderium perpetuum vindicandi vel suas vel patrię iniurias. Quod vel solius Cęsaris exemplo manifestum est; qui indulgentia sua illorum, quibus incautē ignouerat, coniurationibus locum fecit. Contrā Tiberius Cęsar, cū se in Augusti familiam irrepsisse, aliosq. ex Augusti sanguine se potiores superesse sciret, indeque omnem magnam Virtutem odisset, timeretq.; ferro & venenis sibi securitatem peperit crudelissimus hominum, & lutum sanguine maceratum. Augustus quoq. Cęsar, mitissimus alioquin Princeps, non feritate animi, aut innata crudelitate, sed necessitate, quę violentos regnorum occupatores tenet, adactus, ad sc̄uissimam Nobilitatis Romanę proscriptionem descendit. Vnde Tacitus hoc loco, *proscriptionem Ciuum, diuisiones agrorū, ne ipsis quidem qui fecere, laudatas fuisse*, scribit.

Vt non mirum sit, quosdam Tyrannorum non modō tranquillo imperio gauisos, sed & suā morte obijisse. Cū enim hi omnem crudelitatem in Regni pri-
mor-

mordijs plerunq. vno impetu effuderint, & *quedam vi tractarint, quo ceteris quies esset*, accidit plerunq., vt homines dementati noua Principis benignitate atq; munificentia præteritæ sæuitiæ obliuiscantur. Quod iam allato Augusti exemplo, & Agathoclis Siciliæ Regis, qui quamquam fraude cædibusq; Syracusarum tyrannidem habebat, tamen nullius vnquam insidijs aut confuratione petitus legitur, manifestum fit. Ceterum qui cruore delectantur, qui Regni sui non auspicia modo, sed continuata tempora supplicijs insighiunt, quib. miserum senectutis instrumentum est, perpetuò exercitiæ crudelitatis recordatio, non modò si violenter occupauerunt imperia, sed & legitimi Principes suorum conspirationibus, & plerunq. violèta morte in historia memorantur. Et in his illud Satyrici verum est,

*Ad generum Cereris sine cade & sanguine pauci
Descendunt Reges, & sicca morte Tyranni.*

Tiberius tamen, quanquam tota vita crudelissimus & sua morte defunctus, & nullas in caput suum conspirationes expertus est. Sed erat ille recta semper crudelitate, & *subdolis fingendis Virtutibus* (Tacitus 1 v. Annal.) & Seianum, cæteraq. sæuitiæ instrumenta ipse, vbi satis vsus erat, peruertebat; nec nisi vltimis vitæ suæ annis, in scelera simul ac dedecora, quæ tamen Caprearum diuerticulo procul Roma occultabantur, prorupit. Verum enim vero, quod quosdam Principum crudelitate semel effusa regnum sibi firmasse diximus, id quidem Augusti atq. Agathoclis exemplis satis comprobatur: sed sunt in contrarium quoq. qui infausto exitu idem

tentarunt. Ferdinandus Albæ Dux Belgarum Proce-
 rum primos, Egmondanum & Hornanum capite ple-
 xit; arbitratus *nihil ausuram plebem, principibus amo-
 ris.* Quam autem infelicitè successerit hoc consilium,
 nouit orbis. Prudentius olim Vitellius Iulium Ciui-
 lem periculo, quod ei ab iratis militibus impendebat,
exemit, prapotentem inter Batauos, inquit Tacitus (*lib. I.
 histor.*) *ne supplicio eius ferox gens alienaretur.* Ecce dome-
 sticum illius gentis exemplum; cuius imitator esse de-
 buerat Albanus. Athenarum Dux à Florentinis ad or-
 dinandam Rempublicam suam vocatus, cùm iisdem
 insisteret modis, per seditionem vrbe pulsus est. (*Leo-
 nardus Aretinus, Scipio Amiratus in historia Florentina.*) Ni-
 colaus Carrariensis supplicio Conradi Vigontii, exulis
 quidem, sed præualidi clientelis in vrbe Patauina, ani-
 mos ciuium ita exasperauit, vt vocato Cani Scaligero
 vrbe tradiderint. (*Jo. Bapt. Pagn. iv. histor. Atestin.*)
 Sciendum igitur, Tarquinianum istud consilium deca-
 pitandi summa papauerum nemini prosperè succede-
 re, nisi qui iisdem, quib. Augustus & Agathocles, sub-
 sidiis se instructum sciat. Erat Agathocles Carthagi-
 nensium fultus classe, qua Patrię seruitutem imponere
 facile ipsi fuit. Augustus præter fauorabile Cæsarum
 nomen legionibus armatis, & Aquilis Romanis, quib.
 imperii salus continebatur, nitebatur. Illæ suum nu-
 tum spectabant, & quos olim pro Roma strinxerant
 gladios, tunc in illam expedire parati erant: vt facili-
 mum foret, iisdem armis quibus nobilitatem sustule-
 rat, populares quoq. seditiones, si quæ exorta fuissent,
 comprimere. Cæteri, quorum non est eadem condi-
 tio,

tio, quales Albanus & Athenarum Duces fuerunt, cum quæ crudeliter egerunt, vi armisq. defendere non possent, indignationi & furori populari expositi remanent. In his igitur securior modus est, alere diuisiones illas inter Populum & Optimates, quæ libertate fugata Dominum accersiuerant, & paullatim, nec sentientibus iugum imponere: quod quibus artibus obtineri possit, ex ijs quæ alibi docebimus, apparebit.

Quamquam fas sit priuata odia publicis utilitatibus remittere) exempla magnanimorum hominum, qui suas iniurias Reip. condonarunt, retulit ad hunc locum Scipio Amiratus, quæ non transcribo.

Pompeium imagine pacis) Sextus Pompeius bello contra Octauium tenebat Siciliam & Sardiniam, tuebatur se locis firmis, & famem inopiamq. Italiæ importabat: Vinci nunquam potuit, nisi breui pace. Ea pax cum illo est; exules recepti, & vires abductæ; corruptus eius miles, & quid dicam? terribilis ille, & paullò antè Neptunus, vix vna naui effugit, ceruices gladio præbuit; & intra annum extinctum totum bellum. Verus hoc nouum fieri posse ac debere, in bello nupero Regis Hispaniarum contra Belgas fœderatos suasis Iustus Lipsius in consultatione, quæ extat apud Rodolphum Botereum in historia. Bellum, inquit Lipsius, cum Batauis hæcætenus infelix, nec nunc felicius, nisi in tota facie rei aliquid imutetur. Loca valida omnia habent, loca opportuna, militem exercitatum, & satis bonum, victorijs animosum; ordinem aliquem in ærario, & tota gubernatione, quamdiu bellum & metus est, haud facile soluendum. Vt ista remittantur, &

amit-

amittantur, pax aliqua sit & quies: quæ nunquam in talibus bellis inita sine bono aperto Regis. Maiestas illa nominis, & occultum in animis vinculum illos trahit, aut potius extrahit, qui malè abierunt: quidam gaudebunt, datū sic regressum. Centeni aliquot homines aut milleni ad Regem vltro redibunt, si occasio redeundi suggeratur. Hæc præsidia hostibus detrahimus: & amplius in plebeia aut plurium illa gubernatione occasiones inter ipsos dissidijs damus. Mihi crede, habent odia, factiones, & sua vulnera: sed occuluntur ea omnia, intendente magno illo metu, qui æqualiter tangit omnes. Remitte paullulum: ad ingenia & vitia sua redibunt: vt boues instante Lupo cocūt capita & cornua iungunt: abeunte quisq; sibi pascit. Hæc Lipsius: cuius consilium hæctenus secuti videntur Hispani; nec omnino irritò conatu. Vix ab Rege metus cesserat, cum prorupere in dissidia, & factiones Proceres & Populus. Plus Hispanus duodecemnalib. inducijs, quàm quadraginta annorum bellis profecit. Et simili consilio callidissimus dolorum fabricator Tiberius Germanicum monet: se nouies à Diuo Augusto in Germanias missum, plura consilio quàm vi perfecisse. Sic Sugambros in deditiōem acceptos, sic Sueuos, Regemq. Maroboduū pace obstrictum. Posse & Cheruscos ceterasq. rebellium gētes, quando Romanæ vltioni consultum esset, *internis discordijs relinqui.* (Tac. II. *Annal.*) Ex quo verum esse apparet, instrui belli artibus in nostram perniciem, cum quib. assidua & continua bella gerimus. Fortuna belli artem victos quoque docet. (*Q. Curtius vii.*)

Inde apud Thucydidem (lib. I.) Corinthij bellum gerendo cum Atheniensibus (ij tunc rei naualis peritia cunctis Græcis longè erant superiores,) se quoq. bellicarum rerum scientiam adepturos sperant. Ipsi Athenienses agrestes primùm & armorum rudes bellando cum Persis bellare didicerunt. Ægyptij diuturnitate bellorum, ac toties viribus cum Christianis Hierosolymitanis collatis artes bellicas apprehendere. (*Paulus Æmil.* v. 11.) Veteres Germani longa aduersus Romanos militia insueuerunt signa sequi, subsidij firmari, dicta Imperatorum accipere. (*Tacit. II. Annal.*) Cùm Agesilaus in bello contra Thebanos vulneratus esset, Antalcidas, bonum factum! exclamauit. quidni hanc mercedem recipiat ab illis, quos arma tractare docuit? Lycurgus legibus suis prohibuit aduersus eosdem sæpius pugnare (*Plutarch.*) Cùm enim acerrima illa virtus sit, quam vltima exprimit necessitas, nihil tam triste aut difficile est, quo non ad pulchra vulnera, contemptumq. mortis excitentur hi, qui pro aris focisq., pro liberis & vxoribus dimicare coguntur. Itaq. ipsis periculis prudentiores fiunt, & à fortuna multis rebus ereptis, vsum accipiunt bene consulendi. Inde Turcarum Imperatores nunquam diuturnum cum Christiano aliquo Principe bellum gessisse, Ioannes Boterus, & Traianus Boccalinus testantur; quadruplici, opinor, fine. Primò, ne innumerabilibus exercitibus, quibus diu alendis nulla regna, nullæ Prouinciæ sufficere possunt, subacti populi ita affligantur, vt longo post tempore spiritum atq. vires recipere nequeant, adeoq. imperantibus inutiles sint. Deinde

inde ne longo bello fortem, inuigilantem & ad omnia intentum hostem efficiant : utq; postea redituris securum & pace emollitum adoriri liceat : & ipsi veteranum semper militem, nostri nouum inexpertumque habeant. Tertiò, quia longo usu didicerunt illi, malè sanum esse consilium, gentes numero infinitas, locorum spatio immensas percurrere, quæ deinde obtineri nequeant. Corpora enim nostra pinguescere edendo pauca, & benè digerendo : vomitu reddere, qui supra ventriculi vires ingerunt. Subactas gentes, non eodè quo vincuntur, prælio domari. Tempore, industria, pace opus esse. Deniq; verendum quoq; Turcis est, ne nimijs progressibus, & suspecta finium propinquitate Principum Christianorum alto somno sepulcorum potentem indignationem in se concitent : eamq; fuisse causam Traianus Boccalinus scribit, ob quam ab vltimis in Hungaria bellis destiterunt Turcæ : ne scilicet Viennæ Austriæ, fortissimi Germaniæ & Italiæ propugnaculi amissio Germanorum & Italorum terribilem vim irritaret. Itali bellicam suam scientiam ab illis, quæ ultra alpes sunt, gentibus, habent. Ante Caroli Galliæ Regis in Italiam aduentum, cum in bellis longè maior esset grauis armaturæ equitum, quàm pedirum usus, & tormenta muralia ad trahendum vehendumq; incommodissima, quamuis crebra prælia commitebantur, tamen intra paucos strages consisterbat; interdum ne vnus quidem cadebat. Etenim ferreis laminis totis coopertis, mortis periculum, si quando equis deijcerentur, deditione effugere facillimum erat. Oppida aut castella, non quidem defensorum peritia, sed

obsidentium ignauia tam facile seruabantur, vt nulla esset adeò parua aut neglecta sedes, quæ vel maximas hostium copias per multos dies non sustineret; adeòq. difficilimum esset, alijs possessa occupare. (*Guicciardinus xv. histor.*) Historiæ Florentinæ scriptor ait tantam exercituum illa tempestate ignauiam fuisse, vt vel vnus equus caput aut caudam mouendo hostibus terrorem incuteret. In prælio quodam inter Venetos & Florentinos, quamuis id ab exoriente ad medium vsq. diē protraheretur, nemo tamen ex tantis copijs occubuit. equi tantum aliquot vulnerati, & præterea equites aliquot capti sunt. In alio quodam prælio capta equitum tria millia, ac mille pedites; quatuor omnino cæsi, vulnerati triginta. (*Petrus Justinianus vii. historia Veneta.*) Iterum alibi, cum quatuor horas durasset pugna, præter vnum equitem, nullus occubuit: atq; ne is quidem vulneribus confectus, sed equo excussus & contritus animam efflauit. Porro, quæ in acie militum istorum fuit imbellia, eadem erat in expugnandis oppidis aut castellis ignauia. Quamuis exigua arx maximos exercitus sustinere poterat. Itaq; præstabat singulis in turribus præsidia collocare: quippe modica ad id impensa sufficiebat, & ab validiore hoste canapo pulsi retinebāt tamen arces. (*Pign. xv. histor. Atest.*) Alphonsus Rex Neapolis Fluuianum Castellum exiguum nec situ nec opere, nec idoneis defensoribus munitum ante trigessimum diem expugnare non potuit. Castellinum nullare ad sustinendam obsidionem instructum, cum quadraginta quatuor dies oppugnasset, cum ignominia relinquere coactus est. Tanta nimirum ferocia exerciti-

citibus, tantum periculum à bellis istius temporis erat, ut municipia, aut castella, quæ hoc seculo, tanquam nullo modo ad defensionem comparata, deferi conspiciamus, tunc temporis, quasi nulla ratione expugnari possent, defenderentur. Verùm ubi Carolus Rex in Italiam primùm pedem intulit, nouarum gentium terror, peditatus ad aliam belligerandi rationem instructi ferocitas, & præcipuè tormentorum tonitrua tanto vniuersam Italiam terrore repleuerant, ut ijs, qui acie se opponere non audebant, nulla relicta esset salutis spes. Quippe ubi ad vrbium oppugnationem ventum erat, homines imperiti in deditione salutem querebāt: & si defensio parabatur, eundem intra diem capta patrataq. obsidio. Sic Regnum Neapolitanum & Insurbria eodem ferè die & oppugnata & victa. Sic Veneti vnico profligati prælio omni continētis imperio cesserunt. Sic Gallis nec conspectis quidem Mediolanum hostes deseruerunt. Ergo ceperunt deinde hominum ingenia, offensionum acerbitate perterre facta, ad pugnandi ratione, inueniendas acui; oppida aggeribus, fossis, vallis, alijsq. operibus bellicis muniri: vnde vrbes ad maximam sunt redactæ securitatem, & homines vniuersas belli artes perdidicere.

Sed Lepidum specie amicitia deceptos.) O igitur miseram sæpè Regum potentiam! in qua raræ felicitatis est ad bona priuatorum, nec suspecti commercij humanitatem peruenire. Priuatorum liminibus vera amicitia includitur; Pax gentium & incolumitas regnorum non amicitia vicinorum, non fœderibus, sed ar-

mo-

morum metu sustinetur. Et profectò intuenti mihi, quæ in aula geruntur, & Principum sortem, quib. præcipua rerum ad famam dirigenda, & deniq. totum aurali liminis genium; videtur illud simile tabernæ; in qua fuci venduntur; vbi nihil est syncerum; omnia personata, & ad fallendum facta. Peruicacissima ars aularum est; amorem fingere. Omitto dicere infidas spes, & trepidos metus, & nunquam quieta aulicorum vota. Ipsorum Principum inter se gesta vide: fucis scatent & dolis, quos necessitas & imperij salus & penè honestum iubent. Rara est inter illos vera, nec utilitatis spe rumpenda amicitia; & quæ, ut inter priuatos, sola Virtutis pulchritudine placeat. Et quamquam alio mercimonij genere de honestari creditur familiæ claritudo; tamen amicitijs tanquam negotiatione, augerem, regium habetur: ut nec fœdera, nec sanctissima fidei pignora, suo vinculo, nisi utilitas subsit, ligent. Et non minus verè quàm falsè & argutè Boccalinus dixit, fumum vendere priuatis interdictum, solum Regum mercaturam esse: (*Boccal. cent. ii. cap. lxx.*) & alibi, omnes lineas actionum regiarum concurrere in vnu centrum, quod est; euacuare focij loculos, & inde implere suos: (*cent. i. cap. i. l.*) Inde solemne est Principibus, qui occultas simultates inter se gerunt, donec in aperta bella istæ erumpent, interim donis, & muneribus, & legationibus noua regna, coniugia, victorias, natum regni heredem gratulari, & omnia beneuoli animi signa vtilissima simulatione præferre.

Poss. Antonium Tarentino Brundisinoq. fœdere.) In fœderum conuentione mutua quidem defensio, aut publi-

blicum bonum prætenditur; sed quoniam suum quisque commodum spectet, minimè in societatem venturus periculorum alienorum, nisi magnum inde ad se emolumentum peruenturum speraret, dubitari non debet. diuersi enim sociorum fines sunt, qui animos & vires plerunq; in diuersa trahunt. ex communi aqua in suum quisq; fundum ducit. & dum quisq. suis rebus consulit, commune bonum negligitur. Subsidia neq. paria, neq. eo tempore, quo constitutum est, submittuntur. Hinc suspiciones, querelæ, animorum alienatio; hinc dissidia, & fœderis distractio ac desertio. Inde Guicciardinus (11. *histor.*) inquit, fœdera inter multos icta ea firmitate non esse, ut sperari non possit, vnum fœderatorum aut remissiore fore, aut ab alijs disiectum iri: cum citò primi impetus deferuere, citò varietate sententiarum inter eos exorta fides debilitari soleat. Plus dicit alius quidam, sicuti Romanis olim salutare remedium contra Tribunitiam ambitionem fuit ipsa multitudo Tribunorum; ob quam semper illorum vnus in partes senatus pertrahi potuit, qui deinde collegis intercederet; ita semper Principi auxilio etiam esse posse ipsam hostium in suam perniciem fœderatorum multitudinem; quorum vnus, indulgendo ei, quæ priuatim sibi querit, facile à fœdere abduci possit. Quo intuitu Franciscus Sforza Ludouico XI. Franciæ Regi Procerum suorum rebellione agitato suasisit, ut in dissimili cuiusq. causa singulis eorum suam spem obijceret; nihil denegaret. Ita res illorum retrò ituras; ac arte disiecto præsentis belli conatu cetera procliua fore reb. ex sententia componendis. (*Æmilius lib. x. de reb.*

gest. Franç.) Et eodem respectu apud Guicciardinum dicitur, poenitentia ductos Venetos, quod Fauentię restitutione Pontificem à fœdere cum Maximiliano Cæsare, & Ludouico Galliarum Rege inito, non alienassent. Deniq; pro generali regula quidam (v. *Iou. in vita Sforz.*) tradit, cum uno ex tribus hostibus pacem, cum altero inducias, cum tertio bellum faciendum.

Pleraq; igitur fœdera, vel quod vni partium satisfactum est, vel quòd non ea quę sperabatur inde redundet vtilitas, vel quòd turpilucricupiditas ista denique detegatur, dissoluuntur. Exempla sunt, de Atheniensibus & socijs apud Thucydidem; (lib. vi.) de fœdere inter Macedones, Achæos, & Epirotas icto, apud Polybium; (lib. iv.) item inter Anglos & Hispanos contra Gallię Regem apud Guicciardinum; (lib. xi.) à quo post acquisitum Nauarræ Regnum resiliit Ferdinandus Hispanus; nec adigi potuit vllò modo, vt arma sua Anglis vltra iungeret. quò factum est, vt ipsis etiam re infecta domum redire necesse fuerit. Nec felicius successit fœdus inter Alexandrum VI. Pontificem, Reges Gallię, Hispanię, Lusitanię, & Rempub. Venetam contra Turcas magna hominum expectatione conclusum: Venetis quidem cum Gallis in Mari Ægeò quędam prosperè cesserunt; sed primo anno reliquorum foederatorum vires frustra expectatę, & sequenti torum fœdus spongia confossum est; propter dissidia ob Regni Neapolitani diuisionem inter Galium & Hispanum exorta. Ludouicus XII. Galliæ Rex, posthabita, quam cum Venetis sanxerat, amicitia, in eorum exitium penè omnes Europæ Principes exciuit;

& Franciscus I. Rex, cùm illi pacificationis cum Cæsare ipes affulisset, neglectis Venetis solus cum Carolo cōuenit, amica Rep. exposita grauissimis periculis. Ex Coniacensi fœdere, quo Franciscus Galliæ Rex, Clemēs Pontifex Maximus ac Resp. Veneta sociatis armis libertatem tueri, ac nimix Cæsaris potentiæ obsistere decreuerant, nullus initio erat, qui tot copiarum terrarumq. paratu breui Italiam in pristinum statum restituendam non arbitraretur: re tamen atq; experientia, vt sepè aliàs, ita tunc quoq; compertū est; fœdera plus auctoritate & fama, quàm viribus posse. Nam præter Laudem Pompeiam occupatam, & Cremonam deditione receptam nihil memoratu dignum gestum est; dum auxiliorum dilatione nihil satis tuto tentari poterat. A fœdere illo, quod inter Pontificem Max. Hispaniarum Regem, & Rempub. Veneram aduersus Turcas initum est, primi omnium Veneti, quòd Hispanum suas tantum vtilitates consecrari suspicarentur, recedere coacti sunt. quo facto ingens illa ad Naupactum victoria nihil omnino rei Christianæ profuit: & nostri acquisitis nauibus regna amiserunt. Et sanè sanctissima hæc Respub. quæ etiam Infidelibus fidem seruat, sepè iuriâ temporum, amicitias mutare, & seruandæ publicæ rei causa, ne frangeretur in scopulis obliquare cursum coacta est. Quod nos docet Paulus Paruta Eques & Procurator S. Marci, historiæ scriptor prudentissimus, quoq. nullus Guicciardini profundam sapientiam ciuilem feliciter expressit. Is (*v. historia Veneta*) Dominicum Triuifanum, primum illius Reip. Senatorem, & S. Marci Procuratorem his verbis in

Senatu perorantem inducit : cogimur parere necessitati temporum , & sæpè mutare voluntatem , propositum , amicos , & inimicos ; suspèctant habere omnem externam potentiam , timere multa , fidere paucis , & perpetua vigilantia aliorum actiones obseruare , vt ad illas instituamus nostras ; habentes in ista incōstantia vnum constantissimum & firmissimum propositum ; conseruationem status nostri , & magnitudinem Reipublicæ. Hæc Triuifanus : cui adstipulatur Leonardus Hemus homo grauis , consilij , vt vocant , Sapiens , domi forisq. varijs pro patria negocijs exercitus. Eius hæc sunt apud eundem Parutam (viii. histor.) verba : Non dubitauimus accedere modò huic , modò alij , quo modo nobis suadebat temporum ratio & vtilitas nostra . Tertius decimus nunc annus est , cùm Regi Franciæ fœdere iuncti essemus . Verùm adolescentibus Cæsarianarum partium viribus in Italia , nec comparentibus Francicis auxilijs , vt impossibile videretur imperiū hostis sustinere , Cæsaris fortunæ cessimus : secuti consilium , quod nobis suggerebat securitas rerum nostrarum . Cæsaris desiderijs morem gerentes residuum Gallicorum exercituum Italia eiecimus . Verùm paullò post resurgente Gallica factione , cùm ipse Frânciscus Rex expeditionem suo ductu adornaret , relicto , quod cum Cæsare nobis intercedebat , federe , veterem cum Gallo amicitiam confirmauimus : cui cùm aduersè omnia & contra opinionem successissent ; dissipato exercitu , & ipso Rege capto , vt victoris impotentie tempore obuiam iremus , denuò cum Cæsare pacti sumus : cuius magnitudo atq. potentia cùm inciperet es-

se suspecta, ut primum in Franciæ Rege iam tunc liberato expeditorum annorum cupidinem aduertimus. socios nos illi præbuimus exigendis ex Italia Casariensis. Hæc non omninò duorum annorum spacio gesta sunt. Et cerre sapiens fuit consilium seruire temporibus: hoc enim Remp. seruauimus eiq. cum dignitate pacem restituiumus. Hæc Hemus.

Nuptijs sororis illeçtum) quod de fœderibus dictum est, etiam in affinitatibus Principum fieri assolet. Sparguntur à Regibus filiæ, aut sorores, in eos, quos fallere amicitie specie volunt, vel ad tempus placare: nihilq. deinde sui sanguinis pignoribus, nihil nominum, quæ mutuò inierunt, reuerentia moti, pacem & bella ex temporum & fortunæ æstimant ingenio. Ita Arrubas, Rex Molossorum, dum sperat affinitate Philippi Macedonum Regis incrementa Regni, proprio regno ab eodem priuatus in exilio consenuit. (*Justin. viii.*) Hac arte ab Augusto Antonius *Triumuir nuptijs sororis illeçtus subdole affinitatis penas morte exsoluit: (Tacitus hic.)* & Saulus Hebræorum Rex Michaelâ filiam Dauidi sibi inuiso in matrimonium tradidit, quò promptius ipsum subuerteret. Priuatorum est, eligere matrimonia ex amicitie affectu, vel morum concordia; Regibus ista suauitas exuenda. Horum enim ea fortuna est, ut nunc indignos & exosos per sanctissima federa sibi coniungant, nunc omnium nexuum iura omnisq. sanguinis necessitudinem inhumana crudelitas negligat. Charissimus est, qui præcipua utilitate potentiam alit; & affinitates pulcherrimè censentur, quæcunq. Regnum stabiliunt. Carolo VIII. Galliæ Regi Margarita Ma-

ximiliani Imperatoris filia desponsa erat : quam ille ,
 cum iam aliquot annorum moram in Gallia fecisset ,
 non aliam ab ea causam repudiavit , quàm ut Annam cum
 amplissima dote Britanniae Armoricae , quae morte pa-
 tris sine mascula prole defuncti ad eam devoluebatur ,
 uxorem ducere posset (*Guicciard. 1. histor.*) quam dein-
 de viduam factam Ludouicus XII. repudiata priore u-
 xore , quae Caroli VII. soror fuerat , eandem ob cau-
 sam sibi coniugem fecit ; quæsito colore , quasi prior illa
 ingratis sibi à fratre collocata fuisset . (*Guicciar. lib. 111.
 histor. vide Boccac. Cent. 11. cap. 87.*)

Lollianus, Variansq. (lades :) mos est vulgo , fortuita
 ad culpam trahere . de quo commodior dicendi locus
 erit infra libro quarto .

Consulti per ludibrium Pontifices .) ita Principes religio-
 ne ludunt : omnium actionum suarum auctorem Deum
 faciunt ; Religionis & iustitiae titulo ambitionem suam
 velantes : Suum quisq. bellum sacrum prædicat , ho-
 stes quisq. suos impios dicitur , suam quisq. causam
 sanctam nominat . In ore omnium sanctum , piumpq.
 versatur : consilio , conatu , animo secus agitur . Theolo-
 gi , (*consilium conscientiae vocant*) & Iurisperiti ve-
 nale scylum propensioni Principum suorum accom-
 modant . Plura dicam inferius hoc ipso libro .

(*Comparatione deterrima sibi gloriam quaesivisse*) Augu-
 stus Tiberio , luto sanguine macerato imperium tradi-
 dit , quo ipse desiderabilior fieret : (*Suetonius in Tiberio
 cap. XXI.*) & ut hic loquitur Tacitus , quoniam adrogan-
 tiam , saevitiamq. eius intropexerat , *comparatione deterrima si-
 bi gloriam quaesivit* . Et ipse Tiberius gaudius dicitur , suc-
 cedere

cedere sibi Caligulam; quem deleturum flagitiorum suorum memoriam, scelerum magnitudine sperabat. (*Dio Cassius lib. lvi 11.*) Improbum consilium! Non alio magis approbatur animi magnitudo, quàm quòd optimus Princeps non timeat eligere meliorem. (*Plinius in Paneg. ad Traian.*) In Principe, qui electo successore, vita concessit, una, eademq. certissima diuinitatis fides est; bonus successor. (*Iustin. lib. xi 11.*) Virtutes successoris gloriosissimum sunt defuncti Principis epitaphium. (*Simocatta 1. histor.*) Natricem subiectis, & Phææthontem regno suo educat, qui impium filium successorem habet. (*v. Sueton. in Calig. cap. 11.*) Reges, qui prolis suæ educationem negligunt, Remp. negligunt; cuius salus à bona Principis institutione pendet. Minora sunt belli mala quam prauæ institutionis: quippe illa non nisi ad tempus durant; hæc, quoad uiuit Princeps. (*P. Matthe. in vita Philippæ Catanensis.*)

Quàm arduum, quàm subiectum fortune, regendi cuncta onus.) Vera quidem res est, sed si modò vera fatemur, omnibus istis difficultatibus ardentior est dominandi lubido.

Quibus vnus metus, si intelligere viderentur, non euulgasse modò Principum arcana, sed in ea inuitis illis penetrasse, sæpè capitale fuit tam infeliciter sagaci. Nemo sine certo exitio Tiberij sensuum abdita explorare poterat. (*Tacitus hic. Dio Cassius lib. lvi 11.*) P. Ouidius, cum nescio quid, quod Octavius Augustus nolle, in Senatu vidisset, solum vertere iussus est. Hinc eius vox;

Cur aliquid vidi? cur noxia lumina feci?

Liuius Augusta interrogata quibus artibus Augustum sibi conciliaffet; duabus, respondit; quod nec curiosè inquisiui in illius facta, et quamuis nota eius adulteria dissimulaui. (*Dio LVIII. adde quae dixi ad lib. II. verb. haut cunctatus est ultra Germ. &c.*)

Cum proferri libellum recitariq. iussit.) Suetonius in Augusto capite ultimo librum istum, de quo hic Cornelius noster, Breuiarium Imperij appellat. Opes publicæ, inquit Tacitus, continebatur. quantum ciuium, sociorumq. in armis: quot classes regna, prouinciæ, tributa, aut vectigalia, & necessitates ac largitiones. Quibus verbis gemina sunt illa apud Ciceronem; (*III. de legib.*) Est Senatori necessarium, nosse Rem publicam; idq. latè patet, quid habeat militum, quid valeat ærario, quos socios Resp. habeat, quos amicos, quos stipendiarios, qua quisq. conditione sit, lege, fœdere &c. Apud Thebas Ægyptias structis molibus legebantur indicta gentibus tributa, pondus argenti & auri, numerus armorum equorumq.; & dona templis, ebur atq. odores, quasq. copias frumenti & omnium utensilium quarq. natio penderet. (*Tacit. II. Annal.*) Assuerus Persarum Rex negotiorum regni diaria legisse scribitur. (*Hesler VI.*) Amurathes Turcarum Imperator omnium imperij negotiorum memorias scriptas habebat; tributorum, vectigalium, onerum, regnorum, virium; quas mensè ad id destinata in arcano cubiculo impositas perpetuè volutabat. (*Lazarus Superantius in Ottomano*) Has regni vires, hos neruos ita descriptos, soli Regi, & qui ei ab arcanis consilijs sunt, notos esse conuenit.

Vul-

Vulgas Scholaſticorum tripertito illo Theſauri politi-
ci opere, & alijs quibuſdam ſchedis hinc inde à falſarijs
quibuſdam diuenditis, omnem politicam ſapientiam
contineri putat. Plura quidem ibi tradita Reip. geren-
dæ præcepta contemnenda non ſunt: ſed opes publi-
cas, tributa, vectigalia, arma, vires, onera, aut, vt ipſi
vocant expenſas, certo pondere, numero, menſura, de-
finire ineptæ præſumptionis eſt. Vt enim taceam,
quod, vt dixi, ſolis Principibus nota ſunt, etiam mutan-
tur perpetuò, augentur, minuuntur, iſta, de quibus lo-
quimur, regnorum munimenta. Pace, bellis, peſtilen-
tia modò omnium bonorum affluentia, modo vaſtitas
inducitur. Vt ſtultiſſimi hominis ſit, ex præteritorum
temporum obſervatione de hodierna regnorum con-
ditione iudicare. Impius ille Hetruſcus de Germani-
ca & Gallica Rep. ſingulares libellos ſcripſit, menda-
tiſſimos falſiſſimoſq. ſi ad hæc tempora exigas. Sed
credo non abhorrentia à ſui cui conditione ſcripſiſ-
ſe.

*Addideratq. conſilium, coercendi intra terminos imperij in-
certum metu, an per inuidiam.*) crediderim ego, metu po-
tius feciſſe. Acceperat in Germania cladem Varianá:
belli ambigua expertus erat; longa pace Vrbs, Italia,
Prouincię respirabant: exteri Reges amici ſocijq. Po-
puli Romani appellabantur. Quo rerum ſtatu firman-
do nouo Principatui pax opus erat, non noua bella. Cę-
tera, quę de coercenda intra terminos imperiorũ ma-
gnitudine dici poſſunt, alibi diſſeruimus.

*Pridem in viſus, tanquàm ducta in matrimonium Viſpania
M. Agrippa filia, quæ quondam Tiberij Vxor fuerat, pluſquam
cui-*

ciuitia agitare,) inuisi Principibus fuere semper, qui ex regio sanguine ductis vxoribus regio fastigio imminere visi sunt; & quod plus est etiam' generos suos odio habuisse quidam leguntur. Saules Hebræorum Rex promissas Dauid filiæ nuptias cum protelare amplius non posset, ex eo timere generum cœpit. (1. *Regum* xviii.) Cum Bersabæa Salomonis Regis Mater alteri filiorum Adoniæ Abisacen, quæ patris olim senectutem fouerat, in matrimonium petiisset, Salomon, quare postulas, respondit Abisacen? pete & regnum. (111. *Regum* 11.) Tiberius Agrippinam maritum petentem repulit; *non ignarus, quantum ex Republica peteretur.* (Tacit. 1v. *Annal.*) Et idem Tiberius Seiano Liuiam Drusi olim vxorem negauit. Falleris, inquit ille, Seiane, si te mansurum in eodem ordine putas, & Liuiam, quæ Caio Cæsari, mox Druso nupta fuerat ea mente acturam, ut cum Equite Romano senescat. (Tacit. 1v. *Annal.*) Vitellius metu & odio Dolobellam, quod Petroniam vxorem eius in matrimonium accepisset Interamnæ interfici iussit. (Tacit. 11. *histor.*) Philippus Vicecomes filiam Francisco Sforziæ toties promissam, non nisi vi coactus collocauit. (*Blond. histor. ab inclinat. Rom. Imp. decade* 111. lib. 1v. & v. Jo. Bapt. Pigna lib. vi. & vii. *histor. Ateft.*) Carolus Audax Burgundiæ Dux cum modò Calabriæ Duci, modo Allobrogum Principi, modò Maximiliano Austriæ Duci, modò alijs, spem nuptiarum filiæ suæ faceret nulli tamen vsq. dùm vixit, eam despondere voluit. (*Philippus Comineus* 111. de *vita Ludouici* x1.) Infinitis alijs exemplis in historia passim obuijs supersedeo.

Pollionisque Asinij Patris ferociam retineret.) Antonius Contius, & Albericus Gentilis (*int. v. Cod. de leg. Jul. Maieſt.*) ex Ioanne Andrea referunt, iuſtè vereri Principem proditionem & ſcelus eorum, quorum parentes ſibi vel prædeceſſoribus hoſtes fuerunt. Exemplum notantur hæc. Bruti Regum exactoris progenies poſt quingentos annos in necem Cæſaris noui Regis coniurauit. De tribus Cornelijs, Sulla, Cinna, Lentulo notum eſt ex Salluſtio. Iam & Sp. Caſſius, & L. Caſſius, & C. Caſſius Chærea, & Auidius Caſſius hic ſunt: quorum primus damnatus hoc crimine pœnas luit: (*Linus*) ſecundus in principibus coniurationis Catilinarię fuit (*Saluſt. in Catilina.*) tertius auctor coniurationis in Cæſarem: (*Sueton. in Iulio cap. Lxxx.*) quartus princeps conſilio & manu in necem Caligulæ: (*Sueton. Dio lib. Lix.*) quintus deniq. damnatus coniurationis in Marcum. (*Xiphilinus lib. Lxxi.*)

Diuitem promptum, artibus egregijs, & pari fama publicè, ſuſpectabat.) Apud Tyrannos nobilitas, opès, omiſſi geſtigue honores pro crimine ſunt. (*Tacit. l. hiſtor.*) Sed & boni Principes nimium eminentes Viros ſuſpectos habent: quare, & in eam remedijs aptiori loco fuſiſſimè diſfero.

Dixerat capacem, ſed aſpernantem:) & hoc elogium ipſi ſalutem attulit. Sub Principibus, Tiberij ſimilibus inertia pro ſapientia eſt. *Ex nulla re maior ſecuritas, quam inertia.* (*Tacit. in Agric.*) Dicam alibi.

Scaurum, cui implacabilis traſcebat, ſilencio tranſmiſit.) fulmina nubium denſitatem difficilius eluctantia violentius cadunt.

Eiusque curatissimis precibus protegeretur.) Celsæ in aulis potestates, videntes incitationem Principum ad multorum augeri discrimina, maturitate & consilio iras mollire debent, non aduersando iurgandoq. cum parùm congruit, ad rabiem euibrare eas. Quemadmodum Galli Cæsaris vxor, Megæra quædam mortalis, inflammatrix sequentis assidue, humani cruoris auida, nihil mitiùs quàm maritus, stridebat in exitium multorum præceps: cum cum potiùs lenitate fœminea ad veritatis humanitatisq. viam reducere vtilia suadendo deberet; vt in Gordianorum actibus factitasse Maximini truculenti illius Imperatoris legimus coniugem: (*Marcellinus lib. xi. v. hystor.*)

Neque populus ademptum ius questus est, nisi inani rumore; simile est, quod supra dixit Tacitus: mortuo Augusto paucos bona libertatis *incausum* disseruisse; & alibi; Mēnium seditiosos milites in hyberna reduxisse, *turbidos, & nihil ausos.* Ita ferè semper, vbi capita ducesq. defuni. Nullum ex inani questu & murmure vulgi periculum est. Nihil vnquam agere, nihil edicere, aut statuere Reges poterunt, quod quidam ex populo non improbent & carpant; sed inani rumore.

Intermiserat solita munia.) militares seditiones plerunq. ex otio, abundantia, & solitorum munerum intermissione oriuntur. (*Polybius lib. i.*) cuius exemplū hic est in Pannonicis Legionibus: quas seditio incelsit, nullis nouis causis, nisi quòd vacabant aures pessimorum hominum sermonibus, & *mutatus Princeps licentiam barbarum, & ex civili bello spem pramiorum ostendebat:*

Inde

Inde miles luxum & otium cupere, disciplinam & laborem aspernari. Continuo igitur labore subigendi sunt milites; etiam in ipso otio. Otij vitia negotio discutiuntur. Quo intuitu vallum, fossas, pabuli, materiae, lignorum adgestus aduersus otium castrorum excogitata Tacitus ait. (*infra hoc libro.*)

Procax lingua.) cuius farinae homines alibi Tacitus *prauè facundos* appellat: seditionum fomenta, imò causæ. Vt non sine ratione rerum potentes odio habeant illos, qui verborum potentes & in vulgus gratiosi habentur.

Nisi novum & nutantem adhuc Principem precibus, vel armis adirent?) plerunq; noui Domini importunis postulationibus obruuntur, & parùm in tempore incipientes eorum curæ onerantur. Sed prudentes Principes in illo regnandi exordio, & fortunæ dementamento nihil concedent, cuius eos post pœnitere possit. Congratulationis illa tempora sunt, non negotiorum.

Enim vero militiam ipsam grauem, infructuosam: denis in diem assibus animam & corpus aestimari. hinc vestem, arma, tentoria, hinc scuitiam Centurionum, & vacationes munerum redimi. at hercule verbera, & vulnera, duram hiemem, exercitas aestates, bellum atrox, aut sterilem pacem, sempiterna.) hæ querelæ haut vanæ iustius à nostris militibus vsurpari possent. Veteres certa stipendia, prædæ partem, munera ducum, Imperatorum donatiua habebant; nostri post sanguinem fusum, post truncos artus, cum non egerent tantum vitæ subsidium, sed & præmia fortitudinis suæ inuidenda meriti essent, stipem ostiatim pe-

rentes conspiciuntur. Lachrimabile & miserandum hodiernæ militiæ dehonestamentum ! infelix documentum ingrati tudinis Principum ! Et nihil ominus ubi primum strepit tympanum , concurrunt miselli , ignoti inter se ignorantesque ; purgamenta vrbium suarum, gulosi, maximi mulierum mæchi, laborum fugientes ; & nomina sua in militiam profitentur ; non sanè quòd alios præda onustos domum reduces viderint , (quippe maxima pars aut in illo carnis humanæ macello ceditur, aut nudo corpore, detritis tegminibus, & gladio in Scipionem mutato redit) sed siue fatali vecordia , siue ignauia eunt ; non in hostem, sed *hospitibus tantum metuendi* (Tacit. III. histor.) & in rusticorum gallinaria egregiam pugnam edituri.

Peteretque militebus missionem ab sexdecim annis. cætera mandatu ros ubi prima prouinissent .) Prudenter in hoc quidem militum vulgus. Inconsulti hominis est, plura simul petere. Præterquam enim, quòd, qui rogatur, offendi potest, in eius quoq; arbitrio erit, ex multiplicibus precibus, negatis, quæ profutura, leuiora concedere. (Bocc III. c. LXXXI.)

Ad terrorem cæterorum adfici verberibus) quæ remedia sint in rebelliones, alibi tradidi.

Tristissima quæque maximè occultantem) Necessaria claudium & rerum aduersarum dissimulatio est . Solent enim vulgus improsp̄eris æquè ac prosperis immodicum, spe, metu turbari ; principi, magistratibus casus, etiam qui nulla humana ope prouideri potuerunt, adscribere : tributa bellorum neruos, recusare. Quæ ut vitan-

vitentur, & recentibus consilijs lapsa restaurentur, necessarium est, suppressere atrociam. De Gallia quibusdam ciuitatibus Cæsar testatur (VI. *de bell. Gall.*) habere legibus sancitū, si quisquid de Rep. à finitimis rumore aut fama acceperit, vt ad magistratum deferat, neue cum alio communicet; quòd sepe homines temerarios atq. imperitos falsis rumoribus terreri, & ad facinus impelli, & de summis rebus consilium capere cognitū sit. Magistratus, quæ visa sunt, occultāt, quæq. ex usu iudicauerint, multitudini produnt. Alexander quoque Magnus dicitur accepta clade mortem denunciassē his qui acta vulgassent. (*Q. Curt. VI. 11.*) Et Scipio ab Syphace legatos, frustra auxilium à suo Rege expectari nunciantes, eadem lætitia excepit & dimisit, ac si optata nunciassent; ita vt milites in propinquo auxilia esse, & legatos reuerti, vt maturarent, arbitrarentur.

(Liu.) Aliud exemplum suppressi de infelici Africana pugna, & nece Sebastiani Regis nuncijs extat apud Conestaggium in historia belli Lusitanici (lib. 11.) Ita tamen mala dissimulanda sunt, vt interim remedia malorum quærantur. Secus si fiat, taciturnitas malorum nutrimentum erit: vt eam vocat castissimus amorum scriptor. (*Heliodor. 17. Aethiopic.*) Quemadmodum Vitellius, fractis ad Cremonam suis partibus, nuncios cladis occultans, stulta dissimulatione remedia potius malorum, quàm mala distulit. Consultanti vires supererant, spesq.; sed è contrario læta omnia fingens, falsis ingrauescebat. (*Tac. 111. histor.*)

Addendum hic est illorum Principum consilium, qui literas hostium, quibus militum ciuiumue fides ad sce-

lus

lus sollicitabatur, suppressere tutius iudicarunt. Sapienter omninò! Et si enim satis beneuolentiæ & fidei suorum confidat Princeps: tamen non sunt imbuendæ aures promissionibus, & corruptionibus. Pater vel viuius infidijs vita; nihil nefas auaritiæ est. Quod si verò pluribus innotuerit proditiōis merces, in parte consilij erit Eumenis Regis factum. Epistolæ ipsarum erant totis castris, quibus, qui Eumenis caput ad Antigonom detulissent, maxima præmia definiebantur. Eumenes vocatis ad concionem militibus primò gratias egit, quòd nemo inuentus esset, qui spem cruenti præmij fidei sacramento anteponeret. deinde callidè subnectit, confectas has à se literas ad experiendos suorum animos. Hoc facto & in præsens dubios fidei deterruit, & in futurum prouidit, vt, si quid tale accidisset, non se ab hoste corrumpi, sed à duce tentari arbitrarentur. (*Justin. xiv.*)

Nullis certis mandatis) Varij adeò, & incerti rerum euentus sunt, vt plerunq. paruis successibus maximarum rerum momenta vertantur, quæ nullis humanæ prudentiæ ratiocinationibus antevideri queunt. Vt indè satius sit, ministros Principum nullis certis mādatis ex re capturos consilium ad negocia dimitti. Quod in bello, ducibusq. maximè opus est. C. Cæsar is hæc apud Dionem (*lib. xxxv. i. i.*) verba sunt: quibus domi sedentibus mouetur bellum, ita vt querelæ initio per legationes fiant; utiq. tunc necesse est, de eo deliberari, & scisci, deinde exercitus & imperatores mitti: sed quæ iam egressis eductisq. copijs bella exoriuntur, ea non in discepcionem adducenda, sed tanquam ipsa ne-

sa necessitas approbauerit, iusseritq. antequam ingrauescant, preoccupanda sunt. Hoc modo Romæ postquam interueniente Scto populus bellum semel decreuisset, eius administrandi potestas Consuli tradebatur: Senatus sibi pacis tantum firmandę ius reseruabat; cætera in imperatoris potestate erant; dimicare, aut abstinere pugna, obsidere vrbes, soluere obsidia, & quæ sunt his similia. Itaq. Cæsarem Tranquillus scribit, re-
gibus atq. prouincijs per terrarum orbem alijs captiuorum millia dono obtulisse, alijs citra Senatus populiq. auctoritatem, quò vellent, auxilia submisisse. (*Suet. in Jul. c. xxviii.*) Quod si Senatus consuli se ab Imperatoribus de singulis belli actibus voluisset, minore vtiq. cura & industria ea curassent, quæ ad victoriam faciebant. quod & rei benè gestæ gloriam & cladis infamiã cum Senatu communem habituri fuissent. Et cum nulla minùs, quàm, qua putatur, via procedat bellum; (*Thucyd. 1.*) & multa, quæ nunc non apparent, ex interuallo bellum aperiat: (*Liu. xxviii.*) euident est, neminem de emergentibus casibus commodiùs rectiùsq. statuere posse, quàm qui præsens negocijs interest: amitti q. rerum gerendarum occasiones, si hinc inde mittendo Senatus aut Principis exquiratur voluntas. Olim in Rep: Florentina & Venetijs hodiè (*P. Justinian. vi. histor. Venet. Thuan. XLVII.*) qui ad bellum mittuntur non suis relinquuntur consilijs: sed arbitrium de summa re certis finibus circumscriptum domo secum afferunt in castra; vt sepè ne quidem tormenta bellica illi ad feriendos muros, vel alio loco, modoue alio collocare audeant, quàm quo mandatum ipsis est: nec nisi gra-

si grauissima defunctoris poena iussa Senatus transcurrere licet. Quod vt salutare est in isto Optimatum statu, ita egregias benè gerendæ rei occasiones sæpè corrumpit. In populari statu tardior adhuc consultantium consensus, & ex eo difficilior placitorum executio est. Res gerendæ hæc duo, celeritatem & silentium poscunt; quorum vtriq. inimica est multitudo. Florentini pro huius mali remedio habuerunt, ex omni ciuium numero præstantes aliquot viros deligere, futuros rerum & consiliorum bellicorum arbitros, ne singula ad multitudinem referendi necessitas esset. (*Leon. Aretin. in hist. Florent.*) Et Senis aliquando xvij. Viri cum liberrima potestate constituti, qui belli negotia procurarent. (*Orland. Milanol. 17. hist. Sen.*)

Magna apud Tiberium auctoritate, rector iuueni, & ceteris periculorum ostentator) Varia sunt artium vitæq. genera, quorum quodq. suos habet cultores ac veluti mystas. Peritus quis esse potest artis medendi, aliarum rudis: & qui scitissima carmina scribit, cum artium Reip. gerendæ imperitum esse, haut rarum est. Præcipua igitur Regum cura esse debet, quemq. ministro- rum ijs adhibere negocijs, ad quæ natura & institutione facti sunt: exemplo Constantij Imperatoris, qui neminem in regia rebus gerendis repentinum adhibuit, sed qui post decennium officiorum magisterium, vel largitiones vel simile quippiam esset rector, apertissimè noscebatur. Et valde rarò contigerat, vt militarium aliquis ad ciuilia regenda transiret; contraq. non nisi puluere bellico indurati præficiebantur armatis. (*Ammian. XXI.*) Et vbi laudem, ita notam meruit

Ludouicus XI. Franciæ Rex, quòd Sartorem pro Feciali, pro legato tonsorem, Medicum pro Cancellario haberet. (*Bodin. vi. de Rep.*) Constantinopoli Pontifex aliquando fuit (Patriarcham dicunt) literarum & omnis scientiæ adeò rudis, vt ne elementa quidem literarum pingere sciret: sed quòd Oeconomica solertiæ magister erat, & agros colere, plantare arbores, curare vineas, ædificia scitè struere norat, & quicquid granaria, quicquid cellas vinarias implet, solertissimè procurabat, summo sacerdotio dignus fuit iudicatus. pessimo errore! (*Nicepb. Gregor. vii. 1.*) Ludouicus Sforzia callidissimus alioqui Princeps, in eo tamen turpiter lapsus est, quòd Galeatio Sanscuerino perito utiq; equorum domitori, sed inexperto duci exercitus & belli contra Galliæ Regem curam commisit. Quasi idem sit, generosum tractare equum, aut in ludicris certaminibus hastam frangere; & exercitibus præesse. (*Guicciard. i. v. histor.*) Qui error etiam in Eugenio Papa notatur, quòd Balthazaris Offidani opera in maximis pace belloq. negocijs vteretur; hominis nulla neq. prudentiæ neq; virtutis laude insignis, quàm quòd, quo tempore Eugenius vrbe profugerat, ipse Hadriani molem custodiuiisset. (*Pigna vi. histor.*) Carolus V. Imperator suarum in Italia partium fortunam penè euertit, quòd Didacum Mendozam, summa apud se gratia, sed imparem omninò tanto oneri rerum Italicarum procuratori admoovit: documento Principibus, quàm perniciosus sit illorum error, qui in eligendis ministris magis gratiam quàm virtutem & meritum spectant.

(*Jo. Baptist. Cin. ii. de vita Cosmi.*) Sebastianus Lusi-

taniæ Rex ab illis qui pueritiam, & iuventam eius re-
xerant, præter temeritatem & nimiam sui confiden-
tiam nihil didicerat. Se solum mirabatur; suas opes
viresq. magnificiebat. (*v. Conestag. in histor. belli Lusit.
Traian. Boccat. cent. 1. c. LIV.*) Imprudens iuuenis, & non
nisi magistris suis tractabilis, negotiorum, casuumq.
humanorum ignarus segni numero, quem armis one-
rauerat, & monachorum aliquot audacia Mauros de-
bellari posse rebatur. Exemplum cæteris Principibus,
non de schola homines (quibus præcipua cura esse de-
bet, intimare Principibus cœlestis iræ timorem, com-
mendare religionis cultum, expellere animis cupidita-
tes, quæ Reges, ac Principes summis illecebris præmissq.
inuitant ad peccandum; non è cathedra in tribunal, ex
suggestu in publicorum negotiorum curam inuolare,
& regnandi præcepta præscribere, quæ in scholis tan-
tùm librisq. ab omni negotiorum usu semoti contem-
plari assueti sunt) non hos, inquam, sed egregiæ fortitu-
dinis duces, & expertæ prudentiæ Senatores esse, à qui-
bus Principum adolescentia sit regenda.

*Fili, quoties oculos ad multitudinem retulerant, vocibus
truculentis strepere: rursus viso (casare trepidare.)* Causa
& Imperatorum maiestas magna sapè in bellis mo-
menta sunt: & rebelles, quantumvis potentes, cum ad
suæ militiæ ignobilitatem respiciunt, animos demit-
tunt.

Cum arbitrium Senatus & patris obtendcret) Familiaris
Principibus ars est, temporis lucrandi causa pacem, fe-
dus, transactionem *speciosis & irritis nominibus iactare:*
(*Tacit. 11. histor.*) homines suos mittere; qui ubi inne-

xis studio difficultatibus, aut concessis leuioribus negotium eò vsq. protelauerint, vt interim licuerit Domino prouidere rebus suis, cùm ad causæ caput ventum est, non posse de eo sine nouo mandato agere, aiunt. Quomodo Carolus V. Imp. amicorum federatorumq. desideria sepè frustratus est, quòd illorum postularis sine Ordinum Imperij auctoritate satisfieri posse negaret. Vbi largiri flagitiosum, & negare periculum est; differre remedium est. Cætera dixi ad lib. 1v.

Quòd is ante alios atate & gloria belli firmare Drusum credebatur.) Id fatum est omnium, qui in aulis plurimum auctoritatis habent, vt, siue quòd ira credant homines, siue quòd ipsum Principem incusare, plena periculi arbitrentur, omnium facinorum reos agant gratiosos.

Vt sunt mobiles ad superstitionem percussa semel mentes.) Nulla res multitudinem efficacius regit, quàm superstitio; alioquin impotens, seua, mutabilis, vbi semel religione capta est, meliùs vatibus, quàm ducibus paret. (*Q. Curt. 1v.*) Hoc philtro dementarunt subiectos sibi populos Numa Pompilius, (*Lactant. 1. diuin. instit. xxij.*) Scipio Africanus, L. Sulla, Q. Sertorius, Minos, Pisistratus, Lycurgus, Zaleucus, quos apud Valerium (1. c. 11.) legimus, qui cum Dijs Deabusue conloquium confortiumq. fingeant. Midas quoq. Phrygiam religionibus impleuisse dicitur, quibus tutior omni vita, quàm armis fuit. Sanè Polybius (lib. vi.) ridet superstitiones, quas tamen ad retinendam in officio multitudinem accommodatissimas esse censet. Non putandum est, inquit idem (lib. x.) Lycurgum adeò fuisse religio-

H 2 sum,

sum, vt in omnibus Apollinis consilio vteretur, neq. Scipionem somnijs & Deorum colloquijs instructum fuisse: sed hæc illi finxerunt, quòd sine Deorum auspicijs populum periculosa ausurum, & paradoxis fidem adhibiturum non credebant. Quod si tanta vanæ & falsæ superstitionis vis est, vt miseros mortales ea luserint antiqui Principes, legumq. latores, vel ipse potius malus dæmon; quid non faciat in animis nostris vera nostra, sanctaq. religio? Sanctus ille terrarum ac syderum auctor, ipse Vnigenitus Summi Patris Filius à Spiritu Sancto in Virginis utero conceptus mortalitatis miserijs spontè subiectus deniq. sua morte (immane redemptionis pretium!) *in peccatis mortuis*, & sub Diaboli regno captiuus, vitam & libertatem peperit; libiq. æternorum aliquando gaudiorum, regniq. coheredes adsciuit. Hæc religio, hæc immensi beneficij conscientia non dulci amoris oestro abripiat humanas mentes? non itrequieta quadam cupiditate nos teneat placendi tam magno amatori, tam benefico patri? non pro cultu illius, pro aris tuendis in pulchra vulnere, decoramq. mortem ruamus? Non humanæ fortitudinis, sed à Deo inspiratæ constantiæ fuerunt, quæ, qui primi post Christum vixerunt, pij homines pertulerunt. Prius carnifices tormenta defecerunt, quàm ipsos constantia. Adequuleos, ad gladium, crucemq. & cæteris mortalibus horribilia supplicia ipsi festinantes contendebant; calcantes abdicantesq. è contrario, quæ homines habent preciosissima, honores, opes, gratiam cæteraq. quibus ambitio aut avaritia premium fecerunt. Hæc sola, veraq. religio rectrix est humanæ vitæ, iusti

iniu-

iniustiꝑ. norma, perturbationum gubernatrix, frenum in prosperis, in aduersis solatium, spes in dubijs, vnica deniꝑ. mentis domina. Cæca Gentilium superstitiõ, falsæq. religiones, vt primo impetu à credulis promptè recipiuntur; ita iijalijs, qui eundem hamum obijciunt, capi faciles sunt. Qui enim semel erroribus credere assueuerunt, vani, mutabiles, infidi recentissimo cuiq; versabiles animos applicare solent. Ex diuerso nostra religio vni firmissimo fundamento IESV Christo inædificata intellectum ab errorum tenebris, volūtatem à prauorum affectuum tyrannide liberat; deniꝑ. sola homini veram erga Deum pietatem, in superiores reuerentiam, in æquales amorem atq. beneuolentiam infundit. Et absq. hoc vinculo esset, quo hominum societas maximè continetur: nec ferro, nec cetera pœnarum acerbitate satis coercita foret improborum licentia, aut tuta innocentia. Calliditas aut potentia peccantium omnia iudicia aut eludant aut perfringant: conscientia & cœlestium minarum metus cohibent. Quis enim putet, Sanctum Numen, quod omnium est origo virtutum, & fas rectumq. mortalium animis ingenerata ratione præscripsit, ijs vitijs delectari, quibus passim naturam corrumpimus? Non potest hanc, quam cernimus, legem naturæ dedisse nisi iustissimus auctor: iustus autem ille non erit, si feret abire impunè tot scelera. Vbi igitur amor recti, & ambitus gratiæ diuinæ terigit animum: nihil illi antiquius est, quàm recedere à vitiorum periculis, iam tot mortalium exitio infamibus. Carolus Magnus Imperator (exemplo monstrandum est, quod de religionis vi dixi) cùm Sa-

xonum peruiacissimos animos, & nulla vnquam vi, nulla pœnarum seueritate fractos (exempli causa vna vice ad terrorem cæteris iniiciendum quatuor mille, & quingentos, eosq. dedititios seuerò & atroci supplicio sustulêtat) mollire non posset; non, vt prius, præfectos ijs imposuit, qui regiam potestatem ac vim referrent: sed vt quamq. partem bello denuò deuicit, Episcopis à se creatis, hominibus pijs ac religiosis assignauit, qui & docerent populum, & auctoritate potius ac nomine venerando, quam imperij specie præessent. Successit consilium: & ferro indomiti religioni succubuerunt. (*Vbbo Emm. 17. histor. Frisic.*) Et ab omni æuo bellorum quamtumuis impiorum causam prætenderunt homines, religionem. Sua quisq. arma sancta prædicat, suam causam religiosam. Deus, pietas, cultus diuinus prætexuntur. Quibus sanctis nominibus hodieq. multi vtuntur non alio fine, quàm vt vnius populi animos diuidant, inimicos debilitent, in socijs Regnis sibi factiones parent, & animum & amorem alij debitum sibi furentur. Ferdinandus Aragonius Hispaniæ Rex omnes suas cupiditates colore religionis textit. (*Guicciar. xii. histor.*) Pipinus translato à Merouëi stirpe in se Franciæ regno; vt non magis inuictas ipsius vires formidarent populi, quàm religionē reuererentur, Stephanum Romanum Pontificem, à quo coronaretur, inungereturq. Roma in Galliam traduxit. (*Paul. Aemil. lib. 11. de reb. gest. Franc.*) Apud Turcas caput ac princeps religionum Muphtis est à Rege delectus. Is magnam obtinet auctoritatem. illum tanquam oraculum ad eunt. Et quamuis præcipiendi atq. imperandi ius nullum

lum habeat: tamen cuius ex lege illum consulere licet. Breui responso in oraculi modum, quid censeat, significat; tantumq. in eo ponderis est, vt illi contradicere sit nefas. Grauiſſimis de rebus, quæ ad summam imperij pertinent, Rex iusticiæ ac religionis opinionem affectans ab illo sententiam poscit: vt religione tactos populos ad ea, quæ animo meditatur, conficienda facilius flectat: licet is assentando plerunq. propensione Principis explorata, eam, quæ placere possit, sententiâ teneat. (*Lazarus Superant. in Ottom. M. Anton. Gratian. lib. 1. de bello Cypri. Andr. Mauroc. 19. histor. Venet.*) Sed hæc religionis improba ostentatio non est noua. Ita enim Ieroboanum Regem nouam introduxisse religionem sacri libri tradunt, ne templi Hierosolymitani, & antiquæ religionis maiestas populos, qui ad ipsum descuerant, regi suo reconciliaret. (111. Reg. xi 1.) Et initio belli Peloponnesiaci sacrilegij Atheniensium vindices se professi sunt Lacedæmonij. (*Thucyd. 1.*) & Philippus Macedoniæ Rex, dum velut è specula libertati ciuitatum Græciæ insidiatur, auidè arripuit Phocensium sacrilegium, & expeditionis contra illos à ciuitatibus ceteris sibi datum summum imperium; non tam sceleris ultionem expetens, quàm occasionem quærens, qua victos victoresq. pariter suo imperio subijceret; quod & obtinuit facilè. (*Justin. viij*) Et hoc quidem religionis mercimonium in profanis Ethnicorum regibus prudentia videri possit; Christianos autem Principes ea decet sententia; timorem & amorem DEI OPT. MAX. felicissimam esse gubernandi populos artem; neq. sine ultimo scelere nomine

mine diuino abuti licere ad tegendas ambitionis & auaritiæ nefarias artes.

Et qua casus obtulerat, in sapientiam vertenda ratus.

Omninò simile est, quod, qui noui Orbis historiam scripsere, tradunt: Christophorum Columbum populis illis, cum lunæ defectionem præuidisset, cælestis iræ formidinem inieciisse, eosq. sibi in omnibus obtemperantes fecisse. Est viri, & ducis non deesse fortunæ præbenti se, & oblata casu flectere ad consilium. (*Liu. xxxviii.*)

Et si qui alij bonis artibus grati in vulgus. & paullò inferiùs. commotis per hæc mentibus & inter se suspectis tyrannem à veterano &c.) has & alias sed-andarum seditionū artes congepsi ad lib. i v.

Fortioribus remedijs agendum) Benè consultum hoc quidem in casu; cum militem superstitio vrgeret, & per Drusi artes illi suspecti diuisiq. inter se essent, vt non faciliè denuò coituri viderentur. Cæterum falli sæpè vehementiorum suasores consiliorum, ex ijs constat, quæ dixi supra ad verb. ne ipsis quidem, qui fecere laudatas &c. Certè Blæsus, cum quosdam ad terrorem cæterorum adfici verberibus, claudi carcere iussisset, flagrantiorẽ inde vim fecit, & plures seditioni duces dedit. Valtherus Athenarum Dux; Florentinorum tyrannus, cum in se coniuratum rescuiisset, vnum ex suspectis comprehendi iussit. Vnde cæteri arreptis armis illum vrbe eiecerunt. Gulielmus Pazzus, cum Aretinos defectionem parare præsensisset, non libratissuis aut rebellium viribus inermis Aretium profectus, cum ex coniuratis vnum carcere claudi iussisset, à cæteris

teris ipse captus est.

Sublatis seditionis auctoribus.) v.s.ad verb. ne ipsis quidem qui fecere laudatas.

Terrere, ni paueant &c.) Plebs aut humiliter seruit, aut superbè dominatur. (*Liv. lib. xxxiv.*)

Venisse tempus, quo veteranis etc.) Hæc seditio ex iisdem, quibus superior, causis cœpit, quòd mutatus Princeps licentiam barbarum, & ex ciuili bello spem præmiorum ostendebat: & quòd audito Augusti fine, & initijs Tiberij duces ob iusticiam aut gaudium intermiserant solita munia. Vt indè superiores notæ hic nos à nouo labore subleuare possint.

Sua in manu sitam rem Romanam &c.) v. quæ dixi ad (lib. iv.)

Id militares animos aliis coniectantibus præcipuum indicium magni atq. implacabilis motus, quòd neq. disiecti vel paucorum instinctu, sed pariter ardescerent, pariter silerent; tanta equalitate & constantia, ut regi crederes.) Piraticum bellum à Pompeio Magno confectum gloriosissimis eius facinoribus connumeratur, quòd piratæ certis legibus inter se adstricti, & vt Dio Cassius scribit, veluti Remp. quamdam habebant. Et superiori seculo magna atq. implacabilis militum Hispanorum in Belgio seditio habita, cùm illi distributis munijs castrensibus sub certis ducibus leges ordineq. sibi statuerent; quib. inter se obligarentur.

Quanto summe spei prior, tantò impensius pro Tiberio niti) Ambigo, bonitate & certo animi consilio, an metu recusauerit imperium Germanicus. Vt sanè ab omni crimine abfuerit, non tamen ita se gessit, vt non

suspectare de eo Tiberius debuerit. Ciuile ingenium, mira comitas, indulgentia, liberalitas Cæsaris virtutes fuere; (si tamen virtutes sunt, quibus patriæ libertatem subuertit.) quas in Germanico Tacitus & alij laudant. Asperum esse, seuerum, inexorabilem militari- bus flagitijs Hannibal, Corbulo, alijq; , quorum inter- merata fuit fides , duces prætulerunt. Cum in Orien- tem Germanicus a notis exercitibus traductus esset, multa tum quoq. grata in vulgus vsurpauit; sine mili- te incedere, pedibus inectis, & pari cum Græcis ami- ctu. Quid? quòd contra Augusti instituta, non spon- te Tiberij, Alexandriam introijt? (*Tac. infr. lib. 11.*) quod Agrippina compressit seditionem, cui nomen Principis obistere non potuit? non simplices eæ curæ vbi femina manipulos interuisit, signa adit, largitio- nem tentat. (*infr. hoc lib.*) suspecta quoq. popularitas fuit, ambitiosè filium ad concilianda vulgi studia gre- gali habitu circumferre, Cæsaremq; Caligulam appel- lare. Deniq. capitalis imprudentia fuit, de suo mis- sionem, stipendia, præmia militibus largiri, quæ non accipi nisi a Principe, aut Principis nomine par est. Ut inde Proculus quidam apud Ammianum Marcel- linum (*lib. xv.*) Syluanum necessitate compulsam principatus insignia suscepisse ex eo arguat, quòd paul- lò antè donatum stipendio militem, Constantij Impe- ratoris nomine allocutus sit, fortis esset & fidus. vnde apparuisse, si præsumere fortunæ superioris insignia conatus esset, auri tam graue pondus daturum fuisse vt suum. Iulianus quoq. quod petenti cuidam gre- gario, vt barbam detonderet, dedisset aliquid vile, ca- lum-

lumnias multorum effugere haut potuit. (*Amnian.*
 XVI 1.) Deniq. Consalius Magnus, quod præmijs &
 largitionibus fauorem Regi debitum sibi quæsiuisset,
 gratia illius excidit. Vt non vano metu Tiberius, si
 casus daretur, ausurum Germanicum suspectare potue-
 rit: qui cùm Gallia, Hispania, Italia, quod cuiq; prom-
 ptum, arma, equos, aurum offerrent, armis modò &
 equis ad bellum sumptis, propria pecunia militem iu-
 uit. Fidus sanè fuerit: prudens certè non fuit, qui tan-
 tas affectati imperij suspiciones præbuit, aut cùm se-
 mel cœpisset, non compleuit. Omne consilium tepi-
 dum in isto casu capitale est; & periculosius audere, quàm
 deprehendi. Nullus in eo consilio cunctationi locus est, quod non
 potest laudari nisi peractum (*Tac. 1. hist.*) Priuatis cogitatio-
 nibus regressus est: & prout velint plus minusue sumitur ex
 fortuna. Imperium cupientibus nihil medium inter summa
 aut præcipitia. (*Tac. 11. Hist.*) Regna non in rem actio-
 ne ciuili vindicantur, non tribus Prætoris verbis adiu-
 dicantur, sed cruentis plerunq. iudicijs repeti solent:
 in quibus actio bellum est; iudex gladius; probatio vi-
 ctoria; sententia deniq. & rei iudicatæ executio mors
 aut seruitus. Alij homines vt vestes, sic honores &
 dignitates, impunè induunt, exuuntq;: regna non nisi
 cum vita deponuntur. In solium intrantes caput infe-
 runt: inde nisi protractus pedibus efferri non potest.

*Arguere Germanicum omnes; quod non ad superiorem e-
 exercitum pergeret*) Et fortassis seditiosus exercitus hoc
 modo a Duce velut pro derelicto habitus, agnito de-
 decore ad sanitatem rediisset. Certè Alexandro Ma-
 gno simile huic consilium prosperè successit. Post-

quâenim à seditiosis cognitū est, Persis ducatus datos, barbaros in varios ordines distributos, atq. Macedonica ijs imposita nomina, se verò ignominiosè penitus reiectos esse, non iam ampliùs conceptum animis dolorem perferre potuerunt; sed concursu in regiam facto, interiori duntaxat retenta tunica, arma ante ianuam, pœnitentiæ signum, proiecerunt; ac præ foribus stantes intromitti se, sibiq; ignosci suppliciter atque flentes orabant, utq. Rex supplicijs suis potiùs saturaret se, quàm contumelijs. ipsos nisi venia impetrata non discessuros. (*Quint. Curt. x.*) Alphenus Varus præfectus castrorum in exercitu Vitelliano seditionem militum compressit, vetitis obire vigilias centurionibus, omisso tubæ sono, quo miles ad belli munia ciatur. Inde torpere cuncti, circumspectare inter se attoniti, & idipsum, quod nemo regeret, pauentes, silentio, patientia, postremò precibus ac lacrymis veniam querebant. (*Tacit. 11. hist.*) Iulianus Cæsar turbas militares minitando discessurum se ad vitam priuam, sedauit. (*Amm. lib. xxv.*) Deniq. ipse Germanicus, cum vxorem tantum & filium in Treueros mittere pararet, mouit truces militum animos. *Nihil aequè flexit, ait Tacitus, quàm inuidia in Treueros, &c.*

Quia plerunq. ad concilianda vulgi studia eo segmine pedum induebatur.) Nihil præter virtutem & virtutum magnoperè nos moueat in nostris vel exteris gentibus. Ridemus quidem plerunque aliorum populorum vestes; scilicet nec dum ex animo imaginē nostræ consuetudinis deleta. Sed cum ipso tempore ijs placemur: apparet non ipso vitio, sed ignoratione nostra dis-
cui-

cuisse primùm visâ. Hominis igitur prudentis est, transire in mores & vestitum illorum, cum quibus versatur. Et indè laudatur Alcibiades in vestiendo, conuiuando, conuersando accommodasse se genti, cū qua erat; hacq. comi facilitate gentium regumq. amorem sibi conciliasse. Vbi Athenis degebat, iocis, ludis, equis domandis, & reliquæ urbanæ lauitici studebat: Lacedæmone, quicquid molle fuerat, in Spartanam duriciem mutabat. Cum Thracibus pugnando & bibendo vitam agebat. Apud Persas deliciis & luxu nulli cedebat. Hippolitus Medices Clementis VII. Pontificis in bello Hungarico legatus Hungaris peracceptus erat, quòd interdum equo ad ipsorum morem intrato, ipse quoq. Hungaricè vestitus, obequitaret.

Pœnas de singulis in hunc modum exercuit.) Iste mos puniendi noxios percommilitones nostro quo reductus videtur. Solent enim rei plerunq. à commanipularibus sclopetis traici. militari vocabulo *archibugiare* vocant. Istius quoq. bellici moris apud Ammianum mentio fit, (*lib. xxx.*) his verbis: prisco more militibus dedit occidendos.

Vt auellerentur castris) simili consilio Alexander Farnesius sedata periculosa illa Hispanorum militum seditione, eos confestim in Galliam auxilio federatis misit; ne reliqua quoque castra contagione inficerent.

Vbi auaritiam aut crudelitatem consensu obiecta visent, soluebatur militia) O salubre institutum! quod si seruarent non in castris modò, sed & togatis officiis nostri Principes, ne pauciores habituri essent, furti, peculatus,

latus, & concussionum reos iudices & praefectos. Sed alibi locus commodior erit dicendi, quibus remediis iudicantium prauitas coerceri queat.

Immotum aduersus eos sermones, fixumque Tiberio fuit, non omittere caput rerum, neq. se remq. publicam in casum dare) Prudentis est, non modò non periculis & labore, sed nec infamiæ timore & vanis rumusculis à constantia dimoueri. Stultus meritò haberetur, qui Iulio mense iter faciens non ferret locustas fridentes. Hoc intuitu apud Thucydidem (lib. 1.) Archidamus suos Spartanos laudat, quòd eorum, qui adulationibus laudibusq. eos ad pericula concitarent, blandimentis non mouerentur: nec eorum, qui pudore illos & doloris sensu inflammare tentent, verbis à proposita morum constantia dimouerentur. Quincti Fabij præcipua laus est, quòd quamuis vulgi rumoribus timidus & ignauus argueretur, tamen à sententia, qua cunctando Hannibalem vinci posse sperabat, abduci se minimè passus est. Memorabilia sunt verba, quibus Æmilio Cos. ad bellum proficiscenti, aduersus sinistram interpretationem firmitudinem persuasit; Duobus ducibus, aiebat, vnus resistas, oportet. resistes autem, aduersus famam, rumoresq. hominum si satis firmus steteris: si te neq. collegæ vanagloria, neq. tua falsa infamia mouebit. Gloriam qui spreuerit, veram habebit. Sine, timidum pro cauto, tardum pro considerato, imbellem pro peritò belli vocent. Malo te sapiens hostis metuat, quàm stulti ciues laudent. Et ab tali constantia profecta sunt illa Quinctii Cincinnati verba: Vellem equidem vobis placere, Quirites, sed multò malo, vos saluos esse,

esse, qualicunq. erga me animo sitis futuri. Militum maximè liberioribus vocibus dux succensere non debet. Etsi enim vel in agmine deficientis, & fatigati, vel in acie periclitantis, vel in tabernaculo egri aliqua vox asperior est excepta: merentur tamen fortibus factis, ut ea debeat dux temporis magis imputare quàm animo. Cùm quid accidit tristius, omnes rei sunt; corporibus suis, quæ utiq. non oderunt, infestas admovent manus: parentes liberis si occurrant, & ingrati & invisi sunt. Contrà cùm donis onerantur, cùm præmiis onusti reuertuntur, quis ferre militares animos potest? quis illam alacritatem continere? Militantium nec indignatio nec lætitia moderata est.

Ad omnes affectus impetu rapiuntur; vituperant, laudant, miserentur, irascuntur. Sed omnes cogitationes, omnes inter se loquentium voces, signum tuba datum componit. In suos quisq. ordines currit, & quicquid irarum in tabernaculo conceptum est, in hostium effunditur capita. Et propterea Ioannem Comnenum contemptu & ignorantia simulatione militum murmura persecutum scribit Nicetas Choniates. (1. *Annal.*) Cæterùm de tota hac questione, num Principi conveniat ferre de se loquendi libertatem, doctissimi Fratres tractant, Scipio & Albericus Gentiles; alter in disputatione ad titulum Codicis Iustiniani, *Si quis Imperatori maledixerit*: alter in secundo de Coniurationibus. Quibus adde Cremutii Cordi orationem apud Cornelium nostrum. (14. *Annal.*) Variè enim, ut Principum ingenia vel mitiora fuere, vel seueriora, lingue violentia, temeritasq. verborum

borum vel contempta vel punita fuit.

Non omittere caput rerum) Erat Roma caput & sedes Imperij orbis æterna. (l. 111. *C. de Cos.*) Vnde ab Ammiano Marcellino Urbis æternæ glorioso insignitur titulo: à Martiali terrarū Dea gentiumq. à Tullio tertia Catilinaria arx gentium; in dissertatione Hadriani Imp. & Epicteti, fons imperij orbis terrarum, mater gentium, regum possessio, Pacis æternæ conferuatio dicitur. Erat in illa vrbe Capitolium, sedes Iouis, Palladium, & Ancile, imperij pignora. Et inde ius petierunt gentes, nationesq. vniuersæ. Ibi, nec alibi Orbis Dominum fieri posse diu populis omnibus persuasum erat: & euulgato hoc imperij arcano, posse etiam alibi quàm Romæ Cæsarem fieri (v. *Tac. 1. Hist.*) à Senatu in exercituum furiosam libidinem & insanas licitationes potestas legendi Imperatores ipsius imperij exitio transijt; nec tamen vno momento. Plerumq. enim grande momentum in nomine Urbis & prætextu Senatus inesse putabatur. Inde Orho ad milites (*infr. 1. hist.*) concionatur: *Senatus nobiscum est: sic fit, ut hinc Resp. inde hostes constiterint. Quid? vos pulcherrimam hanc urbem domibus & terris & congestu lapidum stare creditis? Mutæ ista & inanima interciderē ac reparari promiscuè possunt: eternitas rerum & pax gentium, & mea cum vestra salus incolumitate Senatus firmatur. Hunc auspicato à parente & conditore urbis nostræ institutum & à Regibus usq. ad principes continuum & immortalem, sicut à maioribus accepimus, sic posteris tradamus.* Hæc reuerentia, quæ erga metropolin ciuib. ingenerata,

nerata est, Principem mouere debet, vt non nisi extremis vrgentibus necessitatibus regiam urbem, quæ velut cor est, vnde reliqua membra vires accipiunt, deserat. *Neque enim decorum Principi, si vna alteraue ciuitas turbet, omittere urbem, vnde in omnia regimen.*

(*Tacit. III. Annal.*) Quæ ratio est, ob quam Tiberius ire, & opponere tumultuantibus legionibus maiestatem imperatoriam noluit. Diuersi consilij soliditatem euidenter monstrat Vguccionis Fagiuoli infelicitas. Is cum Pisis pranderet, Lucam à se defecisse audiuit. Cum igitur properè conscenso equo præsentiam suam rebellibus opponere vellet, vix egressus vrbe, alia rebellione Pisas quoq. amisit: (*Author vitæ Astrucij Cætrac.*) adeoq. vno prandio, (quod deinde Canis Scaliger falsè dicebat) duas vrbes abliguriuit. (*Orland. Malauolt. in hist. Senens.*) Certè sedis Imperatoris in Orientem à Constantino facta translatio, versus Occidentem prouincias hostibus nominis Romani prostituit. Illæ enim quasi pro derelictis habitæ barbaris animos fecerunt, vt velut vacuum possessionem apprehēdentes obuia quæque inuaderent. (*Leon. Aretin. I. hist. Flor. Jo. Bapt. Pig. I. hist. Ates.*) Cumq. seculorum lapsu Germani (ad quos Imperii splendor peruenerat) vel ob expeditiones in Palæstinam vel alias ob causas procul Italia degerent, & domesticis curis abstracti ad Italicarum rerum procurationem animum aduertere non possent, extiterunt, qui domi præpollentes urbium suarum dominium occuparunt. Hoc modo Scaligeri Verona & Taruisio, Passerini & mox Gonzagæ Mantua, Car-

rarii Patauio, Turriani, & post Vicecomites Mediolano, Atestini Ferraria, Mutina & Regio Lepidi, alij alijs vrbibus potiti sunt. Clemens V. Pontifex nomen Pontificium, & dignitatem Roma in Galliam transtulit. Inde in regno Pontificio repentem noui domini exorti sunt. Malatesta Arimini, Ordellaphus Foroiulij, Manfredus Fauentia, Polentanus Rauennae, Vicanus Viterbii, Cefenae Sinibaldus, Urbini Feltrius, Camerini Varanus, alij alibi dominationem occuparunt. Tanti Gallicana mansio Pontifici stetit. (v. Leon. Aretin. & Scip. Amirat. in hist. Florent. Pign. in hist. Atest. Bernard. Corius in Mediol. histor. Taurell. Saraina in hist. Veron. Hieron. Rubens in hist. Rauenn. Flau, Blond. in hist. ab inclinat. Imp. binc inde.

(Cui maior est longinquo reuerentia) maior alibi commoditas erit dicendi, quibus artibus Principes auctoritatem famamque sibi concilient.

Quos igitur anteferes? ac ne postpositi contumelia incenderentur. Octavius Farnesius cum vrbium suarum Parme & Placentiae emulationes sciret, ne postposita altera contumelia incenderetur, nomen suum, sicubi scribere necesse erat, hoc modo signasse dicitur, Octavius Farnesius Dux P. & P. Mamertini & Panormitani hodieque acerrimis stylis de principatu inter se digladiantur; nec Rex vlllo preiudicio horum illorum intentionem probat, aut improbat. Consentaneum est, istam contentiunculam inter duas regni Siculi vrbes dignatione & opibus primas studio foueri.

Adolescentibus excusatum quaedam ad patrem reijcere) vide quae notata sup. ad verb. Cum arbitrium Senatus & patris obtenderet.

Nam

Nam in pace causas & merita spectari: ubi bellum ingruat, innocentes ac noxios iuxta cadere.) Vbi tantum armorum corporumq; sub signis stabit, quis cruori legem dicet, unde & quantus fluat? adde quæ notavi sup. ad verb. ad arma ciuilla actum &c.

Et quidam bonorum caſi.) Arma multitudini sine moderamine tradita numquam benè vsurpantur. Finis est, seditiosos, improbos coercere? Quisq; publicæ vindictæ specie suas iniurias exsequitur. v. *plura ad lib. iv.*

Sex & viginti socias cohortes, octo equitum alas, quarum ea seditione intemerata modestia fuit.) Auxiliarium sociarumq; cohortium intemeratam fuisse hac seditione modestiam Tacitus asserit. Ex quo verè affirmabo mixtos ex varijs gentibus, ingenio & lingua differentibus exercitus vt faciliè inter se in æmulationes confluant, ita rarissimè simul & vno consensu contra ducem aut ipsum Principem moueri. Hannibal, cum in hostium terra annos tredecim procul à domo varia fortuna bellum gereret, exercitu mixto ex colluione omnium gentium, quibus non lex, non mos, non lingua communis, alius habitus, alia vestis, alia arma, alij ritus, alia sacra, alij propè Dij essent, vno quodammodo vinculo ita illos colligauit, vt nulla vnquam seditio extiterit. (*Lin. xxxvi. 11*) Quod si verò contingerit, vt varium eiusmodi exercitum rebellionum nefas contaminet: difficilimus labor est, cum ad officium reuocare. Quod Carthaginenses experti sunt, qui, vt est apud Polybium, mercenariorum rebellionem in extremum perdendi status pericu-

lum venerunt. Notabo hic etiam singulare hoc præceptum politicum; in seditionibus aut conurbationibus opprimendis vtendum esse peregrino milite: ne linguae commercio aut contagione factionis cum his hereat, in quos armatur.

Festam eam Germanis noctem, ac solemnibus epulis ludicram) Festi dies, nundinae, nuptiae, belli facinoribus & arcanis coniurationibus apta sunt. Stilico Gothos pascha feriantes oppressit. (*Aemil. v.*) Primum Belgarum fedus contra Hispaniarum Regē in nuptiis Montignii factum est. (*Conestag. i. histor. de bell. Bel.*) & Hugonotarum San-Bartholomæana cædes in nuptiis Nauarræi peracta. (*Conestag. v. de bell. Belg. Thuan. LI.*)

Profana simul et sacra, & celeberrimū illis gentibus templum, quod Tanfana vocabant, solo aquantur) quod iuri gentico aduersum fuisse videtur: quippe quo obseruatur, vt, qui aliorum regionem cum armis ingrediuntur, templis in ea temperent. (*Ibucyd. i v.*) Sequere quidem, & hostium castella, portus, vrbes, villas, naues, fruges deuastare, aliaque his similia, quibus illorum vires atterantur, nostræ confirmentur, leges ac iura belli permittunt: ea verò destruere, quæ nec propriis rebus emolumenti quicquam afferunt, nec hostibus detrimenti, vt sunt templa, porticus, statuae, aliaque huiusmodi, rabiosi hominis est ac planè furentis. (*Pol/yb. v.*)

Nullometu, non autepistis vigilijs) ambitiosa diligentia esset, quæ de vitiosa securitate omnibus in ore & calamo sunt, hic congerere. Mihi multas chartas

impleſſe ſapientia non eſt.

Tiberium lætitiæ curæq. affectere) v. ſup. ad v. b. quan-
tò ſummæ ſpei proprior &c.

*Nec alia tam inſima Tiberio cauſa, cur Rhodum abſcede-
ret*) Adulteriis parari, & firmari regna quibuſdã
creditum eſt: [*v. que dixi infr. ad lib. 111.*] Præterea &
quidam eodem finẽ coniugum reginarum comper-
tam impudicitiam infami lenocinio toleraſſe legun-
tur. Iuliam filiam Auguſtus Cæſar Tiberio vxorem
dederat; feminam vltra fidem humanam læſciuam,
effrenem, viri contemptricem. Graue quidem Tibe-
rio erat ſufferre proteruiam iſtam: ſed imperij Ro-
mani ſpes (immane tolerantia præmium!) & ne ſo-
ceri animum à ſe abalienaret, ipſum oneri ferendo pa-
rem fecerunt. Ne tamen præſens ſuis oculis intueri
cogeretur illam contumeliam, quam neq. vindicare
licebat, neq. ferre poterat, philoſophiæ & otij cauſa,
vt ferebat, Rhodum ſeceſſit. Hæc prudentia vocatur.
Ex diuerſo Iacobum Borbonium ſtultitię arguunt,
quòd libidines Ioannæ II. Neapoleos Reginæ, a qua
regnum illud dotale habebat, vt priuatæ feminæ ad-
miſſa punire in animum in duxiſſet. Vnde & vxorem
& regnum perdiderit. Ita iudicant quibus *omnia ſer-
uiliſter pro dominatione*. agere prudentis eſſe perſuaſum
eſt.

Neg. ipſe abhorrebat talibus ſtudijs) Veteribus aucto-
ribus celebrati Reges atq. Reſpub. ludorum ſpecta-
cula efficaciffimũ regnandi inſtrumentum habue-
runt; & conſeruandi pacem publicamque quietem,
quàm facilẽ conſeruant inter ſe populi, quibus perpe-
tuus

tuus lætitiæ sol nullis aduersitatum nubibus impeditus (modò ne ad luxum, qui prosperis rebus insinuare se solet, & securitatem, prolabantur) affulget: & ex contrario mortale consilium prudentibus æstimatur, infaustra truciq. modestia velut cruci perpetuò affixos aut equuleo tenere populos. Sed in his omnibus modus esse debet. Tyrannidis mitissimum arcanum est, velle luxui esse deditos, quorum ferocia Imperantiũ arbitrio obstatura timetur: omnia indistinctè duella prohibere pœnisq. vindicare: in præcipuis vrbibus ingentibus sumptibus vasa extruere theatra, amphitheatra, circos, lacus: in quibus saltationes, venationes, ludi, naumachia exerceantur; quarum rerum insana dulcedine vbi semel inieciatur vulgus, neque reipub. curam vllam habere, neq. militaris decoris & honesti gloria tangi solet. Tunc omne quod viuunt vino & tesseriis impendunt, & lustris, & voluptatibus & spectaculis; eisq. templum & habitaculum & concio & spes omnis Circus est maximus. (*Ammian. Marcellin. xxvi. 11.*) Ita post Neronis mortem apud plebẽ sordidam & circo & theatris suctam summum erat Neronis desiderium; eoq. pronior in Othonem fauor; vt imitatione luxus Neroni similem. (*Tac. i. hist.*) Trucidato per insidias Alexandro Florentinorum primo Duce, plebs de recuperanda libertate ne cogitauit quidem; mœsta, & rumorum auida; quòd Alexander annona, ludis & omni popularitate cunctos in sui amorem rapuisset. (*Cinus. 1. de vita Cosmi*) Cyrus Lydis arma & equos ademit, cauponasq. & lenocinia exerceiussit: & Aristodemus Cumanorum tyrannus ciuium

uium suorum liberos ad vicesimum vsque ætatis annum feminarum more educari iussit, vaga indutos & muliebri tunica, capillis calamis tratis, capite fertis redimito, omni denique habitu mulierem mentientes. (*Dionys. Halycarn. vii. 1. Rom. antiq.*) Iisdem illecebris Scytharum animos sibi deuinxit Ioannes Comnenus Imp. (*Nicet. Choniast. 1. Annal. addit que de eadem gēte sunt, apud Niceph. Gregor. 11. hist.*) His non omnino hñsimilia sunt, quibus mitigandis Britannis vsum esse Cn. Agricola scribit Tacitus; *Sequens hyems, inquit ille, saluberrimis consilijs absumpta: namque vt homines dispersi ac rudes, eoq. bello faciles, quieti & ocio per voluptates assuescerent, hortari priuatim, adiuuare publicè, vt temples, fora, domos extruerent; laudando promptos, & castigando segnes. ita honoris æmulatio pro necessitate erat. Jam vero principum filios liberalibus artibus erudire, & ingenia Britannorum studijs Gallorum anteferre: vt qui modò linguam Romanam abnuebant, eloquentiam concupiscerent. Inde etiam habitus nostri honor, & frequens toga: paulatimq. discessum ad delinimenta vitiorum; porticus & balnea, & conuiuiorum elegantiam. Idque apud imperitos humanitas vocabatur, cum pars seruitutis esset.* Literarum studia emollire, atque adeò effeminare animos, credita sunt. Gothi magnum librorum numerum, cum iam iam igne subiecturi essent, intactum reliquerunt; quòd illis studijs hostes suos imbelles factos crederent. Catoni quoq. solenne fuit dicere, Roma nos tunc Remp. perdidisse, quando Græcas literas amplecti cœpissent. Idem auctor Senatui fuit, vt tres Oratores, qui nuper Athenis venerant, cuestigiò domum remitterentur. quip-

pc

pe verebatur, ne Romana iuventus, scientiarum illecta dulcedine, à militiæ studio & laboribus abstraheretur.

Populum per tot annos molliter habitum nondum audent ad duriora vertere.) Prudentes Principes nunquam ab vno extremo ad alterum transfiliunt: de quo benè hic Amiratus, melius Maluezzus. adde quæ ego suprà dixi ad verba: eadem magistratuum vocabula.

Ciuile rebatur miseri voluptatibus vulgi.) dixi ad lib. 11. ad verb. prompti aditus, obuia comitas &c.

Nihil ausuram plebem, Principibus amotis) periculosa sententia: quam exposui, s. ad verb. proscriptiones ciuium &c. & ad verb. fortioribus remediis agendum.

Gener inuisus, inimici soceri: quæq. apud concordēs vincula caritatis, incitamenta irarum apud infensos erant) ita infr. (lib. 15. bist.) Iulius Briganticus, sorore Ciuilis genitus, vt fermè acerrima proximorum odia sunt, inuisus auunculo infensusq.

Nam spes inceſſerat diſſidere hoſtem) Populos inter se diuisos dissentientesq. adoriri successit interdum, sæpè laceranti nocuit. Cogitanti mihi, quæ diuersi euentus causæ fuerint, succurrit, vocatos ab alterutra discordium parte prosperè mouisse; sua sponte alienam in se pugnam deriuantes suo sibi, quod dicitur, iumento malum quæsiuisse. Quippe primo casu & nostris & alterutrius partis armis sociatis facilè est, infirmiores opprimere: & ea odiorum ciuiliū rabies est, vt partium altera, quæ externos vocat, plerunque neglecta propria salute, nihil quàm æmulorum exitium

tium quærat. Adeò penatum & patriæ caritas ciuium diffidijs concedit, vt euerti patriam, sibiq. alienum iugum accedere homines malint, quàm popularibus concedere. Exterorum præda esse præoptant, quàm cum popularibus quietè agere: & quod suis viribus consequi non possunt, excidio patriæ quærunt; peregrinis gentibus æmulisq. non magis ad bellum, quàm ad prædam & veluti patriæ possessionem accitis. Altero verò casu, cum vtramq. partium externus hostem habeat: non idem sperari debet euentus. Imò probabilius est, descensuros ad consilium, quod vnicum ad salutem superest, ciuilia odia ponendi, cōiunctisq. viribus eundi in hostem: quem omnium libertati tendere insidias, facile omnes aduertunt. Videntes & Hetrusci cum discordes Romanos aggressi essent, victi sunt; & Philippus Vicecomes Mediolani Dux sæpius Florentinorum furoribus imminens, cum vltra vicies centena millia nummum auctorum expēdisset, nihil omninò profecit. Hispani, à Francisco Gallia Regē in suis finibus laceßiti, confestim rebellionem sauißimam animosq. suo Regi infensos posuere; (*Guicciard. xiv.*) De Gallis Christophorus Morus homo ciuili prudentia quàm maxime insignis dicere solebat; illos perpetuò inter se digladiari, seseq. mutuis vulneribus conficere: verum cum viderint, Hispanos inde occasiones captare, suisque commodis intentos, statim in commune contra externum hostem conspire (*Petr. Matth.*) Tutius igitur est, dissentiente inter se vna gente, quiescere; dum mutua se cæde conficiant. Ita miseræ patriam viris, armis, cæterisq. belli

neruis exhaurientes tibi pugnabunt; nec deinde superuenienti resistere poterunt. Consilij quoq. pars est debiliori parti occultè submittere auxilia, non quæ finiendi, sed quæ trahendo in longum bello sufficiant. Quomodo Alcibiades Tissafèrni suasisit, ne nimis enixè Lacedæmonios iuuaret. quippe memorem esse debere, alienam se victoriam, non suam instruere, eatenus bellum sustinendum, ne inopia desereretur. Nam Regem dissentientibus Græcis arbitrum pacis ac belli fore; & quos suis non possit, ipsorum armis victurum. Domesticis itaq. bellis Græciam obtinendam, ne externis vacet; exæquandasq. vires partium; & inferiores auxilio leuandos; com meatus malignè præbendos; classem regiam non totam mittendam; ne aut victoriam daret, aut necessitatem deponendi belli imponeret. (*Just. lib. v. hist. Xenophon. 1. hislor. Græc.*) Plura ex veteri historia non addo; ex noua vñ num. Cùm Pistorienses intestinis dissensionibus laborarent, & Florétini modò huic modò alteri factioni fauerent; breui cò res deducta est, vt Pistorienses pertæsi tot molestiarum sponte se suaq. omnia in Florentinorum potestatem tradèrent. (*Vix. humanæ*)

ducem sequerentur.) adi ad notas ad lib. i. i. verb. ob
magnitudinem æris &c.

*Cecinam cum XL cohortibus Romanis, distrahendo hosti
per Brueros ad flumen Amisiam misit*) Hæc est illa no-
stris moribus tantoperè laudata virium hostilium di-
uisio; quam satis apto vocabulo Diuersionem appel-
lant: cum, ne vna mole bellum ingruat, nos quoque
nostris & federatorum viribus distributis, pluribus
locis hostem laceessimus: eiq; qui nobis bellum intu-
lerat, domi suæ negotium faceessimus. Quomodo
Romani, maximis suis necessitatibus, & extremis,
cum ab Hannibale non semel victi essent, dimissis,
quibus summoperè indigebant, exercitibus, ducibus-
que, deniq; summa ærarij inopia, & in Italia, & Hi-
spania, & Sicilia, & Græcia vno eodemque tempore
cum Carthaginensibus bellum gesserunt. Quod sa-
nè vnicum ipsis ad salutem superfuit consilium. De-
mus sanè, fingamusq; Marcellum, & Scipiones, &
vbique Carthaginensibus oppositos milites in Italiam
contractos: sed tunc, & Sardinia & Sicilia in ho-
stium potestatem concedebant; & ex Hispania Has-
drubali, quo minùs fratri auxilio veniret, nihil ob-
stebat; & Philippi Regis minæ impunitæ erant. Ita
augefcente vi Romana Hannibalis quoque arma po-
tentiora fiebant; & fortuna pro Carthagine, Romanis
aduersa. Consultius igitur fuit Sardiniam & Siciliam
seruare; grande momentum, subiectæ forent aut ho-
stes: tùm auxilia, quibus deficientibus Hannibalem
procul à patria in hostico bella cientem, sine alia vi
corrucere necesse erat, succidere. Sanè nulla vi ex Ita-

lia abstrahi potuit Hannibal, nisi cùm Scipio, ille qui postea Africanus vsurpatus est, ipsam Africam patriamq. hostium adortus est. Venetis quoq. salutare fuit idem consilium. Prælio victi erant à Genuensibus, vt Romani à Carthaginensibus: & hostis vrbi imminebat. Excidium ita depulsum est. Facto cum Bernaboue Vicecomite federe, Genuenses summa vi domi suæ aggressi sunt. Inde factum, vt, quæ suis, qui Folsam Clodiam occupauerant, submittere auxilia, parabant Genuenses, domi retinere cogerentur: & ciuitas in Venetorum potestatem rediret. Sed de his parcè dicendum mihi est, ne fortassis Hannibal aliquis me Sene Phormione dementiorem iuuenē vocare possit. Plura dixit Paulus Paruta libro primo disputationum politicarum capitulo sexto.

Quadragesimum id stipendium Cæcina parendi aut imperitandi habebat: secundarium, ambiguarumque rerum sciens, eoque interritus.) Miratur Dio Calsius Cocceianus (*lib. xl. 1. hist.*) historicus profectò prudentissimus, & immeritò à Iusto Lipsio in catalogo prudentiæ Doctorum [*in not. ad polit.*] præteritus, quid causæ fuerit, quòd Pompeius Pharsalica acie victus, neq. pristinæ virtutis, neq. multitudinis illorum, qui prælio supererant, memor, neque eo secum perpenso, quòd sæpè leuissimo momento fortuna illos, quorum afflictæ res sunt, in integrum restituere soleat, animum desponderit, & omnem omnino à se spem abdicauerit; cùm tamen superioribus temporibus summa animi constantia vsus benè semper in aduersis rebus sperare consuesset. Causam dixerit, quamquam in alio subiecto

iecto Theophylactus Simocatta, (11. *hif.*) his verbis;
 θεβειν αὖ μεταβολή, παρὰ τὰς ἐπιβὰς εὐρίπυσσας μετὰ γὰρ τῆς πραγμάτων
 καὶ τῆς γῆρας ἀμύβου. 1. mutationes inopinē terrent ani-
 mum: quando cum rebus ipsas quoq. cogitationes
 & consilia inuertunt. Consentit Polybius (*lib.* 11.) cu-
 ius hæc sunt verba: multi sunt, qui, quando de summa-
 rerum decertaturi sunt, ea tantum ob oculos sibi po-
 nunt, quæ ex victoria commoda consecuturi sint; &
 suavi futuri boni titillatione ratiocinantur, quàm iu-
 cundè illis bonis vsuri sint: casus verò sinistros non
 considerant, nec quid in omnem euentum fieri de-
 beat, secum animo voluunt. Inde accidit, vt multi,
 cùm victi essent, turpiter se gesserint. Hæc Polybius.
 Et ipse Dion in hanc sententiam concedit. Pompe-
 ius, inquit, quòd multis modis se Cæsare superiorem
 esse persuasum haberet, nihil omninò præuidit. Neq;
 enim idoneo loco castra posuit; neq. refugium sibi, si
 superaretur, parauit: cumq; rem extrahere, atque ita
 victoriam sine prælio obtinere posset (nam & lingu-
 lis diebus copiæ eius augebantur, & rerum necessa-
 riarum copia ipsi suppetebat) tamen signa contulit.
 Vnde factum est, vt præter opinionem victus, neque
 consilium, neq. spem fortunæ denuò periclitandæ ca-
 pere potuerit. Idem scribit de Spartanis Thucydides
 (*lib.* 1v.) Pylo & Cytheris præter opinionem ab Athe-
 niensibus occupatis, tanto in vniuersum metu & stu-
 pore percussos, vt non in commune consulere, non
 congregi cum hoste auderēt; quicquid vltra aggrede-
 rentur, infaustum inauspicatumq. fore, in idoneo in
 bellis timore, augurantes. Quemadmodum autem

im-

improvisi casus deijcere animum solent: ita repentina & insperata felicitas plerunq. in insolentiam vertit. Cuius rei infinita in Historia exempla occurrunt. Ex quo sequitur, eos qui varijs fortunę casibus iactati & exerciti sunt, *secundarum ambiguarumq. rerum scientes*, neq. aduersis in rebus omnem spem abijcere, neq. in prosperis quicquam de animi constantia remittere. Non potest athleta magnos spiritus ad certamen adferre, qui numquam suggillatus est. Ille qui fudit sanguinem suum, cuius dentes crepuerunt sub pugno, qui supplantatus aduersarium toto tulit corpore, nec proiecit animum proiecтус; qui, quoties cecidit, contumacior surrexit, cum magna spe descendit ad certamen. (*Senec. Ep. xxi.*)

Iuuit hostium auditas, omissa cede prædam sectantium) O quantum decus paratum erat, superioribus annis; nostris exercitibus; cum ad Agriam profligatis Turcis etiam Imperatoris Ottomanici capiendi spes erat, nisi militum auditas prædę præperas manus admouisset. *Obstitit vincentibus prauum inter ipsos certamen, omisso hoste spolia confectandi.* Sed vanum est, exercitum nulla disciplina imbutum, destitutūq. stipendiis tenere velle.

Fortè equus abruptis vinculis vagus & clamore territus quosdam occurrentium obturbauit. tanta inde confectio inrupisse Germanos credentium, ut cuncti ruerent ad portas &c.) Ludibria mortalium! quæ vniuersa quidem vitæ tempora condicioneq., sed bellorum maximè fortunam nobilitant: in quibus vna vox, aut nutus, aliaue vanitas partium successus mutauit. Aratus Achæ-

chæorum imperator cum quibusdam ciuibus de Cynætheorum vrbe sibi tradenda pactus erat: & conuenerat, vt ille in insidijs cum exercitu prope urbem lateret, nec antè moueret, quàm in tumulto, qui ante portam erat, hominem palliatum, circa medium diçi, conspiceret. Id signum fore mouendi. Venit Aratus, & conscios expectat. Ecce autem, circa quintam diçi horam, ciuis quidam, cuius oues non procul vrbe pascebantur, pastorem accessurus vrbe egreditur, tumultumq. palliatus ascendit, oculis pastorem vestigaturus. Aratus falsò ratus signum sibi dari, propterè imò preproperè ad urbem aduolat, sed exclusus portis omniq. spe, confusus abiit. (*Polyb. x.*) Simillimum est casui, qui hic à Tacito refertur, quod scribit Paulus Æmilius in sexto Historiæ Francicę Christiani Ptolomaida obsidebant. Saladinus non procul à nostrorum exercitu cum suis copijs confederat. Pugnabatur; & ad nostros inclinabat victoria, cum quidam ex nostris equitibus ante signa res gerens in pedes se excepit, & equus solutus in castra refugiebat. Sublato à circumstantibus clamore, vt prehensis habenis sisteretur, qui rem ignorabant, de antesignanis actum rati, cesserunt, & sua fuga reliquam turbarunt aciem. Arnulfus, Cæsar Romam diu frustra obsessam per occasionem leporis fottè in urbem refugientis cepit; Romanis stationibus ludicro hostium insequentium clamore atq. impetu tanquam vero conterritis. Hoc solum deerat vrbi Orbis terrarum victrici dedecus, vt à lepore capta diceretur. (*Sigibert. in Chron.*) Perusię olim duæ factiones erant in Oddos & Balio-

nos diuise; hi superiores, illi exules. Sed cum quæ ciuiliū dissensionū vicissitudo est) vna nocte quorundam couiuratione Oddi in urbem recepti essent, & in ipsorum manu esse victoria videretur; vna vox eā illis eripuit. Obtinebat illorum temporum mos, vt publicæ ciuitatum viæ catenis noctu clauderentur. Præmiserant igitur exules quendam è suis, qui claua ferrea obices claustraq. perfringeret. Qui cum insequentium, seseq; mutuò prementium impetum non ferret, & multitudine penè obrueretur, vt retrocederent, exclamauit. Vox ista cum ad proximos initio, inde ad extremum quoq. agmen peruenisset; ita omnium animos fregit, vt ab hostibus pelli primos rati, seq. ad fugiendum moneri, effusissima fuga, qua venerant, abirent.

Hosti facile excidium, & paucos & semermos cogitanti. sonus tubarum, fulgor armorum, quantò inopina, tantò maiora offunduntur. cadebantque, vt rebus secundis auidi, ita aduersis incauti.) Quamquam sufficere poterant, quæ paulò superius dixi; tantè & operæ precium erit, quædam alia hic apponere, non aliena loco. Nulli in bello conatus feliciorem exitum fortiuntur, quàm de quibus hostis minimè suspicatur. Omne enim subitum hosti formidabile est. (*Xenophon. 111. Cyroped.*) Inde C. Cæsar hyberno tempore, & vt Tranquillus loquitur, spurcissimis tempestatibus vel infido se æquori committere, vel aliàs ad expeditionem proficisci solebat; quò incautioribus hostibus superueniret. (*Dio Cass.*) Iulius Agricola, cum contra Monam insulam pergeret, deficientibus nauibus depositis, omnibus sarcinis, lectis-

lectissimos auxiliarium, quibus nota vada, & nandi
 vsus, quò simul seq. & arma, & equos regunt, ita re-
 pentè immisit, vt obstupefacti hostes, qui classem, qui
 naues expectabant, nihil arduum aut inuictum cre-
 derent sic ad bellum venientibus. (*Tacit. in Agric.*)
 Recentius exemplum est in Historia Italica. Noua-
 ria oppidum à Gallis obsessum ab Heluetijs defende-
 batur. Sed cùm Altosaxium celebrem bello ducem
 postera die maiori cum militum numero expectari
 ab hostibus Galli cognouissent, desperata expugna-
 tione castra ad secundum ab vrbe lapidem mouerunt.
 Et sanè spes erat victoriæ ob stipendiorum & com-
 meatuum angustiam propinquæ. Verùm irrita facta
 illa est facinore Mottini, vnius è tribunis Heluetiorũ,
 ob audaciam planè stupendo. Is conuocata suorum
 concione vehementi oratione hortatur, irent, & vl-
 trò hostes in suis castris adorirentur. rem, quantò dif-
 ficilior & periculi plenior videatur, tantò felicius ex-
 ituram. In partibus esse noctem, illatos tumultus
 & terrores geminaturam. Igitur prouecta iam no-
 cte, cùm in vallum eniterentur, primùm à tormentis
 ingentem cladem acceperunt. Nec minùs tamen illi
 incredibili ferocia non vulneribus, non periculis, sola
 morte sistebantur; & neq. cadentium & pereuntium
 miserabili vlulatu deterriti pertinaci testudine ad lo-
 cum, in quo tormenta disposita erant, succedebant.
 Atrox ibi facies rerum! Vtrimq. infesta nox; incer-
 tis pertenebras, quid oppugnare potissimùm oportet-
 ret, vel tueri: donec Germani milites, qui in Gallicis
 castris stipendia facientes ferè soli illa nocte egregiã

pugnam ediderāt, oriente iam sole amissis tormentis cederent. Ergò victoria penes Heluctios fuit, tanta fama toto orbe celebrata, vt multi considerata consilij audacia, mortis certissimæ contemptu, ferocia pugne, & felicitate successus non dubitauerint ante ferre facinus istud omnibus fortibus factis, quæ Græcas atq. Romanas implent historias. Scilicet, pugnas paucos contra multos, sine equite, sine tormentis, nulla adductos necessitate (quippe Nouaria extra periculum erat, & postero non paruam suorum manum sibi accessuram sperare poterant) deniq. gloriam cū periculo, quam ignobilem securitatē maluisse. (*Guicci. xi. hist. Parut. i. hist.*)

Addam hic, quod Ioannes Marnixius (*sect. vii. axiom. xv.*) præcipit, vñitata & communia stratagemata assiduò reuoluere: quæ, quò magis contemnuntur, cò faciliùs fallant.

Postremo & illud hic obseruandum est, ciuitates recens captas receptas esse sepiùs, non alia magis occasione, quàm hostium securitate, & quòd victis in præcordia posse redire virtutem non putarant illi. Quomodo Fr. Sfortia Brixiam aliquot post diebus, quàm capta erat, recepit. (*P. Justinian. in hist. Ven. & vide eiusmodi consilium Teutiapli Elei apud Thucyd. lib. i. i.*)

Sed femina ingens animi, munia ducis &c.) non me vanè ostentabo, historias illustrium feminarum recitando, quas Ioannes Boccacius, Balthasar Castilioneus, alijq. congeserunt.

Accendebat hæc onerabatque Scianus) alibi locus erit dicendi de aulicis æmulationibus.

Propria pecunia militem iuuat) v. s. ad verba . quanto summæ spei propior &c.

Cuncta mortalium incerta, quantoquæ plus adeptus foret, tantò se magis in lubrico dictitans) Illustrat hanc sententiã elegantissimus locus apud Ammianum Marcellinũ; (*lib. xiv.*) quem hic adscribam: Versabiles fortunæ motus, qui ludunt mortalitatem; nunc euehentes quosdam in sydera, nunc ad Cocytii profunda mergentes: cuius rei cum innumera sint exempla, pauca tactu summo transcurram. Hæc fortuna mutabilis & inconstans fecit Agathoclem Siculum ex figulo regem, & Dionysium gentium quondam terrorem Corinthi literario ludo præfecit. Hæc Adramitenum Andricum in fullonia natum ob pseudo-Philippi nomen euexit: & Persei legitimum filium artem ferrariam ob quærendum docuit victum. Eadem Mancinum post imperium Numantinis, summa atrocitate Veturium & Claudium Coris substrauit, feritatis Carthaginis Regulum. Istius iniquitate Pompeius post quæsitum Magni ex rerum gestarum amplitudine cognomentum ad spadonum libidinem in Aegypto trucidatur. Et Eunus quidam ergastrularius seruus ductauit in Sicilia fugitiuòs. Quam splendido loco multi nati, eadem rerum domina conuiiente, Viriati genua sunt amplexi, vel Spartaci? quor capita, quæ horruere gentes, funestici carnifices abscciderunt? Alter in vincula ducitur; alter insperatæ præficitur potestati, alius à summo culmine dignitatis excutitur. Quæ omnia si scire quisquam velit, quàm varia sunt & adfida, arenarum numerum idem iam desipiens & mō-

tium pondera scrutari poterit.

Leges Maiestatis reduxerat) Capita legis Iulix, quæ olim Cornelia fuit, maiestatis, quæ hic à Tacito relata, latius explicantur à Scæuola, Vlpiano, Martiano in l. 1. 11. 111. IV. D. ad l. Iul. Maiest.

Facta arguebantur, dicta impunè erant) similis locutio est lib. 111. Annal. *vana à scelestis, dicta à maleficijs differunt* : fanè apud bonos Principes . En auream Imp. constitutionem : Si quis modestiæ nescius &
 „ pudoris ignarus improbo, petulantiq. maledicto no-
 „ mina nostra crediderit laceßenda, ac temulentia tur-
 „ bulentus obtreceptor temporum nostrorum fuerit :
 „ eum pænæ nolumus subiugari, neque durum aliquid
 „ nec asperum volumus sustinere : quoniam si id ex le-
 „ uitate processerit, contemnendum est ; si ex infania
 „ miseratione dignissimum, si ab iniuria, remittendum.
 Eugè ! bellè ! Non repeto, quæ dixi ad verba. im-
 mortum aduersus eos sermones &c.

*Falanio obijciebat accusator, quod inter cultores Augusti, qui per omnes domos in modum collegiorum habitantur, (as-
 sium quendam mimum corpore infamem adsciuisset : quodque
 venditis hortis statuam Augusti simul mancipasset &c.)*
 similia, imò magis ridicula, quàm animaduersione
 digna sunt, quæ apud Constantium Imp. pro maiesta-
 tis crimine valuisse Ammianus Marcellinus scribit
 (lib. xvr.) Nam si quis super occentu soricis, vel oc-
 cursu mustelæ, vel similis signi gratia consuluisset,
 aut anile incantamentum ad leniendum adhibuisset
 dolorem ; reus, vnde non poterat opinari, delatus ra-
 ptusq. in iudicium pœnaliter interibat. Si qui reme-
 dia

dia quartanæ, vel doloris alterius collo gestaret, siue per monumentum transiisse vesperem maleuolorum argueretur indicijs: vt veneficus, sepulchrorumq. horrores, & errantium ibidem animarum ludibria colligens, pronunciatus reus capitis, peribat. (*Ammian. lib. xix.*) Quidam Agentium-in rebus in Hispania ad cœnam inuitatus, cum inferentes vespertina lumina pueros exclamasse audisset ex usu, Vincamus, interpretatus atrociter deleuit nobilem domum. (*Ammian. lib. xvi.*) Eadem sub Valentiniano & Valente pestis. in chartis clari cuiusdam municipis genitura Valētis cum inuenta esset; quamquam is fratrem suum Valētem quemdam fuisse, dudumq. obijisse docuisset, quasi Principis constellationem collegisset, trucidatus est. (*Ammian. xxix.*) Adolescens quidam visus in balneis admouere marmori manus vtriusq. digitos alternatim, & pectori, septemq. vocales literas numerasse, stomachi remedium id arbitratus, in iudicium tractus percussus est gladio post tormenta. (*Ammian. xxix.*) Philosophus quidam Cocranius ea causa tormentorum immanitate occisus est; quod ad cōiugem suam familiariter scribens Græco sermone addiderat: *εὐδὲ ἰσχυρὸν ἐρεθιστὸν ἐστίν* (*Ammian. xxix.*) Illud oblitus sum, quod sub Constantii imperio accidit. Faustinus Viuentii Præfecti Prætorio F. quod petenti per iocū cuidam Nigrino, vt eum Notarium faceret, respondisset, hominem ridens, fac me imperatorem, si id impetrare velis, cum Nigrino & aliis interfectus est. (*Ammian. xxx.*)

Granium Marcellum prætorem Bithynia Quaestor ipsius
Capio

Capio Crispinus maiestatis postulavit, subscribente Romano Hispone: qui formam vitæ inijt, quam postea celebrem miserie temporum, & audacia hominum fecerunt. Nam egens ignotus &c.) O pestem humani generis! & optimo ditissimoq. cuiq. exitiabile malum: eoq. formidabilius, quod non tyrannicas tantum, sed & bonorum sæpè Principum aulas inhabitat. Sub initium belli ciuilis inter Vitellium & Vespasianum, cum nihil æquè fatigaret, quàm pecuniæ conquisitio: eos esse belli ciuilis neruos dictitans Mucianus, non ius aut verum in cognitionibus, sed solam magnitudinem opum spectabat. passim delationes, & locupletissimus quisq. in prædam correpti. (*Tacit. 11. histo.*) Aurelianus Imp. post Gallienum & lamentabiles reip. casus exinanito ærario torrentis ritu ferebatur in diuites; & Valentinianus Augustus post procinctus Parthici clades indigens magnitudine impensarum, vti militi supplementa suppeterent & impendium, crudelitati cupiditatem opes nimias congerendi miscebat. (*Am-
mian. lib. xxx.*) Quæ vt armorum necessitate & ærarii angustia & à bonis principibus vsurpata vix ac ne vix quidem excusata sunt; ita reliqua scelera, omnemq. improbitatem excedunt, quæ potentes quidam in aula viri, quorum plus-habendi cupido vltra mortalem modum sese attollit, in vitam, & fortunas aliorum audent; eò crudelius plerunque quò difficilius plurium, quàm vnius ingluuies satiatur. Hiantes amicorum in magna fortuna cupiditates ipsa Principum facilitas intendit: cum apud infirmum & credulum minore metu & maiore proemio peccetur (*Tacit. 1. bist.*) Colligunt se
qua-

quatuor vel quinq. viri, atq. vnum consilium capiunt ad Principem decipiendum; dicunt, quid probandum sit. Princeps, qui domi clausus est, vera non nouit; cogiturq. hoc tantum scire, quod isti loquuntur; facere iudices, quos non oportebat; amouere à Rep. quos retinere debebat. deniq. bonus, optimus, cautus venditur Imp. Quæ Diocletiani Cælaris querela est apud Vopiscum. Præcipuè tamen detecta in Principem coniuratione aliqua & ciuilis belli victoria grassari solet ista latronum improbitas. Si quis enim militarium vel honoratorum, aut nobilis inter suos rumor etenus insimulatus est, fauisse coniuratorum aut rebellium hostiumue partes, trahitur: & inimico virgente, quasi sufficiente hoc solo, quod nominatus sit, aut delatus aut postulatus, capite, vel multatione bonorum, vel exilio damnatur. Qui diuitijs honestè partis affluunt, qui prædia, villas, hortos, & amœna secessuum habent; parum est, imò pro lucro deputandum, si ad venditionem coguntur. Optimis conditionibus facta venditio eius rei est, quæ nisi dimittatur, vi auferri potest. Potentiores, quod iure consequi nequeunt, vi extorquent.

—cuiunque monile

Contextum gemmis, aut prædia culta fuissent:

Ruffino populandus erat: dominoq. parabat

Exitium secundus ager: metuenda colonis

Fertilibus laribus pellit; detrudie auitis

Finibus; aut aufert viuis, aut occupat heres.

Congesta cumulantur opes, orbisque ruinas

Accipit una domus: populi seruire coacti:

Pl-

Plenaquē privato succumbunt oppida regno

Claudian lib. 1. in Ruffin.

Intentatur crimen aliquod grande, & morte piamdum. Immissi deinde in rei edes repertoria & indices conficiunt: vbi inter chartas, & secretiorum literarum euolutiones facile est subdere aliquid, quod innocentis famam oneret. Illud post profertur in iudicio, recitaturq. & ex eo velut infallibili testimonio conuictus miser damnatur. Tum quoq., si quæ defensiones ad Principē perferendę scribuntur supprimuntur. neq. profectò, si, vt ille loquitur, quis ascendat quadrigas Iouis, effugere poterit nefarias noxiosissimorū hominū artes. Et propterea cauti Principes, ne calumniis & improbitati veluti fenestras aperirent, punitis, quos manifesta scelera ad supplicia vocabant, de complicitibus inquiri noluerunt. Theodosius occiso Valentiniano quodam seditiosorum duce de coniuratis quæstionem agitari noluit; ne formidine sparsa per multos reuiuiscerent prouinciarum compositi turbines. (*Ammian. xxviii.*) Et Tiberius Cæsar, alioqui sanguinis humani sitientissimus, quanquam multi è domo sua, equitesq. ac Senatores sustentasse opibus, iuuisse consilij Pseudo-Postumum Agrippā dicerentur, in illos haur quæsiuit. (*Tacit. 11. Annal.*) Sanè inquiri in nocentes, nemo, qui quidem rectè sapiat, reprehendet. Nec enim abnuimus, salutem legitimi principis propugnatoris bonorum & defensoris, vnde salus quæritur alijs, consociato cunctorum studio muniri debere. Sed illud lugubre est, & deplorandum, illos, qui inquirendis reis, in maiestatis

ma-

maximè crimine, constituuntur, *data calumnie indulgentia* (*Ammian. xix.*) mandatorum terminos supergressos fluminis modo fortunis complurium sese repentinos infundere; (*Ammian. xiv.*) & cum malis bonos, cum nocentibus innoxios trahere atq. iugulare. Venationem diceret ! quippe ut quis vel carne, vel preciosa pelle venatori placet, in retia pertrahitur. nec latronum interest, quid quisq. deliquerit. Multi præterea publicæ vindictæ specie priuatas offensas, & suas iniurias vlciscuntur.

Subseruiunt isti latrocinio, velut venatici canes venatoribus, homines quidam egentes, ignoti, irrequieti, complicandis calumniarum nexibus indissolubiles: artium cruentarum diri magistri, & vltanista ex equuleo & carnifice quæstum fructumq. captantes: (*Ammian. xix.*) homines cum gemitu nominandi; (*Ammian. xxii. & xxviii.*) spiritus ferini latrones, quibus inuitis nullus potest reperiri insons; (*Ammian. xxviii.*) noxiæ & harenarijs feris magis maleficæ bestię; (*Ammian. xix. & xxviii.*) omnium erumnarum coagula; (*Ammian. xxix.*) cruciarij; (*Ammian. xxix.*) dispendijs communibus pastis (*Ammian. xxx.*) odorandi vias periculorum admodum sagaces; (*Ammian. xiv.*) tartarei deniq. malorum omnium fabricatores; (*Ammian. lib. xxix.*) qui dum occultis libellis sēuitiæ principum aut amicorum eius adrepunt, mox clarissimo cuiq. aut ditissimo periculum faceßunt, *potētiam apud unum aut paucos, odium apud omnes adipiscuntur; ex pauperibus diuites, ex contemptis metuendi perniciem alijs, ac postremò sibi inuenientes.* (*Tac. hic.*)

Horum alij ignoti & vilitate ipsa parùm cauendi ad colligendos rumores per vrbes destinantur, relaturi, quæ audiunt; & honoratorum circulis adhistendo, peruadendoq; diuites domos, quicquid noscere possunt, latenter intromissi per posticas in regiam nunciant: id obseruantes conspiratione concordi, vt fingant plurima, & cognita duplicent in maius. Vnde accidit interdum, vt si quid in penerrali secreto nullo citeriore eius vitæ ministro præsentē paterfamiliās vxori in aurem susurrauerit, id postridie sciat Princeps. (*Ammian. xlv.*) Adduntur haut rarò custodes, qui inconsultas voces excipiant: *nuncios, introitus, aperta, secreta velut in annales referant*, conuiuialium deniq. fabularum simplicitatem odiosè exaggeratam in aulam deportent. (*Tacit. i i. anal.*) Aliud sycophantarum genus est, qui cum illo, quem subuersum volunt, iaciunt fortuitos sermones, vt fraudis amoueant suspicionem: tum blāduntur illi, quò capient beneuolentiam; pòst aliquid rerum suarum arcanarum illi committunt, vt fidem mereantur sinceritatis. His artibus irretitus ille bonus animi sui secretum prodit, quod illi per calumnias auctum ad Principem deferunt. Solent etiam tales interdum per amicitiae speciem de ficto periculo præmonere, vt odium aut diffidentiam serant: quomodo Agrippinam Germanici viduam dolosè monuit Seianus, paratum ei venenū, vitandas Tiberii epulas. Tunc inter ministeria vitæ secretioris Principum aures occupantur, & negocia torquentur. verbisq. premuntur aut eleuantur, & paruo negotio deflectuntur aut intenduntur; quem-

ad-

admodum semper ex supercilio aut remissione dicentis subitam efformamus, & maximè efficacem in mètribus imaginem rerum, quas primùm audimus.

His artibus cùm in casses pertracta præda est, accusatores subornantur, & die funestis interrogationibus præstituto imaginarij iudices resident, adhibitis iuris consultis & scribis, omnibus, quæ sint agenda, dicenda, pronuncianda prædoctis. (*Ammian. xiv.*) Leges, & iura, & Catonianæ vel Cassianæ sententiæ prætenduntur: agitur aut, quod agitur ad voluntatē prætumidæ potestatis. (*Amm. xxvi.*) Posthæc intenduntur equulei, expediuntur plumbea pondera, cum fidiculis & verberibus: resultant omnia truculentæ vocis horribus; inter catenarum sonitus, tene, comple, claude, abde, ministris tristium officiorum clamitantibus. (*Ammian. xxi.*) Postremè in hac scena partes carnificis sunt: & cùm nulla sit crudelior sententia, ea, quæ est, cùm parcere videtur, asperior; nihil acerbius esse potest, quàm quòd pœnam à iudicibus ex præscripto legum latam clementissimi Principis miseratione mitigatam præfert damnatio. Inde qui carnificis ictui subternitur, gratia Principis à cruce aut igne, aliove maiore supplicio liberatus dicitur, & clementiæ prætextu, ad proscriptiones & exilia, & bonorum publicationes, & quæ leuiores vocantur, quamuis sint asperrima, venit: & ut dicitur alij, genere nobiles facultatibus locupletes, urbium suarum ornamenta; acti patrimonio præcipientes trusq. in exilium consumuntur angore, aut stipe precaria victitant; nec modus ullus exitialibus malis interponitur, donec

principem & proximos opum cediumq. tadium ceperit. (*Ammian. xxvi.*) Postremò accusatoribus, & delatoribus, spolia, sacerdotia, & procurationes, tam opulentæ venationis præmia persoluuntur; quibus tamen aut sibi ipsis exitium deniq. inueniunt, aut saltem posteritati suæ. Sed impossibile est, omnes nefandorum scelerum latebras inquirere. nihil enim est supra improbitatis ingenium. Exempli illarum quas diximus delationum, & quæ innocentibus insidiantur, artium, quanquam plurima ex omni historia adduci possent; ego tamen, cum in tam tristi argumento iam fortassè nimis longus fuerim, paucissima referam; quorum primum apud Tacitum extat, & Dionem Cassium. T. Sabinus illustris Eques Romanus, ob amicitiam Germanici, nefanda fraude iam tunc sublato, inuisus erat Tiberio & Seiano; cuius fauor non nisi scelere queri poterat. Igitur Latiaris, Portius Cato, Petilius Rufus, M. Opsius conueniunt, ut Latiaris, qui modico usu Sabinum contingebat, strueret dolum, cæteri testes adessent, deinde accusationem inciperent. Initiò igitur Latiaris in Tiberium, in Seianum maledicta, de Germanico honorifica loquitur; quibus paria Sabinus rependit: hiq. sermones tanquam verita miscuissent, speciem artæ amicitie fecerunt; ac iam ultro Sabinus ad Latiarem dolorem suum effundebat. Consultant deinde, quos memoravi, quo modo Sabini dicta plurium auribus acciperentur. Et placuit tectum inter & laquearia tres Senatores, haut minùs turpi latebra, quàm detestanda fraude, se abstruere, auresq. rimis admouere. Interea Latiaris re-

pertum in publico Sabinum, velut recens cognita nar-
raturus, domum trahit: & simul præterita, instantia,
nouosq. terrores cumulat. Eadem & ille, & diutius
& acrius: quando mœsta, vbi semel prorupere, dif-
ficilius retinentur. Tres illi dicta ad Casarem defe-
runt. Sabinus necatur. Similis historia extat apud
Nicetam Choniaten (*lib. 111. annal.*) de Theodoro
Styppio per amicitiae speciem à quodam Camatero
Logotheta inducto, vt de Imperatore, qui ad id post
aulæ latebat, verba quædam incautiora proferret.
Sextus Marius Hispaniarum ditissimus saxo Tarpeio
deiectus est: nec dubiū erat magnitudinem pecuniæ
malo vertisse. (*Tacit. vi. annal.*) Agrippina Statilium
Taurum, opibus illustrem, hortis eius inhians peruer-
tit. (*Tacit. xv.*) Vrsicinus apud Constantium Impera-
torem Equitum Magister ab Eusebio cubiculi præfe-
cto variis oppugnatus est artibus: nullis causis, nisi
quòd domo sua, quam Antiochiæ habebat, molestis-
simè flagitanti cedere nolebat. (*Ammian. Marcell.*
xviii.)

Tripolitani continuis Austurianorum (gentis ra-
pto viuere sucte) incursionibus infestabantur; con-
nuente Romano, Africæ Comite, homine nequissimo,
quamuis sapius implorato: qui fretus affinitate Remi-
gij tunc magistri officiorum, hoste peius prouinciam
vastabat. Ergò Tripolitani extrema veriti, legatos ad
Imperatorem mittunt, lacrymosas prouinciæ ruinas
exposituros. Quo comperto Romanus quendam ad
Remigium, rapinarum participem equo velocissimo
vectum præmittit, orans operam det, vt sibi ab Impe-

ratore Tripolitanorum querelæ cognoscendæ deferantur. Quamuis autem ista machinatio non succederet, misso in Africam Palladio quodam, qui stipendia militi solueret, & de Tripolitanorû clade inquireret: inuenit tamen Romanus aliam viâ extricâdi se ex hoc sibi imminenti periculo. Militib. persuadet, vt aduenienti Palladio, in aula potenti viro, stipēdij, quod pertulerat, magnam partem acceptam ferrent: quod & factum est. It Palladius, videt luctuosos prouinciæ cineres, & fumantes penè adhuc recenti incendio agros: Romaniq. desidiâ increpans, relaturum se cuncta ad comitatum Principis minatur. Quibus ille minis haut sanè territus, se quoq. indicaturum dixit, quòd Palladius militi destinatum stipendium in suum quæstum verterit. Quid sit? Palladius conscientia perterritus, cùm Romano in miseros prouinciales conspirat; & reuersus Valentinianum Imp. impijs artibus fallit; Tripolitanos siue causa quæstos affirmans. Quare Imp. impositum sibi à Tripolitanis indignè ferens, non modò querelis illorum aures non præbuit, sed & legatos capitali supplicio affici iussit.

Hæc pestis, hæc perniciēs cùm satis in priuatorum vitam ac fortunas sēiuit, cùm Principi plerunq. plus odiorum & inuidiæ, quàm opum contulerit, tandem, nisi obuiam eatur, in ipsius Principis exitium vertit. Quicquid enim scelerum, quicquid rapinarum & concussionum isti nebulones exercent, quodcunq. iniusticiæ genus committunt, quicquid deniq. peccant, id sub regio nomine peccant. Et vt maximè Princeps nefariorum istorum operum liberetur suspicione:

con-

conniuentiæ tamen aut socordiæ opinionem, ex qua contemptus, & ex contemptu odium, certissimæ principatus pestes oriuntur, effugere non poterit; & populi subiecti, vbi vestem regiam, suamq. pellem à gratiosis in aula inter se diuidi satis diu tulerint, tandem horum auaritiam, & illorum lethargum acerbis remedijs excutere solent.

Hæ tales ac tantæ insidiæ, quibus euitandis nec optimus Princeps satis cautus esse potest, audacter dicam nulla prouidentia declinari possunt, nisi Princeps omnem calumniarum occasionem præcidat, quantum fieri potest, ipse omnia cognoscere studeat, pleraque ipse omnia tractet; vel saltem in ministrorum suorum fidem pijsima diffidentia diligenter inquirat; quomodo Dagobertus Francorum Rex vrbes circumiens ius ipse dicebat, orbos liberos, viduas tenuiores, egentes à potentiorum vi asserebat; (*P. Aemil. 1. liss. Franc.*) & Alfonsus Calabriæ Dux in hunc finem supra portam palatij (locum hodieq. monstrant aduenis Neapolitani) ex ære Campano nolam suspendi iussit; quam qui pulsasset, ilicò vel ad Regem admittebatur, vel ad illum, qui ab Rege ad audiendum mittebatur. Veneti quoq. certis temporibus quosdam Quæsitorum titulo in prouincias sibi subiectas cum vitæ necisq. potestate mittere solent, qui in ambitionem & auaritiam magistratuum animaduertant, & à potentioribus oppressos subleuent. (*Mauroc. xv 111. Hist. Ven.*) Sed hic cauendum est, ne quod suprà de Palladio diximus, quæsitores in eodem crimine hæreant cum his in quos mittuntur. Porro delatores sistendi sunt, illisq.

im-

imponendum, ut fidem faciant eius rei, quam detulerunt. Idq. etiam rescripto Diui Pij, & aliorum principum continetur, ut Irenarchæ (quorum munus erat apprehendere reos, interrogare, cum elogio ad magistratus mittere) dictorum fidem faciant. (*Marcian. Jc. in l. vi. de custod. & exhib. reor.*) Et quando eò ventum est, ut delatores necessarium regni instrumentū putentur; consultū erit plures ignotos inter se ignorantēsq. habeantur: qui si consentientia retulerint, credi ijs fortasse poterit; diuersa dicentibus fides abnuenda, & vlteriùs inquirendum si quo modo veritas in lucem produci possit. Iucundum quoq. scitu & memoratu dignum est, dispositorum equorum originem ab hoc fine esse, ut, cum latè regnari cœptum esset, reges quid in disitis quoq. regionibus rerum gereretur, cognoscerent. Et fallit Orlandus Mala-uolta in Historia Senensi, ab Augusto cursorios equos disponi cœpisse scribens. Esse enim id institutum multò antiquius ex Xenophonte constat, qui id Cyro adscribit (*lib. vii. Cyrop.*) Locum, quia notabilis est, adscribam. Etiam aliud quiddam excogitasse Cyrum cognouimus, quod ad imperij magnitudinem pertinet, vnde celeriter intelligeret, qui rerum etiam longè remotarum status esset. Cum enim considerasset, quantum itineris equus agitatione diurna conficere viribus integris posset; equorum stabula parari curauit, & in eis equos constituit, cum illis, qui corū curam gererent. Ordinauit & quouis loco hominem, qui tum ad recipiendū literas allatas, tum ad tradendū cas alijs idoneus esset, quiq. defatigatos equos & homi-

mines exciperet, & recentes submitteret. Atq. hoc in itinere ne noctu quidem cessari dicitur, sed nuncio diurno succedere nocturnum. Hęc Xenophon. unde *Postarum*, vt vocant, antiquitas constat. Sed & hoc institutum id imperfectionis habet, quod Princeps non rarò mendacibus literis & relationibus decipi potest; & hoc tantum scire cogitur, quod alijs placeat. Idem Malauolta, quem dixi, in eo quoq. errat, quod, cum post Augusti tempora vsus dispositorum equorum euauisset, reductum esse à Vicecomitibus Mediolanensibus scribit. Legimus enim Iustiniano Codici insertas Constantini, Iuliani, Valentiniani, Gratiani, Valēti, Theodosij, Arcadij, Honorij, Leonis, & Anastasij de cursu publico constitutiones, & ipse Iustinianus equorum publicorum in Nouella constitutione tricesima mentione facit.

Sinistros de Iberio sermones babuisse v. s. ad verb. vxori Martię aperuisse.

Quo loco censēbis Cæsar? si primo, habeo, quod sequar; si post omnes, vereor ne imprudens disscntiam. Erat moris in Rep. Romana, dicendę in Senatu sententię initiū, fieri à Cos. & ijs, qui alios dignitate anteibant. (*Gell. lib. xiv. cap. vii.*) Quod postea mutatum est, & primi rogati sententiam, qui nondum gesserant magistratus: (*Dio xxxix.*) ne puta primi illi vel cæteris dicendi libertatem subtraherent, vel auctoritate non iudicio sequentes in suas partes traducerent. Inde Tacitus: (*111. annal.*) *Exemit (Tiberius) etiam Drusum consulem designatum dicenda primo loco sententię: quod alij ciuile rebantur, ne cæteris, ad sentiendū necessitas fieret etc.*

Judicys adsidebat in cornu tribunalis &c.) Ius ipsi dixisse memorantur Augustus Cæsar. (*Suet. in Aug. c. xxxi i i.*) Tiberius (*Suet. & Tac. hic*) Claudius. (*Suet. in Claud. xiv.*) Vespasianus. (*Suet. in Vesp. xx i.*) Trajanus. (*Plin. in Paneg.*) alij: sed temporum nostrorum arrogãtia simplicem istam veterum facilitatem respuit. & inde scholastica politica quæstionem hodiè fecit politicam; an princeps ipse pro tribunali ius dicere debeat? Mihi non vacat istam litem examinare. Dignum sanè maiestate Principis videtur, curare, ut iudices, & magistratus sanctè & innoxie imposito sibi munere fungantur. Ipsum autem ordinario tribunali præsidere, qd̄ memorati fecere Principes, fortassis. & alienum à dignitate regia foret; & curam Principis publicæ res, non priuatorum litigia. exposcunt. Sint igitur magistratus, sint iudices, ad quos priuati confugiant; sed sint quoq; principes, qui iudices iudicent.

Eroganda per honesta pecunia cupiens, quam virtutem dimisit, cum cæteras exueret) Subleuare miseros, donare benemèritis, mediocribus stipendijs excellentissimū quemq; in sua arte colere, quin egregium sit, & Principi necessarium, nullus, opinor, dubitat; verum regia largitione, & magnificètia exinanito, ætatio, cum illud maxime repentino ingruente bello, aliaue necessitate extraordinariis & violētis tributorum exactionibus replendum est, ut paucorum beneuolentia, ita omnium odium acquiritur. Vnde consideranti mihi. Principum publicas opes, & vicissim pace belloq; necessitates atq; onera, non absurda videtur cuiusdā sententia parsimoniā liberalitati præferentis; liberalitati,

inquam, quæ celebre Principis nomen faciat, quæque priuatam benignitatem longè transcendat. Egentibus enim subuenire, merita compensare, virtutibus & artibus stipendia constituere, non tam libertatis donatio, quàm obligationis dissolutio est. Sed corrupto hominum iudicio fit, ut in Principibus non innoxens prodigalitas magis laudetur, quàm parsimonia etiam cum alieni abstinentia coniuncta. Parsimoniam pro auaritia appellant, & luxuria specie liberalitatis imponit. (*Tac. l. hist.*) Ferdinandus Catholicus nimis tenacitatis arguebatur: sed calumniam mors Regis detexit: cum post quadraginta duos imperij annos nullos cumulasse thesauros deprehensus esset. (*Gucciard. xii. hist.*) Verum, ut dixi, melius est, comparcere, quod necessariis temporibus expendas; quàm expèdere, quod noua iniuria à subiectis populis repetas. Nec mihi hic aliquis Cæsaris aut Alexàdri munificentiam obiiciat. Ille enim regni parandi gratia & pro dominatione pecuniæ parcere noluit; hic verò, cum perpetuis bellis insudaret, ex praeda & hostilibus spoliis victoriarum socios ditare & poterat & debebat. Alia nunc temporum ratio est.

Cupidine seueritatis in his etiam, quæ ritè faceret, acerbis) v. quæ nos ad lib. vi. verb. mirumq; amorem &c.

Ad ostentandam sauitiam, monendaq; populi offensiones concessam filio materiem) quò scil. ipse amabilior fieret, & accepior populo. Certè idem Tiberius Caligulà sibi successurum ea maximè causa gauisus est, quòd ab illo sua scelera superatum iri speraret. (*Dio Cass. vii. l. i.*)

Centesimam rerum venalium &c.) pudet referre, quà

excreuerint, in Italia maximè, venalibus rebus impo-
sita vectigalia. Hereditates quoq. & dotes & legata,
quorum olim vicesima pendebatur, non delibantur
hodiè, sed magnam illorum partem fiscus rapit.

Militare ararium eo subsidio niti] C. Cæsar duas res
esse prædicabat, quibus & quæreretur, & conseruare-
tur, & augeretur potentia, milites ac pecuniam. (*Dio*
Cass. xl i i.) Impossibile est, sine bello tutos nos sèper
esse, & militem sine stipendio alere. (*Dio. L i i.*) Neq.
enim quies gentium sine armis, neq. arma sine stipen-
dijs, neq. stipendia sine tributis haberi queunt. (*Tac.*
iv. hist.)

Optimè rebus mortalium consuluisse naturam, qua sua ora
fluminibus suos cursus, utque originem, ita fines dederit]
Fluminum deriuationes vix vnquam benè successisse
perpetua obseruatione notatum est. nec enim sibi vim
inferri natura patitur.

Id quoque morum Tiberij fuit, continuare imperia &c.]
sit ne Principi aut Rebus pub. vtilius imperia & ma-
gistratus continuare, deq. modis omnibus, quibus e-
minentium virorum spiritus atq. potentia deprimun-
tur, alibi latissimè disseram.

Finis Notarum politicarum in li- brum primum Annalium.

C. CORNELII TACITI.

CHRISTOPHORI FORSTNERI AVSTRII

NOTÆ POLITICÆ

Ad librum II. Annalium

C. CORNELII. TACITI.

¶ Ut petitum Roma acceptumque Regem, quamvis gentis Arfacidarum, ut exter- num aspernabantur] Alienigenam dominum nemo patitur lubens; (Curt. lib. vii.) & placidius est, suis parere: Et vix vlla natio est, quæ gloriosis factis nomen suum extenderit, nisi ductu atq. auspicio suorum Principum, suorumq. ductorum. Assyrios, Persas, Macedonas, Romanos, Francos, Vandalos, Gothos vide ceterosq. Martios populos: ex suo sanguine Principes, atq. duces habuerunt. Israelitas Maximus Deus ex suis fratribus regem legere iussit; & lege regia Germanorum cautum est, ne nisi Germanus ad Imperium vocetur. Exterorum imperia raro diuturna fuere. Omitto vetera. Angli Franciæ possessione, quam olim tenuerant, omnino exciderunt: Franci Siciliam, Neapolitanum regnum, & Insubriâ sui olim dominiî prouincias nec ipsi diu retinuerunt; adeo ut præter maiorum suorum sepulchra nihil ibi

re-

reliquum habeant. Deniq. certum mihi est, vbi vel subiectorum ferocia, vel amulorum maligna cura imminet, nunquam extero securam fore regni possessionem. Certè Hispaniarum Rex Italicarum prouinciarum dominium non nisi plurima arte politica, immensa pecuniæ vi, & perpetuis militum & castellorum præsidijs seruat; nec id efficere potest, quo minus modò à Gallis, perpetuis Hispanicę potentiæ æmulis, modò ab ipsis Italicis Principibus, vel aperta vi, vel arcanis artibus laceffatur. Præterea, cum diuersi sint populorum mores, diuersa ingenia, diuersæ leges; quidam etiam *nec totam libertatem, nec totam seruitutem pati possint*; (Tacit. 1. hist.) nec nisi pactionibus adstrictum Principem recipere soleant; peregrinus Princeps, qua apud suos gubernandi ratione vsus fuerat, etiam hic vti vult; quam tamen subiecti ferre vel nequeunt, vel dedignantur. Inde murmura, querelæ, & ad priuilegia atq. immunitates prouocatio; deniq., vbi non subuenitur, *remedium ex bello*. Certè armorum contra Principem suum sumptorum nō aliam magis fuisse causam Bataui asserunt, quā quòd Rex ea ratione, quam in Hispania vsurpabat, etiam in Belgio regendo contra priuilegia & immunitates populorum vti vellet. (Hieron. Consolag. 1. de bell. Bel.) Ita Frisii, cum Saxonibus tūm temporis dominis suis rebellassent, causam agere iussi, armorum tumultuūque non aliam fuisse causam responderunt, quā in nouello dominatu præter ius & pacti fidem postulata, perq. vim & contumeliam exacta tributa; quæq. in principatu, ac populo imperiis sueto ferri non possent,

sent, ea populo libero & contumeliarum impatienti
 irrogata. (*Vbbo Emm. xxxix. hist. Fris.*) Quapropter
 ego Traiano Boccalino assentior, affirmanti, vnam es-
 se rationem feliciter imperandi populis, qui Opti-
 matum electione, & sub certis condicionibus in al-
 terius Principis ditionem veniūt, si nimirum à pactis
 illis Princeps ne latum quidem vnguem discedat, ne-
 que ex legibus, moribus, & institutis subiectorum
 quicquam immutet, aut imminuat; indeq. politica-
 rum artium & arcanorum magistros, qui natura &
 institutione liberam & nullo vinculo ligatam domi-
 nationem amant, parum huic principatui aptos esse
 prudentes adium conductores vti cœnaculis, qualia
 sunt. Princeps ergo talis vetustam omnibus in nouo
 regno faciem relinquere, veteres seruare leges & ma-
 gistratus atq. officarios; nec priuilegiarum immunita-
 tumq. vllam tentet vel abrogationem, vel imminu-
 tionem. En, iure ciuili quoq; Proconsul eiusq. lega-
 tus iubentur eam prouinciæ partem ingredi, per quā
 ingredi moris est. magni enim facere prouinciales,
 seruari sibi cōsuetudinem istam, & huiusmodi prero-
 gatiuas. (*Vipian. in l. 1 v. de offic. proconsf.*) Et relatum est
 de Prisco quodam, qui cū à Mauricio Imperatore
 Dux exercitui contra Hunnos præpositus esset, & sub
 aduentum in castra, neglecto prisco more nec equo
 descenderet, nec militem comiter salutarer, ita grauē
 totius exercitus offensam incurrit, vt lapidibus aliq.
 telorum genere impetitus vix saluus euaserit. (*Theo-
 phylact. Simocat. 111. hist.*) Contrà prudentiæ laudem
 meruit amplissimam Philippus II. Hispaniarum Rex,
 quod.

quòd cùm scripturam, qua delictorum gratiam Lusitanis recenter subactis faciebat, publicaret, Lusitana lingua illam confici iussit, solos Lusitaniae Regù titulos vsurparit, cæteris omisissis: deniq. cùm soleret subscribere diplomatis hæc verba; *Ego Rex*; hic tantùm scripserit; *Rex*: cum quinq. punctis, :: quæ Lusitani vulnera appellant; prorsus ad morem Lusitaniae Regibus vsitatum. (*Conestag. 1 v. de coniunct. regni Lusit. cum regno Cast.*) Qua animi moderatione si in Belgio quoq. vsus esset idem Rex, hodieq. illas provincias imperio suo teneret: quarum abalienatio non aliundè processisse videtur, quàm ab ambitione Cardinalis Granuellani, introductione nouorum Ep. decretis Hispanicis, & peregrinorum ad honores, cum quadam incolarum iniuria euectione. Et vt summam dicam, quod per exemplorum multitudinem eunti prolixè dicendum foret, fuit hæc ferè semper, est. que hodiè penè vnica ciuiliū armorum causa, quòd Principibus persuasum est, immunitates, & prerogatiuas populis non alio fine concedi, quàm pueris plorantibus cerasa, & crepundia: auferenda rursus, cù plorare desierint. Inde còtra leges & mores patrios & priuilegia factum ab altera partium altera semper conqueritur. Hincq. peregrinos in politica scientia esse illos constat, qui stuprum violenter illatum Lucetiae causam fuisse putant exigendorum ex Vrbe Roma Regum. Occasio fuit, non causa; quemadmodum id iam ante à N. M. & Boccalino obseruatū est. Causa mutati status fuit Tarquinij tyrannis, & Senatus auctoritas contra vetera instituta ad vnum

tra-

eraducta; deniq. mutata prioribus Regibus vsitata rē-
pub. administrandi ratio. Spectabant igitur Roma-
ni etiam ante illatum Lucretiæ stuprum ad rebellio-
nem, & occasionibus, si quæ se darent, imminebant;
alias vtiq. venaturi, si Lucretiæ pudor remnunquam
violasset Tarquinius. Porrò eæ, quas diximus, diffi-
cultates externi principatus non sunt illis in regnis,
quæ dominatui assuetæ integrā seruitutem nullis ad-
strictam modis aut legibus ferre queunt. Vt enim
difficilis est horum acquisitio, ita facilis conseruatio.
Mirum sanè parùm intelligenti rerum ciuiliū vide-
ri posset, quid causæ sit, quòd defuncto Alexandro in
medio rerum suarum cursu, nullo tot regnorum he-
rede certo relicto, nulli in tot populis numero infini-
tis, spacijs immensis, immanitate barbaris motus ex-
titerint, nisi quos ducum Alexandri ambitio excita-
uit. Sed si quis considerauerit gentes illas à Persicis
Regibus dominico quodam imperio, & à satrapis qui
à regibus in prouincias precario iure mittebantur, re-
ctos esse, mirari desinet. Nec enim libertatem sibi e-
ripi indignantur, qui semper seruierunt. Eadem Tur-
cici regni condicio est; quæ situ difficilis: vbi indeptus
fueris, facilis retineri. Vt enim in eiusmodi despoti-
co principatu nō sunt sperandæ dissensiones illæ ciui-
les, quæ externo principi aditum in illud facere pos-
sint; nec muneribus, promissisue corrumpi queunt sa-
trapæ, quippe mancipia sui Regis; aut, si maximè cor-
ruptionibus paterent, non possent in suas partes per-
trahere populos, solam Regis & domini maiestatem
reuerentes; ita cui contingeret pellere Turcas in re-

tinendo illo imperio paruo labore & ingenio opus haberet. Nam & populi seruire assueverunt: & Sarraparum sine populorum sequeula vani essent conatus.

Cæterum vnum adhuc superest, quod obijci potest illi, quod suprà dixi, neminem libenter externos dominos pati; Nam Sarmatarum gens reges sibi externos præficere iam dudum solita est. Inde Iagellones ex Lituania, & ex Transilvania Batorcos, & postremo Serenissimum Sigismundum Regem suum ex Suecia vocauit. Verùm huius moris fortassis singulares habent rationes: quarum sanè non minima est, vt, cum in nobilitate emulationes sint vehementissimæ, nolintq. quemquam supra cæterorum condicionem euehi, æqualitas quædam conseruetur. Ita malunt sibi alienum iugum accedere, quàm cui & olim equali obedire; tanquam parendi vilitas augeat, si te notis submiseris, & subleuetur peregrinitate dominorum. Præterea ea Procerum prudentia est, vt mediocris potentia & exiguarum virium dynastas, vel omninò eos principes sibi adsciscant, quos vel animi moderatione cognitos, vel procul dislitos timere non debeat. Hæ sunt, quibus singulare, & à cæteris nationibus abhorrens Polonorum institutum nititur, rationes; quæ si cui non satisfaciant, ego sanè Sarmaticam istam politicam aliter non defendam.

Vononem ætustissimum liberorum] de primogenitura iuris publici consulti scriptitant; quorum commutationes videtis.

Latantes, vt sermè ad noua imperia.] Nota, vulgi morem,

rem, latari ad noua imperia. Quippe semper noua nescio quā beatitudinis specie se nobis commendare solent, & homines à nouo principe largitiones, priuilegia, immunitates, deniq. aureos montes expectant. Mediolanenses à Ludouico XII. Galliarum rege defecerunt; ea causa, quòd spe liberalitatis, quam sibi in Rege enormem imaginati erant, frustrabantur. (*Gulciard. 17. hist.*) C. Cæsar, quòd neq. opera consumare, quæ instituerat, neq. populi expectationem, quam de aduentu suo fecerat, priuatis opibus explere posset, turbare omnia ac permiscere ciuili bello coactus est. (*Sueton. in Jul. c. xxx.*) Eandem etiam inter alias causam fuisse motuum bellicorum superiori seculo in Belgio coeptorum scribit Hieronymus Conestagius in prudentissima (quicquid alij iudicent) de bello Belgico historia: (*lib. 1.*) Et idem in historia de coniunctione Lusitaniæ cū regno Castulonensi (*lib. viij.*) refert, victis Lusitanis, etsi omnium ratio habita fuerit, quorum aliquod in Regem meritum eminebat, & alijs dignitates, alijs annuæ pensiones, alijs aulica officia collata fuerint; tamen tantam fuisse præmia expositentium ob aliquam notabilem operam multitudinem, vt non vniuersis regni tributis ijs satisfieri potuerit.

Accendebat dedignantes & ipse diuersus à maiorum institutis, raro venatu, segni equorum cura, quotiens per vrbes incederet letitica gestamine, fastuque erga patrias epulas. irridebantur & Gracicomites, ac vilissima vtensiliū annulo clausa. Sed prompti aditus; obuia comitas, ignota Parthis virescutes, noua vitia &c.] Magne prudentiæ est, ita mo-

res suos componere, vt nec seueritas amorem, nec facilitas auctoritatem minuat. Tractemus igitur hic, quando locus nos inuitat, quibus modis auctoritatem princeps sibi conciliare possit. Eorum igitur, quæ verendum populis Regem faciunt, duo præcipua sunt; Virtus, & externus morum decor: & virtus iterum, vel aliena, vel sua. Principis propriæ virtutes sunt, sagacitas in pernoscentis ciuium animis, peritia bellicarum artium, paucis tuendæ solertia, aduersus subitos casus præparatio, dexteritas obsecundandi temporibus, maturitas in deliberando, celeritas in exsequendo, constantia in agendo, in promissis veritas, in cæptis magnus animus, in factis inconcussus animi robur, in diuinis exacta sacrorum & religionis cura, denique in vniuersæ vitæ curriculo morum equalitas & constantia. Hæ virtutes munimenta sunt magnitudinis regiæ: hæ populos veneratione implent; hæ principem tutum sanctumque præstant. Has Princeps captatis locorum & temporum occasionibus ostentare debet, exemplo Scipionis; qui non veris modò virtutibus mirabilis, sed arte quoque abiuuenta in ostentationem eorum fuit compositus. (*Liv. xxvi.*) Si verò earum splendor vitiorum quorundam squalore obfusetur, celare nauos, nec publicè peccando scelerum licentiam facere Princeps debet.

Alienam virtutem intelligo illorum; qui circa Principem sunt, quiq. ab illo vel publicis vel palatinis officijs præficiuntur, vel denique eius stipendio viuunt. (*U. lo. Barclai. i. Argen.*) Multum quippe refert, qui cuique adhibeantur negotio; & ex horum condicione

do-

dominorum fama est vel excelsa, vel in deterius. Quare quicquid præclarum est in regno, quicquid extra regnum, in regiam velut in cælum stellæ, coematur. Domitandis alius equis, alius pugilatu sit nobilis: ille ædium moliendarum celebretur peritia, aut deriuandis in simulacra fontium aquis; vel si qua ars alia suo aut seculi genio valet. Si qui sunt duces, qui militarem impetum ratione compositum habent, aut fortuna proprium, si alicubi latent raræ eruditorum faces, quæ vel publicæ prudentiæ aptæ sunt, vel solis libris natæ apud præsentis & posteros ex ira vel favore diuidere mortalibus famam possunt: statim emanatur, etiam quanti seipsos vendere volent, si vilius fortè non possint. Ipsa stipendiorum magnificentia commendabit ministrum, & gloriam possidentis. Finge ergò, artificijs, literis, armisq. præcipuos conuenisse ad vnum Principem; quis deinde toto orbe de regia illa sermo? quis eam ignorabit? principi ipsi quanta operis merces? vt excedet mortalium fortem? vt viuus & sospes multò certius, quàm per odores & aquilam erumpentem ex funere se sentiet consecratum? Nec est, quòd superuacua sollicitudine defuturos ex erario sumptus vereamur. Parcius aucupium procuretur; stabula tanquam in Sybaritano exercitu saltatoriis equis (*v. Angel. Politiæ. xv. Miscell.*) ne ferueant; ne reparetur iactura ingenti pecunia, si quæ de venaticis canibus aper perculserit; ne Andronici Imperatoris exemplo (*Nicephor. Gregor. ix. Phranzes Protouest. i.*) canes amplius mille quadringenti, accipitres mille, & qui hos curent, homines totidem alantur:

tur; ne tantum auri in tot vilissimos homines, qui implere regum domos solent, profundatur: remoueantur adulatores, stulti, moriones, nani naturæ monstra, fruges tantum nata consumere: in arctiorem numerum, & ad duorum, triumue amanuensium laborem reducantur vana nomina & munia illorum, qui à memoria, à descriptionibus, à secretis dicuntur. Quod si fiat, semper supererunt pecuniæ, opes publicæ, thesauri, qui Principum maiestati famulentur.

De gestuum externorum maiestate & grauitate, cæteroq. corporis cultu, vitæque instituto nihil certi tradi potest. Ignotæ enim virtutes pro vitijs accipiuntur. Et Vononis exemplo monemur, in externis istis non esse *diuersi à maiorum institutis*. Generaliter tamen monendi sunt Principes, sermone vtantur paucorum verborum, incessu tardo, veste graui. Recessus etiam, & rarus in publico conspectus multis placeat. Quippe continuus aspectus minùs verendos magnos homines ipsa satietate facit. (*Liu. xxxv.*) & *maiestati maior ex longinquo reuerentia est*; (*Tac. 1. Annal.*) & omne ignotum vulgò habet aliquid sacri atq. magnifici. Inde Assyrij reges perpetua solitudine maiestatem venabantur; & olim apud Germanos Velledam, fatidicam regia potestate virginem, coràm adire alloqui. omnibus negatum. Ipsa edita in turri: delectus è propinquis consulta responsaq. vt internūcius numinis portabat. (*Tac. 1v. hist.*) Contrà nimia popularitate peccasse memorantur Iulianus Imperator (*Ammian. Marcell. xxv.*) & Henricus III. Galliarum

Rex

Rex. (*Tibull.* l. xvi.) Omnino autem egregiè maiestatem humanissimis moribus, sed qui non temeraret tantum fastigium, temperauit Fridericus Daniæ Rex. Sæpius amicos, quasi seposita Regis persona ad sales & iocos, & in quæ liberior animus ruit, prouocabat; monens, lasciuirent secum, & iucundè ineptirent, dū Rex abesset. Postquam satis lusum fuerat, resumptra regia gravitate, Hæus, amici, inquit, mittamus nugas: rex enim redijt. Non igitur maiestas humanitatem excludit. Illa populos in cultum suorum regum, hæc in amorem & beneuolentiam aduertit. Solet enim morum facilitas, inquit Nicephorus Gregoras (*vi. hist.*) in altiore dignitatis gradu faciliè omnium animos sibi reddere obnoxios: quemadmodum veris amœnitas & flosculorum suauitas omnium oculos in se vertit. Et hoc Indorum sapientum effatum est; principem, quò sublimior est, eò humaniorem si inferioribus præbeat, carissimum omnibus futurum. Stultus est auceps, qui tubarum clangore aut tympanorum strepitu volucres in retia pellicere sperat. Quare prudenter quidam iudicare videntur (*Traian. Boet.*) Hispanos, si ingenij acumini, fortitudini, avaritiæ & ambitioni humanitatem & morum facilitatem sociare scirent, posse non vanè orbis terræ dominatum sperare; quem ipsis impossibilem reddat nullum ferens, & à nullo ferenda illorum superbia & fastus.

Specie amicitie intellectum) v. quæ scripsi s. ad lib. i. ad verba; *Lepidum specie amicitie &c.*

Caterum Tiberio baut ingratum accidit, turbari res Orientis,

tis, ut ea specie Germanicum fueris legionibus abstraheret, novisque provinciis impostum dolo simul & casibus obiectaret]

Hinc inde Cornelius noster modos & remedia docet, quibus boni & mali Principes nimios priuatorum spiritus, & formidolosam sibi vim cohibuerunt, fregeruntque. Ego illo labore semel defungi satius duco. Igitur eminentes viri, & ultra priuatorum conditionem potentia, diuitijs (tyrannis virtus quoque metuitur) & opibus pollentes, non absque causa & Principibus, & liberis, suisque legibus viuentibus Rebus publicis metuendi habentur. Ea enim est magnorum, cætera summis virtutibus excellentium hominum natura, idque ingenium, ut cupiditatibus suis, & ambitioni maximè, quæ sapientibus quoque nouissima exuitur, modum statuere vix vnquam sciant, & idè aliena debeant inhiberi potestate, qui excefferunt suam. Themistocles ad imperandum natum se prædicabat; (*Plutar. in Themist.*) & Iasonis dictum refertur, miserum se vocantis, quod non regnet; (*Arist. 111 polit. 111.*) & Alcibiades in concione populi Atheniensis, non esse iniquum, dixit, si quis magno animo præditus cæteris equari nolit. (*Thucyd. lib. vi.*) Denique Historiæ Florentinæ scriptor non veretur dicere, esse in singulis Rebus publicis familias fatales, quæ earum exitio nascantur. Nimirum nemo est, qui, etsi non verbis, tamen apud animum suum non probet C. Cæsaris dictum;

Nam si violandum est ius, Imperij gratia

Violandum est: alijs rebus pietatem colas.

Sæpè est audita Alexandri Magni vox, Antipatrum

Ma-

cedonię à se præpositum, dum ipse in Asia bellum gereret, regium affectare fastigium: maioremq. esse præfecti opibus, ac titulo Spartanae victorię inflatum omnia à se data asserentem sibi. (*Q. Curt. x.*) In Repub. Romana, vnde omnium rerum magnarum exempla meritò petuntur, quid factiones, & in medio foro primùm armorum ciuilium tentamenta, mox introduxit aperta inter ciues bella, & antiqui moris corruptionem, & deniq; libertatem euertit, nisi paucorum nimia potentia? qui cùm continuatis imperijs populi inconsultum fauorem acquisiuisent, tandem illo in ipsum patrię exitiũ vsi sunt. Hinc neq. Cæsar superiorem, neq. Pompeius parem ferre potuisse dicitur. De diuitijs immensis priuatorum, quæ regis opibus pares aut superiores erant, quibus exercitus suos faciebant, & plebem donis, ludis, spectaculis sibi diuiciebant, incredibilia narrantur. Quid enim? putemus ciuili modestia viuere potuisse, qui plura flumina possidebant, in suo oriëntia, in suo cadëtia? (*Sen. de tranq. an. i i.*) quorũ è numero erāt, qui, vt Arhenęas (*v i. diuinosoph.*) affirmat, decē aut viginti millia seruorũ habebāt? Ab vnus è plebe hominis opibus de cæteris coniici potest. Is erat C. Cæcilius Claudius Isidorus, de quo hæc C. Plinii (*lib. xxxi i i. c. x. hist. nat.*) verba adscribere lubet. C. Asinio Gallo, C. Marcio Censorino (*ofs. C. Cæcilius Claudius Isidorus testamento suo edixit: quamuis multa bello ciuili perdidisset, tamen relinquere seruorum quatuor millia, centum, sedecim iuga boum tria millia, sexcenta; reliqui pecoris ducenta, quinquaginta millia: in numerato. H. S. sexcenties*: quæ summa secundum Lipsij calculum

lum facit millies, quingenties mille Philippicos; hoc est, ut nunc loquimur, vnum millionem cum medio. Porro à civili modestia omninò alienum erat, integras prouincias clientele iure obnoxias habere. quomodo Sicilia Ciceronem patronum habuit, (*Cic. xiv. ad Attic.*) Bononia Antonios, (*Sueton. in August. xvi.*) Sparta Claudios, (*Sueton. in Tiber. vi.*) alij alios. Sed erit alibi locus dicendi plura de Romanæ Reip. vitijs. Nunc ad alia pergimus. Michael Palæologus, adeptus publicæ pecuniæ tractandæ facultatem, cum ea in milites & plebem diuisa omnibus se gratiosum fecisset, sublato vero herede imperium Constantinopolitanum ad se traxit. (*Niceph. Gregor. III. hist. Georg. Phranzes Protocnest. I. hist.*) Vltimi ex Merouæi familia Francorum Reges remissione curarum & ignauis voluptatibus felicitatem metiebantur; omni vi dominationis in Magistros equitum translata. Vnde eò ventum est, ut si reges tantæ potentiæ frænum iniicere in animum induxissent, iam non inhibere potuissent coalitas vetustate, atq. ideò velut legitimas vires. Et Pipinus sibi suisq. tantum optimi atq. virium circumdedit, ut posteris, vsq. ad Pipinum alterum præter nomen nihil ad regnum defuerit. (*P. Aemil. I. II. de reb. gest. Franc.*) Henricus II. Angliæ Rex post redactam in potestatem suam Hiberniam, illi regno Hugonem quemdam cum summo imperio præfecit; qua ille potestate elatus, etiam ipsi Regi obedientiam exhibere contempsit: & maiora ausus fuisset, nisi in tempore à famulo, iubente, certè sciente Rege sublatus fuisset; quemadmodum scribit in Historia de rebus

bus Anglicis sui temporis Guilielmus Neubrigensis ;
(lib. 111.) qui idem alibi de fratre Richardi Regis
 inquit: *indulta Joanni tetrarchia fecit eum ambire monar-*
chiam. Medicæorum familia magnitudinis suæ fun-
 damenta iecit incredibilibus diuitijs , quas Cosinus
 senior collegerat; inde Laurentij virtute & pruden-
 tia tantoperè creuit, vt posterì in eam maiestatem,
 quam hodiè videmus; oppressa libertate, aut licentia
 veriùs patriæ, adoleuerint. (v. *in lib. 1. de vit. Cosm.*)
 Vidit & recens huius rei exemplum superior ætas in
 Sciris, qui nunc in Africa rerum potiuntur. Cùm
 enim Scirius Hascenes cum filijs, religionis Mahu-
 metanæ in remotioribus prouincijs docendæ causâ à
 Rege Fessano tympanum & vexillum, & aliquot
 equitès impetrasset, quibus cū circumire, & populos
 officij sui admonere posset; ab his initijs Regi non
 formidandus modò fuit, sed & cum regno, quod po-
 steri eius hodieq. tenent, exiit. (*Thuv. v. 11.*) Galli-
 ci deniq. regni nuperè turbæ, quas meminisse non in-
 digenis modò, sed exteris quoq. animus horret, pru-
 dentum iudicio ab nimis procerum opibus cœperūt.
 Et iam olim Ludouicus XII. Rex dicebat, potentum
 depressione suam securitatem firmari. (*Guicc. 1v.*
Hist. or.)

Quid ergò remedii est in huius farinæ homines, &
 vt Tacitus (1. *Annal.*) loquitur, *plus quàm ciuilia agi-*
tantes? Vt quod sentio, dicam, difficilimum esse reor,
 Rerumpub. conuersiones, quæ ab ambitione quorū-
 dam accidere solent, vlla prudentia, vllisue consilijs
 præcauere. Etenim principia & fundamenta prin-

cipatus, dum iaciuntur, difficilimè animaduerti possunt: cum turbidi homines & rerum nouarum appetentes primùm sibi clientelas comparare, & beneficiis, liberalitate atq. comitate alios sui similes, quosdam incautos & rerum nescios deuincire soleant. Quæ res quia quandam habent virtutis speciem, occultunt malignitatem suam, nec sine iniquitatis cuiusdam opinione coerceri possunt. Si verò adultum sit malum, & suis viribus subsistat, vix est, vt remedia non sint ipso morbo periculosiora: vt inde Hetruscus politicus forsan non imprudenter moneat, vbi malum aliquod timendum Reip. tantoperè auctum fuerit, vt in difficili sint remedia, satius esse ferre aliquandiu, & imminere occasionibus, quàm intempestiua violentia incassum se opponere. Non placent, qui in futuros morbos firmo corpori medicamenta infundunt, sollicitantq. sopitas ægritudinis causas, nec vlllo tempore priùs quàm inter eiusmodi luctam succensas. Quot mala, quot funera vidimus hominum per eiusmodi medicamina incitantium residues, & velut oblitos nocere humores? Atq. illis similes sunt, qui placidis rebus quærent in futuras tempestates formidolosa remedia, quæq; ambiguo exitu possunt rectam Reip. valetudinem tam perdere quàm seruare. Crescente Romæ Urbis potentia, vicini populi, qui nascens malum in herba opprimere debuissent, serò nimis errorem agnoscetes, fedus inter sese pro libertate contra Romanos icere. quo facto non modò non emendarunt ptio rem errorem, sed altero addito Romanis, quorum amicitiam pacis artibus sibi concilia-

re poterant, in se concitatis, malum repræsentarunt, quod fortassè longè adhuc aberat. Cum M. Antonius Triumvir, hostis à Senatu iudicatus, ingentibus copiis Cæsarem quondam secutis formidabilis esset: suavit Cicero, ut Octavius cum nouo exercitu aduersus Antonium mitteretur. Etenim fore, ut audito Octauii, Cæsaris ex sorore N. nomine confestim sint ad eum legiones transiturae. Prudens sanè consilium! sed quod Antonius alio consilio elusit. Cognito enim periculo, Octavius in suas partes pertraxit: itaque ambo coniunctis armis & viribus Remp. oppresserunt. Cosmus Medicæ superior tam potens in Rep. Florentina erat, ut & proditiōis species videretur, non coercito eo Reip. prospicere, & periculosum, quietum adhuc irritare. Erat tū insignis prudentiæ fama. Nicolaus Vzanus, qui, donec ipse vixit, nunquam durius aliquid in Cosmum decerni passus est: quod præuideret, si quid tale committeretur, ruituram Reip. libertatem. Eo vita functo, discesserunt reliqui ab illius monito, & Cosmum Florentia eiecerunt; qui paullo post à factione sua reuocatus, Florentiæ principatum inuasit; quod non peruenisset, nisi suorum ciuium iniuriis eò prouectus fuisset. Idem in C. Cæsare obseruare licet, qui primū Pompeii ipsius fauore adiutus eam sibi potentiam acquisiuit, quæ ciuitati Romanæ postmodum terrori fuit. quæq. ad minuendam hanc potentiam Pompeius sero nimis inutili cura futuri mouit, & Pompeium & libertatem Romanam funus fecerunt. Fit igitur plerumq. ut quorundam imprudentia, & aliorum inertī conuiuentia

radi-

radices deniq. agat ambitio, & aut omnibus in medicinam desit animus, aut ea non nisi serò, & in vtili cura

10 *cùm mala per longas eualuere curas,*
 rentetur. Sed sunt tamen à prudentibus notata remedia, quibus tantũ malum superari possit; alia quidem, vbi vnum, vel paucos opes & potentia supra ceterorum condicionem regio fastigio propènimis admouerunt; alia iterũ, vbi integri alicuius regni proceres, immunitatibus, praefecturis, viribus superbi in reges propellunt cientesq. potentiam, quam tam ipsi condiderunt. De prioribus primo loco dicam. Quibusdam igitur sua & crudelia placuerunt consilia, qualia Periander aliquis, aut Tarquinius suggereret: ut nimirum summa papauerum descenderent. Hoc modo Alexander Magnus ad Persicum bellum proficiscens, omnes nouerq. suę cognatos, quos Philippus in excelsiorem dignitatis locum prouexerat, interfecit: sed nec suis, qui apti regno videbantur, pepercit; ne qua materia seditionis, procul se agente in Macedonia remaneret; & regis stipendiarios conspectioris ingenij ad commilitium secum traxit; segniore ad tutelam regni reliquit. (*Justin. xi.*) Constantius Imp. cunctos sanguine & genere se contingentes stirpitus interemit. (*Ammian. xxi.*) In historia Constantinopolitana obseruare licet, claros viros vel oculis priuatos, vel in monasteria detrusos. Et tradunt nostri homines cautionem, hos tales prauè gratos vulgo, plebis ductores eodem in carcere custodiri, puniri, & sepeliri debere. Quippe plebeiorum sup-
 pli-

placitis aliorum audaciam terreri; insignium hominū eade accendi. Vnde Albani Ducis imprudentiam arguunt, quod Egmondanum & Hotnanum medio in foro, & in conspectu populi, qui illos tanto perē amabat, capite multare sustinuit. (v. *Boccalin. cent. 11. cap. xlv.*) Aliter Veneti, quorum annales tradunt, cū olim inter nautas & populū periculossima orta esset seditio, quę neq. per lictores neq. magistratū sedari potuisset, eam tandem interuentu P. Lauredani, qui annō superiori Imperator bello maritimo fuerat, illicō conquieuisse. Verū hanc nautarū obedientiam adēdō suspectam Senatui fuisse, ut Lauredanum carceri inclusum mori coegerit. Tacitus quoq. libro primo, seditiosorum duces cæsos intra tabernaculū ducis obrutos dixit: & infrā hoc eodem libro scribit Tiberium Pseudo-Agrippæ pœnam palām non ausū, in secreta palatii parte interfici iussisse, corpusq. clām auferri. Athenienses aduersus opibus, virtutē, vel meritō eminentes Ostracismo utebantur, (v. *Caroli Sigon. 11. de Repub. Athen.*) cautione profectō minū honesta, & quę parū ab illa Ephesiorū legē, quā quis frugi esse utebatur, differre videtur. Sanē Aristoteles (111. *Polit. ix.*) & si fateatur, inesse Ostracismo qualemqualem iusticiam ciuilem, tutius tamen arbitratur prouidere ab initio, ne tali medicina sit opus. (adde *Paul. Parut. 1. discurs. cap. ult.*) Minus enim difficile est, dignitates, opesq. quāuis benemeritis denegare, quā collatas adimere; quippe illi quod nunquam habuerunt, non adeptos se patiētiū ferent: hi verō honores quibus assueti sunt per-

petuis machinationibus recuperare tentabunt. Vnde, qui ciuitatibus pulsi sunt, quod maximè superiori-
bus seculis in Italia, cùm factionibus omnia scaterent,
accidit, semper instrumenta se præbuerunt affligendi
patriam suam. Tutius igitur est, impedimenta obij-
cere instrumentis nimiae potentiae, conuellere funda-
menta, quibus illa nititur, & velut subtractis alimen-
tis ignem ambiciosum extinguere. Illi igitur, cuius
priuatum modum egressæ sunt diuitiæ, dignitates,
curationes, legationes conferantur damnosæ, sum-
ptuosæ, & quæ sine rei familiaris dispendio obiri ne-
queant. Si fauore plebis nitatur aliquis, ille deriuan-
dus est iisdem aut maioribus beneficiis aut illecebris
in ipsum Principem aut Rempublicam. Qui nomen,
famam, & gloriam habet, arduis & periculosis obijci
debet expeditionibus; vt, vbi non successerit negociû,
& euentus spei non responderit, minuat auctori-
tas, quam à rerum gestarum excellentia meruit. Is,
cuius in aula, aliove certo loco nimia potentia est,
specie honoris in longinquas regiones amandari po-
test. Si armis fulciatur alicuius magnitudo, eum va-
rio prætextu ab exercitibus & militia ad honoratissi-
ma quæq. officia, sed quæ potestate omni careant, in
aulam transferendus est. Quomodo Constantius
Cæsar Vrsicinium in Oriente equitum magistrum,
sibi suspectum ad se venire summo cum honore man-
dauit; ea specie, vt pro rerum tunc vrgentium captu
disponeretur concordî consilio, quibus virium incre-
mentis Parthicarum gētium arma minantium con-
silia frangerentur. (*Ammian. Marcell. xiv.*) & idem

Iuliano Cæsari Herulos, Batauos, Petulantes, Celtas,
 & cætera auxilia, quasi ijs in Parthico bello opus ha-
 beret, ademit: (*Ammian. Marcellin. xx.*) Mucianus,
 quia propalàm primus Antonius opprimi nequibat,
 multis in Senatu laudibus cumulatam, secretis pro-
 missis oneravit, citeriorem Hispaniam ostentans, di-
 scessu Cluuij Rufi vacuam: simul amicis eius tribuna-
 tus præfecturasq. largitus est. dein, postquam ina-
 nem animum spe & cupidine impleuerat, vires abo-
 let, dimissâ in hyberna legione septimâ, cuius flagrà-
 tissimus in Antonium amor. (*Tacit. iv. hist.*) Ferdi-
 nandus Consalius, ille qui Magnus Capitaneus vulgò
 vsurpatur, pro Neapolitano regno Regi suo subiecto
 eam retulit gratiam, vt rex ademptis illi exercitibus
 & munitis locis, eum in Hispaniam abduxerit, vbi in-
 glorius obiit. (*Guicciard. iv. & vii.*) Et hanc in-
 gratitudinem, quia necessaria est, & securitati publicæ
 consulit, quodammodò excusatione dignam pronū-
 ciant nostri politici. Porro alia cautio est, arceretur-
 midi spiritus homines ab omni magistratu & impe-
 rio, sed curationibus tamen, legationibus, alijsq. ho-
 noribus ad mouere, quib. honoratiores quidē sint, ni-
 hilo tamē valentiores. Ita Bragatiæ Dux, qui nomine
 vxoris in Lusitanix regnum iura sibi quædam com-
 petere putabat, post illud regnum à Philippo Hispani-
 æ Rege subactum, creatus quidem est *Aurei vellertis*
eques, & inusitatis honoribus affectus; (nam & in tē-
 plo proximus Regi consistere iussus est) nihil tamen
 obtinuit, quod vel opes eius vel potentiam augere po-
 tuisset. (*Hieron. Conestag. viii. de bello Lusit.*) Iterum

alia cautio est, ut si in magnum virum conferre imperium sit necesse, ipsius prauę cupiditates collegā addito coerceantur. Quo consilio, cum Constantius Imp. Gallum Cæsarem ad se euocare vellet, dissuaserunt alij: quippe discedente Cæsare Vrsicinum in Oriente perniciosè relinquendum, nullo futuro, qui prohiberet altiora meditantem. (*Ammlan. xiv.*) Alii, quos inter doctor meus Christophorus Besoldus est, præcipiunt, magnos viros ad vxores ducendas, & liberos suscipiendos adigi, quorum intuitus patrem reddat amiciores Reipublicæ; & hoc præceptum Henricū IV. Gallia Regem in Bironio incautè neglexisse. Sed mihi tam nocere posse videtur istud remedium, quàm prodesse. Nam à voto relinquendi opes atq̃ potentiam liberis, vbi honesta non succedunt, faciliè ad scelera transitur; & nisi sint post nos, ad quos improbitatis vtilitas redeat, non placet incerta & cum periculo, aut brevis deniq̃ felicitas. Augustus inter alia dominationis arcana etiam hoc habuit, ne cui Senatorum extra Italiam sine suo permissu peregrinari liceret: (*Dion. l. i.*) eo, puto, sine, ne militum prouincialiumue studia ambitiosè conciliarentur. Mouet, quòd Gallia Narbonensis & Sicilia ab hac prohibitione exceptæ erant; (*Tacit. xxi. Annal.*) quæ fraudibus ob Principis & Urbis viciniam non ita commodæ videbantur. Præcipuè tamen Ægyptum Augustus seposuit, vetitis ingredi Senatoribus; ne fame vrgeret Italiam, quisquis eam prouinciam, claustraq̃ terræ ac maris, quamuis leui præsidio aduersus ingentes exercitus infedisset. (*Tacit. hoc lib.*) Vnde & Vespasianus, quan-

quando Ægyptum, claustra annonæ obtineret, posce Vitellij exercitum egestate stipendij frumentiq. ad deditiōem subigi, sperabat. (*Tacit. 111. hist.*) Quâ etiam ratione inductus Augustus, non ex Senatorib. aliquem, sed ex equestri ordine præfecit Ægypto. Ita enim visû expedire, prouinciam aditu difficilem, annonæ fæcundam, superstitione ac lasciuia discor-dem ac mobilem, insciam legum, ignaram magistratuum, per aliquem ex equestri ordine, non Senatorio, retinere. (*Tacit. 1. hist.*) Eadem sollicitudo ante Augustum exercuit quoq. Alexandrum Magnum; qui in plures præfecturas Ægyptum distribuit; miratus naturam & munimenta regionis: & intutum existimans, vnius imperio totum regnum committere. (*Arrian. 111. hist.*) Aurelianus quoq. Imp. cum Saturnino limitis orientalis ducatum dedisset, sapienter illi mandauit, ne vnquam Ægyptum videret. Cogitabat enim Gallorum naturam, (& erat Saturninus natione Gallus) verebaturq. ne si perturbidam ciuitatem vidisset, quò cum natura ducebat, societate quoq. hominum duceretur. (*verba Vopisc. in Saturn.*) Porro saluberrimum est consilium, maximeq. necessarium, omnes magistratus, omniaq. imperia potiora facere temporaria, ne in vnius manibus diu resideant. (*v. N. M. 111. disc. xxiv.*) Eò quippe ingenio sunt homines, vt postquam multum temporis in potestate trās-egerint, patriis moribus hautquaquam sibi viuendū ducant. (*Catulus apud Dion. xxxvi.*) Qui semel imperandi dulcedinem degustarunt, priuatam vitam paullò magis plerunq. quàm animæ à corpore sepa-

rationem horrent, & priuatæ domus angustias, vt crudele patibulum abominantur. Quietem & tranquillitatem regno præferre paradoxon est supra omnem modum odiosum; sententia, quam omnes ore versant, & nemo pectore credit. Accedit, quòd, vt rectorem à Principe accipiunt prouinciæ, hunc ilicò venerantur, ei assuescunt, tam constanter hunc esse Præfectum, quàm illum Regem intelligunt. Imò & propiùs ille ciuibus incumbit, propiùs vrget affectus; contumaces aut amantes propiùs damnat, vel colit. Maximè nobilium stirpes adeò eiusmodi prouinciarum Rectoribus accedunt, spe, conuictu, mansuetudine captæ, vt deinde vel in Regem promissam fidem exerceant. Hæc munera, si parui temporis fierent, non illis coalesceret inueterata vis; nec ciues breuissimo defuncturos imperio præter fas amarent, aut timerent. Et quantūuis angusti temporis honores cupidè commendabit ambitio. Deniq. Principes aut Resp. in plures liberalitatem diuidere poterunt; vacuis sapè prouinciis, in quas alios atq. alios pro meritis temporibusq. sufficiant. Inde Romæ olim lege cautum fuit, ne quis omninò Prætor anno, aut Consul biennio amplius à suo magistratu continuò imperaret. (*Dio* xli i i.) Et Florentiæ olim lex fuerat, ne *Prior* Reip. (is summum honorem gerebat) intra triennium, ex quo magistratu abierat, eundem petere posset. (*Leonard. Aretin. 1^o. histor. Florent.*) In eadem vrbe cautum aliquando fuit, ne Reipub. Vexillifer (*Gonfalonarium* vocabant) in perpetuum crearetur; sed annua esset illa dignitas. (*Guicciard. xi. histor.*)

Cum

Cùm Gallus Asinius censuisset, in quinquennium magistratuum comitia habenda; eam sententiam aliùs penetrare, & arcana imperij tentari Tiberius arbitrabatur. Nempe superbire homines annuâ designatione; quid si honorem per quinquennium agitent? (*Tacit. infr. hoc lib.*) Regnum Assyrium ad mille annos stetit inconcussum, non aliam ob causam, quàm quòd militiæ præfecti quotannis mutarentur. (*M. 1. art. milit.*) nec aliam ob rationem, post extinctam Cæsarum familiam in Imperio Romano tot bella ciuilia inter ipsos duces, totq. ducum conspirationes contra Imperatores exortę, sunt quàm quòd iidem iisdem exercitibus perpetuò præfecti essent. Ad hoc respicit hoc loco Cornelius noster, cùm Tiberio non ingratum accidisse scribit, turbari res Orientis; vt eâ specie Germanicum sibi suspectum & inuisum fueris legionibus abduceret, nouisq. prouincijs imposeret. Et si verè rationem ponimus, non aliam magis rem libertatem & publicam rem Romanorum euertisse inueniemus, quàm imperij prorogationem. Quid enim aliud Sullas fecit & Marios, quàm tot mandata bella, totq. consularatus exiguo interuallo? quid Decemuirorum insaniam aluit, quàm perpetua, contra mores patrios prorogata potestas? Quid Cæsarem tyrannum & patriæ libertatis inuasorem fecit, quàm perpetua, contra leges dictatura? Deniq. huius rei domesticum exemplum occurrit in meâ Germaniâ. Regio erat olim sub Imperatoribus armis, opibus, potentiâ ingens; nunc ex quo Optimates commissas sibi quondam prouincias in principatus mutauerunt,

abutantur interdum Principes, quibus ius fasque ad suum arbitrium exigere mos est; cautionis tamen loco erit, nosse machinationes, quibus subuersis iuribus & moribus antiquis vnus legibus soluta potestas stabilitur. Quo quidem in argumento cum parâsem dicere non pauca; vidi Ioannem Barclaium, amœnissimi ingenij virum, & quem suo merito omnis elegantie compendium mihi vocare videor, ita prudenter, atq. neruôsè versatum esse, vt addi nihil possit. Igitur dubitanti mihi, an post tantum Homerum Iliada scribere superfederem, aut saltem, ne quid desiderari posset, mea adderem; ea sententia sedit, describere hunc in locum integram Barclaij dissertationem. Veniam, imò laudem merebor, quòd quæ meis verbis tam benè, tam eleganter dicere desperabam, alienis, quibus prudentius, elegantiusue nihil dici potest, proponere voluerim. Introducit ergò Cleobulum, regij consilij præsidem, Regi suo ita loquentem: Quamdiu lenitas in virtutibus erit, non dicêris vllò vitio impulsisse labentem in clades Siciliam. Lenitate, inquam, tuâ, malignitas fatorum in tuas & patriæ clades abusa est. Illa facilitas, & indulgentia in Magnates, illa tua tuorumq; maiorum incauta in eos profusio prodidit præcipuas imperii vires, aperuitq. iniuriis despectam dignitatem. Iam quidem perculsi sunt: iam silebunt defessæ factiones. Ast, vbi respirarint, expecta alios fluctus, nisi ventos plusquàm Æolico vtre tenueris. Pugnabunt erumpere; & quamdiu nimis poterunt illi, nunquam satis Reges poteritis. Nec in tyrannidem te adorno. Ipsis quoq. consules, ò Rex, si efficies, vt ti-

more

more, aut fastidio culpæ, paulatim inquietos mores dediscant. Tum Meleander: Scio, inquit, ex his nubibus feruere plerasq. procellarum. Sed vires eorum hominum adultæ sunt, & ipso tempore ac patientiâ Regum iam propè legitime. Has itaq. accidendo vel iniuriam facere credar, quia natam ante me potentiâ percellam; vel nimio in conatu regias vires iam sæpè delibatas, & quarum infirmitatem celari interest, inconsultò experiar. De successu, reponit Cleobulus, melius ominare; dum ordine & per partes euellas eam segetem, quâ ipsi luxuriant. Sed nec crede, iniquam fore causam, & quam Dij hominesq. non probent, si pugnabis pro regiâ dignitate, & Siciliam à parricidio prohibebis, quo ipsa se furiis maculat. Quinam illi sint, vide; vnde processerint; quæ illos machine fastigio tuo admouerint. Vt cunq. se iactent; maiorum tuorum beneficio opes comparauere, in præfecturas missi sunt, regiæq. amicitia indulgentiâ hoc culmen condiderunt, ex quo hodiè siue ipsi, siue eorû posteritæ tant in Reges. Tua sunt ergò tela, quibus lacefferis, tua acies tot mucronum, cæcâ discordiæ manu infelicitatem sui auctoris vouentium. Si merentur, si ferre felicitatem suam non possunt; ab ijs duntaxat recipere, quod à vobis acceperunt. Nudos medius fidius relinques, cogesq. obliuisci spirituû, quibus nunc intumescunt, vestras apud se mirati diuitias, suæ verò fortisignari. Ac, quò maturiùs consulas scepro, vide, quàm multum coalescat illorum in vos imperium; quàm publicè, quàm periculoso consensu hæc velut iura peccandi nunc asserant. Inter se æmuli, inimici,

tamen

tamen vix libenter accipiunt, à Rege vllum premi. Quisquis ergò rebellat, ceteri adsunt, vel publicè, vel priuatis affectibus, Nunc causæ se addunt, nunc tēpore vtuntur iam satis occupato, quo alio iurgandi præt-textu distrahant Regem. Alij tuum latus, tua castra non deserunt; sed lento & per ambages fracto regionum consiliorum aut militum vsu, diu volunt rebellium contumaciam conferri viribus sceptri; ne videatur indignum Regibus aut impar esse periculum, as-fuescatq. populus vereri hos motus & pati. Ita sibi ipsis & exemplum faciunt, & exitum ornant, si irasci in Regem contigerit. Hanc coniurationem nisi antevertis consiliis, quantum aberis à Merganiæ (Germaniam intelligit,) fato. Regio erat sub vno formidanda: nunc segnicie vel patientiâ imperantium ad-cò in varios Principes lapsa, vt domino tota exciderit. Quanquam recenti memoriâ tenes, Rex, quid hæc possint factiones; permittes hîc tamen earum cunabula, & ingenium percenseri. Nam & accendi te volo, vel parari ad patientiam haut dubiæ cladis. Igitur, si quos amas, si quos attollis præter veterum Optimatum libidinem, tanquam de eorum bonis sit, quod largiris, excedunt ab aulâ: queruntur se contemptos; in arces, præsidia, quæ iis credidisti, confugiunt. Fortunas populi deflent; exanimati regni sanguine paucas hiru-dines repleri: non ferendam eorum superbiam, qui fascinato Principi illudunt, veteresq. & emeritas stirpes in experto recentis potentiæ gaudio calcant. Frequens hæc quidem, vt nosti, dissidendi est ratio, proruendiq. ad ciuilia arma. Sed & aliæ præterea causæ illis inge-

niis faciunt defectionis audaciam. Diu ipsis largitus
 cesses utcumque magistratus, praefecturas iam plenis,
 necdum tamen satiatis negaueris; iis arcana omnia
 non credas; habeas alios fideiiores tibi: non accesseris
 odiis, quibus æmulos deuouent. Illicò indignè haberi
 se putant; frèdentiq. tanquam contumeliâ violati Alii,
 ut reuerentiam sibi concilient, & quid possint, Regē
 aduocant; quærunt offensionis materiam, & gratis
 incunt consilia in publicam pacem. Ceterum, quæcūq.
 illos oecasio tollat in rixam, viribus, quas vos Reges
 tribuistis, succincti, mox clientes armatosq. inueniūt,
 eò prolixius, quòd hæc secedendi facinora sèpè inul-
 ta sunt, & plerūq. præmia habent. Sic erecti, sic velut
 in suo regno collecti, opimiora ad conciliandam pa-
 cem à vobis Regibus extorquent, quàm si ipsis obse-
 quium & fides māsisset. Vestro interim auro, vestrisq.
 stipendiis (quis ferat?) militant acies, quas in vos edu-
 cunt. Aerario vestro feroces, aut rationem imperij de-
 poscunt à vobis, aut regnandi modum præscribunt.
 Vestri coloni sunt, vestri ciues, qui plus quàm externis
 tumultibus per hæc bella eruuntur. Quid deinde?
 emitis pacem; Reges, his prodest peccauisse. Vos in
 regno nunquam bonâ fide pacato expectatis solliciti,
 ex quo cinerè se flamma refundat; cui placeat gloria,
 nouæ litis, quæ federum tabulæ iam plenissimis libris
 addendæ sint. Minimum putem, quòd hæc bella, hæc
 paces exterarum gentium ludibriis euilescunt; quòd-
 que minor quàm pelago fides est, siue quietem agi-
 mus, siue tumescimus. Maiora sunt vulnera, quibus
 viscera patriæ lancinant illi mores. Robur enim ma-

ximæ gentis, & cui, si hæc absint incommoda, nulla non cesserit, hic assiduus & pestilens ventus affligit. Pereunt urbane & rusticæ opes, quascunq. provincias turbo afflauerit. Consumitur impetus animorum, & prudentum, quos multos habemus, solertia, digna Orbi imminere, his domi pacandis tota vix sufficit. Instituuntur præterea animi iuuentutis ad audaciam & contemptum maiestatis, infandamq. dulcedinem belli civilis, in quo furor & auditas subitas pugnas, & præsentia præmia habet. Ita domestico facinore marcescit, quicquid ad terrorem exterorum Dij Siciliæ nostræ tribuerant. Neq. putēs hæc esse rudimenta flagrantium animorum, qui castrensi disciplinâ eruditi, æstus inter se conceptos mox in peregrinum hostem validius effundant. Utinam hæc solatia saltem essent civilis insanie. Sed ne isthic tyrocinium ad fortitudinem aut militiam credās: cogita, quàm sæpe plus vanitatis & minarum hi turbines habeant, quàm iusti laboris in castris. Conueniunt illæ cohortes in arcibus, urbibusq. obnoxiiis; facilem ciuem, aut imparatos agrestes diripiunt. Hæc plerunq. fortitudinis summa. Acies raræ; nulla aut subita discrimina: quia obnoxie placantur, & ante fortunam armorum ab facinore donatos dimittitis. Sed etiam, ut bella hæc durent, ut sauiant mutue turbæ: at interim miles optimæ patriæ spoliis saginatur, & in bonis miserorum ciuium bello quàm pace delicatior, latrocinij magis quàm constantiâ, robore, arte imbuitur: ut ad disciplinam deinde veri et sobrij Martis, & externis regionibus interdum infœcundis frangatur enerui fasti-

dio, doceatq. diuersissimos esse labores, prædatoris & militis. Temnimur interim, ò Rex: & si quid in vicinos minaris, robori minùs suo quàm malis nostris fisci, tuos conatus despiciunt. Largitione tantillâ facilè credunt excitare de Siculis, qui ciuili seditione te implicant. Sic tradunt te ijs debellandum, per quos tuis auspicijs debuerunt eueri. Nobilissimæ genti infamiam an perniciem hæc plùs creent, ipse existima. Vis deniq. quod tui ciues queri possunt, hîc audire? Componendis his fluctibus olim populus ad regiam potestatem respexit. Ne collideret Optimates ambitio, ne vnâ gentem factiones diuiderent, essetq. timendum à ciuibus, quod hostes solent minari, transulere in Regem purpurâ, solium, ferrum. Quod si adhuc in regno vexantur reipub. malis, quid precij illis erit traditi sui iuris, exutiq. imperij? aut illos in libertatem restitue, aut domesticam præsta quietem, propter quam libertatem reliquerunt. Meleander ad hæc verba ingenti suspirio pectus concussit: & facilius argui morbum posse, respondit, quàm expelli medicina. Iam se Eristhenem & Oloodemum (hi factionis præcipui à Barclaio finguntur) ferro vltû. Lycogenem occubuisse. Si ad illud exemplum quotidie leuerritatem res exigunt, sibi ipsi in odium venturam potestatem, quæ sanguine Optimatum alenda sit. Summa in illis indoles, inquit, animi vigor, multæ virtutes. Scilicet extinguiam aut premam, hæc sydera? omnia autem? sed illud inhumanum, & fortasse supra regias vires? Quenam igitur? nempè suspecta. At verò & solæ suspitionis pœnas luere est indi-

indignum; & præterea sæpè nullum est ante tumultus
suspicionis vestigium. Imperus in viuidis mentibus
præceps haut raro simul cogitat, simul excit hos mo-
tus. An omnes habebō meâ rigiditate auersos? vi-
uamne ferè instar in solitudine? an potius nouis ho-
minibus regiam implebo? acerbius mehercule ipso
malo remedium! Deos & fata spero, postquam su-
mus emoliti acerrimam tempestatem, pro habenâ re-
uerentiam nostri fore expertis, quid possimus. Sal-
tem, Cleobule, quàm micissima consilia habes, expro-
me. Tùm Cleobulus. Fauet tibi, ò Rex: id est, pro-
ceres, quantum licet, tecum excuso. Latè in illis &
ingentes sunt animi; & hæc ipsa, quæ arguimus, ma-
gnæ indolis notæ sunt; & si legum habenis teneretur,
rebus publicis salutaris. nunc, quia illam passi estis
lasciui, eorum quæ cogitat, quæq. audet, inclino in
vos Reges inuidiam. Ceterum cum virtutes ac vitia
non plus ex merito astimentur, quàm ex populari iu-
dicio: nihil mirum, si consuetudo & peccantium cla-
ritas atq. successus nobilitauerit hanc culpam: quam
si premi & eripi cupis, reuocanda est paulatim ad suo-
rum natalium vilitatem. Hoc autem efficies, pri-
mùm nominis veri dedecore: ut apud te perduellio,
coniuratio, perfidia nominetur; non, ut solet, magni-
tudo animi, prudentia, societas, publici boni cura.
Deinde, ut, qui à te secesserint, saltem esagitata veniæ
humilitate frangantur; cum nunc (miro gentibus
ritu) damnare te soleas, publicis professus codicillis,
hos esse innocentes. Nam si rei non fuerunt sumptis
armis, certè tu reus, in quem illa sumpserunt. Triste
di-

dictu. Si hæc postrema exceperis arma, in quibus simpliciter victores, vide sub te & patre tuo turbas. Omnes eâ cautione dimissæ sunt, (inuiuit Barclaius superioris seculi turbas in regno Francico) vt terras populas, conscriptos milites, cætera defectionis facinorâ nimia simulatione, & prodente captiuitatem imperij imputaretis vobis. Iussu hæc vestro, aut vestri gratiâ esse patrata publicis chartis sustinuitis inscribere. Sed durum est premerè istas stellas. Enim nec obrui illas, ac nec tegi oportet inhumana ratione. Luceant ò Rex: dum meminerint, cui Soli lumen hoc debeant, nec caliginem faciant tuo orbi. Ferè necesse videbatur alicuius sanguine lui hoc crimen. Extorsit atrocitatem remedij à tuâ bonitate cum Oloodemô Eristhenes, & infelix vindex Lycogenes cæterorum animos aliquandiu sui memoriâ tenebit. Quisquis autem temporum istorum oblitus in hunc ludum primus descendet, ocysus hominem preme, non tardis, non incertâ consultatione libratis conatibus. Ipse tibi expeditionem desume, ne tuorum ducum præuaricatio illam causam causam inutili mora conficiat. Si audebis, si non cunctaberis, multi maiestatis reuerentiâ capti tuum auspiciu sequentur, qui dubitare incipient de suo officio, si & videberis deliberare, an impunè possis offendi. Tunc nitendum, ne timidâ remissione spirituum videaris istorum temporum oblitus, aut veniam petere extincti Lycogenis. Consentias cum impetu isto, vt tuus esse potius videatur quàm fortuna. Federa, leges, pacta cum armato rebelli nec audi. Vnum sit pœnitenti remedium, si supplicet, si

superciliumponat, si se & causam damnet. Lenitatis tuæ erit sic composito indulgere; nisi nimis perniciosè errauerit, aut in necessitatem distulerit pœnitentię laruam. Sed ignosce ea lege, vt aliquid ipsi in multam decedat. Si prouinciam à te habet, partem ex ea deliba, quam alteri tradas: si arces aut suas aut regias, vnā ex ijs futurę fidei pignus cape. Timebunt alij spolia dare ad regiam gazam, qui nunc contrario voto æs, fasces, præsidia audent in precium pacis exigere. Caue autem dare hos reos precibus cognatorum, qui apud te in illos militauerint. Nam vix vlla vulgarior fraus est, quàm istorum optimatum, non studio, non vero affectu, sed velut sordibus se in aduersa diuidetiũ castra. Fratres, affines, patruels, hic pro te, ille cum factionis stabit: vt victoria aut fauore in vtramlibet fortunam securi sint. Hos te maximè suspectos habere equum est, ò Rex; & si anxie pro cognatis suis orant, propemodum hostes. De ducibus factionum hæc sentiam. Sed quid illi absq. militum manu? Hi sunt sanguis, hi nerui tumultuum; nec in eos impunè seueritatem omiseris. Quos igitur placidis rebus seu prædiciarios milites seu prætorianos conscripseris, si defectione oborta præfectos forsitan suos in Regem sequentur, ijs infamis sit missio. Cingulum ponant. Nullus pœnitentium clamor, nullæ procerum preces te moueant. Discant non tam Præfectos venerari, quàm te in illis: quippe hos se cum à te ali, à te pendere. Ita exercitus, quos in pace educas, syncrere erunt tui; nec te magnates creditarũ fiducia copiarum despicient. Si qui autem concitato tumultu, nullis sti-

pēdiis tibi deuincti, ad factionem accesserint, his mitiora imperari non abnuerim. Simplicis defectionis rei sunt. In eos, si lubet, mansuetudinis obtine famam: modò veniam te dedisse non se ingratis vsurpasse, intelligant. Hęc Barclaius.

Qui idem alio loco duo esse dicit, quibus Proceres in Regem suum armantur, sollicitanturq. ad ambitum; longum imperium, mosq. constituendi rectores prouinciarum in eam legem, vt non antè magistratu, quàm vita decedant: alterum, munitionum, arcium, praesidiorum numerum nimis magnum. De primo suprà dixi. Arces & munimenta magnatum ambitionis aggeres meritò vocantur. Plerunq. enim arcium rectores dominiue à sceptris deficiunt; pleriq. motus ex his claustris erumpunt, aut in illa tutos habent receptus: inuitante ad peccandum tot munimentis fossisq. superbâ rebellandi securitate. Vnde Henricus II. Angliæ Rex omnes Procerum arcis mœnibus nudauit. (*Boter. 1v. della ragion di stato. vi.*) Quod & Græci dirutis suspectarum vrbiū muris, & Romani quoq. facere soliti sunt. Neapolitanum regnum castellorum, turriumq. frequenti supercilio tumebat: & erant optimates tanti factione & viribus, vt, quod plerunq. infelix potentiae genus est, Reges terrerent. Nunquam penè sine motu illa alioquin felicissima regio fuit. (*v. Pandolf. Colleenut. Joan. lou. Pont. Barthol. Fac. in hist. Neap.*) Deiecti nunc Reges, nunc Proceres; donec arcibus plerisq. euersis magnatum quoq. robur variâ Regum arte (*v. Th. pol. par. 111. apotel. lxxii.*) suppressum est. Porro & illud

ad-

addendum est, quorundam sententiâ primogenituræ
ius, quô moribus quorundam regnorum exclusis mi-
noribus fratribus ad maiorem summa bonorum pa-
ternorum deferretur, intuitum Regibus esse. Cùm enim
illo iure nimis & interdum priuatam fortunam ex-
cedentes diuitiæ ad vnum confluant: fieri non potest,
vt ille tantarum opum vi succinctus non seipsum mi-
rari, & vel in Regem potentiam suam expedire au-
deat. Vnde plurima sunt illorum exempla, qui despe-
ctâ semper-sacro sanctâ maiestate capita se ducesque
seditionibus præbuerunt, patris patriæ populorumq.
patroni ambitiosissimis titulis sibi sumptis. Deniq; in
Gallia (siue in inuidiam Regis confictum, siue verum
fuerit) regionum consiliorum, quibus Procerum po-
tentia infringeretur, aliquando hanc fuisse summam
in vulgus iactabatur; proceres ante omnia de medio
tollendos, & nobiles sensim carpandos. Ad tollendos
autem magnates & nobilitatem in ordinem cogen-
dam placere, vt bellum religionis colore alatur. nam
sic paullatim ad internecionem eos, præsertim, quò
quisq. generosior est, deleri posse; neq. defuturas ar-
tes, quibus ij, quæ belli fortuna pepercit, in pace op-
primantur. Interea, dum bello & pace in id incum-
birur, cautè seruandû esse, ne Rex dignitates, honores,
munia publica ijs, aut in eorum gratiam cuiquam
conferat; inuidiosas & sumptus periculiq. plenas
præfecturas aut delegationes ipsis referuet; pensioni-
bus & honorarijs, quantum licebit, subtractis: quò
vasta illa corpora, tanquam alimento negato ad ma-
ciem paullatim deducantur, ac postremò concidât. In

primis publica regni comitia, quæ tantum ad firmandam ordinum potentiam spectant, omninò prohibenda esse; & seuerè castigandos, tanquam publicæ quietis turbatores, qui ad illa proclamabunt. Sublatis proceribus, & labefactatâ nobilitate in ciuitatibus & urbibus eos petendos, qui per bella à regijs partibus non steterint; quibus sublatis facile fore, ut toto regno ciuitates munitæ mœnibus & propugnaculis nudentur, & arces procerum atque nobilium diruantur. (Thuan. lvi.)

Deniq. satis apta ratio est titulis superbientes inflatosq. deprimendi, si tituli illi vulgentur, nouisq. conferantur hominibus. Ita paruifient, qui olim summi honoris loco ambibantur. Hoc modò, si sint, qui ducum, comitum, baronum appellationibus se attollunt; sume ex tuis hominibus, quos tanquam ob merita & fidem ijsdem afficias honoribus. Euilescunt illa nomina multitudine, & ignobilitate candidatorum.

Tractare praliorum vias, & quæ sibi tertium iam annum belligeranti saua vel prospera euenissent &c.) Bella armis & ducum consilio geruntur, pugnando in acie; non figuris, quæ ab hominibus rei bellicæ imperitis in charta uotantur, aut virgâ in puluere describuntur. Acies schola est, exercitus discipuli, arma pennæ, quæ tinctæ hostili sanguine historias scribunt in carne. Vnde necesse est reuoluere sic gesta in bello, non in musæo. N. M. etsi de re militari satis benè scripsisse videtur, tamen, petente Urbini Duce nullam earum, quas docuit, aciem ordinare sustinuit.

Flamen Visurgis Romanos, Cheruscosq. interflicbat. eius

in ripa cū ceteris primoribus Arminius adstetit, quæsitoque an Cæsar venisset, postquam adesse responsum est, ut liceret cum fratre colloqui, orauit. Oportet cautissimum esse Principem, aliosq. magnos viros in congressibus & colloquiis; ne se imprudenter in hostium manus misisse dici possint. Instituto colloquio inter Cerialē, Ciuilemque, aduersarum partium duces, scisso Vahalī fluminis ponte in eius abrupta progressi colloquuti sunt. (Tacit. v. hist.) Ludouicus XI. Gallię Rex cum suo Equitum Magistro, quo cum similitates exercebat, in colloquium descensurus pontem amni cui-dam imponi iussit; in eo medio cancellatæ velut fenestræ factæ; ut conspici inter se exaudiriq. colloquentes possent, ac dextræ interiungi. (P. Aemil. x.) Ludouicus Sfortia Mediolani Dux cum Gallię Rege non aliter congredi volebat, quā in fluminis cuiusdam medio, vbi pons aut nauibus aut aliā ex materiā ita structus esset, ut inter vtrumq. firmum ac robustū ex lignis vallum intercederet. (Guicciard. 11. histor.) Postremò notatu digna est Francisci I. Gallię Regis cura, quā, cū ex carcere Hispanico rediisset, sibi prospexit. Rex Lanoio Neapolitano Pro-rege, Alarcone militum duce & quinquaginta equitibus comitatus ad eius fluminis, qui Hispaniam à Galliā diuidit, ripam venit. Eodem tempore ac penè momento Lautrecus cū duobus Regis filiis, futuris obsidibus, & pari equitum numero in opposita ripa cōstitit. In medio amnis vacua nauis erat anchoris firmata. Ad hanc Rex scapha, cū Lanoio, Alarcone, & octo aliis, qui omnes breuibus erant armati telis, traiecit: & ab ad-

uerſa ripa Lautrecus cum obſidibus & octo aliis pari armatura ad alterum nauis latus ſe contulit. Deinde Lanoius & Alarco cum Rege & octo comitibus nauem conſcenderunt; idem ilicò factum à Lautreco & ſuis pari numero. Poſtquam omnes in nauì conſtiterunt, Lautrecus Deſſinum ex ſua ſcapha in nauim tranſtulit; qui Lanoio, & ab hoc, Alarconi traditus in Hiſpanicam ſcapham imponitur; eodemq. momento alter Regis filius Dux Aurelianenſis in nauim acceptus eſt. Quod ubi factum eſt, dicto citius Rex in ſuam ſcapham deſiliit; & ad ripam veſtus, Turcico equo miræ pernicitatis raptim conſenſo in tutum abiit. (*Guicc. xv. 1.*)

Simile quiddam & vicinum notabo, moris eſſe, ut cum duo Principes conueniunt, is, qui dignitate anteit, prior ad conſtitutum locum veniat. Honoris enim quædam ſpecies eſt, quòd alter poſterior, & ad hunc accedere videtur. (*Guicciard. in hypomnes.*) Cum de colloquio inter Leonem X. Pontificem Maximum & Franciſcum Galliæ Regem conueniſſet, Rex biduo poſtquam Pontifex adueniſſet, Bononiam ingreſſus eſt. (*Guicciard. xii. 1.*) Margaritha Caroli Cæſaris amita, & Aloyſia Franciſci regis mater, quòd pari dignitate viderentur, eodem momento per diuerſas Cameraci portas contiguas ædes, ex quarum vna in alteram aditus erat, ingreſſæ ſunt. (*Guicciard. xix. 1.*) Carolus Cæſar Clementem VII. Pontificem iam ante ingreſſum Bononiam, (*Maurocen. 111. hiſtor. Venet.*) & alio tempore Paulum III. Piſas (*Joan. Bapt. Cin. 11. de vita Coſmi*) ſecutus eſt. Franciſcus Rex, cum

Pon-

Pontifex Massiliâ venisset, quamvis eadem nocte officij causa ipsi affuerat, tamen vrbe post excedens postero die cū comitatu aulico in urbem redijt. (*Guicciard. xx. hist. Maurocen. 1v. hist. Venet.*) In congressu Philippi Hispaniæ, & Sebastiani Lusitaniæ Regum ad Guadalupam, posteriores Lusitani accesserunt &c. (*Conestagg. 1. de coniunct. Portug. cum regn. Castil.*)

Flavius aucta stipendia, torquem, & coronam, aliaque militaria dona memorat) Ridiculus hîc est Amiratus, dum Principes dona militaria Romanis olim vîsita, qualia fuerunt coronæ ciuicæ, obsidionales, nauales, ex quercu, lauru aut gramine factæ, in vsum reducere hortatur rê à seculi genio abhorrentē, adeoq. impossibilem. Aurea nûc sunt tēpora, non qualia sub Saturno Rege fuerunt, sed quibus diues Pluto imperiū tenet.

Pleraque sermone latino interiaciebat &c.) Pertinet ad Principis & Reip. existimationem, ne in iudicijs, in tribunalibus, in congressibus deniq. quibusvis, aliâ linguâ etiam peregrini vtantur, quàm nostrâ. Magistratus populi Romani quantopere suam populique maiestatem retinere laborauerint, hinc cognosci potest, quòd illud summâ constantiâ custodiebant, ne Græcis vnquam nisi Latinè responsa darent. quin etiam ipsâ linguæ volubilitate, quâ plurimum valent, excusâ per interpretem loqui cgebant, non in vrbe tantum, sed etiam in Græcia & Asia; quòd scilicet latinæ vocis honos per omnes gentes venerabilior diffunderetur. (*Valer. Max. 11. c. 11.*) Cautum etiam Romę fuerat ante Ciceronis tempora, ne quis oraret Græcè, (*Valer. d. l.*) & decreta à Prætoribus latinè in-

terponi necessum erat. (*Triphonin. I. C. l. xlvi i i. der. iud.*) Tiberius Cæsar in Senatu non nisi cum excusatione monopolii verbo usus est. (*Suet. in Tiber.*) Superiori seculo Hispaniæ Rex Mauris necessitatem imposuit non sua sed Hispanicâ linguâ sermonem conferendi. Deniq; apud Bohemos & Moravos lex est, ne cui Illustri vel Equestri ordine nato cuiusquam hereditatem cernere, prædiaue, quæ nos *Landgutter* appellamus, possidere liceat, nisi linguæ Slauonicæ perito.

Distantibus locis inuecti, ut hostem diducerent) dixi ad lib. i. verb. *distrahendo hosti per Bructeros &c.*

Propinquo summa rei discrimine, explorandos militum animos ratus, quoniam id modo incorruptum foret, secum agitabat. Tribunos & centuriones lata sapius, quàm compertâ nunciare: libertorum seruilis ingenia: amicis inesse adulationem: si concio vocetur, illic quoq. quæ pauci incipiant, reliquos adstrepere, penitus noscendas mentes, cum secreti & incultoditi inter militares cibos spem aut metum proferrent: Noctæ capta, egressus augurali, per occulta & vigilibus ignara comito uno, contestus humeros ferina pelle, adit castrorum vias &c.) Dixi ad librum primum, quàm rarò Principes verum resciscant; quibusq. modis falsas delationes cognoscere possint. Mutatô habitu, & dissimulatâ persona in circo, in ciuium panegyribus expiscari, qui de se, deq. ministris sermones ferantur, (quod fecisse, etiam bonos Principes Ioannes Boterus docet) (i. della ragion di stato xv. i i.) periculo non caret; nec itaq. mihi probatum.

Accipere omen, & matrimonia ac pecunias hostium præda de-

destinare) Omni scelere maior improbitas est, religio-
 ne non alio fine vti, quam regnandi instrumento. quo
 de argumento ad superiorem librum multa dixi.
 Quod autem Scipio Amiratus hic falsum esse putat,
 Romanos abufos religionibus, & interdum auspicia
 interpretatos ex vfu incidentium negotiorum, id vel
 solô supra laudatô Polybij testimoniô confutatur.
 Quid enim apertius, quam quod ille fatetur Scipio-
 nem falsò Deorum colloquia finxisse? quod ridet su-
 perstitutiones, quas tamen tenendis in officio populis
 necessarios asserit? An nescimus, haruspicum & au-
 gurum fraudes apud Romanos decantatissimas fuis-
 se; vt miratus non nemo fuerit, illos, cùm in publico
 congregiuntur, memoria fallaciarum, quibus om-
 nes ludunt, risum tenere posse. An non deniq. cer-
 tum est, multa vana sub celebri nomine librorum Si-
 byllinorum (quorum responsa iactabant semper Ro-
 mani) vulgata? (*Tacit. iv. Annal.*) Nec in contra-
 rium mouet, quòd multi Romæ ante doctrinâ Deos
 spernentem inati sunt. Nam & tunc, vt posterioribus
 seculis religiones confingebantur, & Numa, primus
 superstitionum magister Ægeriæ Nymphæ arcanos
 congressus falsò iactabat. Sed illud intererat, quòd,
 quamdiu tecta fraus erat, Deorum metus animos,
 quamuis falsâ, obstrictos & inani superstitione tene-
 bat; patefactis dolis, veteres cerimonias, & meliorum
 ignari omnem Numinis cultum spreuerunt.

*Aliud sibi reliquum, quam tenere libertatem, aut mori an-
 tè seruitium.*) Rectius desperatio, quam, vt solet, ira
 fortitudinis cos appellatur. Necessitas vni quatuor
 ho-

hominum vires confert. Vſitatum fuit, eſtq. magnis belli ducibus, ad eam neceſſitatem ſuos milites adigere, vt aut virtute ſalutem tenendam, aut moriendum ſibi eſſe intelligant. Solet enim abrupta ſepè diſcrimina ſalutis vltima deſperatio propullare. Inde Alexander Magnus militibus ſuis, perueniſſe eò, dicebat, vnde fugere non poſſent, tot terrarum ſpaciamenſis, tot amnibus, montibuſq. poſt tergum obiectis, iter in patriam & penates manu eſſe faciendum. (*Q. Curt.* 1 v.) C. Cæſar ancipiti prælio equos dimittebat, & præcipuè ſuum, quò maior permanendi neceſſitas eſſet, auxilio fugæ erepto. (*Sueton. in Iul. c.* lx.) Corcyraei exules, vt fugæ ſpem omnem ſuis adimerent, nauibus, quæ eos advexerant, ignem iniecerunt; (*Thucyd.* 1 11.) quod idem Ferdinandus Corteuſius in noua Hiſpania, & Guilielmus Normannus cùm in Angliam traieciſſet, fecerunt. Et hos ſuperioribus annis in Belgio Mauricius Naſſouius, dimiſſis nauibus, quibus in hoſticum tranſierat, imitatus videtur. Carolus Martellus, cum innumerabili Saracenorum multitudine pugnaturus præconium circummiſit, & ipſe, à quibus in extendente iam ſe acie exaudiri potuit, pronunciauit; iuſſu ſuo clauſas eſſe Turo-num (erat ea vrbs vicina loco, vbi pugnabatur) portas, neminem, niſi victorem recepturas. Hinc Ligerim, illinc hoſtes claudere. (*P. Aemil.*) Prudenter fanè! Qui enim receptum habent, quos ager & terra aliqua per tuta & pacata itinera fugientes accipiunt, timidis & ignauis eſſe licet; quibus verò vnica ſpes eſt, nullam ſperare ſalutem, neceſſe eſt fortibus viris eſſe

esse, & inter victoriam mortemq. certâ desperatione abruptis aut vincere, aut, si fortuna dubitabit, in prælio potius, quàm in fugâ mortem oppetere. Denique verissimum esse iudicandum est Thucydidis (1 v.) effatum, vbi pugnare & fugere peræq. honestum est, & sine pudore flagitij, sine cura ducum abire, fugere licet, non esse fortitudini locum. Ceterum de toto hoc argumento disserit acutus Hetruriæ Doctor (sic Lipsius illum vocat) in disputationibus ad Liuium. (lib. III. c. XII.) Sed vt nostris eiusmodi fortitudinis necessitas iniicienda est, ita hostes vel inclusi, vel in fugam effusi ad desperationem adigendi non sunt: ne spe melioris fortunę exclusi etiam mala timere definant. In quem sensum Scipionis laudatur sententia, viam hostibus, quâ fugiant, muniendam: & vt Itælorum prouerbiū habet, argenteum pontem faciendum. Illud deniq. hîc adnotandum est, seditionum auctores, vt omnis reconciliationis spes procul amandetur, & vt Tacitus (1 v. hist.) loquitur, *quò minore spe venia crescat vinculum sceleris*, insigni aliquo facinore multitudinem male-sanam obstringere solere; vt ne quidem si affulgeat aliqua spes redeundi in gratiam cum Principē aut offensâ patriâ, acceptare eam liceat, oculis obuersante horribilis sceleris conscientia.

Repertis inter spolia eorum catenis, quas in Romanos, vt non dubio euentu, portauerant) Ita solet summus Deus deiicere, quicquid vanè se attollit. M. Antonius Cretam inuasit cum ingenti quidem victoriæ spe atq. fiducia, ad eò vt plures catenas in nauibus quàm arma

ferret; sed irritò conatu. (*Flor.* 111.) Ætoli Mygdoniorum, (*Polyb.* 11.) & superioribus temporibus Hispani Britannorum opes spe deuorauerant: sed utrobique hians coruus delusus est. Gedanensium in bello, quod cum Polonis gesserant, tantam fuisse confidentiam arrogantiamque memorant, ut quidam caponibus quatuor Polonos pro vno capone promitterent. Isabellam Claram Eugeniam Belgarum Principem in nuperâ obsidione Ostendanâ votum fecisse aiunt, non se prius interulam mutaturam, quam capta foret Ostenda. Capta quidem est Ostenda, sed non nisi post tertium obsidionis annum: nec mihi credibile fit, Principem triennium & ultra vno indusio usam.

In modum trophæorum arma, subscriptis victarum gentium nominibus imposuit. Hanc perinde Germanos vulnera, luctus, excidia, quam ea species, dolore & ira adfecit &c.) Plus doloris victo afferunt, trophæa, & exultatio hostium, & triumphalis pompa, quam ipsa victoria. Apud Ammianum Marcellinum (*lib.* xvi.) cadentes prælio Sarmatæ non tam mortem dolore, quam Romani militis lætitiâ horrendo stridore monstrabant. Et aliud exemplum est de Maximiliano Cæsare apud Guicciard. (*lib.* vii.) Et item aliud de Belgis apud Conestagg. (*iv. de bell. Belg.*) Hinc inductus primò mos erigendi trophæa ex materia, quæ non perpetuò duraret; ut, qui bello vicissent, hi trophæum quidem statuerent, victoriæ testimonium præfens: cæterum via non præcluderetur redeundi in gratiam, dum alterius partis gloria, alterius infamia consecrata longæuo aliquo monumento foret. Et propterea, qui prima

ma lapidea & aenea struxerunt trophæa, reprehensi sunt; (*Alberic. Gentil. 111. de iur. bell. 1. ex Plutarch.*) vt & qui vltra mortem inimici odia extenderunt. Bene ille ex Germanis Imperator, qui cū hostem suum nimis precioso monumento conditum audisset, non inuidere se, respondit. Velle, vt omnes inimici sui ita sepulti essent.

Nihil ex ijs Casari incognitū. consilia, locos, prompta, occulta nouerat, actusque hostium in perniciem ipsis vertebat) Vt cuniculi, maximum vtiq. in rebus bellicis momentū, detecti nocent: ita Principum consilia in vulgus edita, & non, quā decet, religione secretē habita, hostes potius quā illos instruunt. Conso, quem consiliis præsidere Romani arbitrabantur, Romæ ara subterranea fuit, vt significaretur, consilia occulta esse debere. (*Jo. Rosin. 11. antiq. Rom. ex Plutarch.*) Apud Persas nemo cōsiliorum Regionum particeps erat, præter quosdam Optimates taciturnos & fidos; apud quos Silentii quoq. colebatur Numen. (*Ammian. xxi.*) Metello Macedonico dicere solemne fuit, se interulam, quæ consiliorum suorum conscia foret, corpore direptam in ignem coniecturum. (*Valer. Max. vii. c. 1v.*) Inde quibusdam Principibus & Rebusp. dissimulandi & simulandi artes in tanto pretio fuerunt. Tiberio; (*Tacit. Dio (ass.)*) Ludouico XI. Galliæ Regi; (*Boter. 11. della ragion di stato*) Alexio Comneno Imperatori. (*Nices. 1.*) Lacedæmonii dicuntur omnia Reip. suæ arcana occultasse; ita vt copiarum numerum, quem alii insita ingenio humano vanitate ostentant, scire nemo potuerit. (*Thucyd. v.*) Et inter

omnia Reip. Venetæ instituta præclarissima, quibus illa in hunc vsq. diem rarò Aristocratici imperij exemplo viget floretq., non aliud mirabilius esse Traianus Boccalinus asserit, quàm quòd, cùm paucis concedita Reip. summa tyrannidi viam sternat, indeq. Veneti præcipua rerum Senatui Rogatorum, qui plusquam ducentis & quinquaginta nobilibus constat, permittant; summum tamen horum omnium, & simillimū obliuioni silentium, summamq. fidem experiantur; nulla mercede venalem, nullis peruiam proditiombus. Mirabile est, quod Io. Baptista Egnatius libro secundo de exemplis illustrium virorum Venetæ ciuitatis tradit, Carmaniolam bello Mediolanensi Venetorum Imperatorem, cùm quasi de pace cum Philippo Vicecomite ageretur, per octo menses de illius proditiōe quotidie anquireretur; nunquam tale aliquid suspicari potuisset priusq. captum, damnatumq. fuisse, quàm suspectum se esse senserit.

Quod arduum sibi, cetera legatis permisit.) Benè quidem Germanicus, vt dux & imperator. Cæterum non idem in Principe probatum; cuius cùm ea sit conditio, vt præcipua rerum ad famam dirigere debeat; æquum est, non nisi tuta & cum certa gloria coniuncta sibi sumere; ardua, periculosa, ancipitia legatis permittere; vt si cœpta non successerint, non Principis infelicitas, sed ministri imprudentia videatur.

Orabatq. insisterent cadibus, nil opus captiuis, solam interuersionem gentis finem bello fore.) Et paulò superius.

Nec minor Germanis animus, sed genere pugna & armorum superabantur.) Multis verbis, duobus capitulis Sci-

pio Amiratus, quod nemo vnquam negauit, nec dubitationem vllam habet, ideq. tribus verbis notari debebat, adstruit, genus pugnae & armorum magna in bellis momenta esse. Nobis alia differenda occurrunt. Paulus Foxius apud Thuanum (*lib. lxx. bist.*) reprehendit vsitatam nostris ducibus belligerandi rationem; quâ per tumultuaria praelia de receptu ingeniosè cogitatur: receptâ inter duces sententiâ, è pugna recedentes denuò pugnare posse: vt bellum potius cauponari quàm geri videatur. Veteres statariâ pugna tam obstinate pugnauisse, vt paucis praeliis, atq. ad eò interdum vno debellaretur. Quæ sententia sanè quàm multis placet. Aiunt Romanos magnis viribus bella gessisse, quò breuiori temporis spacio conficerentur; hosti obuiam profectos statim dimicasse; victis leges tulisse. Nostrorum ducum more ducendo bellum, exhauriri ætarium; colonos agris auferri; pagos, oppida, vrbes, prouincias, regna, incolis spoliari, & ad miserandam vastitatem redigi: nec nisi lassatâ vtrinq. crudelitate de pace cogitari, & vt Tacitus, (*in Agric.*) loquitur, *vbi solitudinem fecerint, pacem appellari.* Nihil paucorum hostium cæde profici. Quippe animos fieri ad vltionem ardentiores, in consilijs aduersariorum explorandis sagaciores, in capiendis iisdem prudentiores, in disciplina seruanda ducum imperijs obedientiores: acriori deniq. disciplinâ plerunq. victos, quàm victores agere: hos irâ, odio, vltionis cupiditate ad virtutem accendi; illos per fastidium hebescere. Inde celeritatem in priscis ducibus tantopere laudatam, & in alijs culpata desidia & oscitantia;

C. Cæsar, aiunt, nullum vnquam hostem fudit, quem non castris quoq. exuerit. ita nullum perterritis spatium dabat. (*Sueton. in Jul. c. lx.*)

- in omnia praeceptis

Nil actum credens, cum quid superesset agendum,

Instat atrox. (Lucan. l. 11.)

Idem ciuile bellum ccc. equitibus v. clo. peditum auspiciatus tanto ardore gessit, vt lx. dierum spacio vniuersam Italiam occupauerit. Cum Syracusarum ciuitas Atheniensium obsidione liberata esset; & ciues tanquam perpetrato bello abiisse hostes gratulabundi secum gauderent; Hermocrates Syracusanus, cuius apud Thucydidem non vnum est insignis prudentiæ specimen, non committendum ratus, vt tantus exercitus digressus alia insulæ parte considèret, & denudò negocium facesseret, instandum hostibus, eosq. ad internecionem delendos suasisit. & adfuit fortunæ consilio. (*Thucyd. vi 11.*) Hoc eodem in bello Niciæ segnis cunctatio, Atheniensium res euertit. Cum enim is aduentu suo ingentem famam & sui terrorem Siciliae intulisset: Catanæ in hybernis delitescens, in contemptum venit, & hostibus animos resumendi spatium dedit. (*Thucyd. vi 11.*) Eadem negligentia Hannibalem perdidit; cuius animum sera nimis poenitentia subiisse dicitur, quod non cruentum ab acie Cannensi militem ad urbem continuò duxisset. (*Liu.*) Idem error in Brasida Spartano notatur à Thucydide, (*lib. iv.*) & in Ludouico Andegauensi à Leonardo Aretino (*in hist. rerum Ital. sui temp.*) atq. Ioanne Baptista Pigna. (*1v. hist. Ates.*) Cum enim ab eo Ladislaus Apuliæ

pulæ Rex victus, euasisset: solitus est ille deinde sæpius dicere; ea, qua profligatus sit die & sui corporis & totius regni potestatem in hostium manibus fuisse; altera die corporis quidem potestatem amisisse, regni tamen dominos esse potuisse; tertia verò nec iam sui nec regni habuisse copiam.

His ita sentientibus nec ille mos placet, quo crebrò, omissis aciebus, moram facimus in obsidione oppidorum, castellorumque. Aiunt receptum esse inter belli peritos, eum, qui copiis præualeat, & agrum hostilem in sua potestate habet, superiorem bello videri: & victoriam sequi deditionem oppidorum: nullumq. esse tam validè munitum locum, qui interclusis auxiliis & comineatum subuectione expugnari nequeat; contrà sæpius infirma loca defendi, quòd auxiliorum spe sustententur. Alexandri Magni vox est; bello vicimus, si prælio vicerimus; (*Q. Curt. IV.*) & Germanici orantis, *insisterent cadibus: nil opus captiuis; solam internecionem gentis finem bello fore.* (*Tacit. hic*) Frācis Sfortiæ bellicosissimi imperatoris sententia fuit: deuictò hostili exercitu debellatum esse: at expugnatissimis vrribus & castellis sæpe bellum longè maius superfuisse. (*N. M. v. bist. Flor.*) Tacitus noster (*IV. Annal.*) Tiridatis à Tiberio in Parthos missi errorem notat, quòd, si statim interiora regni periuisset, oppressa cunctantium Parthorum dubitatio; & omnes in vnū cedebant. adsidendo castellum, in quod pecuniam & pellices hostis contulerat, dedit spatium exuendi pacta. Alterum in eodem regno exemplum est Bardanis, qui dum in Seleucienses, vt patris sui defectores ira

ira magis quàm ex vſu præſenti accenſus implicatur obſidioni vrbiſ validæ, & munimentis obiecti amnis, muroq; & com meatibus firmatæ; hoſti reſtaurandi belli occaſionem præbuit. (*Tacit. xi. Annal.*) Io. Andegauenſis cùm ad oppida quædam regni Neapolitani ſubſtitifſet, nec conſeſtim exercitum ad vrbeſ regni caput admouiſſet, victoriâ corruptit, & vel ipſius Ferdinandi hoſtis teſtimonio facultatem occupandi regni prorſus amiſit. (*Io. Bapt. Pign. viii. hiſtor. Ateſt.*) Ludouicus XII. Gallix Rex ab Henrico VIII. Anglię Rege in tantas anguſtias coniectus erat, vt deſperatis rebus ſuis in Britones Armoricos fugam meditaretur. Sed ſolutem ipſi hoſtium negligentia attulit, qui obſidione Terroanę vrbiſ quinquaginta dies occupati animo reſumendo tempus dederunt. (*Guicciard. xii. hiſt.*) Maximilianus Imperator, ſi tri-duo maturiùs ad mœnia Mediolani exercitum duxiſſet, omnium iudicio ad deditionem Gallos compuliſſet: hærenti in obſidione Aſulę oppidi, Heluetii, præſidii cauſa Mediolanũ ingreſſi victoriâ ademerunt. (*Guicciard. xii. Parut. iiii. hiſt. Vene.*) Anno Chriſti clo. lo. xxv. Pontificis & Cæſaris exercitus, qui paullò antè Parma inglorius, ac penè in fugam verſus abſceſſerat, neq. Inſubrum vicos, nedum vrbeſ attigerat, nobili audacia prælio de pugnans horę momento ingentem victoriâ eſt adeptus. (*Andr. Mauroc. i. hiſt. Venet.*) Et nuperrimè exercitus noſtri Cæſaris emenſus Bohemiã, quã à ſuperioris Auſtrię finibus ad Pragã vſq. extenditur, eadem die & fugauit Palatinum Fridericum, cepitq. regiam vrbeſ; quam intra pau-

cos dies uniuersum regnum, exceptis duobus tribusue munimentis, secutum est. Deniq. Philippus II. Hispaniæ Rex intra L. dies toto Lusitaniæ regno potitus est, non aliam magis ob causam, quàm quòd vehementi vigiliq. curâ & ingentibus sumptibus in id bellum incumbens, ad regni caput, Antoniiq. nothi factionem debellandam spectabat. Exercitus maturè, & viuo adhuc Lusitaniæ Rege Henrico collectus, in finibus regni occasione ibus imminens ociosus desidebat; sed maluit Philippus sustinere sumptus istos specie superuacuos, quàm incurrere periculum, quod certum sibi videbat, si moriente Henrico imparatus foret. Consilium profectò regij animi, alere exercitum maximâ impensâ, & summâ cum molestia subiectis populis incubantem; nec tamen scire, quo euentu, quoque fructu. Quid enim, si Philippum interea mors abstulisset? quid si Henrico vitam fata produxissent? (nemo enim adeò senex est, ut non possit adhuc annû superesse) quid deniq., si regni procures (cuius spei non planè incertus erat Rex) spontè in ipsius potestatem concederent? frustra erant sumptus, & sine causâ suscepti labores. Sed maluit Rex in omnem euentum sibi prospicere.

Quanquam igitur rationem habeant, quæ hætenus diximus, & meritò culpandi sint, qui bella nullo honoris aut publicæ salutis intuitu, sed priuati emolumentis spe trahunt; hosti condonantes occasiones, præoptantesq. diu cum imperio esse, quàm citò vincere: quiq. se non armis sed precio submoueri patiuntur, & velut ex composito alter alterius viciniam &

congressum deuittantes plerunq; diuersis in locis prædonum more in miseros agrestes sæuire tantum solent: tamen ex diuerso egregiam laudem merentur, qui cūctationem afflictiis rebus salutarem temeritati prætulerunt. Quæ enim necessitas est, belluarum ritu in perniciem non necessariam ruere? quid si vires nostræ trahendo bellum adolefcant, contra hostis minuantur? nemo prælium, nisi malè sanus suadeat. Quem admodum igitur viris & viribus suffulti est, instare, premere, vrgerè, ortium non pati, non desidere, sed agere, ferre res hostium, omnia deniq. tentare, vt ad manus deueniatur: ita imbecillioris partes sunt, frustrari impetus, moras necere, illudere vim hostium, trahere tempus, opperiri, dum aliqua necessitas pecuniæ, aut comæatuum, aut defectus supplementorū, dum deniq. tædium & longa dies hostem conficiat. Porro quamuis parum vtilitatis, & minus gloriæ habeat mos ille, quò nostri duces, cū satis in rusticos desæuierunt, ne nihil egisse videantur, interdum castellum aliquod vel oppidulum oppugnant, capiuntque; quod mox superueniente hoste, nullo negotio recipitur; vt sæpius obseruatum sit, ter quaterq. castellum aliquod captum, iterumq; eodem bello amissum esse: attamen munitas vrbes, hostilis annonæ cōditoria, armorum fabricas, exercituum refugia, vel etiam minora loca; ex quibus nostris comæatuum subuectio, pabulatione infesta reddi possit, post terga intacta relinquere, nulla ratio persuadere potest. Postremo ne erremus, monendi sumus, longè aliam hodiè esse condicionem temporum, ac olim; & genere pu-

gna armorumque differre nostra ab antiquis seculis; ut quàm rarissimè, & non nisi certâ victoriæ spe, aut necessitate summâ coactum in aciem & prælium descendere prudentis sit militum ductoris: ex quo factum etiam est, ut cum nos nostriq; patres viderimus Principes, animi magnitudine, rerum militarium scienciâ, potentiâ deniq; singulares; nullus tamen illorum ea gesserit, perfeceritq;, quæ in antiquis tanquam fabulis similia portenta miramur. Alexander Magnus paucissimis annis Persas vicit, vniuersum Orientem domuit, populos deniq;, quorum in obscuro ignotq; tunc fama erat, armis suis exterruit. Pompeius Romanis subiecit Pontum, Armeniam, Cappadociâ, Mediam, Iberiam, Syriâ, Ciliciam, Mesopotamiam, Asabiam, & Iudæam. C. Cæsar ferè trecentos populos Romano imperio adiecisse scribitur. Quid est nunc in nostrorum aut superiorum temporum historia, quod cum his in comparationem venire queat. Non abiit adhuc seculum, cum Carolus V. Romanorum Imperatorem, Franciscum Galliarum Regem, & Suleimanum Turcam parentes nostri viderunt, aut meminerunt; principes animi robore, viribus & opibus potentissimos, & si dicere licet, honoris gloriæq; auidissimos. Sed horum facinora cum antiquorum gestis componere velle, nimio perè absurdum foret. Exercitus erat lectissimus, quem Carolus Suleimano Austriam inuadenti opposuit: sed is Viennæ muris nunquam abscessit, satiq; habuit non vinci. Bellum Germanicum, etsi anceps & terribile, victoriâq; primum penes Carolum steterit, tamen exitû postremo

cum habuit, ut restituenda captiuis proceribus & Imperio malè-usurpata libertas fuerit. Contentiones inter Carolum & Franciscum non minoribus odiis quàm viribus exercitè vtriusq. opes attriuerunt: & quanquam postremò præualuisse videatur Cæsaris fortuna; tamen nec Francico regno inde decessit, aut Carolo accreuit quicquam, quo vnus ditiores minueretur, alterue imperij sui terminos extenderet. Expeditiones Africanæ, tanquam difficiles, magnoq. susceptæ animo, & multis cum periculis obitè plus gloriæ, quàm vtilitatis habuerunt. Quanquam etiam infelix posterioris successus magnam partem obscurauit famam ex priore acquisitam. Suleïmanus sanè res maximas gessit, sed nullo modo veterum factis æquiparandas: nec adeò intuitu potentix regni Ottomanni ei, totq. annorum, quibus imperio præfuit, admodum gloriosas. In Pannonia diuersis expeditionibus longum tempus, & maximas opes consumpsit; nec tamè nisi partè illius prouinciæ sibi subiecit. Rhodum acquisit: sed quæ gloria esse potest tanto Principi, paucos vicisse equites, nullius potentix, & ab alijs derelictos, ne dicam proditos? Penetrauit cum exercitu in Persiam: sed quid illà expeditione effectum est, nisi quòd percurfatis, quæ obtineri nequibant, amissaq. maiore & meliore exercitus sui parte remensus est eam, quæ fecerat, spatia? Tantæ igitur tanque mirabilis differentix vera causa non aliunde peti debet, quàm ex diuerso *genere pugnae et armorum*, quo ab antiquis nos differimus. Nullum hodiè saltè in Europa regnum est, nulla penè prouincia, cuius præcipuæ vires, locaque

maioris momenti, noua muniendi arte non in eam securitatem ex ædificata sunt, vt quamuis pauci potentissimi exercitus impetum sistere possint. Hinc fit, vt cùm militaris ratio iubeat redigere ante omnia in potestatem limitum munimenta, cæteraq. regni præsidia, in quibus militiæ seminaria sunt, ex quibus aduersæ vires in nos effunduntur, nobisq. supplementa, commeatusq. intercipi possunt; necesse sit in vnâ expugnanda vrbe aut arce, multum temporis, viriumq. consumere: ideoq. nequeant expeditiones eâ facilitate celeritateq. ad exitum perducì, qua antiquorum bella, quæ non habebant ista impedimenta. Et sanè quomodo non interrupto cursu victoria progredi potest, quæ tot difficultatibus implicatur? Inde Francisci vires Perpiniani oppugnatione debilitatæ, & Caroli potentia Sandesiriana obsidione ita labefactata est, vt nec ille in Hispaniâ, nec hic in Galliâ vltrâ progredi potuerit. Suleimanus cum innumerabilibus copiis ingressus Pannoniam cum ad Budam hæreret, tardè nimis Viennam, quæ interim ad defensionem parare se poterat, adortus est. Ex diuerso Alexander Magnus, cùm tribus præliis Dariûm superasset, confestim totò eius regno potitus est; & penetratis intimis regionibus ad Oceanum vsq. nihil obuium habuit, quod stupendum victoriæ cursum remoraretur, præter flumina aut deserta, quibus regnum natura munierat. Et qui res ab eo gestas ab obliuionis iniuria vindicarunt, duos opinor, apud Indos loca memorant, quæ fortunæ ipsius instar rapidissimi fluminis decurrenti intercesserunt. Pompeius, cùm Mithrida-

- datem insequeretur, peregrinando magis quàm pugnando tot trophæa fixit: vt liqueat inde, nullis incurrisse munimentis, quæ victoriciũ armorum cursum retardarent. Maior fuit C. Cæsari labor in subiugandis Gallis, Heluetiis, & Germanis, sed hoc magis ob arduos situs à natura factos, & gentium ferocitatem, quàm quòd munitæ ciuitates ipsi restiterint. Et hic tamen decennii spacio ferè trecentos populos domuit. Hæc igitur prima causa est, ob quam negatum nostris Principibus est tot præliis, totq. victoriis nomen suum immortalitati consecrare. . Altera est
- II. tormentorum, quæ à sono bombardas appellamus, inuentio. Res profectò tam stupenda, tam terribilis, tonitrua etiam sereno emissæ cœlo, vt non amplius ferro, sed igne geri bella dici possit. Tàm igitur formidabilis machina, cuiusq. horribile experimentum facit, vt duces rariùs ad prælia descendant, malintque cunctando, atq. quàm apertâ vi fortunam laceßere. Quò & accedit, quòd necessitas istorum tormentorũ, sine quibus nec securos se, nec oppugnare vrbes, nec acie depugnare possit nostri duces arbitrantur, omnẽ expeditionem facit lentiorẽ, prolixiorẽq. Nam & ob molem, & pondus non nisi à magno iumentorum numero difficilimè de loco in locum transfuehũ-
- III. tur. Deniq. & illud bene considerandum est, Alexandrum, & Romanos duces, qui factis suis hodieq. nobis stuporem propinant, incidisse in Reges populosq. omnibus rebus se inferiores, debilioresq. Alexander Magnus Darium vicit, copiarum numero & regnorum multitudine quidem superiorem: sed neq. sua,

suâ, neq. ducum, exercituumue virtute parem Alexandro. Ceteri Orientis populi, quàm fuerint imbelles, omnisq. militiâ inexpertî, historiis docemur. Pompeio quoq. contra mollitiem Asiaticam facile bellum erat. Cæsari sanè res fuit cum ferocissimis & in eam diem indomitis nationibus; sed sua virtute, & vi Romana quævis obstantia perrupit. E contrario aduertere licet, Principes, quorum paullo antè meminimus, virtute, prudentia, viribus penè pares fuisse: ut alter alterum, quamuis summis viribus niterentur, interdû prælio quidem, non tamen vniuerso bello vincere potuerit. Suleimanus Carolusq. quamuis ad Viennam utrobq. numerosissimis exercitibus inuicem oppositi essent, tamen nec hic à mœnibus vrbs digredi, aut ille ad urbem propiùs accedere voluit: pari ab utraq. parte existente alterius metu. Habebat Alexander exercitum lectissimum, duces militesq. qui sub patre Philippo bellis innutriti consenuerant: Romanorum verò disciplina, institutaq. militaria paria in orbe terrarum non habebant. Ita prona aduersus imbelles victoria erat. Nostri Principes propriâ destituti militariâ externis & mercenariis militibus, quibus neque boni intellectus, neq. mali cura, quiq. nulla vulnere patientiâ, sine pudore flagitii, sine cura ducum abeunt, fugiuntq. bella gerunt. Et inde pari vtrinq. vitio, nec ab vna parte, quàm ab altera fortioribus militibus, in æquo plerunq. fortunam esse consentaneum est.

Inuictos & nullis casibus superabiles Romanos de Romana potètia, eiusq. causis fusissime disputabo ad lib. iv.

Ad.

Addidit munificentiam Caesar, quantiū quis dampni professus erat, exsoluendo) Similis gratitudo extat in Senensium annalibus: qui in bello, quod contra Florentinos Anno Christi clv. cc. lx. gesserunt, Germanis à Manfredò Siciliæ Rege auxilio missis donatium præbuerunt, 10. libras, præter sumptus in curam vulneratorum ex publico præstitos. Decretum Consilii publici in archiuo Senensi hodieq. his verbis extat: *consilium est in concordia, quod vulnerati medicentur omnibus Communis Senensis. Et quod medici cogantur medicare vulneratos pro competenti precio, & salario, Et solvatur de pecunia Communis. Et quod Mariscalco & militibus Theutonici pro remuneratione probitatis, quam fecerunt heri, contra inimicos Communis Senensis debeant donari, & dari de pecunia Communis 10. libra denariorum Senensium: Et quod hoc non intelligatur pro munda equorum & armorum, sed pro remuneratione probitatis, quam fecerunt, tantum.* Quæ verba integra adscripsi; testimonium virtutis & fortitudinis Germanicæ, & gratitudinis veterum. Idem illi Senenses in pugna ad Arbiā læsos vulneratosq. publico ære sanari iusserunt, & cæsis præter illorum temporum consuetudinem in templis sepulturam permiserunt. (*Malauolt. vi. bist. Sen.*) Venetæ quoq. Reip. pietas hac in re in historiis laudatur. Sed hodiè non esset, quod de seculi nostri malitia quereremur, si dāna tantum, non etiam stipendia, & deni in diem asses, quibus corpus & anima militis æstimatur, non persoluerentur. Vbi primos numos, quibus seipsum in militiā miseri vèdunt, acceperint, reliqui stipēdij parū aut nihil vident; & nihilominus miramur inobedientiā, & fur-

furta, & latrocinia, & seditionem militis adeò crudeliter, adeò auarè habiti: non tam Principum culpâ quàm ministrorum dolo & scelere. Verùm, vt ad corporis sanitatem non capitis tantùm habitudo, sed & ceterorum membrorum pertinet: ita non satis est, Principem, quæ suarum sunt partium, facere, nisi ministrorum quoq. fides & sedulitas respondeat. Pecuniæ rerum gerendarum nerui dicuntur. Earum verò tractandarum curam, si vulturiis togatis, & viris piceas habentibus manus commiserit Princeps: inter perpetuas exactiones & tributorum inuidiam semper egens erit. Ludouicus XII. quanquam ad bellum contra Hispanum largissimum omnium rerum necessariarum apparatus fecisset; tamen ob Quæstorum suorum rapacitatem, qui regem in stipendiis militum circumuenientes, & commeatus impediētes, non parum exercitum minuerant, inferior hostibus Neapolitano regno cedere coactus fuit. (*Guiciard. v. l. b. i. s. t.*) Eadem Francisci Regis in Ducatu Mediolanensi fortuna fuit; cùm tercenties mille numi aurei Lautreco militiæ Duci mittendi dolo Reginę matris & fraudibus ministrorum in aliòs vsus verterentur. (*Guiciard. xiv.*) Nec rarum est pecunias in militum stipendia vertendas per luxum & aleam à tribunis & centurionibus prodigi. Iterum alia fraudis ratio est, quâ legiones, cohortes atq. vexilla non eo, quo debebant, numero explentur. Ipsi pro integro numero stipendia percipiunt. Quo eodem dolo vtuntur in illis, qui aut in acie aut alio mortis genere absumpti sunt; quorum & ipsi, tanquam viuerent, stipendia exigunt.

Y

Ita

Ita anno à Christo nato clō. lō. lxxi. præfecti Veneti ficta pro veris nomina inducentes pessimo facinore stipendia rapuerunt : adeoq. hæc pestis increuerat, vt multa oppida debito militum præsidio exuerentur. Igitur Torquato Hierosolymitano equiti, qui grauissimè eâ in re deliquerat, medio foro iinter geminas columnas ceruices abscissæ : & ne fraudibus in posterum locus esset, bini ad eam rem curatores. (commissarios vulgò appellant) sunt designati. Porro sunt, qui turpi nundinatione annonæ, earumq. rerum, quibus milites vestiuntur, vilissimo lucro inhiant. Panem, farinam, frumenta, pannos, calceos magni vendunt, quæ ipsi vel ex præda, vel vili precio empta habent. Qua lucri-cupiditate Marchio. Melenianus facinorû suorum gloriam maculauit. (Io. Baptist. *Cin. de re. Cosmi.*) Sed nihil est supra quorundam hominum, militari æratio præfectorum fraudulentas artes, quibus militi, interdum à pluribus annis debita stipendia exiguo ere redimunt ; ipsi deinde tanquam integra soluerint, integra à Principe reposcentes. Ita duces cum quæstoribus, & hi cum illis in miseri militis exitium conspirant. Isti per latrocinia ditescunt ; milites interim detritis tegminibus, aut nudo omninò corpore verbera, vulnera, duram hyemem, famem, egestatem perferunt. Principis inuidia est : nisi ille facinororum præmiû latronib. istis patibulû det, q. vt pessimû & publicû furû genus merentur. Cosmi Medicæi Magni Hetruriæ Ducis exemplo, qui Matthæu quemdam tributorum exactorem, quod fraudulenter istud officium tractauerat, suspendi iussit. Cùmq. ex nobili.

litate Florentina alius illam curationem sibi peteret: Cosmus se nec posse nec debere id concedere respondit. Florentinus ille non contentus responso causam denegati muneris sciscitabatur. Cui Cosmus: maximo amore, respondit, quo te prosequor, moueor, ne petitioni tuæ annuam. Atq. replicat ille, si me amares, non paterer repulsam. Imò, Cosmus inquit, pateris repulsam tuo bono, ne, ut Matthæus ille, longa fias litera. Sciebat enim hominem ex fraudibus compositum, & priore illo nequiorem esse.

Posse & Cheruscos ceterasq. rebellium gentes, quando Romane ultioni consultum esset, internis discordiis relinqui. Quomodo consilij & astu externæ res, procul habitis armis, subuertantur dixit. ad lib. i. verb. *Pompeium imagine pacis &c.* & plura dicā ad lib. vi. *Annal.*

Iuuenem improvidum & facilem inanibus, ad Chaldaeorum promissa, magorum sacra, somniorum etiam interpretes impulit. De somniorum & prædictionum fide miranda scripsit Lipsius in monitis Politicis. Sed capitale est, de salute Principis, vel de summa Reip. respondere, aut consulere. (*Jul. Paull. v. sentent. xx i.*) Apud Visigothos qui super Principis genitura vel fato scrutatus erat, flagellis cæsus cum omnibus bonis fisco addicebatur. (*Frid. Lindenbrog. ad lib. xx i x. Ammian. Marcell.*) Romæ saga quædam Marii temporibus in exilium missa proditur; quòd se totius prælii aduersus Cimbros prædicturam euentum diceret. (*Plutar. in Mar.*) Libo Drusus, de quo hîc Tacitus, eandem ob causam consultorum magorum, noua moliri creditus mori adactus est. Et facta tunc de Mathematicis

magisq. Italiâ pellendis Senatusconsulta eorumq. è numero L. Pituanus saxo deiectus est. (*Tacit. hoc lib.*) Valens Imperator sub vno proloquio iussit occidi omnes, qui de suo successore spiritus consuluerant; nec modò qui consuluerant, sed omnes, qui aliquid eâ de re inaudierant, nec ad se detulerant. (*Ammian. Marcell. xxi. x.*) Ego plura exempla retuli ad librum superiorem. Fiebant eiusmodi dæmonum implorationes per annulum quendam, & cætera, quæ plus quàm satis est, explicatè prodidit Ammianus Marcellinus libro nono, & vicefimo. Annuli isti Græcis vocantur *συνεπιφύλακτοι* quales fuerunt, quos Excectus Rhocensium tyrannus habuit, & quorum strepitu de rebus suis admoneri solitus est: (*Clement. Alexandr. 1. Stromat.*) & illi Iarche Indorum Regis donati Apollonio Thyanao. (*Philostrat. 111. de vita Apoll.*) quibus & celeberrimus ille Gygis annulus accensendus est. (*Herod. sic. iij. offic.*) Persæ consulebant illas mulieres, quæ ex incubo prægnantes dæmonem in vtero circumferebant. (*Theophrast. Simocatta 11. histor.*) Sed omne eiusmodi diuinandi genus, siue ex astris illud sit, siue alio sortiũ genere, legibus interdictũ est. Ratio prohibitionis duplex; vna principum securitatem cõcernens, altera vniuersalis. Turbat eiusmodi de Rep. prædictiones animos parentum; & inanès ac interdũ sceleratas spes subiiciunt incautsi. (*Dio Cass. lib. 111.*)

-*Nos prauum ac debile vulgus*

Scrutamur penitus superos: hinc pallor, & ira

Hinc scelus, insidiaq., & nulla modestia voti.

Inde Hadrianus Imperator. obstruxit venas fatidicas.

cas Castalij fontis saxorum ingenti mole; ne ut ipse se imperaturum præcinentibus aquis compererat, etiam alij similia docerentur. (*Ammian. Marcell. xxii.*) Altera causa est, quæ fallunt plerumque magicę sortes: & qui veriora dixisse videtur magi, non ab astris, sed à Genijs & execrabili spirituū familiaritate habet. Hi enim transacta inter homines secretaque accuratè explorant, & sagaciter de futuro conijciunt. Vel etiam, quem admodum si cæcus vim lapidum spargit, aliquando imprudens tangit metam; sic dum multa & passim harioli mentiuntur, nihil mirum est, si nonnunquam fortuna illorum audaciam commendat. Denique crediderim, Deum esse, qui in vindictam impiæ crudelitatis nonnunquam repræsentet mortalibus ea ipsa, quæ sibi non à Deo, sed à syderibus metuerunt. Sed ut dixi, sæpissimè fallunt vanissimæ artis iactatores. (*v. D. Augustin. vi. Confess. vi. Pic. Mirand. contra Astrolog. Jo. Barclai. ii. Argen.*) Quod appposito exemplo demonstrat in monitis politicis Iustus Lipsius. De Alexandro Epiri Rege nota est historia ex Liuvio. Ego alia tria addam. Iulianus Cæsar Phrygiam sibi fatalem fore oraculo didicerat. Sed ignorabat miser, locum in Persia, ubi cæsus est, Phrygiam appellari. (*Ammian. xxv.*) Murzuffo Byzantium tyranno fatidici responderant, urbem non nisi per Angelum capi posse. Turris erat contigua mœnibus, quæ Angeli dicebatur, quod ibi nunciij cælestis signum situm erat. Per illam irruerunt in urbem Franci, cæteri que Latini Græcorum hostes (*P. Aemil. lib. vi. de reb. gest. Franc.*) Refert Guilielmus Neubrigensis, (*lib. i. v. hist. Angl.*) Step-

num

num quendam, quem ipse Richardi Regis Procuratorem Andegauensem vocat, absente Rege improbas spes cōcepisse, deniq. desuis fatis dæmones cōsuluisset. Cūmq. iniriō quæsiuisset, visurusne iterū esset Regem, idq. negasset impostor spiritus: iterū togauit, quamdiu cum imperio futurus esset? Respondit dæmon, quamdiu viues. Deniq. sciscitanti, vbi moriturus esset, respondit, in Pluma. Cœpit igitur Stephanus confidenter expilare populares: quippe de regis redditu sibi videbatur securus, & solerter cauerat, ne vllibi locorum plumæ insideret, incubaretue. Sed cū paullo pōst in obsidione castelli cuiusdam caprus esset, miser ibi miserè trucidatus est. Erat autem castello nomen Pluma. O ludibrium! Mirum itaq; est, P. V. Pont. Mathematicorum & Astrologorum vitæ exitum ei intra paucos menses prædicentium, nugis adeò deditum fuisse, vt beneficij metu nulla nisi à sororijs parata obsonia sumeret; deniq. cōprocederēt vanus metus, vt fratres Borghesij tres ac viginti professionis illius homines intra suas ædes coactos P. fata scrutari iuberent (*Andr. Maur. xv. hist. Ven.*)

Haut cunctatus est ultra Germanicus, quanquam fingia, seque per inuidiam parto iam decori abstrahi intelligeret.) Pessimus loco est minister Principis, nisi pati iniurias ita potest, vt non videatur sensisse. Stultitia est profiteri iras & indignationem, vbi vindictæ locus esse non potest. Non igitur aliud remedium est iniuriarum à maiore illatarum, quàm si non intelligantur. Deprehensis artibus suis, rerum domini per vim & palàm exsequi solent, quod fortassis aliàs patrare horruisset.

Qua-

Quare cùm vel maledici sermones, vel error aut culpa Principis gratiam auerunt, abditi à re celanda est fortunæ fuga, vt nec ipse reus videatur sensisse. Tū assiduus in regia; quamuis occultis ludibrijs quotidie sequer in sensus dominus, tamen ferendi constia, nouis officijs & obsequio vicat irę pertinaciam. Hoc modo Alfonsus Ferrarię Dux, cùm Pontifex ipsum ditione suâ exuere in animo haberet, & ad id Episcopū Ventimilium misisset; intellectis insidijs non modò non questus est de Pontifice, sed vltro Ventimilio apud Pontificem structarum sibi insidiarum accusator, ab ipso auxilia rogauit. (*Guic. xi i i.*)

(*Cesar indicium hant aspernatus congressus abnuuit.*) Delatores, & qui rumores ad Principes gerunt occultè, cum ipsis Principibus congregari non debent: quippe ex arcâ & frequenti conuersatione cognoscentur & cauebuntur tanquam delatores.

(*Cunctaq. eius facta, cùm prohibere posset, scire malebat.*) quod in detegendis coniurationibus admitti potest. Sed aliàs tyranni est malle punire, quàm prouiderè, ne pœnis opus sit. Porro dominationis regię arcânū est; in illis populis, qui nec totam seruitutem, nec totam libertatem ferre possunt, conuiuere primis seditionū furoribus, & cùm prohiberi posset, locum dare sceleri, vt postea tanquam iustā vindictā spoliari possint immunitatibus, priuilegijsq., quibus velut acutissimis spinis Principum oculi punguntur; & veluti belli iure exdimidiā libertate, in quā viuebant, in seruitutem rapti, deditiōrum iure tractentur. Magna erant iura, libertates ac immunitates, Aragonensium

sum, quas ipsi post Hispaniam à Iuliano Comite ob
 stuprum filię à Róderico Rege illatum proditam, &
 totis lxxx. annis à Saracenis possessam iuris sui effecti
 sibi dixerunt, conditò supremò magistratu, qui secū-
 dum eas ius diceret. Postea Reges elegerunt, qui de
 genibus & capite apertò, tactis sacrosanctis Euange-
 lijs coram magistratu, eas se seruaturos religioso sa-
 cramentò obstringebantur antequam eis proceres ac
 magistratus obedientię iusiurandum præstarent. In
 secutis temporibus electione sublatà leges à gente pe-
 titi: cæterum libertatis leges denuò confirmatæ sunt;
 lege Vnionis ob id conditā: cuius præcipuum caput
 hoc erat, vt ius sit Ordinibus, si Rex patrias reges vio-
 let, nouum in eius locum creare, & citra crim. en maie-
 statis ad tuendam libertatem federationes inter se &
 cum vicinis Principibus inire. Item licere ipsis sume-
 re arma contra copias externas in regnum ad illud ve-
 xandum ingressas; etiam si Rex ipse aut Princeps eius
 heres eas introducat. Id cū durum Castellensibus
 videretur, qui Reges legibus solutos colunt; Ferdinā-
 do Aragonio, qui Isabellam Cástellensem in vxorem
 duxerat, persuadere voluerant, vt eas leges tanquam
 regiæ dignitati aduersas antiquaret. Verū ille in-
 fitā seu modestiā seu dissimulatione prudentissimè re-
 spondit, fide se religiosè datā prohiberi, quò minùs
 id faceret: & alioqui sic existimare, æquilibrio potētīę
 regni regisq. salutem publicam contineri: & si con-
 tingeret aliquando alterum alteri præpōdere, pro-
 culdubio alterius aut vtriusq. ruinam ex eo secuturā.
 Sed Philippus II. Rex, sicut ex priuatis Antonij Pere-

zij odijsoccasionem Escouedio è medio tollendi captauerat, sic ex Perezij calamitate, quæ seditioni Cæsaraugustanorum (quippe Aragonius erat Perezius) causam dederat, priuilegiorum ciuitatis imminuendorum, quibus iã pridem insidiabatur, commoditatem sibi oblatam auidè arripuit: & exercitu summa celeritate conscripto, missoq. in Aragoniam, atq. sublatis è medio libertatis vindicibus, & firmato. Inquisitionis palatio, quod extra mœnia vrbis erat, & tanquam arce vrbi cum idoneo præsidio impositâ, populi iura atque libertatem infregit. Historiam prolixè narrat Iacobus Augustus Thuanus libro centesimo quarto.

Abnuentibus cunctis, cum diuersa prætenderet &c.) Inde amici fugiunt, vnde probantur. (*Senec. Epist. 1x.*) &c.

Ita moderans, ne lenire, neue asperare crimina videretur.) Principem ab omni acerbitatis ac truculentia suspitione abesse decet. Et quoniam gratiosissima sunt præmia, præniæ contrà odiosissima, ipsum omnia præmia tribuere cõuenit; magistratus, inquam, imperia, sacerdotia, curationes, munera, beneficia, restitutiones; pœnam verò irrogare nemini, sed earum impositionem magistratibus integerrimis ac prudentissimis committere. (*Vodin. 1v. de Rep. vi.*) Quò referendū est Thomæ C. (*1x. de monarch. Hisp.*) consilium; instituendum esse iudicium, quod ipse *Gratie tribunal* vocat, ad quod appellare liceat condemnatis ad mortē; idq. constare debere ex ipso Rege, eius coniuge, atq. primogenito, & deniq. præcipuo religionis antistite.

te. Verum si quis sequi hoc consilium velit, ei prouidendum erit, ne cuiusquam appellatio recipiatur, nisi cuius tale delictum est, cui ignosci possit. Nam qui maiora scelera condonat, in iusticiam peccat: qui punit, famam, quam quaerit, clementiae amittit. Igitur hic quoq. Tiberius ad extremas Libonis preces respondit, vt *Senatum roget.* (Tac. hic.)

Iurauitq. Tiberius petiturum se vitam quamuis nocenti, nisi voluntariam mortem properauisset.) Quemadmodum Nero quoq. dicebat, Torquatum quamuis fontem & defensionem merito diffusum victurum tamen fuisse, si clementiam iudicis expectasset. Crocodili lacrymae!

Bona inter accusatores diuiduntur) v. notas ad libr. 1. verb. qui formam vitae iniit. &c.

Auctu imperij adoleuisse etiam priuatas opes &c.) dicam ad lib. 111.

Non id tempus censura) Quippe apud se pensabat Tiberius, vix coerceri tam profusas cupidines posse; ex coercitione forsitan plus damni in Rempub. ferri indecorum atrectare, quod non obtineretur. Denique populum tot per annos molliter habitum nondum audebat ad duriora vertere.

Inter quae L. Piso ambitum fori, corrupta iudicia, sequitiam oratorum, accusationes minitanti inu increpans, abire se & cedere urbe, victurum in aliquo rure testabatur) Haec etiamnum optimi cuiusq. querela est. Vnde factum, vt iura & iudicia, res sanctissimas & humano generi saluberrimas cuncti abhorreant, abominentur, detestentur: vereq. dici possit, tres esse Iusticiae capitales

pestes, corruptos iudices, longas ac penè æternas lites, & deniq. aduocatorum inscitiam improbitatemque. De singulis quædam ad hunc locum notabo. Initio igitur referam aliquot sordibus & corruptionibus iudicum tollendis aut coercendis remedia. Primum est, ne tribunalia turpissimo mercimonij genere, ve-
 I. lut ad licitantium arbitria prostituantur, sed gratis, sed benemeritis conferantur. Accipere enim aliquid à suscepturis magistratum, testante Iustiniانو Cæsare, (*Nov. vi i i.*) omnis nequitie principium est, & terminus. Neq. enim fieri potest, quin vendere sibi licere quis putet, quod emit. Hinc homicidia, adulteria, rapinæ; hinc commerciorum confusio; hinc legum contemptus; quouis quamuis pœnam auro redimi posse confidente. Quæ omnia tantò veriora sunt, quântò, qui honores emunt, non ob virtutes sed diuitias in sublime tolluntur. Solebant olim Coss. in publicum prodituri pecunias spargere. Quod à Zenone improbatum est, atq. constitutum, ut missilium loco c. auri libræ ad reficiendum aquæductum publicum à consulaturo inituro soluerentur; (*l. i i i. C. de Consul.*) quod ipsum tamen etiam nouissimâ Iustiniani constitutione (*Nov. v i i i.*) sublatum arbitror. Quin etiam iurare iubentur magistratuum candidati, nullis se largitionibus, sine fucis, sine fallariis, more maiorum, magistratum ambire. (*Nov. v i i i. c. v i i.*) Simile est, quod Alexander Seuerus ad honores euehendorum nomina publicè in tabulis proscripta proponebat unde de moribus illorum ex publicis vocibus iudicium fieret. Altera cautio est, ius dicentibus stipendia atq. II.

salaria ex publico constituere. Quò mirè facit, quod I. Lipsius ex Turcicis annalibus in monitis politicis refert, Cùm Baiaferes Imperator fraudes & iniurias Cadiorum suorum (ita iudices vocant) sæpiùs iam audiret; iratus omnes in domum quandam includi & igne comburi iussit. Sed Halis Purpuratus rationem inuenit molliendæ indignationis. Habebat Baiaferes Æthiopem puetum in delicijs, lepidum, & ipsâ garrulitate amabilem; quem instructum, quid diceret, ad ipsum mittit. Venit igitur quasi accinctus ad iter; quærentiq. Imperatori, quid præter morem hic vestitus? respondit, vt peregrè eam, & ableger à te ad Imperatorem Constantinopolitanum, Caligeros aliquot (hi Græci monachi sunt) arcessiturus, vt nobis ius dicant, quoniam omnes tuos iudices vis occisos. Cui Imperator, ò mi Æthiopille, inquit, nunquid illi sunt periti legum nostrarum? & non sunt, opportunè respondet Halis Purpuratus, ò Domine, cur igitur peritos tollis? nam refert Baiaferes, cur malè iudicant. Iterùm Halis, ego, Domine, causam edā. Hi nostri stipendium è publico nullū percipiunt: capiunt igitur mercedulas à priuatis. Hoc corrige, & illi corrigentur. Placuit consilium Baiafethi; & decreuit, vt, cui hereditas tot millium asprorum (id genus monetæ Turcicæ est) obuenisset, is in singula millena Cadio suo daret videnos; in matrimoniorum & eiusmodi contractibus item videnos. Ita Iusticiæ sub-

III. uentum. Tertia in hanc rem cautio est, ne quis patriæ suæ administrationem sortiatur: in quâ multum gratiæ necessitudinum suarum daturus præsumitur.

(Pauli

(*Paul. v. sent. xii. §. v. ibiq. Cuiac. vid. tit. C. ut nulli pat. su. adm. C. 25 ibi Gothof.*) Quod non tantum iura ciuilia Romana, sed & in Gallia Philippus Pulcher, & Carolus V. Reges constituisse dicuntur. Et olim populus Florentinus, quod omnis iniurię inter litigantes suspicio tolleretur, duos ẽ peregrinis sibi iudices elegit. (*Boter. 1. della ragion di stato xvii.*) Anno clb. c. xci. Senenses ex peregrinis Iudicem sumere cœperunt. (*Orland. Malanolt. iv. hist. Sen.*) Pisani atq. Genuates peregrinum magistratum *Potestatis* nomine accipiunt. (*Guicciard. iv.*) & Lucensium *Rota* (ita summum tribunal vocant) tribus constat Iurisconsultis, quorum patria quinquaginta ab vrbe milliariibus absit. Quarta cautio est, vt iureiurando, metuq. IV Numinis adstringantur, qui homines contemnunt. (*v. Thom. Dempster. 1. de iuram. x.*) Olim in Frisij decretum erat, vt qui in iudicatu sunt, quemadmodum in exordio muneris sanctissimo iureiurando se Reip. obligant, integrẽ se munus obituros, ius omnibus æqualiter sine respectu personarum dicturos, iusticiã, quantum in se sit, administraturos: ita munere decedentes similiter pulcherrimum iusiurandũ iurent, nihil se eorum, quę istuc pertinerent, scientes & volentes omisisse, fidemq. in omnib. intemeratam Reipub. præstitisse. Hac duplici religione conscientijs iudicum obligatis, castiũs eos in officio versaturos inter tot illecebras à recto abducentes arbitrabantur. (*Vbbo Emm. xiv. hist. Fris.*) Iustinianus quoq. (*Nov. viii.*) iudicibus iusiurandum præscripsit, quod ipse alibi (*Nov. cxi.*) horrendissimum vocat. Verba illius huc

ad-

adferibam: Iuro ego per Deum omnipotentem, & Filium eius vnigenitum, dominum nostrum Iesum Christum, & Spiritum Sanctum, & per Sanctam gloriosam Dei genitricem & semper Virginem Mariam, & per i v. Euangelia, quæ in manibus meis teneo, & per Sanctos archangelos Michaellem, & Gabrielem, puram conscientiam, germanumq. seruitium me seruaturum sacratissimis nostris Dominis, Iustiniano & Theodora coniugi eius, occasione tradite mihi ab eorum pietate administrationis: & omnem laborem ac sudorem cum fauore sine dolo & sine arte quacumq. suscipio in commissâ in mihi ab eis administratione, de eorum imperio atque Republica: & communicator sum sanctissime Dei Catholicæ & Apostolicæ Ecclesiæ: & nullo modo vel tempore aduersabor ei, nec alium quemcunq. permitto, quantum possibilitatem habeo. Iuro quoq. iusiurandum, quod nulli penitus neq. dedi neq. dabo occasione dati mihi cinguli, neq. occasione patrociniij, neq. promissi, neq. professus sum de prouinciâ mittere, neq. mittam, neq. occasione dominici suffragij, neq. famosissimis prefectis administrationem habentibus, neq. ijs, qui circa eos sūt, neq. alij hominum vlli: sed sicuti sine suffragio percipi cingulum, sic etiam purè me exhibebo circa subiectos pijsissimorum nostrorum dominorum; contentus ijs, quæ statutæ sunt mihi de fisco, annonis Et primum omne habebō studium, vt fiscalia vigilanter suscipiam, & inde uotos, quidem & indigentes necessitate cum omni exigam vehementia, nequaquam subinclinatus, neq. ob hoc lucrum ipsum considerans,

aut

aut per gratiam vel odium exigens aliquem, citrà
quàm competit, aut concedam alicui. deuotos autem
paternè tractabo, & subiectos piissimorum nostro-
rum dominorum illæsos vndiq., quantum possibili-
tatem habeo, custodiam: & equus in causis vtriq. par-
ti, & in publicis disciplinīs ero, nulliq. parti, citrà quā
iustum est, præstabo: sed exequar vniuersa delicta,
& omnem equitatem seruabo; secundum quod mihi
visum fuerit iustum: & eos quidem, qui innoxii sunt,
vndiq. innoxios illæsolq. conseruabo, noxiis autem,
imponam supplicium secundum legem; & omnem
iusticiam, sicut iam dictum est, in publicis & priuatis
contractibus eis seruabo; & si comperero, fiscum in-
iusticiam pati, non ego solum hoc ago, sed etiam sem-
per mihi assidentem talem studebo assumere, & cir-
ca me omnes; vt non ego purus quidem sim, qui verò
circa me sunt, furentur, & delinquant. Si quis autem
inueniatur circa me talis, & quod sit ab eo, me sanare, IV
& eum expellere. Si verò non hæc omnia ita seruauero,
recipiam hinc & in futuro seculo in terribili iudicio
magni Domini Dei & Saluatoris nostri IESV. CHRI-
STI, & habeam partem cum Iuda, & lepra Giezi, &
tremore Cain; insuper & pœnis, quæ lege eorum pie-
tatis continentur, ero subiectus.

Quintum erit remedium, vt pœnæ constituantur g. V.
uissimæ in eos, qui pecuniâ aut gratiâ corrupti male
iudicant. Hinc leges Romanæ de repetundis, de
falso, de vi, & ceteræ. Hinc sapientissima illa, nec mi-
nus tamen cum irreparabili iusticiæ damno neglecta
Zenonis lex, (l. vn. C. ut om. iud. tam ciu. &c.) ali-
quo-

quoties à Iustiniano repetita; (*Nov. VIII. CIX. xlv. cxxiii.*) quâ cauetur, ut prouinciarum præfides, alique magistratus, post depositam administrationem, quinquaginta dies in loco, quo magistratum gesserunt, permaneant; quò pateat omnibus facultas, super rapinis aut concussione, aliisq. criminibus conueniendi illos. Et simile est Genuensium institutum, apud quos V. viri sunt, *Syndicatorum* nomine; quorum officium est, in omnes magistratus, finito officio, inquirere; & in malè gestè Reip. damnatos animaduertere. (*Carol. Sigon. l. 1. de vita Andr. Aurie.*) Et superioribus annis (1612.) tres Quæsitores cum vitæ necisq. potestate, in loca, quæ Orientem versus Venetis parent, à Repub. missi sunt, qui in magistratus, si quæ fortè aduersus leges fecissent, animaduertent, & à potentioribus oppressis subuenirent. (*Andr. Mauroc. VI. xvi. hist. Venet.*) Sextò deniq. neq. illud præterundum est, Tiberii temporibus Seuerum Cacinam in Senatu censuisse, nequem magistratum, cui prouincia obuénisset, sua vxor comitaretur; quia quoties repetundarum aliqui arguerétur, plura vxoribus obiectarentur; his statim adherescere deterrimos quosq.; ab his negocia suscipi, transigiq. (*Tacit. I. II. annal.*) Quemadmodum anno Christi cl. l. ci. Lemosij Comes Neapolis, & Machedæ Dux Siciliæ Proreges vxorum nomine comparatis, atq. instructis nauigiis piratarû more excursionibus maria foedarunt. (*Maurocen. xvi. hist. Ven.*)

Nunc ad litium diuturnitatem transeo, quam alteram iusticiæ pestem dixi. Acterna hodiè sunt iurgia;

ut si cū sumptibus sit cōferēda molestiarum ratio, grauius putes sic vincere, quā confestim damnari. Nā & modum & numerum prægresse sunt artes ac nomina, quibus miserrimos clientes patroni & iudices frustrantur. Articulatim & lentē hos discerpunt, qui semel perire potuerant. Sæpē itur ad iudices, causa narratur, aliquot anni abeunt, necdum contestatio litis facta est. Iudicibus hīc non vacat, hīc omisso litigioso negotio herent patroni in causis minoribus, quæ nunc sponte, nunc eorum studio nascuntur ē primā. Hæc præludia adornant, his proclamant inauditis iter ad verum Iudicibus esse non posse. Sic dubia ex dubijs feruntur: sic immani dilatione pereunt litigantes, magnā in infontes inopesq. iniuriā. Nam qui in diuitem inimicum pauper inciderit, tam longo & sumptuoso itinere conficitur; procumbitq. deniq. lassus: nec recuperato iure inultus, æmulo minūs suo, quā huic prolixæ æquitati irascitur. Ne quere cur tam diu Iudicibus placeat, & patronis, ad se delatos cruciari. Nempē ex morā & tempore sua opera æstimatur. Sic patronis, inquā, crescit, sic Iudicibus merces. Multa scripsisse, multa audiuisse (quanquam ea præstabat compendiō fieri) acerrimē vendunt; cōprios, quōd quē peccant, ipsi iusticiæ imputant. Prætereā consuetudine videndi miseros, & deinde faciendi, exuunt humanitatis sensum; aut potiūs miserum esse non credunt, litigare. Ita duri ad questus parū supplicibus mouentur; & ab ijs tantū culti, saltem amant longiora in ipsos exercere imperia. De remediis contra litiū prolixitatem alij, sed benē ac eleganter

ter nouissimè scripsit sub ficto nomine quidam Pomerania Ducibus à consilijs. Libro titulum fecit Parchenius Litigiosus . Ex illo petenda sunt, quæ hîc dici possent, ac deberent. Non tamen omittendum est, primum ac præcipuum, quo litium tempora breuiora fiant, esse curam Principis : cuius est cum interminatione pœnarum edicere (sed hoc grauitè, nec, vt solemus, terroris mox euanescentis imagine) ne vlla lis vltra certum tempus, quod ipse præstituat, apud iudices hæreat. Iustinianus noster ciuilibus litibus triennium (spacium sat longum) præscripsit. (l. xi. c. de iudic.) Labentibus seculis specie æqui, in reorum auxilium inuenta sunt ea, quibus deniq. simplicitas legum occubuit; frustrationes, rescripta, & quæ semel cõstitui poterant velut religioso ordine in varios dies dilata. Hæc verò quia Iudicibus & patronis ad lucrû sunt, iam neglecto reorum commodo tam sanctè obseruantur, quasi iudicijs ciues, non hæc illis inuenta sint. Porro in arctiorem numerum & ad duorum triumue amanuensium laborem reducantur vana nomina & munia illorum, qui à memoria, à secretis, à scriptionibus dicuntur, (& horum maximè interest, diu lites viuere) homines scientes formularum, iurgiorumq. præceptores : qui velut licitâ crudelitate, & iam ipsâ consuetudine excusatâ de clientum miserijs, ex iniuriâ populi, ex clade & sanguine miserorû perenni pastu laginantur. Deniq. cùm causarum patroni sint maximè, qui vitâ imò immortalitatem litibus conciliant : illorum maximè audacia refrenanda est. Antiquis temporibus florebat elegantia pri-

scæ

scē patrociniis tribunalia: cū oratores concitę faciendę attēti studiis doctrinarum, ingenio, fide, copiis ornamentisq. dicendi pluribus eminebant; vti Demosthenes, quo dictūro concursus audiendi causa ex tota Gręcia fieri soliti sunt: & Callistratus, quem nobilem super Oropo causam perorantem idem Demosthenes Academiā cū Platone relicta sectatus est; vti Hyperides & Aeschines, & Andocides & Dinarchus & Antiphon ille Rhamnūsius, quem ob defensum negotium omnium primum antiquitas prodidit accepisse mercedem. Nec minū apud Romanos Rutilii, & Galbę & Scauri, vitę, moribus, frugalitateq. spectati, & sequentibus etatibus censorii, consularesq. & triumphales multi, Crassi & Antonii, Scęuolę, post exercitus prosperrimę ductos, post victorias & trophęa, ciuilibus stipendiorum officiis floruerunt; laureasq. fori speciosis certaminibus occupantes, summis glorię honoribus fruebantur. Post quos excellentissimus omnium Cicero orationis imperiosę fulminibus sepę depresso aliquos iudiciorum eripuit flammis. At nunc videre est vbiq. violenta & rapacissima genera hominum, per fora omnia volitantium: qui cū immaturę scholis eruperint, plerunq. ita rudes sunt, vt nunquam se libros habuisse meminerint: & si in circulo doctorum authoris veteris inciderit nomen, piscis aut edulii peregrinum esse vocabulum arbitrantur. Sed condonari hoc posset, si saltem suę, quam profitentur, scientię peritiores essent. Nunc adeo peruersa & inepta plerunq. studiorum ratio est, vt non mirandum sit ex malę culto ingenio nullos aut

malos prouenire fructus. Sunt, qui neq. latinam linguam vel mediocriter docti, neq. humanioribus literis vel leuiter tincti ad ius addiscendum male sanum animum applicant. Vbi cum difficultatem, & sine aliarum literarum subsidio in nauigabilem Oceanum perspexerint, aut infeliciter coepto labori succumbunt, aut, ne nihil egisse videantur, ordinem iudiciorum, & scribendorum testamentorum contractuumq. formulas ediscunt. Inde in forum & ad iurgia prouolant, cumq. causarum merita non intelligant, in solis iudiciorum solemnibus herentes, infelices & imperiti nauis vectorem, qui suas illis fortunas commisit, perditum eunt. Vidi homines, qui cum elementa iuris à Iustiniiano cupidae legum iuuentuti tradita ne primoribus quidem labris degustassent, Bartolum & Baldum manibus versabant. Alius erat, qui cum Iasonem ex bibliotheca quadam peteret, scripto professus est, commodatò accepisse *Iasonis opera in nouem voluminibus*. Hi ut alius videantur iura callere, Bartolum ubiq. loquuntur & Baldum, & Menochium, & Cardinalem Tuscum: adeò ut in peruulgate alicuius iuris regulæ probationem sexcentas plerunq. preferant auctoritates. Quidam cum responsum suum coepisset, à verbis: *In nomine Domini nostri IESU CHRISTI, AMEN*: addidit legem 1. C. de off. præf. præf. Afric. & centenalij regulam illam Logicam, positâ causâ ponitur effectus, similesq. innumeris legibus & auctoritatibus Ictorum firman. Etiam qui doctiores sunt, cum quos nobis Iustinianus libros reliquit, vel tanquam antiquatos fastidiunt, vel ut nimis difficiles hor-

rent,

rent, vbi certis quibusdam quæstionibus controuer-
 sisq. ventilandis disputandisq. annos aliquot transe-
 gerint, egregios se esse Istos credunt. Deniq. pro Pá-
 dectis & Codice & Iuris vniuersi scientia certos habet
 illustrium quæstionum scriptores. Quasi non illi ipsi
 viri clarissimi methodi aut controuerfiarum potius
 enodandarum causa scripserint illas. disputationes,
 quam quòd ijs vniuersum ius comprehendendi arbitra-
 rentur. aut certè nimis superba foret opinio. Diges-
 serunt in ordinem vniuersi iuris titulos & summa ca-
 pita: verùm non & vniuersum ius, quod sub illis titu-
 lis continetur. Inde plerunq. accidere videmus, vt
 cum isti modò tam egregij disputatores, post illas
 quæstiones *pro & contra* sæpius disputatas, *resolutasque*
 in forum transeunt, ad non magnæ difficultatis pro-
 positas facti species respondere, nisi petito ad delibe-
 randum euoluendosq. iuris libros, spacio, nequeant,
 mirenturq., se harere. Quasi ducentis, trecentisue
 quæstionibus vniuersi iuris scientia contineatur. Im-
 mensum est & infinitum id, in quo versantur Iurécō-
 sulti, nec ad finem, quem præcipuum illi habere de-
 bent, respondere scilicet de iure, & consulenti ciuitati
 instar oraculi esse, nisi multis vigilijs, assiduâ nec per-
 functoriâ librorum de iure scriptorum lectione, &
 deniq. non nisi magno iudicio peruenitur. Secunda-
 rium iurisperiti officium est, testamentorum contra-
 ctuumq. formulas concipere, & iudiciorum ordinem
 scire: præcipuum verò, primumq. ad propositam fa-
 cti speciem, in oraculi modum, quid scriptę leges,
 quid mores, quid æquum iubeat, respondere. Carol-
 lum

lum Molinæum Ictum accepimus, cum Tubingæ ager-
 ret, in collegio Ictorum vbi de iure respondendum es-
 set auditis, cæterorum sententijs, qui laboriosè erutis
 ex abdito argumentis pro suâ sententia depugnabât,
 probatâ plerunq. illorum, qui primi dixerant, senten-
 tiâ iuris, textum addidisse adeo euidentem, adeo cla-
 rum, vt cæteri longiori disputatione plerunq. super-
 sedendum sibi arbitrarentur. Tanta homini memo-
 ria, tantum erat iudiciû. Nunc miselli *disputatores*,
 vt *ad casum propositum* respondere possint, tractatus &
 commentarios, & glossas, & decisiones, & consilia e-
 uoluere necesse habent, donec inueniant *casum in ter-
 minis*. Non igitur mirum esse debet, tam paucos es-
 se consultos equi & iuris: & ex diuerso imperitôs ad-
 uocatos, patronos, scriptores, iudices adeo numerum
 superare, vt penè pauciores sînt agricolæ, pauciores qui
 in mercatura versantur, regnumue custodiunt: eò qui-
 dem maiori reip. detrimento, quòd si inter paucio-
 res, sed spectati candoris aduocationum munus esset,
 tot illa ingenia, quæ noxiâ calliditate se corrumpunt,
 melioribus studiis ornarent patriam; disciplinas & ar-
 tes aut prouderent nouas, aut inuentas excolerent. Ea
 igitur primâ in aduocatorum multitudinem cautio
 Principi sit, vt ne promiscuè in numerum recipiantur,
 qui inopiâ iurisperitiæ ora mercenaria procudentes
 per prostitutas frontes vilesq. latratus ad effrenatam
 deflectunt conuiciandi licentiam; vel inter solitudi-
 nes iudicum per multa distentas, irresolubili nexu
 vincientes negocia laborant, vt omnis quies litibus
 implicetur, & nodosis quæstionibus iudicia circum-

scri-

scribantur. (*Ammian. xxx.*) Sed pauci sint, & qui iudiciis sufficiant, non ordinis modo iudicarii omnisq. ad litigandum articuli periti, sed & ipsam causam legum, iuris, rationis suffragiis defendere apti. Sint deniq. viri boni, & qui magis honestum quam pecuniā ament. Tūm ad quos patronos causæ deferuntur, ij Deo Opt. Max. in singularum litium exordio faciant sacramentum, nullam se causam, quod sciant, iniquā oraturos. (*v. Tibom. Dempster. 1 de iuramen. x.*) Quos si hanc fidem fefellisse constiterit, aut clientem præuaricatione læsisse: præter infamiam genus supplicii excipiat, cuius timor apud paria, ausuros plusquam omnis religio possit. Illud deniq. vtilissimā lege cauendū est, ne quid à clientibus patroni accipiant, priusquam lis finem acceperit. Ita fiet, vt patroni moras oderint, & contentione ad metam, dum sibi sic studebūt, aliis pro sint.

Audiente hac Tiberio, & silente) Solemne est sapientibus Principibus, libertatem dicendi aliis permittere, potestatem statuendi seruare sibi.

Haut dubium erat, eam sententiam altius penetrare, & arcana imperij tentari) Relatus est hic locus sup. hoc libro. verb. cæterum Tiberio haut ingratum &c.

Quò magis mirum fuit, quòd preces M. Hortali, nobilis iuuenis in paupertate manifesta, superbius accepisset.) Siue malignitate, siue, quod verius puto, nolebat Tiberius, vt beneficii gratia, quā à solo Principe accipere par erat, Senatui deberetur. Et hoc est, quod Tacitus paulò inferius ait, *inclinationem Senatus, incitamentum Tiberio fuisse, quòd promptius aduersaretur.* Prudentia igitur fuit,

fuit, non malignitas : quod ex eo quoq. constat, quòd Tacitus de Tiberio ait, *Senatorum census inuifse.*

Nepos erat oratoris Hortensij, inleſtus à Divo Auguſto liberalitate decies ſeſtertium ducere uxorem, ſuſcipere liberos, ne clariffima familia extingueretur.) Et tamen idem Auguſtus ſæuiſſima proſcriptione nobiliſſimū quemq; ſuſtulerat. Adeò & tyrannum, & bonum principem tam benè expreſſit. Nimirum erant imperiū initia violenta; conſiliaq. omnia ad oppreſſionem libertatis Romanę ſpectantia: neceſſarium igitur quædam vi tractare, quò ceteris quies eſſet. Vbi quies erat, & ferociſſimis per acies aut proſcriptione ſublatis, ceteri nobilium, quantò quīs ſeruitio promptior, opib. & honoribus extollebantur: ad bonorum principū artes tranſire pars conſilii fuit.

Et c. ararium: quod ſi ambitione exhauſerimus, per ſcelera ſupplendum erit.) v. quę ſcripſi ad lib. 1. verb. erogandę per honeſta pecunię cupiens &c.

Langueſcet alioqui induſtria, intendetur ſocordia, ſi nullus ex ſe metus aut ſpes: & ſecuri omnes aliena ſubſidia expectabunt, ſibi ignaui, nobis graues.) Traianus Boccaliniſ alicubi ait, bonas literas in paupertate natas, in eadem, tanquā ſuo elemento proprio viuere. Poetas maxime à Regib. nullis aut mediocrib. debere coli præmiis. victū & veſtē illis ſufficere. ex abundantia bonorū corporis exiſtere penuriam bonorum animi. ex ocio eos marcere. Quemadmodum nimia in gallinis obefitas eas reddit infœcundas; ita poetas delicijs & ocio corrūpi. Poetas deniq. non natura, vt canes, ſed fame coactos, velut aſtutes & falcones, venatum ire.

A uite

Auita nobilitatis etiam inter angustias retinens) Prudentes aulici inter officiosæ demissionis verba, siue cū superioribus siue cum æqualibus agant, nihil artis ommittere debent, quò aliorum spirituum retinentes nō videanturalijs viles.

Crebrescit viuere Agrippam) de his qui falsas Principum defunctorum personas induerunt, moueruntque credulos aut turbidos, eoq. noua cupientes, dicā ad lib. v.

Speculati noctem incustoditam, accepta idonea manu victū clauso ore in palatium traxere.) Optimum sanè consilium. Quippe expectare, donec vana crudelitas tempore ipso vanesceret, in nouo imperio, & apud promptas turbidorum, eoq. noua cupientium aures, anceps & intutum? Sui militum seruum suum coercere, ei q. magis anxie aut publicè irasci voluisse; nimia supplicii solatia erant, Imperatorem æmulatione vssisse. Apertissimum igitur fuit dolis hominem capere. Ita & securitati & auctoritati consultum erat. Non multi adhuc anni sunt, cū Pōtifex Magnus & Hetrurię Dux in rebellem suum Alphonsum Piccolomineum iuncta mouerunt arma: quæ sanè res nimis magno fuit honori ei, qui Principes suos tam procaciter laceßuerat.

Nec Tiberius pœnam eius palàm ausus, in secreta palatij parte interfici iussit, corpus clàm auferi) Retuli hāc cautionem puniendi homines populo acceptos clàm & in ipsis carceribus suprà hoc eodem libro.

Et quanquam multi è domo principis, equitesque ac Senatores sustentasse opibus, inuasisse consilijs dicerentur, haut qua-
B b *sium.)*

situm.) Relatus est hic locus ad lib. 1. verb. *Granium Marcellum. &c.*

Breues & infauſtos populi Romani amores) dixi ad lib. 1. verb. *exformidine ne Germanicus &c.*

Nec idò ſincera caritatis fidem adſecutus, amoliri inueniẽ ſpecie honoris &c.) Iſtam artem nos quoq. alibi notauimus, inuiſos aut ſuſpectos honoris ſpecie remouere. Et in aulis ſingularis calumniantium ratio eſt, accuſatoriam diritatem, vt quidam loquitur, laudib. peragere. . Laudant, quos odio habent, vt maligna deinde inferentibus ſit pronior fides. . Præterea, quos æmulos habent, hoc modo à latere Regis, qui cuiuſq. virtutis ſpectator & arbiter eſſe, poterat, amouent. Quomodo Apelles, omnium ſecretorum Philippi Macedoniæ Regis arbiter, præcipuæ dignationis viros laudando, quòd digniſſimos eſſe diceret, qui in caſtris verſarentur, periculis & caſibus dolosè obiectauit. (*Polyb. 1 v.*) Et Agrippina, qui centurionum tribunorumq. ſortem Britànici miſerebantur, remouit fictis cauſis, & alios per ſpeciem honoris. (*Tacit. x i i. Annal.*) Mucianus, quia propalàm opprimi Anronius nequibat, multis in Senatu laudib. cumulatũ ſecretis promiſſis onerabat, citeriorẽ Hiſpaniã oſtentantis (*Tacit. 1 v. hiſt.*) Iulianus à Conſtantio Cæſar factus, inque Germanias miſſus eſt, vt inter ferociſſimos illos populos perirer. (*Amnian. Marcell. xv i.*) Theodorus ſuſcriptores eodem prætextu Ioannem Hagiotheodoritam magnum in Manuelis Imperatoris gratiã virum è regiã in extremum angulum Præturæ Peloponneſi exegit. (*Nicet. Choniart. 1. annal.*) Ruigomezius Sylua.

Albe Ducem in Belgii procurationis petitione cæteris prætulit; non reipublicæ curâ, aut amore Ducis, sed ut æmulum procul aula haberet. (Io. Bapt. Cin. vii. de vita Cosm.)

Inuisus Iberio, quod eum Rhodi agentem nullo officio cõ-
luisset.) Cum Principibus, eorumq. consanguineis re-
uerenter agendum est, in quacunq. sint constituti for-
tuna: quia brevis momento summa verti possunt: (Tacit.
iv. anal.) & qui iam prodesse & iuvare nequeunt;
forsan olim nocere poterunt. Documento est Archelaus
Rex, de quo hinc Tacitus, quæ subvertit Tiberius;
nullam aliam ob causam illi infestus, quàm quod
Rhodi agens nullo officio ab eo cultus esset ! Nec id
Archelaus per superbiam omiserat, sed ab intimis Au-
gusti monitus, quia florente C. Cæsare, missoq. ad res
Orientis intuta Tiberii amicitia videbatur. Quò ma-
gis vassani sunt, qui nulla coacti causa gratuitas sibi
accerunt inimicitias. Ludouico Hutinò in Galliis Re-
ge Engerranus quidam intima apud Philippum Pul-
chrum gratia à popularibus author grauisissimi tributi
indicendi insimulabatur. Sed cæteri plus malitimpres-
cari ei, quàm creare poterant. premendi hominis prin-
ceps inuentus est ex ipsa regiâ Carolus Valensij Comes,
Ludouici Regis patruus. Causa atrocis odii, quòd, dū
apud Pulchrum cõtrouersia esset inter summos Nor-
maniae procures, alteri Engerranus, alteri Carolus ad-
erat. Exorta contentione exatdescensibusq. studiis
mentiri Carolum Engerranus dixit. Ad verbum nobi-
lilitati grauius omni vulnere in memoria Caroli co-
vsq. sedit, ut viuo Pulchro fratre exequi dolorem non

ausus, in rudimento regni Ludouici Hutini ultionem petierit. Peculatus reum agere placuit. Ad Lupa-
ram ductus interrogatusq. de pecunia publica, regni-
que tributis exactis, respondit permagnam partem
ad ipsum Carolum Valesij Comitem peruenisse. Quo
responso magis irritatus Carolus non destitit, donec
furca suspenderetur Engerranus. (*P. Aemil. VII.*)
Anno Christi cl. l. lxxxii. Mahumetes Hodaben-
des Persarum Rex bellum moliebatur contra filium
Aban, rebellionis apud se delatum præcipuè ab Meri-
ze Salma inter satrapas principe: qui regnandi olim
sub altero filio, cui ille filiam suam in matrimonium
tradiderat, ad insaniam cupidus, expeditionis contra
filium patri author erat. Sed exitus hic fuit, vt Aba
in gratiam à parente recepto, omissoq. bello tota ira-
rum moles in Salmam incumberet; isq. vt damnosæ
expeditionis pericula & incommoda lueret, capite
plecteretur. (*Thuan. lxxvii.*) Ex quo apparet, suo
sibi, quod dicitur, iumento malum querere, qui Prin-
cipum maximè propinquorū similitudines per calum-
nias alunt, & exacerbant. Nam ferè usu venit, vt il-
li reconcilientur, & depositas iras in ministros prima-
rios vertant, ac velut ex pacto alteri ab alteris, in visos
sibi ad poenam deposcant. Nec modò ita belli concit-
tatores ac velut tubæ hostium iræ dediti, sed & boni-
fidiq. sæpè amici à Principibus proditi sunt. Exem-
plum est cruenta illa Triumvirorū proscriptio. Cùm
enim illi post varia inter se gesta bella conuenissent
de inuadenda Rep. nefanda proditorum quisq. suarum
partium præcipuos, inimicorum, quos illi offenderāt,
ultioni

ultioni dediderunt ; vendentes auctionantesq̃ sibi quondam amicissimos velut sub hastâ positos. (*Dio Cass.* xlvii.) Franciscus Simonetta cum Francisco Sforziæ fidem suam egregiè probasset, & eodem animo esset in Galeatium Francisci filium, cuius tutelam cum matre viduâ administrabat ; ab offensis Galeatii fratribus Ticinî trucidatus est. Cum enim ille, ut pupillò principatû seruaret, fratres eius & Robertum Sanseuerinatem Mediolano expulisset, mater paulò post transactis controuersijs Simonettum illis tradidit, què, ut dixi, crudeliter occiderunt. Hoc metu subitariè, & in consiliariorum exitium desitutæ reconciliationis multis libertas eripitur, etiam fidis, sed dum impunè licet, & sibi, antequam Principi. Scilicet illi prudentes, quorum consilio in rebus dubijs vtuntur Reges, non sic auspicantur publicas curas, ut priuam suæ salutis sollicitudinem deponant. Itaq. cum in alios consuluntur (ciuilibus maximè bellis) eorum offensam veriti, sæpè remissas sententias & frigidæ dicunt: ne si quid acrius statuerint, illi ipsi, in quos dicunt, postquam, ut mos est, in aulâ reconciliati floreant, aut factione & armis superiores euadent, in ultionem seruent animos, ac deniq. ruinâ immeretum exsatiæ. Inde Tacitus (*lib. i. hist.*) ait, Galerium Trachalem, cuius ingenio Otho in rebus vrbanis utebatur, in oratione, quam Othoni præscripsit, sibi metuentem contumelijs in Vitellium abstinuissæ. Et tertio Historiarum idem Tacitus cum Senatores Romanos de Cæcinæ Vitellianarû partium ducis defectione compositâ indignatione conquestos dixisset, addit:

dit: *nulla in oratione cuiusquam, erga Flavianos duces obere-*
latio. errorem imprudentiãq. exercituum culpantes Vesp-
siani nomen suspensi & vitabundi circumibant. &c.

Si intelligere crederetur, vim metuens) v. quæ scripsi
sup. hoc libro ad verb. haut cunctatus est ultra Germani-
cus &c.

Tiberius demouerat Syria Creticum Silanum, per affini-
tatem connexum Germanico.) Quod ita necessarium erat
 ob suspectum Tiberio Germanicum. Sed & cessan-
 te isto respectu parum secura res est, procurationes,
 munimenta, exercitus esse in manibus plarium perso-
 narum sanguine iunctarum. Indeq. Veneti in maio-
 ribus ciuitatibus suo dominio subiectis iusticiæ cu-
 ram, & armorû præfecturam, diuersa officia, diuersis
 tribuunt. Et olim Senis constitutum erat, ne duo ex
 eadem familia eodem tempore in magistratu essent.
 (Orland. Malanolt. lib. 111. hist. Sen.)

Præfecerat (n. Pisonem ingenio violentum.) Inter cæ-
 teras artes, quibus nimij quorundam spiritus frangū-
 tur, notauit alicubi hæc quoq. artem; addere nimirum
 illi suspecto collegam ac velut inspectorem, qui spes
 illius coerceat.

Drusus in Illyricum missus est, ut susceperet militiæ stu-
diãq. exercitus pararet &c.) Alibi dixi, egregios duces,
 prudentesq. Senatores esse, quibus Principum adoles-
 centia regenda committi debeat. Hoc loco quatuor-
 plex notanda causa est, quam ob Tacitus Drusum in
 Illyricum ad exercitus missum dicit. primò, ut susce-
 ret militiæ: deinde, ut studia exercitus pararet; tum,
 iuuenem urbano luxu lasciuientem melius in castris
 ha-

haberi: & deniq. quòd Tiberius tutiorem se reba-
tur utroq. filio legiones obtinente. Plura non addo,
quòd Scipio Amiratus hoc argumentum benè tractet.
(lib. 11. disc. x.)

*Vacui externo metu, gentis assuetudine, & tùm amula-
tione glorie, arma in se verterant*) Communis opinio est,
Carthaginem destructam causam fuisse ciuiliū bel-
lorum, quæ postmodum Romanos exagitarunt. Sed
alibi aptior erit demonstrandi locus, non excidium
Carthaginis, sed corruptam Reip. formam tot mala
generasse.

Arminium pro libertate bellantem fauor habebat.) Et
hic idem tamen abscedentibus Romanis & pulso
Maroboduo regnum affectans libertatem popula-
riū aduersam habuit. Videsis quæ dicam ad li-
brum IV.

Longa aduersus nos militia insueuerant sequi signa &c.)
retuli hunc locum sup. lib. 1. verb. *Pompeium imagine
pacis &c.*

*Inguimerum tenens, illo in corpore decus omne Cherusco-
rum, illius consilij gesta, quæ prosperè ceciderint, testabatur.)*
Sæpè vir vnus & vna fortuna, si rebus adspirent, res
magnas & mirabiles efficere possunt. (*Polyb. lib. vii.*)
Romani cum ingenti exercitu, terram mariq. Syracu-
sas obsiderent, si quis vnum vrbi senem, Archimedem,
adimeret, confestim vrbe se potituros sperabant: illo
verò præsentè ne accedere quidem propius ad mœnia
audebant. (*Polyb. d. l.*) Mortuo Brasida, cuius ductu
atq. auspicio felicissimè cum Atheniensibus pugna-
runt Spartani, quòd, quæ ille cœperat, à se perfici posse
de-

desperarent, ad pacis mentionem descenderunt. (*Thucyd. v.*) Et ita ferè semper accidere solet, ut cæsis præstantissimis belli ducibus, amittantur munitissima loca, solvantur obsidiones, fundantur acies, animi exercitibus minuantur, contraque crescant hostibus. Epaminondæ virtute ex infimis incrementis Thebarum ciuitas ad spem imperij Græciæ erecta est: sed postquam ille decessisset, vires quoque Reip. cum illo conciderunt. Nam sicuti telo si primam aciem perfreris, reliquo ferro vim nocendi sustuleris; sic illo velut mucrone teli sublato, rei quoque publicæ vires hebetatæ sunt: ut non tam illum amisisse, quam cum illo interiisse omnes viderentur. Nam neque hunc ante ducem ullum memorabile bellum gesserunt: nec postea virtutibus, sed cladibus insignes fuere: ut manifestum sit patriæ gloriam & natam & extinctam cum illo fuisse. (*Iustin. vi.*) In vno Alcibiade tantum fuit momenti, ut maximi imperij Atheniensium subuersi & rursus recepti auctor esset; & vnde stetisset, eò se victoria transferret; fieretque cum eo mira quædam fortunæ inclinatio. (*Iustin. v.*) In bello, quod inter Mæsenios & Achæos gestum est, Philopæmenes Achæorum imperator (quem quidam vltimum Græcorum scitè vocat) captus est; non quia pugnando vitæ pepercerit, sed dum suos in prælium reuocat, in transitu solse equo præcipitatus à multitudine hostiū oppressus est. Quem iacentem Mæsenij seu metu virtutis, vel verecundiæ dignitatis interficere ausi non fuerunt. Itaque velut in illo omne bellum confecissent, captiuum per vniuersam ciuitatem in modum triumphi

phi circumduxerunt, effuso obuiam populo, ac si suus non hostium imperator aduentaret; nec victorem Achæi auidius vidissent, quàm victum hostes viderunt. Igitur eundem in theatrum duci iusserunt, vt omnes contuerentur, quem potuisse capi incredibile singulis videbatur. Inde in carcerem ducto verecundiâ magnitudinis eius venenum dederunt. (*Iustin. xxxi i.*) Insuperabilis virtus! Licuit hostibus de capite vitâque Philopœmenis statuere. Virtus Philopœmenis de hostibus triumphauit. Hannibali etiam hostes tantam inesse vim censebant, vt etsi omnia alia circâ ruerent, eo tamen saluo salutę Poenorum res viderentur. Viuo Alexandro milites ipsius putabant, quantalibet vis omnium gentium conspiraret, impleat armis virisq; totum orbem, classibus maria consternat, inusitatas belluas inducat, Alexandrum posse illos præstare inuictos. (*Quint. Curt.*) Mortui tanta adhuc erat veneratio, vt Argyraspides omnes alios duces fastidirent; sordidam militiam sub aliis post tanti Regis memoriâ existimantes. (*Iustin. xiv.*) Hungari, regnante Henrico Aucupe in Saxoniam excurrentes, cunctaq; cædibus, incendijs, rapinis miscentes, Bremâ quoque exustâ ad littus vsq; Oceani penetrarant: cum Henricus nullo milite instructus ferocissimæ genti occurrere non auderet. Verùm capto nobili quodam ex Hungaris viro, vt illum redimerent, in nouem annos inducias pacisci non dubitarunt. (*Vbbo Emm. vi. hist. Fris.*)

Delectus est M. Aletus è pratorijs, ne consulari obsecente Asiam, emulatio inter pares, & ex eo impedimentum orire-

tur) Bella duorum ducum auctoritate parium, auspicio gesta rarò feliciter exire alijs obseruatum est. (v. *N.M.* 111. *disc.* xv. *Scip. Amirat. bic.*) Verum num dominatio stabiliatur sciendo alendoque inter subiectos discordias, nondum adhuc definita questio est. Certè in Aegypto consultò varijs superstitionibus permissum olim erat vulgus, ne à se inuicem dissidentes in Regem conspirarent, vt ex Diodoro Siculo refert in eruditissima tabulæ Isiacæ explicatione vir omnis antiquitatis peritissimus, nostri æui Varro, Laurentius Pignorius. Iulianus Cæsar religionum libertatem permisit, vt dissensionum augescēte licentia non timeret vnanimantem postea plebem. (*Amm.* xx11.) Catonem deniq. semper contentiunculas aliquas inter seruos callidè fouisse aiunt. (*Plutarch.*) Mihi eade re ita videtur: vt nunquam nisi ex accidenti ciuium discordiam publicæ rei principiq. prodesse putem. primùm, si tyrannus sit, qui regnat, & odio habitus à populo. tunc enim, vt contendētibz ciuibz ipse securiùs vacet, diuidendi sunt, quos timet. deinde, si quorundam nimia sit opibus, factionibzsq. potentia: quæ aptiori ratione infringi nequit, quàm si inter illos disidia, contentionesq. quibus se inuicem consumant, aut, saltem quibus occupati in Regem conspirare nequeant, disseminentur. Verum enim verò hæc cautio morbum arguit imperii, Principisq. debilitatem, qui cum virtute, viribusque destituatur, ad istas ignobiles, ne dicam probri plenas artes confugere cogitur; quæ tamen, etsi ad tempus iuuent, postremò fallunt. Nam si bellum ingruat, quæ partium Principem

cipem sibi minus equum putat, hosti accedens illius vires auget. Ut taceam in vna ciuitate cœpta partium studia, quarum quelibet sibi amicos, sociosque querit, non vniis mœnibus contineri, sed contagione alias quoq. regni partes inficere. (V. N. M. III. disc. xxvii. & in Princ. c. xx.)

Prouincias internis certaminibus fessas refouebat) quo ipso clarius euadit, à magnis & sua vi nixis principibus non arte studioq. diuidi in factiones prouincias subiectas.

Per ambages, ut mos oraculis &c.) v. quæ dixi adhuc lib. verb. *iuuenem improvidum &c.*

Neq. tamen mitigatus Piso.) Beneficia cò vsq. lata sunt, dum videntur exsolui posse: vbi multum anteuenire, pro gratia odium redditur. (Tacit.) Quædam beneficia odimus. (Q. Curt.) Deniq. & violentum Pisonis ingenium, & accepta à Tiberio mandata insectandi Germanicum impediabant illum, quò minus tantum beneficium agnosceret.

Largitione, ambitu &c.) confer cum hoc loco, quæ de Othone lib. i. Hist. dicuntur; & obserua, quibus artibus ab ambitiosis animorum sinceritas corrumpitur.

Inclinabat in Zenonem &c.) Quemadmodum de Vonnone in huius libri principio dixit Tacitus, accendisse dedignantem Armenios diuersum à maiorum institutis, raro venatu, segni equorum curâ: ita ex diuerso eiusdem nationis fauor inclinabat in Zenonem, quòd is primâ ab infantia instituta & cultum Armeniorum æmulatus, venatu, epulis, & quæ alia bar-

bari celebrant, proceres plebemque iuxta deuinxerat.

Quedam ex regis tributis deminuta, quod mitius Romanum imperium speraretur.) Vtilis namq. nouis imperiis est clementia fama. Ceterum de tributorum exactio- nibus alibi dicendi locus erit.

Daturumque honori Germanici, ut ripam Euphratis accederet.) v. notata ad hunc libr. s. verb. *flumen Visurgis &c.*

Nam Augustus inter alia dominationis arcana &c.) Hoc arcanum quale fuerit, explicauit hoc eodem libro. ad verb. ceterum Tiberio haut ingratum accidit &c.

Iniciens Germanos ad discordiam) hoc explicabo ad librum iv.

Et Maroboduus quidem Rauenna habitus, si quando in- solescerent Sueui, quasi rediturus in regnum ostentabatur.) Aptā ratio tenendi hostes in perpetuo metu; de quo dicam ad lib. vi.

In ea diuisione arua & vrbes & vicina Grecis Cor, i, quod incultum, ferox, adnexum hostibus Rhecuporidi cecidit.) Facile, qui prudens erat, conijcere poterat, parum du- raturum eiusmodi fedus; vitio primum humani in- genii, dominationis auidi; vnde saeuus regnandi amor

- & summo dulcius vnum stare loco, socijsq. comes discordia regnis.

Stat. 1. Theb.

Deinde, quod nimis iniqua erat diuisio; & quae neces- sitate, temporisq. iniuria coactus quis promisit, non nisi eadem necessitate cohibente seruari soleant. Nnl.

la recentium beneficiorum memoria inter duos principes, qui hereditaria odia habent, nulla fides, promissa deniq. nulla efficere possunt, vt pactionem sibi damnosam, hosti vtilem quisquam seruet (*Guicciard. xv.*) Non chartæ & scripturæ, sed vis ac necessitas principem ad seruandum fidem adigit (*N. M. viii. hist. Flor.*) Et generaliter memoriæ veteres nos docent, in extremis casibus icta federa postquam partes verbis iurauere conceptis, repetitione bellorum ilicò dissoluta. (*Ammian. Marcell. xxv.*) De Græciæ ciuitatibus Thucydides (*lib. 1.*) scribit; si quando iuramento se inuicem, præsentis constricti necessitate, ad egissent, tam diu id ratum fuisse, dum nullum aliunde subsidium sperare poterant; vbi alteri parti fortunæ aliqua spes affulisset, protinus alios per fidem deceptos magis, quàm ex aperto aggredi iucundius fuisse; hisque malis artibus superiorem industriæ famam consecutum. Manuel Comnenus Imp. monenti, vt cum Turcis inita pacta seruet, parùm se ea curare, quæ necessitate promissa essent, respondit. (*Nicet. (boniat. vi. Annal.)*) Cùm olim Hero Efensis ex Frisiæ Proceribus armis ab Ezardo Frisiæ orientalis Comite victus seruaturum se pacta ad aram iuraret, Vlricus Dornumanus Heronis frater ad astantes versus, atq. ego iuro vobis, inquit, fratrem meum nihil eorum, quæ promisit, præstiturum (*Vbbo Emm. lib. lvii. hist. Frisic.*) Franciscum Galliæ Regem non aliam habuisse reperedi belli contra Carolum V. Cæsarem causam, quàm quod ad condiciones, quas captiuus inijsset, seruandas minimè se teneri diceret. (*P. Iustin. Andr. Maurocen. lo. Bapt. Hadrian.*)

adrian.) Et ipse Carolus, cùm ab ipso promissorum fides repostèretur, obsecundasse temporì respondit. (*Tbuan.*) Carolus IX. Galliae Rex, quicquid de religionum libertate antè cauisset, pro tempore statutum, non, vt perpetuum esset, Hugonotis respondit. (*And. Mauroc. vi. 11. hist. Ven.*) Deniq. Margaretha Parmensis vi adactam Belgis se quædam concessisse, excusauit. (*Conestag. 11. hist. de bello Belg. Tbuan. xxxvi. 11.*)

Quæ cùm ita fieri soleant, non tamen ita fieri debere pronunciare ausim: & iurisgentium esse, etiam seruare, quæ vi bellicâ coactus promiseris. Nam quod id N. M. in disputationibus (*lib. 11. c. xli. 11.*) negat, ego videre nequeo, quibus eius sententiâ argumentis euinci queat. Quod enim ita consuetudine inter Principes obseruari tradit, vt quæ necessitate coacti pepigerunt rata non sint: eam ego consuetudinem ratione carentem & prauam esse arbitror; quæ periuriis & fallacijs viam aperiat; cùm ferè semper altera pars coacta ad transactionem descendat, & rarò æquis atq; integris vtrinq. viribus ad pacem perueniatur. Illud autem, quod de Romanis, turpem illam cum Samnitibus ad furculas Caudinas initam pacem aspernantibus affert, nihil omninò ad rem facere videtur: cùm non, quia vis & cactio illi conventioni causam dederit, sed quia Consul nescio S. P. Q. penes quem paciscendi arbitrium erat, pepigerat, retracta illa fuerit: quòd inde apparet, quia ignominiosi pacti authores teneri iudicabant Romani, eosque hostibus dediderunt. Quod si retentis captiuis, missis Romam legatis cum Senatu populoq. quodcunq. fedus fecissent Samnites, illi

illi stare debuisse Romanos dubium non est.

Sed quia quod iam diximus, ferè à pactis resilire solent Principes; illos qui in publicarum rerum administratione versantur, exactissimò studio, & scrupulosà curà examinare decet, vtrum, cum quibus federe, pace, induciis iunguntur, hoc seriò velint, an temporum iniquitati cedentes, simulacra ineant pacta; quò veris amicis securè vti possint, fucatos verò recentibus inde necessitatum vinculis impeditos teneant. (*Polyb. 1. 11.*) In quem finem idonea cautio est, ut à parte suspectà munitæ vrbes aut arces aliquot velut pignora in alterius partis, vel si hoc minùs tutum videatur, in tertij cuiusdam veluti sequestris, manus consignètur ad tempus.

Illud autem monendi sumus, hac curà opus non esse, vbi sub clypeo, quod aiunt, paciscuntur partes; vbi integris vtrinq. viribus, aut parùm accisis coeunt. Tutissima enim reddit federa mutuus metus: quippe, qui ea rumpere vult, dum ambigit, an superior esse possit, absterretur. Et firmissima est inter pares amicitia: qui autem metu magis quàm benevolentia subijciuntur, repertis authoribus animos tollunt, & novis semper intenti sunt occasionibus. Porro solent quoq. maiori benevolentie atq. amicitie vinculo contineri ex pacis leges, quas exquisimòs fortunâ & causâ superior victo tulit. Quod Priuernates à Romanis victi significare voluerunt. Cum enim Cons. ex illis quæreret, si pœnam remitterent Romani, quam cum ipsis pacem habituri essent, responderunt illi: si bonam dederitis, firmam & perpetuam; sin malam, brevem

&

& incertam. (*Liv.*) Et sanè Romanis semper ea placuerunt consilia, quibus eò hostis adigeretur, ut aut nocere non posset, aut non vellet. Cùm Camillus Latinos vicisset, his verbis in Senatu orauit: Dij immortales ita vos potentes huius consilij fecerunt, ut, sit Latium, an non sit, in vestra manu posuerint. Itaque pacem vobis, quod ad Latinos attinet, parere in perpetuum vel sæuiendo, vel ignoscendo potestis. Mirè huc facit historia de Herennio Pontio apud *Liuium*. (*lib. ix.*) Is, ubi accepit ad furculas Caudinas inter duos saltus clausos exercitus Romanos, consultus ab nuncio filij, censuit omnes inde quàm primùm inuiolatos dimittendos: quæ ubi sperta sententia est, iterumq. eodem remeante nuncio consulebatur, censuit ad vñ oēs interficiendos. Cùmq. hæc inter se tam discordia responsa lesi animi signum viderentur, consilij sui causas adiecit. Priore se sententiâ dixisse, quod optimū duceret, cum potentissimo populo per ingens beneficium perpetuam firmare pacem, amicitiamq.; altero consilio in multas ætates, quibus amissis duobus exercitibus haut facilè receptura vires Romana res esset, bellum differre voluisse: tertium nullum consiliū esse. Cùm alij principes percontando exquirerent, quid si mediâ viâ consilium caperetur, ut & dimitterentur incolumes, & leges ijs iure belli victis imponerentur? illa quidem sententia inquit, ea est, quæ neq. amicos parat, neq. inimicos tollit. Huic geminum est, quod *Franciscus I.* Gallia Rex in Hispania captiuus dixisse fertur; triump. se optionem *Carolo Cæsari* facere; aut se æterno carcere vinctum seruaret: aut

pro

pro sua magnanimitate pristina libertate donaretur aut si tanta Burgundiæ potiundæ cupiditas animo eius incessisset, pactionibus, quibus placeret, adstrictum dimitteret. Carcerem se fortiter laturum: pro libertatis dono gratum omni vitâ memoremque tanti beneficii futurum: iniquis legibus dimissum nunquam bonâ fide amicitiam culturum; sed arreptâ primâ occasione omnia hostilitatis signa editurum esse. (*Andr. Maur. 11. hist. Ven.*)

Ex quo sequitur, saltem politicè veram esse illius sententiam, qui dixit, homines magnos aut non fodiandos, aut, si coeperis, occidendos esse. Omne medium hîc in vitio ponitur; & omne extremum laudabile est. Quam ob rationem Franciscum Momorianum reprehendit apud Thuanum in Historia Princeps Condæus, quòd Cardinalem Lotharingum per iniuriam ingressu Lutetiæ prohibitum nō minùs post saluum dinuferit. quippe, si ioco egerit, nimis acerbè; si seriò, nimis remissè actum. Henricum quoq. Lusitanicæ Regem notant scriptores, quòd nesciuerit vri vel summâ clementiâ, vel summâ iracundiâ. (*Conestag. 111. de coniunct. Port. cum Cast.*) Non itaq. sine ratione Cardinalis Alexandrinus Pontificis iussu captus, aliorum, vt animum à moerore alleuaret, solatia & hortamenta respuens, & extrema quæq. veritus, respondit; viros magnos non fieri captiuos, vt dimittantur; nec vinculis solui, qui carcerem non meruissent. (*N. M. v. hist. Flor.*) Læsi dimitti semel possunt, at semper meminisse iniuriæ. Cyrus Darij Nothi Persarum Regis filius ex carcere, in quem ab Artaxerxe fratre

coniectus erat, intercedente matre imprudēter dimissus periculosissimum fratri bellum fecit. (*Xenoph. 1. de exped. Cyrimin.*)

Illud etiam hinc consequitur, stultissimos esse, qui minis, & hostilem animum ostendentibus verbis temperare non possunt. Nec enim inde debiliior fit hostis, & restante Seneca, (*in Medea*) *professa perdunt odia vindicta locum*. Quā in re notatur Galeatius Sforza, quod minitaretur vel potentissimis regibus, quorum aliquam in se iniuriam agnosceret: eoq. consiliorum ipsius initium & finem simul cognita. (*lo. Bapt. Pign. v 111. hist. Ven*) Et eandem imprudentiam in Alfonso Calabriae Duce arguit Guicciardinus in historia. (*lib. 1.*) Ludibria quoq. & contumeliae ut plurimum efferratos & obstinatos reddunt hominum animos. Clotarius II. Francorum Rex contra Saxones bellum movit, quod se nondum L. annos natum velut extremā canicie vetulum iumentum appellassent. (*P. Aemil.*) Inter Francos Slauosq. atrocissimum bellum ortum est, quod Francorum legatus fedus cum canibus (ita Slauos vocabat) ictum sanctum esse non deberedixisset. (*P. Aemil.*) Saraceni eādem verbi contumeliā laceßiti, funesta rabie exarsere. Qui Heraclio ex ea gente militabant, vestem militarem ex usu poscebant. Eunuchus corruptissimō seculō fisco praefectus: quid, inquit, reliquum est Romano militi, quod dari his canibus possit? Eam semiviri petulantiam tam indignē tulere ipsi viri armatiq., ut confestim deficientes Arabiā ac finitimis gentibus concitatis formidabili Saracenorum potentiae initium dederint.

rint. (*P. Aemil.*) Ludouicus XII. Galliae Rex Helueticos, quos rusticos intra montes natos contumeliose vocauerat, in se concitauit; maximò rerum suarum damnò. (*Guic. 1x.*) De Narsete notius est, quã vt memorari debeat. Groninga vrbs anno Christo clò 10. vi. à Saxonibus obsidebatur: & iam eò angustiarum ob com meatuum inopiam peruenerat, vt non multũ abesse deditio videretur; cum oppidani suorum contumelijs asperati ad vltima quæq. animos obfirmarunt. Vitus Drachstorpius Saxoniorum Dux oppidanis, si quos deprehenderat, post verbera & ceteras iniurias aures amputabat, stigmata inurebat, vultus turpabat; mulierculis vestem imam cum indusio supra nates præscindebat, atq. ita remittebat in urbem. Aliquãdo intercepto homine pauperculo famis causa ex vrbe egresso, vxore comitante, & vinculis constricto, cum ob inopiam se redimere non posset, tandem Viti iussu stigmatis mulieri genẽ signatæ, viro præcisissẽ aures, & pro emblemate pileo eius affixæ: tum haleces duẽ, frustellumq. panis & salis modicum ad pectus suspensa. Ita ornatus, manibus ad tergu in reuinctis, in ludibrium remissus in urbem, & Consulibus hæc munera à Vito ferre iussus est. Quẽ cum videret populus, fremere, detestari scquitiam hominum, omnia potius ferenda; & in ferrum ruendum, quàm sæuæ ac barbaræ gentis imperium subeundum. Nec multò post se suaq. odio Saxonum & necessitate coacti Edlardo Comiti dediderunt; qui illatò in urbem præsidio atq. com meatu soluerò obsidionem Saxones coegit. (*Vebo Emm. xlii. histor. Fris.*) Concludamus

igitur in omnibus actionibus tam publicis, quam priuatis, belli pacisq. cōannitendum esse, vt, cum quibus agimus, nobis nocere aut non possint, aut non velint.

Nihil equè Tiberium anxium habebat, quàm ne composita turbarentur. Nam & Augustus, auctor vtriusq. regni si sperneretur, contumelia Tiberium quoq. tangebat: & noua imperia pace, qua stabiliantur, opus habent. Ferdinandus Aragonius, quanquam causas habebat iustissimas bello petendi Ludouicum Sforzam; nunquam tamen id voluit; ne quietem Italię, quàm rebus suis necessariam videbat, turbaret. Quem finem ab illo tempore, quo Florentia vltimùm capta est, semper propositum sibi habuerunt Itali principes; ideoq; exorientia bellorum semina omnes in herba opprimere laborauerunt, & Galliæ Regibus spes omnis recuperandi in Italia olim possessa præcisa. Possidentis Hispani partis pacificè frui intererat. Gallo, amissa nisi bello repetere non licet. Ergò quibus tranquillitas & quies curę; Hispanis suarum prouinciarum possessionem hætenus semper asseruerunt. Sed parum aberat, quin nuperrimè iniquies & ambitiosum illius nationis ingenium Italos ad alia, & à prioribus diuersa consilia impelleret.

Molliter rescriptum) professæ perdunt odia vindictę locum; quod paullò superius dictum est. Germani dicunt: *VVer Vogel VVil sängen, mues nit mit brügel darunder VVerffen.*

Maluit patrati, quàm intæpti facinoris reus esse. Ea mens est omnibus sceleratis. Similis Othonis (1. hist.)

sententia, acrioris viri esse, meritò perire.

(*Circundata hinc Regi specie honoris valida manus*) Modus custodiendi capiendiq. magnos homines, quibus non semper ad tergum religari manus queunt: quem cautissimè in effectum deduxit scelestissimæ feuitiæ homo, Cæsar Borgia, cum specie honoris captos Vrsinos & Vitellos Senogalliæ trucidauit. quam tragediam singulari libello descripsit graphice N. M.

(*Cum magnitudinem & grauitatem &c.*) v. notata s. ad verb. accendebat dedignantes &c.

(*Haut ignauo ad ministeria belli inuene Pisone, quanquam suscipiendum bellum abnuisset.*) Idq. fidi ministri officiū est, vt, si contra suum consilium contraria sententia preualuerit, eius executioni non minùs, quàm si sua probata esset, inuigilet.

(*Non pugnaturis militibus ubi Pisonem ab ipsis parentem quondam appellatum vidissent.*) Labile spei fundamentum! stultum fidere illis, qui, vnde utilitas ostenditur, illuc libidinem transferunt. (Tac. xv. annal.)

(*Tum Sentius occidere cornua*) Inclinata res nisi statim erigatur sisti non potest. cœperat seditio. si spatiū cæteris cogitandi dedisset, forsitan sequebantur commilitones. Romani ad motus extra urbem propellendos bellum aliquod simulabāt aut parabant. Et Sylla spectante ad seditionem milite trepidū nunciū de hostis aduentu finxit, itaq. discussit periculū. (Fröt. lib. 1. c. 1x.)

(*Non receptæ conditiones*) quo firmatur, quod s. diximus eò redigendos hostes, vt nocere aut nolint, aut nō possint. Clemens Octauus inter alias trāsfactionis cum Cæsare Atestino leges hanc quoq. prudenter addidit,

ut ille intra statutū tempus quicquid patrimonij (al-
lodialia vocant bona) inditione Ferrariensi possideret,
diuenderet.

*Nec obstitit falsis Tiberius, donec tempore & spacio vane-
scent*) simili locutione suprā hoc eodem libro dixit:
an inanem crudelitatem tempore ipso vaneſcere ſineret. Ratio
huius ſententiæ eſt, quòd, ut alibi Tacitus ait, vera vi-
ſu & morā, falſa feſtinatione inualeſcunt.

Actum & de ſacris Aegyptijs Iudaicisq. pellendis.) Locus
inuitabat tractare hīc illam tantopere de religionum
libertate, exagitatam quæſtionem. Sed proſectò hor-
reo me immittere tā vaſto gurgiti. Igitur nūc quidē,
cū nōn omninō liqueat, ampliandum cenſeo.

Binofq. numos ſe additurum) v. quæ dixi ad libr. iv.
verb. *pacem exuere &c.*

*Acerbeq. increpuit eos, qui diuinas occupationes, ipſumque
dominum dixerant.*) Et re verā oderat pudendam iſtam
adulationem Tiberius. Nunc eò ventū eſt ut Optimus
Maximus Deus nullō ſingulari titulō appellari poſſit,
quem non hominum ſibi ambitio arrogauerit.

Finis Notarum politicarum in li- brum ſecundum Annalium.

C. CORNELII TACITI.

215

CHRISTOPHORI FORSTNERI AVSTRII

NOTÆ POLITICÆ

Ad librum III. Annalium

C. CORNELII. TACITI.



IOLENTA luctu, & nescia tolerandi)
In tota hac exequiarum, funebri
pōpa, Agrippinæ, cæterorumq. ex
Romano populo imprudens notā-
da est indignatio : qui cū scirent
omnes, lætam Tiberio Germanici
mortem malè dissimulari; ipsi velut in contumeliam
Principis maiori luctu defunctum prosequiebantur :
*concidisse Remp. nihil spei reliquum clamitabant ; promptius
apertiusq. , quàm ut meminisse imperis antium crederes .* Ita
qui libertatem fugatam videbant, nunquam tamen
sub rege & domino se esse cogitabant : cūq. in serui-
tute liberis linguis uti, & imperare subiecti vellent ;
Tiberium suâ naturâ crudelissimum in maiorem sæ-
uitiam exasperauerunt. Prudenter apud Lucanum
(lib. 111.) Cotta,

*Libertas, inquit, populi, quem regna coercent,
Libertate perit : cuius seruaueris umbram,
Si, quicquid inbeare, velis .*

Et

Et quid ipsum magis accendere potuit, quàm intempestiva hominum in Agrippinam studia; cùm decus patriæ, solum Augusti sanguinem, vnicum antiquitatis speciem appellarent, versiq. ad cælum ac deos, integram illi subolem, ac superstitem iniquorum precarentur. Non potuit non Tiberius, vt qui malè quæsitum imperium non nisi violentis artibus conferuare valuit, morte Agrippinæ & subolis imminens sibi malū auertere. Tutissimum igitur est illud Q. Curtij præceptum, *obsequio mitigare Imperia.*

Inferius maiestate sua rati, si publicè lamentarentur) Principes, tanquam minimùm fortunæ imperiis subiectos ostentare se decet; & vt quidam ait, non fieri nisi hæc quinq. : ruinam regni sui, existimationis famęq. iacturam, populorum suorum egestatem & miseriam, malorum prosperitatem, & denique sapientum mortem.

Ne omnium oculis vulsum eorum scrutantibus falsi intelligerentur) Veritas enim visu & mora, falsa absentia & ex longinquo valefcunt.

Magnitudinem mali perferre visu non tolerauit.) Sæpè laxasse quorundam scelere peremptos, exitio fuit tam intempestiuè piis. Dolor, caritas, omnis affectus abscondendus. (*Tacit. xi i. annal.*) Prudentior itaq. mater Antonia, quàm vxor Agrippina, *violenta luctu & mescia tolerandi.*

Facilius crediderim, Tiberio & Augusta, qui domo non excedebant, cohibitam: vt par moeror & matris exemplo auia quoq. & patruus attineri viderentur.) Ita semper societate culpæ tutiores nos esse putamus. Quomodo Ale-

xander cum barbaram mulierem duxisset, & in cæ-
teros quoq. Persarum mores transisset, amicos etiam
longam vestem auream purpureamq. sumere iussit,
ut communi facto crimen leuaretur. Voluit quoq.
Persas & Macedones connubio copulari: hoc modo
& pudorem victis & superbiam victorib. detrahi di-
citans. (*Justin. XII. Q. Curt. VIII.*)

Principes mortales, Remp. æternæ esse) Bona verba!
Ita ad ereptæ libertatis damnum etiam ludibrium ple-
runq. adiungitur, & iactantur plerunq. à libertatis
occupatoribus *speciosa verbis, re inania aut subdola: quan-
toq. maiore libertatis imagine teguntur, tantò eruptura ad in-
fensius servitium* (*Tac. i. annal.*) Augustus vñtatâ magi-
stratuû appellatione contentus, & Tiberius suum re-
gnum Rempub. vocare audet. Florentia, & Senæ pa-
ctâ libertatis incolumitate dominos acceperunt. Sed
nec verum est, mortales esse Principes; illis præcipuè in
regnis, vbi fortuna regnandi in vna stirpe collocata
est. Nam tunc præteritorum Regum reuerentia ad-
eò viuit in posteris, ut vel cunæ puerorû in purpurâ
natorum tacita confessione fortis nostræ nos tangât;
nec iis parere indignemur, quos priusquam lucem
subeant, scimus nasci ut imperent. Ut non falsò qui-
dam dixerit Franciæ Reges non mori.

*Nam vulgatum erat, missam à (n. Sentio famosam venefi-
ciji Martinam, subita morte Brundisij extinctâ &c.)* O quâ
multa in aulis aliter geruntur, quàm in vulgi notitiâ
perueniunt! quot sunt flagitia, quot scelera, quorum
deinde probationes subuertuntur! Adulteria, vene-
ficia, & infanda quæq; parando aut firmando regno

Ec vsur.

vsurpantur. Augustus cum Drusilla, Tertulla, Terentilla, Rufilla, Salvia Titiscenia, & ut quidem ipsi M. Antonius obieciebat, omnibus consuevit; quod amici eius excusabant, non libidine sed ratione commissum: quò facilius consilia aduersariorum per cuiusq. mulieres exquireret. (*Tranquill. in Aug. c. lxxix.*) Aelius Seianus cum Romano imperio flagitiosa spe, cui Drusus Tiberij F. obstabat, inhiaret, Liuillam Drusi vxorem, ut amore incensus, adulterio pellexit: & postquam primi flagitij potitus est; neque femina amissa pudicitia alia abnuerit, ad coniugij spem, consortium regni & necem mariti impulit. Atq. illa venenum ei dedit, quo paulatim irrepente, ut fortuitus morbus assimularetur, post aliquot dies periit. (*Tac. iv annal.*) Sabina Poppæa famę nunquam pepercit, maritos & adulteros non distinguens; neq. affectui suo aut alieno obnoxia. unde utilitas ostenderetur, illuc libidinē transferebat. (*Tac. xlii.*) Agrippina, quò Neroni filio imperium conciliaret, Pallantem libertum flagrantissima apud Claudium Imperatorem gratia stupro suo illigauit; decus, pudorem, corpus, cuncta regno viliora habens. (*Tac. xlii. annal.*) Claudium ipsum veneno sustulit, audacissimo scelere. Delegerat venenorum artificem Locustam quandam, *diu intenti instrumenta regni habitam*. Eius mulieris ingenio paratum virus, cuius minister ē spadonibus fuit Halorus, inferre epulas, & explorare gustu solitus. Infusum igitur delectabili boletorum cibo venenum. Sed cum soluta aliud subuenisse videretur, exterrita Agrippina, & quando vltima timebantur, spreta presentium iniuria

dia prouisam iam sibi Xenophontis medici conscientiam adhibet; qui tanquam nifus euomentis adiuuaret pinnam rapido veneno illitam faucibus eius dimisisse creditur: haut ignarus, *summa scelera incipi cum periculo, peragendum premio*. Vocabatur interim Senatus, vota q. pro incolumitate Principis consules & sacerdotes nuncupabant; cum iam ex animis vestibibus & fomentis obregeretur, dum res firmando Neronis imperio componuntur. Iam primum Agrippinā velut dolore victa & solatia conquirens, tenere amplexu Britannicum, veram paterni oris effigiem appellare, ac varijs artibus demorari, ne cubiculo egrederetur. Antoniam quoque & Octauiam sorores eius attinuit, & cunctos aditus custodijs claus erat, crebroq. vulgabat, ire in melius valetudinem Principis: donec eadē fama & mortuum Claudium & Imperatorem Neronem tulit. O illustre scelus! Cui geminum, quo Britannicus sublatu est. Venenum parari iusserat Nero, ministro Pollione Julio pratoriae cohortis tribuno, cuius curā attinebatur dampnata veneficij nomine. Locusta, quam diximus, multā scelerum fama. Primum venenum Britannicus ab ipsis educatoribus (nā vt proximus quisq. neq. fas neq. fidem pensi haberet, olim prouisum erat) accepit; transmisitq. exsoluta aluo parū validum. Sed Nero lenti sceleris impatiens, minitari tribuno, iubere supplicium veneficę: quōd dum rumores respiciunt, dum parant defensiones, securitatem morarentur. Promittentibus dein tam precipitem necem, quam si ferro vrgeretur, cubiculum Cæsaris iuxta decoquitur virus, cognitis antea vene-

nis rapidum. Epulante igitur in Neronis conspectu Britannico, quia cibos potusq; eius delectus ex ministris gustu explorabat, ne omitteretur institutum, aut utriusq; morte proderetur scelus, talis dolus repertus est. Innoxia adhuc ac præcalida, & libata gustu potio traditur Britannico. Dein, postquam fervore aspernabatur, frigida in aqua affunditur venenum; quod ita cunctos eius artus peruasit, ut vox pariter ac vita ipsum linqueret. (*Tac. xlii. annal.*) Deniq; Cosmus quoq; Magnus Hetruriæ Dux Biagij benefici opera Iulium Alexandri Ducis filium occidere voluisse à Cardinali Cibo insimulatus est; quanquam Cosmus id crimen quæstione de Biagio habita, eoq; postea dimisso purgasse visus est. (*Io. Bapt. (in. xi. de vita Cosm.)*) Adde, maxima quæque ambigua sunt; dum alij quoquo modo audita pro compertis habent, alij vera in contrarium vertunt: & gliscit utrumq; posteritate.

Piso præmisso in urbem filio, datisque mandatis per quæ Principem mollires) Contumaciæ species, non innocentiae fiducia habetur, cum quis irati Principis conspectui nimis audacter se oggerit. Plerunq; etiam innocentes recenti invidiæ impares sunt. Relinquendū est rumoribus tempus, quo senescant! (*Tac. li. annal.*)

Ad Drusum pergit, quem hanc fratris interitu truce, quæ remoto amulo equiorem sperabat) en quomodo scelera soleat comitari ignorantia atq; imprudentia. Piso scelere suo, ex quo solus imperij heres restabat Drusus, meruisse illius fauorem sibi videbatur; nec cogitabat miser, grauiorum facinorum ministros quasi exprobrantes adspici: & Drusum; si maxime isto scelere

gauderet (quanquam fratres, dum vterq. vixerat, egregiè concordēs erant) debuisse omninò vlcisci tantam improbitatem: si non honore vel amore Germanici; saltem traditò Principibus more, *munimentum ad præsens, in posterum vltionem.* (Tac. 1. hist.)

Exceptum comiter iuuenem sueta erga filios familiarum nobiles liberalitate auget.) Constantiæ est, delatos apud se, sed inter reos nondum adhuc receptos; non terribili vultu, aut verbis iracundis velut præiudicio damnare; sed integrum vbique iudiciū ostentare, & præ se ferre, malle falsa & inania, quorum quis insimulatur.

Fuit inter irritamenta inuidia domus foro imminens, festo ornatu, conuiuiumq. & epula &c.) O quàm verum est, quod Ammianus Marcellinus (lib. xiv.) inquit, manum iniectantibus fatis solere hebetari & obtundi sensus hominum. Piso in Druso, quem necis fraternæ vindicem metuere debebat, spem salutis ponit. Ecce vnum cæci iudiciij specimen. Idem delatus apud Principem, quod vulgus militum per licentiam corrupisset, in itinere crebrò se militibus qui ex Pannonia in urbem ibant, ostentauit. En alterum. Mox Tiberi deuectus nauem tumulo Cæsarium, cui paullò ante Germanici reliquiæ illatæ erant, appulit. ecce tertiū. Deniq. die & ripa frequenti, magno clientium agmine ipse, feminarum comitatu Plancina, & vultu alacres incessere. Erat quoq. domus foro imminens, festo ornatu, conuiuiumq. & epulæ, & celebritate loci nihil occultum. En quartum. Debebat Piso, vt absolveret Tiberium, saltem falsò metum fingere, vitataq.

ho-

hominum frequentia silentem mœstamque ingredi domum. Nunc istâ pompâ, istâ alacritate, epulorûq; hilaritate, non criminis inuidiam in Tiberium transferbat? nō demonstrabat, esse sibi Augustæ conscientiam, esse Cæsaris fauorem, sed in occulto? & perisse Germanicum nullos iactantius mœrere, quàm qui maximè letabantur? Antonius Perezius, de quo post plura dicemus; nullâ magis re inuidiam & Regis & iudicium in se mouit, quàm quòd quanquam reus, & incessu & veste omnique mundicie confidentiam, adeoque Regis in perpetrato facinore conscientiam argueret.

(*Integramq; causam ad Senatum remittit.*) Prudenter! Non enim ut præmia, sic pœnæ ab ipso Principe irrogari debent. Magistratibus id inuidiosum munus relinquendum est. Ergo, si damnandus erat Piso, à Senatu hoc fieri melius erat: si absolendus, itidem à Senatu: ne, si à Principe; gratiæ id datum, & conscientie sceleris innexum homines putarent.

(*Populus plus sibi in Principem occulta vocis, aut suspicacis silentij permisit.*) Vnde apparet, non infimos tantum aut mediocris condicionis homines, sed Principes quoq; omnesq; eorum actiones perpetuæ etiâ vilissimæ plebis censura; & ut nunc loquuntur, Syndicatu, subiectos esse. *Grosse herren müssen wil von sich reden lassen.* Sed benè habet, quòd, qui malè loquuntur, saltem male facere nequeunt.

(*Patris sui legatum atq; amicum.*) Notabile est huius orationis artificium, quo Tiberius sine miseratione, sine irâ æquabili temperamento cauebat, ne quo affectu

fectu perirumpetur.

*Ipsa, donec mediæ Pisoni spes, sociam se cuiuscunq; fortunæ,
& si ita ferret, comitem exitij promittebat. Ut secretis Au-
gusta precibus veniam obtinuit, paulatim segregari à marito,
diuidere defensionem capit.* Quos idem metus, eademq;
iungit necessitas, in eisdem fortunæ casus coniurant:
sed ubi separari causæ cœperunt, & yni mitioris for-
tunæ spes fit; vix vnquam tanta fides est, vt neglectâ
salute alieni exitij comes esse malit. Non defuere,
qui credebant, Paullinam Senecæ vxorem, donec im-
placabilem Neronem timuerit, famam sociatæ cum
marito mortis optauisse; deinde oblatâ benigniori spe
blandimentis vitæ euitam (*Tacit. xv. annual.*) *Spes vita
plerunq; magnos animos infringit. (Tac. v. hist.) Das leben ist
heilig.*

*Audire me memini ex senioribus, visum sapius inter ma-
nus Pisonis libellum, quem ipse non vulgauerit; sed amicos e-
ius dicentibus, literas Tiberij, & mandata in Germanicum
continere: ac destinatum promere apud patres, Principemque
arguere, ni elusus à Selano per vana promissa foret.* Vix cre-
dibile est, Tiberium post tantam rerum experientiam
sceleris mandata scripto Pisoni tradidisse, scilicet, quo
olim coargueretur. Et tamen interdum vulpes quo-
que capiuntur. Certè Philippus II. Hispaniæ Rex co-
dicillos ad Antonium Perezium scriptos nō nisi mul-
tâ arte extorsit. Historiam, quod huic Pisoniano mi-
nisterio simillima est, ex Thuano & ipsius Perezij *Re-
lationibus* adscribam. Anna Mendoza Cerdæ Rode-
rici Gomezij Syluæ viduæ, feminæ pulcherrimæ, im-
potenti Rex amore flagrabat, & conscium eius Pere-
zium

zium fecerat: qui heri sui indulgentia non benè v-
sus, dum Regis nomine vltro citroq; com meat; & ipse
eam deperire cœpit. nec illa nouum amatorem ab-
nuere dicebatur. Incidit illud in tempus, quo Ioan-
nes Escouedus Ioannis Austrij consilia in Belgio mo-
derabatur. Is Escouedus in Consalui, Antonij patris,
Perezii domo olim educatus, dein Roderici Gomezii
Syluæ commendatione ad opimio rem fortunam eue-
ctus cum in Hispaniam sub id venisset, & Antonium
Perezium Ioannis Austrii consiliis summè aduersari
sciret, vt ei omnem gratiæ locum præcideret, ab iniu-
riâ benè meriti de se viri occasionem sumpsit, & de e-
ius & Annæ amoribus non bellos sermones vbique
spargi ad Regem detulit. Quod maximè Philippi a-
nimum pupugit, qui cum Perezium riualem ferre nō
posset, & alioqui Escouedi suspectam fidem habens,
quod Ioannis Austrii animum ad maiora, quàm vel-
let, audenda inflammaret: alterum alterius ope de
medio tollere apud se statuit. Itaq; cum de Escouedo
in arcano consultaretur, facile sibi à Perezio, qui con-
silio intererat, persuaderi passus est, vt Escouedus po-
tius immisso percussore interficeretur, quàm ad Au-
strium in Belgium remitteretur. Verùm vt rei inui-
diam à se amoliretur, eadem exequendam ipsi Pere-
zio commisit. Qui, quod sibi mandatum erat, tam
prompto animo perfecit, vt potius Annæ, vltione ar-
dentis ob detectos Regi suos amores, desiderio satis-
fecisse, quàm Regis voluntati obtēperasse videretur.
Escouedo per sicarium sublato riuallis restabat; quem
à vidua liberisq; Escouedi, nec non Annam in ius vo-
cari,

cari, & vtrumq. custodia inuoriosè mandari còlibentiùs Rex tulit, quòd omnem illius cedis inuidiam in Perezium, qui impotenti feminae ea in re morem gessisset, deriuari videret. Verùm cùm Philippum Perezium sæpè per literas moneret, vt auctoritatem suam interponeret, neq. eius ratione, quod ipsius iussu fecisset, se vexari pateretur: ille codicillis crebrò missis bono animo esse iussit, & negotium breui ex animi eius sententia confectum iri pollicitus est. Quos omnes codicillos Regis ipsius manu exaratos diligenter seruauit Perezius, & longo pòst tempore publicauit. Cùm igitur cuperet Rex rem tegi, auctor ei fuit, vt cū vidua liberisq. Escouedi ageret, vt ab accusatione desisterent, quòd interuentu Didaci Chauis, qui Regià sacris confessionibus erat, facile obtentum est. Post reconciliationem prima accusatio aliquandiu quieuit: & Perezius Mantuæ Carpetanorum domi suæ manere iussus ablatiis stipendiis & honorariis negotia publica per amanuenses suos; vt antea, tòto sexennio administrauit, quo tempore elapso omisa priore accusatione, censurè dica Perezio intentatur: quòd ab Hetruriæ Magni Ducis munus. xcl. aureorum accepisset: quòd cum Anna Mendoza parum honestè versatus esset: quòd Ioanni Austrio, multa, quæ premi paterat, scripisset: quòd deniq. in epistolis, quæ ad Regem ignotis literis mittebantur, cùm eas interpretabatur, multa addere, multa detrahare solitus esset. Dum iudicium peragitur, crebrò ad eū Didacus Chauis ventitabat, & de eius exitu securum esse iubebat: tantùm diligenter caueret, ne codicillos à Rege scri-

ptos, quod facere poterat, ad exonerandum se proferret. Quod cum sedulò fecisset Perezius, tandem sententia in eum perscribitur, quâ tanquam criminum obiectorum peracto reo lis. æstimabatur xxx clo. aureorum: utq. ab officio remotus biennium in carcere, eoq; exacto, octennium procul aulâ ageret. Sed in arcano promissum est, si Regis codicillos redderet, sententiam in irritum casuram. Perezio autem recusante reddere codicillos, lictores ad eum mittuntur, ut sententiam executioni mandarent: à quibus ex templo, in quod confugerat, vi abstractus & in Turneganam arcem trusus est: ubi totos tres menses ferreis catenis vinctus admodum seuerè à Turriano Aui-la habitus est; donec literis sâguine suo scriptis vxori mandauit, ut arculas & scripta secreta Baraię Comiti ad id misso traderet. Sed prius conuenerat, ut codicillos, qui ad causam Perezij magis faciebant, seponerentur. Tamen quasi Regi illâ restitutione satisfactum esset, Perezius carcere ad tempus liberatus est. Sed cum denuò Escouedi vidua & liberi accusationē omissam resumpsissent; rursus causa decimo, postquam cœperat, anno agitata est: cui & rursus Chaues interuenit, reoq. suasit, ut eadem Escouedi fateretur; cæterum cedis patrandæ causas non ediceret. Perezius id regi inuidiosum, cuius ratione cædis causas nō aperiri cuncti proculdubio interpretarentur, sibi verò periculosum futurum respondit: ac potius videri, ut cum vxore ac heredibus defuncti pecuniâ datâ transigeretur. Quod & Regi placuit; siue quod reuera tunc ita expedire censeret, siue ut grandi pecuniâ exsolu-
tan-

tantundem homini sibi inuiso incommodaret. nam
 xx. clō, ducatorum in id depensa sunt. Tamen postea
 mutauit, & à Vasco Præsīde persuasus, vt iudicium
 transactione finitum instauraretur; mandauit. nam
 ad existimationem suam pertinere; famā cædis Esco-
 uedi, quasi iussu suo patratē iam ubiq. sparsā, vt iudi-
 cio publico inuidiam eius amoliretur. Sed cū nihil
 fateretur Perezius, neq. adduci posset, vt quicquam ad
 exonerandum se in Regem diceret, à Vasco quæstioni
 subiectus constantiam primò seruauit, sed cruciatibus
 ad extremum victus, rem, vt erat, confessus est, & co-
 dicillorum exempla protulit, quib. confessiones suas
 firmabat. Cū igitur Perezius se ad exitium peti vi-
 deret, contrā quā illi initio à Rege ministrisq. eius
 promissum fuerat; de custodibus fallendis cogitare
 cœpit; & Ope vxoris ac Aegidij Mæ Aragonij per
 dispositos equos in Aragoniam transfugit; xxx. leu-
 cas, vt erat adhuc à tormentis debilis, vno die emen-
 sus. Inde in Frāciam, vbi non ante multos annos mor-
 tuus est, transiit. Hæc ita ex Thuani historia & ipsius
 Antonii Perezii Relationibus narraui. Sed, vt, quod
 sentio, dicam; mihi in ista narratione quædam parū
 verisimilia videntur; quæ nunc non excutio.

*Et cū accusatores ac testes certatim perorarent, respon-
 dente nullo, miseratio quā inuidia augebatur.) Vt felici-
 tas & prospera fortuna inuidiam, sic miseria condo-
 lentiam generat. Et hinc interdum plūs inimicorum
 persecutione, quā amicorum auxilio iuuamur. Ni-
 bil, ait alicubi Tacitus, æquè reo profuit, quā potentia ac-
 cusatoris. & hoc libro; Quirinius post dictū repudium*

adhuc insensus, quamvis infami ac nocenti miserationem addiderat. Liuia Augusta, cum florentes priuignos per occultum subuertisset, misericordiam erga afflictos palam ostentabat. (*Tac. 1 v. annal.*)

Pudore absolutæ Placinae placabilior.) nunquam faciliores homines sunt, placabilioresq., quam post grauem aliquem errorem commissum; quem inuidiæ molliendæ causa aliis honestè factis aut emendare aut tegetè laborant.

Mihi quantum plura recentium seu veterum reuoluo, tanto magis ludibria rerum mortalium cunctis in negotijs obuersantur.) Mihi quoq. sæpè animum subit mirari casus humanos, & prudentiæ nostræ incertitudinem, cum rerum gestarum monumenta voluenti, & quotidiana rerum mortalium ludibria consideranti haut rarò occurrunt consilia; quæ cum imminente malo auertundo facere deberent, noxia maximè, & accelerandæ ruine fuerunt; non secus ac in humano corpore, medicamentum vni parti adhibitum perniciosiores sæpè maiorisq. periculi morbos in aliis partibus efficit. Ex diuerso videmus, alios intempestiuâ temeritate vel inscitia subdète calcaria periculis se immisisse, aulos, aggressos, vicisse, triumphasse: & fortunam temeritatemq. felicius iudicasse, quam inter momenta prudentiæ incertam laborantemq. solertiam. Alexandri Magni bellica facinora pleraq. quid aliud fuerunt, quam felix temeritas, & fortunæ indulgentia? In quo ego à magno Philosopho (*Plutarch. in lib. de fort. Alex. & lib. de virt. & fort. Alex.*) dissentio. Iam in Romana Repub. tergemmorum pugna quid aliud fuit,

quàm

quàm alea imperiï, qua omnia dabant in vnum iactû;
 & paucis viris potestatem faciebant perdendi omnia, quę maiores sui pepererant? Sed fortuna pro Romanis pugnavit. Polybius hos tales homines, quibus inter perpetua fortunę obsequia omnia succedunt, aliquid hominem maius esse dicit; diuinos, admirandos, & Deorum amicos. (*Polyb. x.*) Quomodo Cerialis à Tacito (*v. hist.*) *subitus consilio, sed euentu clarus* dicitur; cui *adfuert fortuna, etiam ubi artes defuissent*. Ioannes quoque Bentiuolus præcipuum immeritę felicitatis exemplum est, Is quadraginta annos, quibus Bononiam tenuit, nunquam cuiusquam ex suis obit luxit: semper cum ipse tum filij militię honoratę stipendijs & maximis honoribus ab omnib. Italię Principibus affecti: omnibus rebus, ex quibus sibi periculum imminere videbatur, felicissimę se expediuit. Et hanc tamen felicitatem in solidum fortunę debebat; cum communi omnium iudicio nec ingenij, nec prudentię, nec fortitudinis aliqua laude insignis esset. (*Guicciard. v. r. l.*) Ex contrario, exempla etiam sunt infastę prudentię, & quam sapius superior aliqua vis infestissimâ pertinaciâ vñsit, aut euerit. Sunt homines, qui tanquam *fugitui Dei* & terram & aerem, & mare, omniaque elementa aduersa sibi experiuntur. (*Niceph. Gregor. v. i. l. ubi omnino vide.*) Hannibalẽm vide, illum, cui ego iustius, quàm Vlyxi Homerus, Palladem consiliatricem & indiuiduam comitem addidero. Is post Cannensem pugnam dominabatur in Italia, nec quicquam ferẽ nisi Roma restabat. Percussierat fedus cum Philippo Macedonum Rege. Astu-

drubal frater cū valido exercitu iam superauerat Alpes, in Italiā erat. Quis non actum esse diceret de Romanis toties victis? Sed infra Deum prudentia fuit, qui omnia cogitata, consulta, facta contra Carthaginem torfit. (*Liv. Flor. Polyb.*) Quia & interdum vnum factum, idemq. consilium huic salutem, honorem, opes, alij exitium peperit: planè, vt qui magnorū hominum censores se faciunt, plerunq. ex solo euentu famam & infamiam, temeritatis & fortitudinis nomina diuidant. Tiberius & Caius Gracchi fratres, quòd inconsultā temeritate populi gratiam consecabantur, meritò optimatum coniuratione sublati dicuntur. Caius Cæsar quòd popularitate & largitionibus vulgo acceptus ad summam potentiam peruenit, fortis sapientię vir prædicatur. Alexander Magnus in milites seditiosos siue consilio, siue iracundiā ferox profiliit, & qui loquenti peruiuacissimè obstrepuerāt, ad supplicium ipse rapuit; eādē maiestate in plectēdis tutus, quā in mulcendis non fuerat. Ex consternatione militum minas ponentium hoc consilium in virtutis famam iuit. Galba autem Imperator, dum compescere milites studet, in medio foro cōfectus est. temerarius igitur audit, quòd se furentium multitudini immiserit.

Igitur, quòd intentiūs, quę dixi, recolo; eò firmior se animo meo insinuat sentētias: esse fatū, & numen, & sanctam Immortalis Dei curam: quā per causas medias, variè nexas, omnia temperantur suauiter, sapienter, vtiliter. Vt non immunis ab impietatis crimine illorum mihi videatur opinio, qui explosā omni fatorum

rum & fortunę potestate, ingenio, prudentię, humanisq. artibus nihil non tribuunt. Quomodo Carolus Audax Burgundię Dux omnem suam felicitatem prudentię & virtuti suę adscribebat; quā arrogantia illū Numinis iram concitasse, sapientissimè iudicat in Historiā Cominæus. Et Ludouicus Sfortia tantum sapientię suę tribuebat, vt alios celebrari indignissimè ferret: suis artibus hominum mentes, quocunq. vellet, impelli posse, sibi persuadens. Sed is in carcere angusto, & cogitationum suarum vastitatem, & ipsam deniq. vitam claudere coactus est. Impiè igitur N. M. fatum flumini receptis imbribus superbè decurrenti & obuia quęq. sternenti comparat: cuius vis vt valis aggeribusq. coherceri potest, ita hominum consilia fortunę, fatoq., hoc est, ipsius Dei decretis obsistere posse. Fluminum impetum apertis campis valere; & fata virtute consilioq. destitutos tantum populos vrgeri. Impia sententia! Fatum est, quod de quoq. nostrum fatus est Deus. Ergo, quod iussit Deus, quod constituit, quod ratū esse voluit, nostris consiliis impediri potest? mutari potest? verti potest? Minimè quidem: aut si impediri, mutari, verti potest, non erat fatum, non decretum Dei. nec enim iubet Deus aut decernit, vt fiat, quod non sit. Ergo consilia, actionesq. nostrę diuinā inferiores sapientia certis limitibus velut alueis includuntur, intra quos fluant. Non fata nostris consilijs, sed nostra consilia fato reguntur. Quis enim quæso, ita hominum consilia ludit? quis in contrarium torquet? vnde mirabiles rerum, & plerunq. contra consulta euentus? vnde inopinata illa,

quę

quæ actionibus hominum haut rarò inexpectatissima interueniunt? quæ stupemus, quæ occulto quodam & religioso horrore nos perfundunt. Vnde deniq. è contrario felix multorum temeritas (si tamen temeritas est, ista cui superi ita fauent, fortunata audacia) & beata imprudentia, & perpetuus fortunę famulatus? Deus est ille Optimus, ille Maximus, qui non postquam terras & lydera fecit, creatorum curam omisit; sed arbiter est ac rector omnium: quæ gaudet & amat interdum præter opinionem (non enim præter rationem) accidentibus regere, & vel sic ostendere vim illam omnia gubernantem ac mouentem. Aurea Cambysis apud Xenophontem sententia est: *humana sapientia nihilò certius; quod optimum est, deligit, quàm qui hoc agit, quod incerta fors obtulerit. Verùm Dii immortales omnia norunt, & præterita & præsentia, & quis singulorum sit exitus.* Et illa Nicephori Gregoræ; (qui mihi vel ob id solùm carissimus & gratissimus auctor est, quòd pleròq. euentus ad primam illam causam refert. (i. v. hist.) *Abstrusus quidam error est humana prudentia insulans, sursum & deorsum trahens onine consiliorum studium, & veluti tesseras eueruens firmis decretis nixas deliberationes.* Neq. verò ista nostra opinio Stoicam in naturalibus hominis actionib. necessitatem adstruit, aut liberum in profanis negocijs arbitrium infringit. Consultat enim homo, agitq. ex naturę suæ viribus; sed consiliis & actionibus hominis supernè imminet inspector Deus; qui per illas secundas causas (nec sanè sine illis; quippe non ignauis, sed agentibus, omniaq. tentantibus, adiuvante Deo, cuncta prosperè succedunt)

ipse

ipse prima rerum omnium Causa omnia flectit, torquet, dirigit ad euentum sibi placitum. (*Cæptorum euentus supera sibi vendicant potestates. (Ammian xxv.)*) Diuina Nemesis ex abdita quadam aternitate omnia despectat terrena. Hac ut regina causarum & arbitra rerum, hac disceptatrix urnam sortium temperat, accidentium vices alternans: voluntatumq. nostrarum exorsa interdum alio, quàm quò contendeant, exitu terminans multiplices ætus permutando conuoluit. (*Ammian. xiv.*) Et quòd ipse M. fateatur, consilia, nisi in occasiones & felicia tempora inciderint, exitu destitui, quid aliud est, quàm consilia à Deo & fortuna regi? Vnde enim occasiones, vnde tempora expediendis consilijs apta, nisi à fortuna? Fortunam autem non eam intelligo, qua appellatur, quicquid incertum est; quam ideò cæcam deam, quam leuem fingunt; sed summam illam Mentem; quæ omnia suo arbitrio constituit, quæ naturam condidit, quæ rebus causas dedit, easq. perpetuè abditissima ratione propagat, & euentibus donat statis certisq., etsi humanis, mentibus incognitis. Neq. enim si ignorant in media tempestate nautæ, quis finis fluctibus, quis exitus vento, ideò Deo certum non est, soluenda ratis sit an seruanda. Deniq; quòd bonis consilijs & fortibus viris stare dicuntur & florere regna, negari quidem non potest; sed hæc ipsa bona non alijs contingunt, quàm quos fortuna magnis rebus & fatalibus incrementis destinauit. Cæteris quorum vult vertere aut euertere statum, eadem subtrahit. *Manum iniectantibus satis solent hebetari sensus hominum & obtundi. (Ammian. Marcell. xiv.)* Plura possem exempla pro-

ferre. Sed vnum erit pro omnibus. Cùm vrgentibus
 fatiſ Roma à Gallis capienda eſſet, primam bello cau-
 ſam tres Fabij dederunt: qui cùm de pace inter Cluſi-
 nos & Gallos acturi à Senatu miſſi eſſent, contra ius
 gentium pro Cluſinis contra Gallos prælio decerta-
 runt. Porrò, quò minus impedimenti Gallis obijce-
 retur, iam antè Furium Camillum, tantum imperato-
 rem populus Romanus fatali furore in exilium Ar-
 deam depulerat. Aduenientibus Gallis ciuitas, quæ
 ſæpiùs aduerſus Fidenatem & Veientem, minores
 hoſtes, Dictatorem creauerat, extremis vrgentibus
 periculis id neglexit. Fabii, quorum temeritate bel-
 lum contractum erat, ſummæ rerum præerant: qui
 tumultuario exercitu raptim ducto, ad vndecimum
 lapidem hoſti occurrentes, non loco caſtris capto, nō
 præmunito vallo, non Deorum ſaltem memores, au-
 ſpicatò inſtruunt aciem: & vt ſummatim dicam, nec
 milites nec imperatores faciebant, quæ ex diſciplina
 Romana eſſent. Cùm pugnandum eſſet, penè priùs
 fugerunt, quàm vidiffent hoſtem; integri, intactique.
 Maxima pars ex fugâ Veios peruenere: vnde ne nun-
 cium quidem cladis Romam miſere. Qui Romam
 elapſi ſunt, ne quidem clauſis vrbiſ portis in arcem re-
 fugerunt. Quis non miretur nunc, populum Roma-
 num optimis legibus, & acerrimâ militari diſciplinâ
 inſtitutum tam turpiter ſui oblitum? Vt ſi quis ani-
 mo comprehendat, res ab ipſo antè præclarè geſtas;
 non ab eodem populo ſed alio hæc aduerſus Gallos
 facta credere poſſit. Repeto Ammiani eſſatum: eoq;
 conſigno hunc locum; *manum inſiſtentibus fatiſ ſolent*
 he-

hebetari sensus hominum & obtundi. Nemo igitur suę nimium fidat prudentiæ.

Fama, spe, veneratione potius omnes destinabantur imperio, quàm quem futurum Principem fortuna in occulto tenebat.) Simile modo quodam est, quod veluti miraculum in Philippi II. Hispaniarum Regis in Lusitanix regnum successione stupemus. Emanuel Rex tres uxores duxerat, & ex omnibus liberos sustulerat. Ex prima Michaelē, qui si vixisset, certus heres omniū istorum regnorum erat, quæ nunc Hispaniarum Rex tenet. sed is obiit puer. Ex secunda sex masculos, duas filias genuit. E tertijs nuptiis filiū filiamq. sustulit. An non fundata videbatur hæc domus in tot regni fulcris? Iam ad liberos istorum si venias, quanta series? Vigintiduo erant, qui Philippum anteibant, & successione legitimè arcebant. Sed omnes illi præmortui sunt, ut facerent vnum totius Hispaniæ caput. (J. Lipsius in monit. & ex. pol.)

Decumum quemq. ignominiose cohortis sorte ductos fuisse necat.) de illo decumandi more Tacitus quoq. meminit, libro quarto & decimo annalium. Ratio scueri illius iuris est, quòd habet aliquid ex iniquo omne magnum exemplum, quod contra singulos utilitate publica reppenditur. (Tac. lib. 1 v. annal.) Sed istam politicam, credo, non agnoscet mitis magister ac dominus noster IESVS CHRISTVS.

Quæsitumq. per (baldeos in domum Cesaris.) v. notas ad lib. superiorem. verb. iuuenem improutidum & c.

Neq. enim cessurum nisi damnandi officio.) Alicubi notauimus, ut à Principum manu præmia, sic à magistratibus

ribus pœnas distribuendas esse. Non igitur malè fecerat Tiberius, qui nolebat filium iudicio, quo certa videbatur rei condemnatio, primùm sententiam dicere.

Eximit etiam Drusum consulem designatum dicenda primo loco sententia) v. notas ad lib. 1. verb. quo loco censebis, Caesar?

Sibi tamen aduersus eum integras parentis sui offensiones: neq. reditu Silani dissoluta, quæ Augustus voluisset.) Ex quo apparet, rarò Principes, etsi pœnam remittant, culpæ etiam obliuisci.

Pœna potest demi, culpa perennis erit. Ouid.

Quod vel maximè in delictis, quæ in Principis maiestatem peccant, verum est. Quippe nec pœnitentiâ culpa diluitur, nec pœna vnquam remittitur; & cum semper difficile sit, antiquarum inimicitiarum fidam stabilire reconciliationem; (siquidem eam impediri necesse est aut suspicione, aut vindictæ cupidine) ita stolidissimus est, & parùm salutis suæ amans; qui cum in Principem suum nefaria est molitus, in gratiam, post receptus sinceram credit reconciliationem, quæ plerunq. simulata esse solet. Inde Leo X. Pontifex Hispaniæ Regis oratori pro Alfonso Petrucio Cardinali, qui insidias vitæ Pontificis struxerat, sed post accepta securitatis fide Romam venerat, datam fidem imploranti respondit; nullam fidem quantumvis amplissimam, & *munitam clausulis fortibus & specialibus* porrigi ad securitatem delicti contra vitam Pontificis maximi commissi. Igitur Alfonso noctu in carcere

cere strangulatus fuit. Hadriano & Francisco Soderino Cardinalib. conscijs illius sceleris quamuis ignouerat Pontifex; tamen vterq. diffusus reconciliationi Rôma abierunt. Et Soderinus quidem Fundis vsq. ad Leonis excessum occultus delituit. Hadrianus clâ vrbe excedens post illum diem neque visus cuiquam mortalium, neq. quid illo factum fuerit, cognitû est: (*Guic. xiii.*) Nimirum cum nihil turpius sit, & magis detestandum, quàm patriæ solum teri scelestis vestigijs illius, qui scelus anhelans pestem eius meditatatus est, minore vtiq. flagitio putant se Principes negligere promissorum fidem, quàm iusticiam, depolcentem in victimam tale deuotum caput. Sed hæc ratio satisne firma sit, ob quam fidem suam & iurisiurandi religionem posthabeât Principes; alij viderint. Mihi certè potiùs iuris quadam subtilitate, quàm bono & æquo niti videtur. Verum, vt dixi, ea Principes opinio tenet, vt non putent teneri se vllò fidei vinculo. Et inde Traianus Boccalinus (*cent. xi. c. xi.*) ait, non inueniri Principem tam insigni clementiâ, quæ rebellionum nefas obliuisci possit. Maiestatis crimē esse peccatū, cuius penitentia recipiatur nulla, cuius pœna remittatur nunquā, cuius infamia durat æternū. Nec dedecus æstimari, vindicare rebellionem, cui semel ignouerint, Reges; sed summum honorem, sed obligationem strictissimam, quam dignitati suæ debent. Et alibi; quæ offensarum obliuio insignem reddit Principem perenni clementiæ & benignitatis laude, eam demum veram fidemq. esse; si etiam contrâ, quæ Principi ignauiam & iniusticiam

quo-

quotidiè exprobrare videtur.

Relatum deinde de moderanda Papiæ Poppææ, quam senior Augustus post lulas rogationes incitandis cælibum penis & augendo ærario sanxerat.) Papiæ legis capita Iustus Lipsius in commentarijs ad Tacitum, hoc loco, & Iacobus Cuiacius in paratitlis Codicis Iustiniani ad titulum, de caducis tollendis, referunt. Eriam Franciscus Balduinus ad legem Papiam singularem tractationem edidit. Nobis quibus intra politices septa manendum, sola legis ratio notanda est: quæ duplex. Prima, ut bellis ciuilibus amisso incredibili ciuium numero, qui supererant, liberis procreandis & ampliando ciuibus imperio operam darent; lege Papiâ propositæ sunt pœnæ his qui cælibes essent, ne hereditates aut legata caperent, nisi intra dies C. à morte testatoris nuptias facerent. Tanta enim erat ciuium penuria, ut Consules ipsi Pappius, & Poppæus cælibes & orbi essent, non inuentis maritis aut patribus idoneis, qui eis anteponerentur. (*Dio Cass. lvi.*) Nam in honoribus adipiscendis, ut Dio Cassius tradit, (*lib. lxxi.*) patres orbos, mariti coelibes excludebant. Altera legis ratio, propositarumq. cælibib. & orbis poenarum est, ut ærarium, quod tot bellis exhaustum erat, repletur. Lata igitur lex est, ut & imperium hominibus & ærarium pecuniâ abundaret. Valuit autem ad Severi Imperatoris ævum, qui non abrogavit quidem, sed imminuit: sicut ex Tertulliano demonstrat Lipsius. Constantinus deinde coelibatus pœnas omnino sustulit: cuius tamen constitutio in Iustiniani Codice non extat. Sed eius meminerunt Eusebius in vita Cō-

stan-

stantini Magni & Sozomenus lib. 1. & ex recentioribus Franciscus Balduinus libro secundo commentariorum de legibus Constantini Magni.

Multitudo periclitantium gliscebatur, cum omnis domus delatorum interpretationibus subuerteretur) sic paullo inferius: *sed alius penetrabant* (delatores) *urbemq. & Italiã, quod usquam civium, corripuerant: multorumq. ex cisi status, & terror omnibus intentabatur*. Et Plinius in Panegyrico ad Traianum: vidimus delatorum indicium, quasi grassatorum, quasi latronum. Non solitudinem illi, non iter, sed templum, sed forum infederant: nulla iam testamenta secuta, nullus status certus, non orbitas, non liberi proderant. Auxerat hoc malum Principum avaritia. &c. Quæ addenda sunt illis, quibus graphicè, opinor, & viuis coloribus, delatorum improbitatem, & Principum siue avaritiam siue socordiam depinximus suprâ ad librum primum.

Nulla adhuc mala libidine) ita Ouid. (1. *Metam.*)

Proq. metu populum sine vi pudor ipse regebat.

Nullus erat iustis reddere iura labor.

Prouenere dominationes.) Quibus in scholis otium est, inquirunt, quæ prima omnium causa fuerit, quæ disperfos vagosq. mortales in vnum coegerit. Ignem alius, alius necessitatem metumq. aut sapientum eloquentiam, vel deniq. naturam societatis appetentem collegisse homines aiunt. Et qui imperiorum originem à vi & iniurijs potentiorum deduxit, à plerisq. vapulat iniuriâ quidem, vt ego opinor. Neq. enim ille homines vi coactos in vnum conuenisse ait; sed cum illi ita collecti æquali iure agerent, ambitione

potentiorum dominationem subijsse. Quæ sententia Taciti quoq. est hoc loco affirmantis : postquam exui æqualitas, & pro modestia ac pudore, ambitio & vis incedebat, prouenisse dominationes. Et certè, vbi per species iuerimus, regnorumq. præcipuorum ortus & incrementa viderimus : fraudem & vim & multis latrocinia potentix initia fuisse apparebit. Primus in orbe dominantium Nembrotus, *fortis coram domino venator*, vi ignotam ante illa tempora mortalibus dominationem introduxit : vt minimè inficetè ipsum Politicorum patrem vocet Laurétius Pignorius V. Cl. in commentario de seruorum ministerijs. Secuti Ninus & Semiramis armis imperium propagauerunt. Ab Assyrijs ad Persas Cyrus aucto ereptum imperium haut sanè iusto titulo transtulit. Et Alexander Magnus petiti bello orbis terrarum quam causam habuit, nisi immensam dominandi libidinem? Quid de cæteris interim hinc inde, quorum aliquod in historia nomen est, regnis aut rebus pub. dicam? De Athenensibus Thucydides scribit, (*lib. 1.*) liberè professos, non se alias actorum suorum defensiones querere, quàm quòd sciant, semper moris fuisse, inferiorem à superiore premi : & neminem vnquam tanti æquitatem fecisse, vt eius causâ occasionem extendendi imperij è manib. dimiserit. Iterum affirmarunt, Deos se secundum leges colere : in cæteris viuere omnium mortalium ingenio; eâ legē neq. se primos tulisse, neq. latè primos vltos esse : sed iam antè omnium populorum usu comprobata accepisse. (*Thucyd. v.*) Lyfandrum dicere solitum referunt, veritatem quidem mendacio meliorem esse,

esse, sed vtriusq. tamen precium usu definiri; ideoque pueros quidem talis, viros autem iureiurando ludere. Et Agesilaus dixisse fertur, iustum esse, quodcunque Spartę prodesset. Hinc illud Euripidis in Androm.

ἔναικα Σπάρτης δόλια βουλὴν ἔτα

Habitatores Sparta dolosus Senatus

Menno Thesalus ad ea quæ vellet efficienda viam maximè compendiarium arbitrabatur, peierare, mētiri, fallere. Simpliciter & candorem pro stupore habebat. Periuros, iniustos, sui similes vt ijsdem artibus munitos verebatur: iustos bonosq. contemnebat. (*Xenoph. 11. de exped. Cyr.*) Et Thesalorum perfidia prouerbio notata est; vt ex Suida obseruat libro secundo, de iuramento. cap. xiv. Thomas Dempsterus. Iam si de Romanis ferenda sententia est, nihil apertius est, quàm, si iusticiam illi curassent, etiam vbi illa vtilitate carebat, lupercal mansuram illam, quę tantoperè celebrata est, æternam urbem. C. Cæsar apud Dionem Cassium (*lib. xxxv 111. hist.*) testatur, Romanos in eam magnitudinem, quâ illâ tempestate erat, edificasse urbem suam, fortunas suas tanquam alienas periculis obiectando, alienas tanquam suas vsurpando. Et M. Tullius (*111. de Rep.*) gloriatur, populum Romanum sociis defendendis ad summum potentiaæ cacumen enisum; quibus interdum commodi sui causa, quàm federis, auxilia ferebant, eaq. lentè & tardè, vt aut se suaq. dederent (quod Campani bello Samnitico coacti, fecerunt) aut, si potentes essent, cladibus attererentur. Socios promptè recipiebant eos, quorū situs ad res nouas, & motus opportunus erat; & quos-

dam non tam ob supplicum preces, quàm quòd occasio offerèbatur lacessendi & inuadendi alios, in quos causæ belli quærebantur, quorumq. nullæ aliàs in seiniuriæ extarent. Postquam armis sociorum suam auxere potentiam, tandem ipsos socios, qui tùm demù serò nimis seruitutem, in quam lapsi erant, animadueterunt, non vt federe iunctos, sed vt deditiuios tractare cœperunt. Quod autem Camillorum, Fabriciorum, Scipionum aliorumq. nomina tantoperè obfidem celebrata legimus; dicendum est, ex suo, non vrbis ingenio bella gessisse, & Remp. administrasse. Nec in ipsorum, sed totius populi manu rei Romanæ summa sita erat; quod ex eo constat, quod apud Liviû libro tertio refertur. Aricini atq; Ardeates de ambiguo agro cùm sepè bello certassent, multis inuicem cladibus fessi, iudicem populum Romanum cepère. Cùm ad causam orandam venissent, concilio populi à magistratibus dato, magnâ contentione actum. iamque editis testibus; cùm tribus vocari, & populum inire suffragium oporteret, confurgit P. Scaptius de plebe, magno natu: & si licet, inquit, Consules, de rep. dicere, errare ego populum in hac causâ non patiar. Cùm vt vanum icùm negarent consules audiendum esse, tribunos appellat; qui dedere cupide audiendi plebi, vt quæ vellet, Scaptius diceret. Ibi inquit, annum se, tertium & octogesimû agere, & in eo agro, de quo agitur, militasse, cùm ad Coriolos sit bellatum; agrum de quo agitur finium Coriolanorum fuisse, caprisque Coriolis iure belli publicum populi Romani factum. Consules cùm Scaptium non silentiò modò

sed

sed cum assensu etiam audiri animaduertissent; deos hominesq. testantes flagitium ingens fieri, patres accersunt: cum his circumire tribunos, ut pessimum facinus priore exemplo admitterent, iudices in suam re litem vertendo: sed plus cupiditas, & author cupiditatis Scaptius valuit. Vocata tribus iudicauerunt, agrum publicum populi Romani esse. Cyprus Aegypti Regibus P. Clodius Romanus iuuenis ademit, non genere, quam audacia & expulsi Ciceronis inuidia nobilior. Is captus a piratis precium ad se redimendum a Ptolomæo petijt, quod illiberaliter missum predones ipsi aspernati, Clodium gratuito dimiserunt; iratum regi, a quo tam paruo aestimatum se querebatur. Creatus Romæ tribunus plebis legem pertulit, quâ Cyprus Romani populi prouincia esse iubebatur. Et continuo missus est in insulam M. Cato, qui eam ordinaret; atq. Romam asportaret regio thesauros: qui tantæ opulentie fuisse dicuntur; ut eorum fama domini rerum populi cupiditatem sollicitare potuerit. Rex accepto iniuriæ nuncio, indignatus tantum uni in se ciui licuisse, mortem sibi consciiuit. (v. *Plut. in Cat. min.*) Placet Ammiani Marcellini de hac Cyprici occupatione verba adscribere: *nec pigebit auide magis hanc insulam populum Romanum inuasisse, quam iussu. Ptolomæo enim rege federato nobis & socio, ob aerarij nostri angustias iussu sine ulla culpa proscribi, ideoq. hausto veneno voluntaria morte deleta, & tributaria facta est, & velut hostiles eius exunia classi imposita, in urbem aduecta sunt per Catonem. (Ammian.)* Ex quo apparet, frustra & falso foris iustum imperiū, & domi equitatem in suis Ro-

manis laudare Salustium: incios deniq. esse veterum monumentorum, qui, tanquam summa ubiq. antiquis fidei, iustiq. & æqui religio fuerit, dolos omnes & fraudes & perfidiam huius aut superioris seculi inuentum imperitè arbitrantur. Tàm enim non sunt noua, quæ impius N. M. dominandi arcana, scelestasque artes notauit, quàm non est, esse homines bonos & malos. Non dicam vsurpata duntaxat veteribus, quæ nos inuenta N. M. vocamus (id enim ex superioribus manifestum est) sed probata etiam, & à maximis viris defensa. C. Marius Capsam validum Numidiæ oppidum deditione ceperat. ceterum oppidum incensum, Numidiæ puberes interfecti, alij omnes venundati, præda militibus diuisa. Id facinus contra ius belli admisum Salustius (*in Iugurth.*) fatetur, sed idem defendit; quia locus Iugurthæ opportunus, Romanis aditu difficilis, genus hominum mobile, infidum, antè neq. beneficio neq. metu coercendum fuerit. Quid aut hoc aliud est, quàm dicere, turpe factum, sed vtile? Saxonum, quo tempore cum Romanis bella gerebant, legati, pactis tandem cum Valentiniano & Valente Impp. inducijs, domum abeuntes ex insidijs ad vnum omnes cæsi sunt. Funestum scelus! sed quod tamen defensore inuenit egregium & sapientissimum scriptorem Ammianum Marcellinum, cuius hæc libro octauo & vicesimo leguntur verba: *ac licet iustus quidam arbitri factum incusabit perfidum ac deforme: pensato tamen negocio non feret indignè, manum latronum exitialem tandem copia data comptam.* Et libro tricesimo malè fidum quidem sed vtile commentum vocat hoc factum. Idem

libro

libro ultimo, facinus illud, quo Gothi antea suscepti disperſiq. per varias ciuitates & caſtra, vniuerſi tanquam vexillo erecto, vno eodemq. die expectatione promiſſi ſtipendij ſecuri ad ſuburbana producti occiſi ſunt, prudens conſilium & ſalutarem efficaciam appellat Cornelij Taciti noſtri annales & hiftorias quis non eſtimat? Illum omnes habent pro doctore Principum, pro aulicorum pædagogo, hiftoricorum anteſignano, prudentiæ patre, oraculo ciuiliſ diſcipline, coriphæo politicorum. Et tamen, quâ aliâ re inſignior eſt eius hiftoria, quàm ſimulationibus & diſſimulationib., fraudibus, veteratoriis artib., quib. olim & nûc instrumentis regnandi Principes vtuntur? quid frequentius in eadem hiftoria, quàm libertorum potentia atq. impotentia, & adulatorium flagitium, ſimiliaq. portenta, quibus atria principum aulaq. non ſecus ac ridicula Ægyptiorum ſacra (v. V. Cl. Laurent. Pignorium, in admiranda tabula Iſſica explicatione) crocodilis, ibibus, & cercopithecis refertæ ſunt? Conſpirationes præterea, proditiones, vniuerſumq. flagitiôrũ ac ſclerum genus ita tradit, vt viuſ coloribus depinxiſſe videatur. Conſtat igitur hinc, vano labore deſungi, qui Græcorum Romanorumq. bella cæteraq. geſta ad æqui iuſtiq. regulas exigere ſolent. Tantum autem abeſt, vt noſtrum ſeculum, noſtroſque mores excuſare velim, vt, ſi licet, liberè profitear, callidos dolos, & reliqua perfidioſe politicæ capita, quantumuis publicè damnata ſint, re tamen vera eſſe argumentũ, & caput & caudam totius ſcenæ aulicę. Qualia enim, obſecro, ſunt quędam multis Principibus viurpata

im-

imperiorum sophismata, Tacito dominationis flagitia, nostris politicis status rationes dicta? Nefandi doctores, exsecrâdi consultores, qui hæc talia Principibus suggerunt. Quasi Deus noster Sanctissimus, quam Regibus imposuit mortalium regendorû provinciam sine subsidiariâ scelerû cohorte administrari posse noluerit. Infinita sunt à Theologis scripta volumina, quæ de *conscientiæ casibus* notissimo vocabulo inscribuntur: in quibus etiam minutissimæ actionum humanarum, contractuum, & delictorum rationes, non quales mortalium iudicia subeunt, vel effugiunt, sed quales coram tremendo Immortalis Iudicis tribunali iudicantur, tantâ tamq; exactâ diligentia examinant, ut scpius vel teruncij causa Numinis iram penasq. post hanc vitam animas manere iustissimâ severitate pronuncient. Res profectò sanctissima! sed quæ hoc habet imperfectionis, quòd priuatorum ferè conscientiam attinet, Regum transmittit. Operæ precium esset, docere magnos homines, diuinas leges etiam ipsis latas, & inferorum sedes non plebeia tantum scelera sed Regum etiam ambitionem & auaritiam expectare. Disquirendum esset, an iure gladius regius hypothecâ usurpet in omnes illorum Principum ditiones, qui potètiâ minùs valent? an saluâ pietate suam securitatem Principes collocent in inopia & miseria ciuium suorum, per mille tributorum & exactionum rapinas comparatâ. an iusticiæ, sine quâ magna regna magna latrocinia sunt, conueniât, inter immeritas gentes odiorum semina iacere: principum sociorum amicos largitionib. ad proditi domini scelus

lus sollicitare? multare interdum in cautionem innoxios? vulgi negligere injurias, si bello viles viri eas intulerint? an deniq; Deo vti benigno possint, qui ambitione vel avaritiâ ducti, bellis & occisarum gentiû glorioso delectantur scelere: qui vel ob læsam auctoritatem, & vt hodiè loquuntur *reputationem* suâ, vel oppiduli alicuius commoditatem, imò qui nullâ ob causam hominem rem sacram & Dei imaginem vilissimi purgamenti instar ad eadem exponunt, & homicidiis atq; rapinis diuina humanaq. omnia miscent. Nimirum pro ciconia pietatis, & hippopotamo iusticiæ typo, quæ duo Aegyptiorum Regum sceptra insigniebant, vulpes & leo, fraus & vis sceptra ferè regere solent. Vt non insubtiliter quidam Satyricus leges olim sanctissimè habitas, *honestè viuere, alterum non ledere, sum cuiq. tribuere*, non minùs, quàm legem Aeliæ Sentiam & Iuniam Norbanam prorsus hominû moribus sublatas esse dicat; mireturq. eas non insertas esse legum abrogatarum libris. Nec minùs argutè alius, qui sapientum de honesto & turpi, de virtutibus & vitijs sententias similes esse dicit, vetusti operis numismatis, quæ quamuis magni estimentur, & tanquam rarû aliquid magnificentiam possessoris ostendant, non tamen contractuum humanorum instrumento funguntur. Deniq. Ludouicus Gonzaga Niuernensis apud Thuanum liberè profitetur, si rogentur Principes, quò titulò tot prouincias teneant, non aliud, quod respondeât habituros, quàm eas ita à maioribus accepisse: & si lex sit, vt Principes à maioribus possessa, quorum aliam possessionis causam ediscerere

nequeunt, restituere teneantur, ad summas angustias plerofq. qui nunc latè regnant, adductum iri.

Nobis Romulus, vt libitum, imperitauerat &c.) Pomponius I. C. (*in l. 11. ff. de orig. iur.*) tradit, initio ciuitatis populum sine lege certâ primùm egisse: omniaq. manu à Regibus gubernata. Ipsum tamen Romulum leges quasdam curiatus ad populum tulisse: quarum etiam Dionysius Halicarnassæus & Plutarchus & Festus meminerunt. Collegit illas, & commentario illustrauit diligentissimus pariter ac eruditissimus Frânciscus Balduinus: cuius ad illum commentarium præfatio ita scripta videtur, vt hunc Taciti de principijs iuris locum explicare voluisse videatur.

Numa religionibus & diuino iure populum deuinxit) v. quæ dixi ad lib. 1. verb. *vt sunt mobiles &c.*

Quis etiam Reges obtemperarent.) Nunquam mihi placuit philosophia, quæ paucis syllogismis omnium Regum sceptrâ lacessere & periculosâ curiositate disputare audet: an legibus solutus sit Princeps? quatenus præceptis eius parendum, quæ condiciones tyrannum faciant? an malus Princeps è medio iure tolli possit? & quæ consimilis audaciæ quæstiones sunt.

(Corruptissima Repub. plurime leges.) Iniquus & ingratus mihi Iustus Lipsius videtur, qui neq. Iustiniano ob compositos iuris, quo vtimur, libros, nec Lothario Imperatori ob reductos eosdem in lucem vsumq. hominum multam deberi gratiam arbitratur. Nec enim verum est quod ipse ait, ex multis legibus ortas esse tot litigia, tot patronorum fraudes, iurisq. cauillationes. Hominum ea improbitas est: haut minor, imò

maior futura, si paucioribus vteremur legibus. Quippe leges pleraque ex occasione latae sunt, ut darent formam finemque controuersis, quae ex iuris scripti defectu emergebant. Nunc quod introductum est ad finiendas lites, ad statuendum ius certum, ad praecedendas iurisperitorum disputationes, quomodo dici potest disputationi litibusque causam dare? aut quomodo dici non debet, maiores semper patronorum aduocatorumque fore fraudes, si pauciores forent leges, quae negotijs sufficerent? si omne ius in incerto esset, ideoque patronorum disputationem exigeret? Quae enim certo iure nituntur, certamque semper habuerunt interpretationem, nulla hominum fraude, nisi etiam iudex corruptionibus pateat, eludi possunt. Fraus, & cauillatio in incertis valent. Porro quod aiunt, ut multi medici pestilentis aeris, sic multas leges aegrae ciuitatis esse argumentum: verum id quidem est. Sed non aegra ciuitas aut corrupta est, quia multas habet leges: sed multae sunt leges, quia aegra Ciuitas est. Felix vitae facilitas, quae *vetustissimi mortaliū nulla adhuc mala libidine, sine probro, scelere, eoque sine poena aut coercionibus agebant.* Sed morbis tamen grassantibus remedia prudenter esse quaesita, & ex malis moribus bonas esse natas leges aliquod est in malis solatium: & habenda Romanis bonisque. Imperatoribus gratia, qui ad huius vitae turbas componendas tantum nobis reliquerunt & consilii, & iudicii & exquisitae rationis. IESVS CHRISTVS Dominus ac Legislator summus, ipsa Patris Sapientia duas nobis ex caelo leges attulit: *diligito proximum ut teipsum. & : quod tibi fieri non*

vis, alteri ne feceris: quibus vniuersa Christiana iurisprudencia continetur. Verùm cùm in tanta hominũ improbitate, humanæq. naturæ imbecillitate rari sint qui ita affectibus expurgatum habeant animum, vt eâdem caritate alios ac se prosequi velint; oportuit, vbi mali radix extirpari non potuit, saltem caueri, vt quàm minimè serperet, noceretq;. Itaq. leges latæ sũt, non quæ bonos perfectosq. homines efficiant, sed quæ ne mali essent, prouiderent. Nec pertinet huc, quod Tacitus corruptissimâ Rep. plurimas leges fuisse asserit. Non enim is horum verborum sensus est, quasi multæ leges corruptæ Reip. signum sint: sed in corruptâ Rep. Romana plures latas esse leges, non tuendæ libertati & firmandæ concordia, *sed dissensione ordinum, & apiscendi illicitos honores aut pellendi claros viros, aliaq. ob praua*. Nam in repub. factionibus scissæ leges non ad publicam vtilitatem, sed pro ambitione illorũ, qui plus possunt, ferri vsitatum est. Ergò, vt verum est, corruptissima Rep. plurimas leges fuisse: ita non licet conuersione propositionis dicere, plurimas leges esse corruptissimam Remp.

Grauior remedijs, quàm delicta erant) quomodo etiam de Sulla Lucanus ait. (*lib. 11.*)

dumq. nimis iam putrida membra recidit;

Excessit medicina modum; nimiumq. secuta est,

Quæ morbi duxere, manus. periere nocentes

Sed cùm iam soli possent superesse nocentes.

Suarumq. legum auctor idem ac euerfor.) ab omnibus annotatum est, quod Cleon apud Thucydidem ait, (*lib. 111.*) satius esse malas sed immotas habere leges, quàm

quàm bonas, & instabiles. Nam & sua legibus reuerentia perit: & super omnibus negocijs melius atq; rectius olim prouisum: & quæ conuertuntur in deterius mutantur. (Tacit. xlv. annal. vide tamen quæ scripsi ad lib. vi. verb. reputante Tiberio &c.)

Exin continua per viginti annos discordia. non mos, non ius. deterrima quæq; impunè, ac multa honesta exitio fuere.) Hi corrupti status popularis fructus sunt: in quò sæpè ad imperitos aut ignauos populi leuitas defert fascès: vbi factionibus, inuidia, impetu rapiuntur vulgi studia: vbi ad seditiones, ad furorem ad caprandi populi atq; fallendi consilia aptare se solent improba ac factiosæ mentes; adulatione, obsequio, suauitate orandi: vbi plerumq; ingens virtutis specimen est, ab imperita multitudine malè mulctari; vbi deniq; *deterrima quæq; impunè ac multa honesta exitio sunt.*

Atq; ille quanquam prompto ad capeffendos honores aditu, Mecenatem amulatus sine dignitate Senatoria multos triumphalium consulariumq; potentia antecijt.) Procerum in aulis duplex condicio est; alij Cratères, alij Hephæstiones sunt. Quidam, qui nullis magistratuum, dignitatumue appellationibus insignes, summa tamen & intima amicitia Principum animis inhærent; alij, per quos Princeps præcipua rei publicæ momenta procurat, quibus externas res atq; ciuiles credens, in arcanis consilijs potissimùm fidem habet. Hi verò quauis sic ad se trahant ac propemodum suas faciant altas illas & salutis omnium curas, vt non tam Rep. egeant, quàm suis officijs deinde Respublica; tamen primi illi, apud eos maximè Principes, qui à negocijs ab-

horrent, ferè plus possunt. Interdum voluptatem cō-
fectari, iocis ludisq. incumbere illis solis licet. Etiam
supercilio in dominos vti, & penè regnare (modica
tamen nec longa contumacia) principes haut rarò
accendit; quàm amare volentes, tam amari. In tam al-
tum producti, & tam amati à Principe, quid non obti-
neant? quas non opes cumulent? ut si à tanto dein-
de apice excidant, saltem felix pristinae potentiae mo-
nimentum ad reliquae vitae securitatem duret. (v. lo.
Barclan in *Icon. anim.*)

(*Copiaq. & affluentia luxu propior. Suberat tamen vigor
animi, ingentibus negocijs par; eò acrior, quo somnum & iner-
tiam magis ostentabat.*) Et hi habentur homines ad re-
giae mores facti, qui versatilem animum omnibus ne-
gocijs, feriis iuxta ac ludicris applicare valent. Die in
alle sattel gerecht sein. contrà ineptos estimant, qui in lu-
panari castitatem, & inter temulentos bacchantium
cœtus sobrietatem profiteri volunt. Et sanè Hetruf-
cus Politicus (quanquam impiè) necessarium esse scri-
psit, posse, si occasio tulerit, esse crudelem, infidum.
Quomodo Seianum Tacitus describit. (17. *Annal*)
*Corpus illi, inquit, laborum tolerans, animus audax, seu ob-
regens. in alios crimina or: iuxta adulatio & superbia. palam
compositus pudor, iutus summa apiscendi libido: eiusq. causa
modò largitio & luxus, sapius industria ac vigilantia &c.*
Et de Sapore Rege Persarū Ammianus Marcellinus:
(lib. xxvi 11.) *cum sibi conduceres humilis aut elatus. Ta-
citus de Licinio Muciano: luxuria, industria, comitate,
arrogantia, malis bonisq. artibus mixtus. nimiae voluptates,
cum vacaret: quotiens expedierat, magna virtutes. palam*
lau-

laudares, secreta malè audiebant, sed apud subiectos, apud proximos, apud collegas varijs illecebris potens &c. (lib. 1. hist.) Idem de T. Vinio: *prauus aut industrius eadem vi, pro ut animum intendisset. (1. hist.)* Et de Vespasiano, Tiroque eius filio: *tribuni centurionesq. & vulgus militum industria, licentia, per virtutes, per voluptates, ut cuiq. ingenium, adsumebatur. (1. hist.)* Ego, ut industriam, solertiam, vigilantem semper & intentum rebus animum probo, ita istam virtutum & vitiolorum callidam mixturam tãquam Christianæ pietati & honestati ciuili aduersam non laudem, sed vituperium, imò pœnam mereri arbitror. Certè Deus, cui *simplices & sinceris corde* placent, non impunitam sinet.

Somnum & inertiam magis ostentabat) quod sub tyrâni, cui omnis magna virtus formidabilis est, imperio omninò necessarium est. Tunc enim *inertia pro sapientia* habetur. L. Brutus affectæ mentis vitium simulauit. (*Lin.*) Domitianus simplicitatis ac modestiæ imagine studium literarum & amorem carminum simulauit, quò Titi fratris æmulationi subtraheretur. (*Tac. 1v. hist.*) Mahumetes Tertius Turcarum Imperator, cum priuatus adhuc degeret ob arrogantiam & ferocitatem, patris animum tanta suspitione pupugit, ut is filium è medio quauis ratione tollere constitueret. Cuius rei cum à matre Mahumetes certior factus esset, ad eò vitæ institutum seu mutauit, seu mutasse simulauit, ut venereis immerfus voluptatibus nullius magnæ cogitationis capax ampliùs videretur. Ita à patre suspicionem, à se periculum abegit. (*Laz. Superant. in Othom.*)

Fato potentia rarò sempiterna: an satias capit aut illos cū omnia tribuerunt, aut hos cū iam nihil reliquum est, quod capiant.) Vt rutilans fulguris nictus, quamuis cum fragore tonitruum vno eodemq; momento nubes perumpat, prius tamen oculos ferit, quàm tonitruum audiatur; & vt antè sanguis quàm hiatus vulneris cernitur: ita apud Reges delati plerunq. antè ruunt, quàm feruere sentiant. *Ignis amoris regij plurimos in cineres redegit.* Causas & remedia adeo præcipitis malis indagatè operè precium est. Prima est instabilis Fortunæ genius, nunquam constanti beneficio quenquā dignatus: *fato potentia rarò sempiterna.* Altera est levis Principum, & vel nullo vel leui fundamento nixa, atq. remetè plerunque in hos aut illos propendens inclinatio: quæ cū feruet maximè, nescio quo fato nunquam tepida plerunque in frigidissima pristina gratiæ obliuione desinit. Nam Reges, si verum loqui licet, apud quos semper aliqui nimium possunt, ferè mutabili amandi dulcedine feruntur in diuersa. Casu amicitias auspicantur, tædio deponunt: & nouâ familiaritate reficiunt animum in veteris consuetudinis nausæa fastidientem. Quidam ex ijs, vt in morbis ex calore in contrarium frigus rapti finem amoris odium faciunt, intempestiuus affectibus semper captiui aut crudeles. Modestiores sunt, qui contenti superducere neglectis sed non violatis prioribus, novos amores; tamen indignatione, ambitu, rixis regiam suâ implent. Diutius quidem sed non tutius aut fidelius amant, qui ad negocia & sublimitatem curarum caligare se conscij, admovent oneri quem potissimum

putant, nec res magis quàm seipſos ei tradunt; tristiſſimo ſepè fato. quia vix ſapientiùs eligere, qui ſe regat, quàm ſeipſos regere norunt. Ceterum non amare modo hunc ſolent, ſed veteri, ſuſpicere, timere obiurgantè: donec iſte oblitus ſe precariò regnare, tyrannidè nimis intenderit; aut ipſe Rex eodè errore ingenij neſcientis libertatem, alium mirari inceperit (*lo. Barcl. 1. Arg.*) Inde, ſi Princeps ita facilis ſit, & quocùmq; ſe applicet, vt breui ita cœca & vehementi amicitia incumbat: qui ab eo amantur, memores inundari ſe altiffimo æſtu, ſed in ſuum Oceanum ſtatim redituro, quàm auidiffimis pectoribus de illa felicitate bibere ſolent. Neq. enim laſſare hūc amorē flagitatis muneribus timent, qui etiam niſi tempeſtiuâ celeritate excipitur, vt vina ætatem non ferentia, inutili veterno cōſeſcit. (*lo. Barcl. in Icon. anim.*) Sanè opulentiſſimæ venationis genus eſt explorare intimos Regum motus, eoſq. vel verâ vel fictâ imitatione exprimere. Ita enim naturâ comparatum eſt, vt quibus quiſq. ſtudiis capitur, ea in alijs amet. Inſinitâ dulcedine ligata eſt ab omni parte gratia inde nata. Sed non durabilior illa eſt, primi veris floribus, qui quanquam variâ & diſcolori amœnitate inuentium oculos & animos rapiant, tamen mox decidunt, & hominum ceterorūq; animantiū pedib. calcantur. Nam vt haut facile duos inuenias homines, qui per omnia eadem velint, ſentiantq; ita ſtudia, moreſq. hominum tempore, conſuetudine, fortunâ mutantur, atq; ad eò ſepè in contrarium tranſeunt. Porro vbi ex eo aliquis amatur, quòd aulicis flagitiis & inclinationibus Principis mi-

nistrum se præbet; accidit plerunq., vt leui post admissum scelus gratiâ, dein grauiore odio sit. *Nam grauiorum facinorum ministri quasi exprobrantes adspici solent.* (Tacit. xlv. annal.) Ipsi quoq., Principes, quamuis id semper velint, quò eos licentia, quò cupiditas vocat, postremò tamen ad honestum vel inuiti respectant, & publicâ ciuium fama pudefacti suum peccatum, sua flagitia in eo puniunt, qui turpibus ministeriis molliuit viam, quam ad vitia ducentem obsitamque infamiâ pudor prohibebat experiri. Quanquam autem Principum inclinationes, tanquam nullis cohibetæ pœnis, variæ sint; præcipuæ tamen & communiores sunt; Amor, Crudelitas, Auaritia. Amor, vt affectuû vehementissimus, ita leuissimus est & quàm maximè inconstans. Vt inde qui se socios, testesq. & ministros istis obsecnitatib. præbent de gratiæ diuturnitate malè securi esse possint. Crudelitatis ministri vt exprobrantes à Principibus adspiciuntur; adeoq; hanc rarò omnis sceleris infamia in hos exoneratur; quod Remiri Orci, Antiqui Perezii, Cn. Pisonis exemplo alibi demonstrauimus. Auaritia, quamuis cum annis crescat; tamen magistros istos excoriandi populos non tam amare, quàm quod sibi vtiles sciunt, illis vtuntur Principes; quos oblati in eam operam recentibus, affligere postmodum solent. Quemadmodum Vespasianus Procuratorum rapacissimum quemq. ad ampliora officia ex industria solitus est promouere; quò locupletiores mox condemnaret; quibus quidem vulgò pro spongiis dicebatur vt i, quòd quasi siccos madefaceret, & exprimeret humentes. (Sueton in Vesp.) Et cum
fre-

frequentissimæ sint populorum ob tributorum acerb-
bitatem, avaritiamq. Principum rebelliones; non est
accommodatior ratio sedandi illas, quàm si sæuienti
populo isti exactionum tributorumq. nouorum inue-
tores obijciantur.

Præterea apud infensû virtuti & glorię suorû Principē
certissima exitii causâ est ipsa virtus. Nihil enim ille
magis metuit quàm qua destituitur, virtutē. Hęc illi vul-
tus Gorgon ei toruitas est. Hinc illa Neronis, apud Se-
nec. (in *Oſtan.*) vox; quicquid excelsû est, cadat. Nobili-
tās, opes, omisi gestiq. honores pro crimine sunt.
(*Tac. i. hist.*) sinistra erga eminentes interpretatio; nec
minus periculû ex magna fama quàm ex mala: (*Tac. in
Agr.*) & ex nulla re maior securitas, quàm inertia. (*Tac. in
Agric.*) Apud vñum Tacitum innumera sunt illorum
exempla, quibus non crimen vllum, aut querela læsi
cuiusquam, sed virtus, gloria, familię claritudo, &
multa militaris fama exitio fuerunt. Iulianum quo-
que Cæsarem inuisum Constantio reddiderunt quasi
per benevolentiam ab inuidis ac maleuolis iactatę
voces; IULIANVS ALEMANNIAM DO-
MVIT, IULIANVS VRBES GALLIÆ
INCITAVIT &c. (*Mamerc. in Paneg.*) Et aliud
simile exemplum de Alexio Protostratore extat apud
Nicetam Choniaten quarto annalium. Assyriorum
Rex ille, cum quo Cyrus maior bellum gessit, & quē
apud Daniele Vatem Baldassarem vocari opinor,
Gobriæ Satrapę filium hasta transfixit, non aliam ob
causam, quàm quod in venatione vrsum & leonem
certo ictu percussisset, cùm regis iaculum aberrasset.

(*Xenoph. 1 v. Cyrop.*) Idem alterius cuiusdam purpurati filio testiculos eximi iussit, quòd regia pellex illum inter egregia pulchritudinis exempla censuerat, felicemq. fore dixerat, quam ille coniugem habiturus esset. (*Xenoph. v. (yrop.)*) Et sanè hoc omnibus Principibus ingenium, hæc natura est, ut se potiore hauræ quo animo ferant. Hadrianus Imperator, quamvis esset oratione & versu promptissimus omniumq. artium peritissimus: tamen illarum professores semper ut doctior risit, contempsit, obtruiuit. (*Spartian. in Hadrian.*) Valentinianus eruditos omnes odio persequabatur, & diuites & nobiles; & fortib. detrahebat: ut solus videretur egregijs artibus eminere. (*Amm. Marcell. xxx.*) Ludouicus de Sylua vir erat prudentissimus, & Emanueli Lusitaniæ Regi in paucis charus. Illum Rex, cum à Pontifice venissent literæ latinè quàm elegantissimè scriptæ, responsum componere iussit; se quoq. (& affectabat gloriam benè scribendi) idem tentaturum. Ludouicus, quanquam inuitissimus cum Rege suo de scientiæ principatu contenderet; necessitati tamen paruit, & scriptum à se responsum postero mane Regi, qui & ipse idem conatus erat, tradidit. Rex ut vidit illud legissetq., conuictus suò elegantius esse, responsi loco ad Pontificem mitti mandauit, suppresso nec ostenso cuiquam sui ingenij conatu. Ludouici tamen vehementissimis precibus dedit, ut inspicere liceret; qui exiens aulâ, nunquam reuersurus, domum festinus perrexit: & , quanquam meridies esset, pro se, duobusq. filiis tres equos in sterminari iussit: deductosq. ne quidem prius sumpto prandio

dio filios in apertam quandam planiciem his verbis
 allocutus est: carissima pignora, alibi nobis nostra
 fortuna consecranda est. hic enim, ubi Rex me illo
 plura scire cognouit, non est, ut bene nobis fore speremus.
 (*Anton. Perez. in Epist. quadam Hispanica scripta ad
 Lerma Ducem.*) Rodericus Gomezius Sylua, qui in
 Philippi aulâ omnia poterat, à prudentissimo quodâ
 sene accepisse se dixit ex sacris literis acceptum præ-
 ceptum; *coram rege noli videri sapiens.* Et Albæ Dux a-
 iebat, Syluam illum, non quòd aliis consilio & geren-
 dæ reipublicæ scientiâ præstaret, tâtum apud Philip-
 pum valuisse, sed quòd illo præcepto sapientissimè ute-
 batur. In consilijs, quibus Regem suum instruebat,
 in colloquijs, quæ cum illo habebat, cauisse, ne scire
 suum Regis prudentiam superare videretur. Primum
 & principale instrumentum, quo Principis animus
 ad audiendi patientiâ disponitur & præparatur, ef-
 se adulationis, quæ lapidissimus ingenii humani pa-
 stus est, particulam; quâ Principes solos se sapientes
 haberi, solos rerum & consilii potentes persuadean-
 tur. Indeq. Syluam, quanquam procuraret, ut boni
 euentus consiliorum suorum fructus haberentur: talé
 nihilominus negocijs speciem circumdedit, ut illa
 ceptorum felicitas non tam à sua prudentia, quàm
 fortunæ indulgentia quadam, comitante sedulitate
 fidemq. suam prouenisse videretur. Hac arte Regis
 erga se amorem in maius prouexisse; non aliter ac in-
 ludo, qui fortunæ victoriâ debet, sine indignatione
 victi lucrum reportat; qui suis artibus vicit, inimici-
 tias plerunq. sortitur. (*Anton. Perez. d.ep.*)

Sed nec semper iniuria Principum gratia mutat. Sæpè etiam illi ipsi gratiosi sua culpa sibi fortunæ fugam admovent, serius, si saperent, recessuram. Quidam ex ijs non estimato domini ingenio, causam, qua amantur, negligunt colere. Alii adhuc cruda & recentia domini studia, tanquam nondum præparati ventriculi robur importuno vsu obruunt. Quosdam ignoratio satietatis decepit: qui quanquam circumfluentes omnis fortunæ muneribus tamen dominum in nouæ alicuius amicitie illecebras declinantem, tanquam iniectis manibus retinent, proclamantque ad promissi amoris vindicias. Ita qui de gratiæ statione recedere ad magnificum otium poterant, rapi malunt, quàm abire. Quid vāsaniam dicam, cū in leuia ingenia hæc felicitas cadit? quæ aduersus minores humanitatem, aduersus maiores reuerentiam exuere solent. Nouimus, quàm benè Solis curru Phaeton vsus sit, aut Ica rus pennis. Quidam nullo tot munerum, totq. beneficiorum, quibus ornati sunt, respectu in ipsum Principem scelerata consilia inire ausi sunt. Cuius rei exemplum, vt infinita alia præteream, est in Sciano; de quo libro sequenti plura notabimus. Sunt, qui dum ab externis Principibus penè vt pares ambiuntur, non intelligentes sollicitari se ad proditi domini scelus, consilia, quæ tegi oportebat, aliis enunciant. Alii superbia, fastu, auaritia odium Optimatum, aut populi in se concitant. Omnis enim error, omne in administranda repub. delictum, omnis vectigalium, tributorum, aliorumq. onerum impositio gratiosis in aula viris, & vt Amm. loquitur (*lib. xxvi. 111.*)

formatoribus imperij adscribitur. Quibusdam capitale fuit, obieciſſe & exprobraſſe merita. Nam eò uſq. læta ſunt merita, dum videntur exſolui poſſe, neq. exprobrantur; vbi multum anteuenêre, & ambitioſè iactantur, pro gratia odium redditur. Nihil citius ſeneſcit gratia, & memoria beneficiorum; quæ quo maiora ſunt, eò ſæpiùs ingratitude penſantur. Quippe qui ea remunerando perſoluere aut non vult aut non poteſt; vel obliuione, vel animo ſuo imperando, vt credat non tanta fuiſſe, qualia æſtimantur, illorum memoriam abiicit. Poſtremò, quos eò reductos vt alieno beneficio indigerent; pudet, accepiſſe ſe illud indignantur; adeò, vt plus apud illos poſſit odium ob eam, in quam inciderant neceſſitatis memoriam, quàm beneficii accepti recordatio. Non igitur benè rebus ſuis conſulunt, qui meritorum diuturniq. ſeruitij ſuperbia fidentes verbis etiam & querelarum acerbitate Principum ſuorum ingritudinem arguere audêt. Horum enim ea natura eſt, vt cogi nolint. Etiam quæ debent, cùm ſoluunt, liberalitati adſcribi volunt; & qui repoſcit inciuiliter quod expectare debebat, pro gratia odium & exitium inuenit. C. Silius, cùm immodicè iactaſſet, ſuum militem in obſequio duraſſe, cùm alij ad ſeditiones prolaberentur; nec manſurum Tiberio imperium, ſi ſuis quoq. legionibus cupido nouandi fuiſſet, ad mortem adaçtus eſt. Deſtrui enim per hæc fortunam ſuam Cæſar, ſeq. imparem tanto merito rebatur. (*Tacit. 1 v. annal.*) Quò accedit & illa ratio, quòd benè geſta etiam à ſuis ducibus ſibi adſcribi Principes volunt. Apud Romanos bellorum du-

duces trophæis non suum sed Principis nomen inscribebant. (*Tacit. 11. annal. ubi de Germanico.*) Et in operibus publicis, qui nomen suum sine Principis mentione scripsisset, maiestatis renebatur obnoxius (l. x. C. *de oper. publ.*) Et Germanis sua fortia facta gloriæ Principis tribuere præcipuum sacramentum erat. (*Tacit. in German.*) Apud Mauricium Imperatorem Georgius quidam ad Persarum Regem pro pace legatus magnū adiit periculum, quod imprudenter gloriatus esset, Regem Persarum non Imperatori, sed suæ prudentiæ pacem indulxisse. (*Theophylact. Simocatt. v. 11. 11. hist.*) In Belgio cū Ferdinandus Albæ Dux statuam sibi cum superbâ inscriptione posuisset, deiici illam Philippus Rex iussit. (*Constans. 1 v. hist. de bell. Belg.*) Et Consalvus Magnus cū liberalitatis terminos incautè transgressus Neapolitani à se subiugati regni proceres donis, beneficijs, deniq. comitate à genio Hispanorum tantoperè aliena, sibi deuinxisset, & quæ Regem decebāt, ipse gessisset, abductus ex regno in Hispania inglorius obiit. (v. *Boccal. cent. 11. c. xxxvi 11.*) Vt non sine ratione Cyaxares Medus apud Xenophontem (v. *Cyrop.*) dicat, iniurias populo suo illatas tolerare se posse, magna beneficia non posse. Quemadmodum enim, inquit ille, si quis canes tuos tales pascendo curandoq; reddat, ut illum magis quàm te norint, aut si quis ministros tuos beneficijs tales efficiat, ut ipsius esse malint, quàm tui, aut si quis uxorem tuam obsequiis sic demereatur, ut tandem efficiat eam sui magis, quàm tui amantem, ingrata tibi futura est & invisa beneficentia: ita iniuriam Principes existimant illa, quib.

populorum studia in alium deriuantur, beneficia. Apud Augustum duo erant feruentissimâ gratiâ, M. Agrippa, & Cornelius Gallus. Et hic quidem insolenter elatus, statuas sibi per vniuersam Aegyptum ponere, sua acta pyramidibus inscribere, deniq. cò vâcordiæ labi, vt in ipsum Augustum vanissimis verbis detoneret. Igitur exulare iussus damnationem morte voluntariâ præuenit. At M. Agrippa, etsi Cæsari gloriosarum actionum auctor & præcipuus adiutor esset, nihil tamen eius gloriæ sibi arrogabat: honoresq. in se collatos non in suum commodum, sed in Augusti & reipublicę gloriam conuertebat: operibusq. publicis à se extructis non suos, sed Augusti titulos inscribebat. (*Dio Cæs.* l. 111.) Commisâ pugna nauali cum Sexto Pompeio, satis habuit fugasse hostes, nec eos vltrâ insecutus est. Dicebat enim, hunc esse plerisq. Principibus morem, vt nolint quenquam seipsis præstantiorem haberi: ideoq. eos plerasq. res, vbi haut magno labore sit statura victoria, suo ductu atq. auspicio gerere; contrâ difficilia & impedita aliis committere: ex quibus si se illi feliciter expediuerint, titulum rei benè gestę tamen sibi solis adsciscere. Proinde duo hæc eum, qui incolumitatis suæ curam gerit, obseruare debere: vt negotio difficili præfectus id, si fieri potest, à se amoliat: quod si nequeat, benè gestę rei nomen Principi conferret. (*Dio* xliix.) Agrippę mores Cn. Agricola expressisse videtur, qui nunquam in suam famam gestis exultauit; ad auctorem & ducem, vt minister fortunam retulit. Ita virtute in obsequendo, verēcundia in prædicando extra
in-

inuidiam, nec extra gloriam erat. (*Tacit. in Agric.*) Ex Britannia maximis rebus gestis reuersus Romam, ne notabilis celebritate & frequentia occurrentium introitus esset, vitato amicorum officio noctu in urbē, noctu in palatium venit: exceptusq; breui osculo & nullo sermone turbę seruientium immixtus est. Et ut militare nomen, graue inter ociosos aliis virtutibus temperaret; tranquillitatem atq; ocium penitus auxit; cultu modicus, sermone facilis, vno aut altero amicorum comitatus: adeò, ut pleriq., quibus magnos viros per ambitionem æstimare mos est, viso aspectoq; Agricola quęrerent famam, pauci interpretarentur. (*Tac. in Agric.*) Est igitur omninò necessariū; gloriam egregij cuiusq. facinoris non nostrę prudentię aut virtuti, sed Principi adscribere: tantum abest, ut ei seruitia nostra exprobrare liceat. Quemadmodum enim, qui catenis alligati sunt remigio, cū, ut loquitur Comicus, mortui boues incursant terga ipsorum, non reuerberando, non minis, non querelis quicquam proficiunt: sed mœstā oculorum humilitate, & miserabili, omnibusq. precibus efficaciori intuitu, atq. interdum piscis aut cancrorum maritimorū à se captorum dono nauarchum ad pietatem commouent; ita qui ad immitia aularum transtra condemnati sunt, dominorum iniurias, contemptum, obliuionem non murmure & apertā indignatione excipere debent: sed acceptis constantis fidelitatis remis euerberare fluctuum aduersantium pertinaciam; istaque constantiā Principis oculos ad officiorum suorū memoriam aduertere; qui tam diu fuisse immemorē fidi-

fidissimæ seruitutis, erubescet tandem, & vsuras ob
moram maximas præstabit.

Inclinatum ad lapsum suâ vel alienâ culpa impellit
omnino æmulatio & inuidia, perpetuus excellentis
virtutis comes, omnis magnitudinis tortor & carni-
fex. Accedunt populorum murmura & querelæ,
quibus tanquam testibus vitur inuidia: quæq. ani-
mum Principis quantumuis vehementi amori obno-
xium mutare, quæ iudicium eius non minùs, quàm
furiosâ ventorum rabies maris tranquillitatem com-
mouere possunt. Nec effugium est hîc nisi per inno-
centiam & modestiam. Innocentiam volo, vt auli-
cus omnia domini negocia procuret cum fide, & ex
commodo ipsius domini. Modestiam omninò re-
quiro, quòd inuidia vt superbîâ & arrogantiâ accendi-
tur, ita minuitur aut extinguitur humanitate, affabi-
litate, comitate, familiâ domi vt non sordidâ, ita nec
splendida nimis. Cardinalem Spinosam, cui nihil nò
tribuebat Philippus Hispaniarum Rex, emuli euerre-
runt, incitando Regios ministros, clientes, vniuersos
deniq., vt solum colerent, solius ædes frequentarent,
solius iussâ spectarent, adeò vt nec Regi, nisi Cardina-
lis adnuisset, parerent. Igitur ab Rege aulâ dimissus
est. Antonius Perezus à cælesti nuncio, veri Regis mi-
nistro in hoc malum accepisse se remedium ait: quod
extat in S. Ioannis Apocalypseos capite decimo no-
no. Cùm Ioannes Apostolus ad pedes Angeli cuius-
dam illum adoraturus se abijcere veller, Angelus in-
tercessit his verbis: *caue feceris, conseruus tuus sum*. In-
de aulicus quoq. quod sibi vtile, sumat, & quantò de-

missiori cultu adorari se à gentibus videt, tantò magis illos sibi nocituros honores repellat; & non magis alios, quàm se Principis ministrum esse cogitet. Si enim, (ita argumentatur Perezius) Optimus Maximus Deus, cuius infinita gloria est, qui vnico nutu necauit omne animal orbe aquis submerso, & cùm tempus adueniet ignibus vastis torrebit incenderq. mortalia, cunctaq. in antiquum chaos vertet, si, inquam, omnia potens Deus socium adorationis, quâ solus colendus est, non admittit: quantò minùs Reges & Domini mortales, quorum est ita limitata potestas, vt in comparatione diuinæ potentiae nulla sit, quenquam sibi æqualem ferent animo? Adsit ergò aulicus negocijs quæta cum industria: nec pedissequorum, cæteri q. domestici instrumenti superbiam affectet, aut clientum longum semper post se agmen trahat: imò, si sapiet, inuidiæ minuendę causa, non admittet vana ista.

Postremò, si tam graciosus virtute & fortuna meruerit, vt Principi, cuius fauorem nullis intermixtum simultatibus semper habebat, superstes sit: accidit tamen plerunq., vt illa gratiæ hereditas in succēssorem non transeat. Nam & ea negociorum interdum ratio est, vt hi tales imperiorum formatores, siue imprudētia, seu consultò, & hanc rarò Principis, cui plerunq. suspectus est, quicunq. proximus regno destinatur, voluntate succēssorem offendant: quarum offensarum acris deinde in vindictam memoria seruatur. Et si maximè hoc non fuerit, qui nouus Princeps est, suis, qui priuatim coluerant, vicem reddere, sibi q.

notiores & propius hærentes honoribus, dignitatibus, muneribus conciliare studebit. Opes deniq. cumulatæ, & inuidiosa defuncti Principis liberalitas vel æmulos vel successorem ad repetendum; unde inopiæ causa est, accendere possunt. Et sanè à me nemo remedia huic malo discet. Nam qui adhuc priuatum offendit: quibus officiis regnantem sibi reconciliare potest? cum plerunq. acceptæ olim iniuriæ memoria aduersus recentia beneficia præualeat. Exigi aula, procul negociis haberi ad magnificum, aut saltem non inope ocium dimitti non pœna estimari, sed præmium debet. Deniq. contra inuidiam, quæ ex immensis opibus oritur, nisi illæ occultari aut eleuari poterunt, *una defensio occurrit, quod muneribus Principis obniti non debuimus.* (Tacit. xiv. Annal.) Aut, quanquã id durum sit, traditis, quorû fulgore præstringimur, quies redimi debet. Ea voluntariæ cessionis gratia erit, ut relictis necessariis vitæ instrumentis saltem non egenum eum (nam & auaritiæ crudelitatisq; famam metuet Princeps) transigi necesse sit.

Exempla & historias illorum, qui siue sua, siue aliena culpa ex summo aulæ loco in imum præcipitati sunt, si referre omnia, aut pleraq. vellem, iusti voluminis opus foret. Notæ sunt Parmenionis, Clyti, Philotæ indignæ neces apud Q. Curtium. Sciani historiam Tacitus & Dio Cassius recensent. Memorantur Plautianus apud eundem Dionem; Verroniquis Thurius apud Lampridium, Apelles apud Polybium, Belisarius apud P. Crinitum (si tamen vera sunt, quæ ille de eo iam sene ostiatim stipem colligente scribit in li-

bris de honesta disciplina) Stippiota Theodorus apud Nicetam Choniaten; apud recentiores Petrus de Vineis, Aluarus de Luna, Thomas Vuolsæus, David Ritzius, Antonius Perezius, Paulus Scalichius; alij. Deniq. ludorum eiusmodi frequentia stuporem mitigauit. Pauci abhinc anni plura nobis, quàm lubrica aulæ via sit, documenta ob oculos posuerunt. Meminimus, in Gallia Bironium & Concinum Ancrę Marchionem, in Hispania Lermę Ducem, in Belgio Olden Barneuelctum, in Germania Melchiorem Cleselium omnes de summa dignitatis arce deturbatos: & hic tamen nunc summo cum honore Viennam rediturus speratur: quod olim quoq. Vlrico Ciliæ Comiti accidit. Is cùm diu Ladislaum dominum suum rexisset, tandem iubente Rege, nitente Austriâ nobilitate, & præcipuè Eizingero, comitante illum, ne à plebe violaretur, Alberto Brandeburgensi, probrosis dictis oneratus, aulâ excessit. Idem tamen Regi postcà reconciliatus, qui paullò ante cum summa ignominia in exilium abierat, triumphantis more Viennam ingressus est, etiam extra urbem ipso Rege obuiani eunte: contrà Eizingerus, qui principem regię gratiæ locum consecutus cum deiecerat, vrbe egressus in voluntariū abiit exilium. Et fertur Comes cōgredito Eizingeri discessu laudasse hominem, quòd in tempore iratis aulę nubibus tergum subduxisset. (*Gerard. de Roo* i v. *Annal. Austr. Aen. Sylu. Hist. Boem.* c. lxi. & lxi i i.) Alia exempla lubens omitto. Vnum tamen, cùm quod varios fortunæ ludos habeat; tum etiam quod Scipionis Amirati libellus, de vitâ Ioannę in paucorum manib.

manibus versetur, præterire non debui. Ioāna II. Neapolis Regina Guilclmo Austriæ Principi (Pandulfus Collemucius in Historia Neapolitana *lib. v.*) vocat Ducem de Sterliche; nupta, marito defuncto, cum Neapolin rediisset, aliquot post annos Ladislao fratri sine prole defuncto, in illo regno successit. Poterat esse felicissima, nisi inhonestus amor, quo erga Pandolfum (Pandulfellum appellat Io. Bapt. Pigna) quædam ardebat, miseram esse voluisset. Erat ille eximia pulchritudine, cui industriam cæterosque laudabiles mores iunxerat: quibus adeò sibi Reginam deuinxit, ut sui & curarum regiarum oblita, omnia prædam fecerit amatoris. Sanè validus erat illorum temporum rumor, etiam viuentem fratre & marito cum illo consueuisse. Tandem cum Regina populi & procerum seditionibus agitata, motuum sedandorum, & inuidiæ, quæ Pandolfo ex nimia potentia, & suspectâ cum Regina familiaritate oriebatur, extinguendæ causâ Iacobo, ex familia Ducum Borboniorum nupsisset: illi primum noui regni facinus fuit, inuisum æmulum è medio tollere. Reginam quoq. & lecto & mensâ exclusam penè in custodia habuit. Verùm imprudentia atq. ignauia Regis, & fides quorundam Optimatum eam hâc molestiâ exemerunt. Etenim Iulius Cæsar Capuanus præcipuus occidendi Pandolfi Regi auctor, nullam meritis suis haberi gratiam indignatus, Reginæ in occulto promisit, sua se manu, suo gladio regis inuisi hausturum latus. Sed plus poterat in femina priuati iniuriæ recordatio, & carissimum sibi caput neci datum, quàm propriæ cura salutis. Pres-

sis igitur consiliis, & lacrymis faciem rigans prendere Cæsaris manum, gratias agere, ad pulcherrimum liberatę reginę facinus hortari, deniq. rogare vt elapso triduo redeat: velle se de ratione exequendę rei cum illo conferre. Abit ille, & Regina ad maritum, eiq. Cæsaris consilia aperit. facturam se, vt suis auribus ordinem cogitati sceleris ex ipso Cæsare percipiat. Motus periculo Rex præstituta die in Reginę cubiculo post lecti stragula occultatus omnia ex Cæsare audit, ad quę dolor, & ultio, & loci, vt putabat, solitudo incitabant. Itaq. per satellites comprehendi iussus Cæsar mox securi percussus est. Quo facinore deteriti alii abiectis de liberanda Regina consiliis, tutam quam gloriam cum periculo malebant. Nam quem tam esse dementem, vt misérias suas amantem, & fidissimos sibi infesto marito prodentem iuuare velit? Sed duo erant, Otthinus Caracciolus, & Annichinus Mormiles, (Morinellus Collenuccio dicitur) homines, in quibus antiquam nobilitatem ingentes virtutes equabant; qui altiùs in reginę consilia penetrantes, quare Cæsaris cogitata aperuisset, coniecere. Inita igitur in Regem conspiratione restituere Reginam priori libertati instituerunt. Ceterùm in tanto facinore femine conscientiam, deterriti recenti Cæsaris exemplo, & innatã cum omni sequiori sexui, tum ipsi Reginę, leuitatē, verebantur. Commodum Magister Equitum cum regni viribus ad motus quosdam compescendos aberat, & quidam ex aulicis, in paucis Regi carus, adornabat nuptiarum festiuitatem, cui vt Reginę quoq. interesse liceret, orarunt coniurati. nec id

Rex

Rex abnuic. Ergò solemni pompa sero diei finita, reuerfuram in palatium Reginam Caracciolus & Mormiles incondita multitudine plebis stipati, circumdedêre; monentes, nolle nobilitatem populumque Neapolitanum, vt ipsa ad Regem, aut veriùs in carcerem molestissimum redeat. Iret, & viris se permetteret, asserturis illam in pristinum decus, & pro reddendo regii capitis insigni nihil non ausuris. Improvisa hæc Regina erat, sed gratissima violentia. Versâ igitur fortunâ illa sui nunc iuris Regem ea condicione habebat, qua ipse Reginam antè. Sed non poterat ad bonam mentem reuerti, quæ semel pudicitiam voluntatibus immolauerat. Ocium enim, & ex felicitate licentia fecerant, vt oculos primùm, mox animum aduerteret ad Ioannem Caracciolum, auita nobilitate, corporis decore, deniq. militati laude insignem virum. Sed multa hominis virtus, & qualescunq. expirantis pudoris reliquię ruentem libidinem cohibebant: quæ tamen postremò desiderii sui explicandi atq. explendi hanc viam inuenit. Nouerat Regina, (quod idem de Ferdinando Gonzaga tradit Iulianus Goselinus) Caracciolum naturali quodam horrore mures auersari. Igitur quadam die cùm latrunculorum ludo in conclauis regio cubiculo proximò se oblectaret, ex composito ancillarum vna murem vestium plicis insinuatuit: quem cùm ille primo excutere, dein fugere tentaret; omnes sibi, præter eam, quæ ad Reginæ cubiculum aditum faciebat, portas clausas vidit. Turbatus cubiculum regium irrumpit, & petita præda in casses incidit. Regina pauorem viri

ioco-

iocosè exagitas, & ne scilicet vexationi se subducere posset, in illum inuadens arctissimis ligat amplexibus. Quid verbis opus est? Intelligebat Regina vota Caracciolus: placuit amantibus sequens nox amoris furto. Ea scena dum luditur, regina nouis optimarum & populi seditionibus agitur. Sforzias maxime, vetus militiæ, & Ottinus Caracciolus, liberatæ reginæ titulo superbus præceptum sibi principem gratiæ locum dolebant. Nam Regina Ioannem Magnū regni Senescalum, quæ proxima à Regibus dignitas est, fecerat. Sed & hos motus immerita Reginæ felicitas composuit. Interim fama de illius impudicitia apud Italiæ Principes, omnia, vt solet, in maius prouexerat. Quidam perditos feminæ mores miserebantur: aliis inde contemptus; Pontifici iusta indignatio. Qui pacis artes, quàm vim & arma valitura arbitratus conuenit cum Regina, vt maritum custodiâ e ductum reciperet. Ioannes per speciem honoris Romanam vocatus. Sforzias contra Braccium Pontificis hostem Ecclesiæ Romanæ Vexillifer dictus est. Ita dissociatis æmulis, & adultero procul relegato honori reginæ & regni saluti consultum videbatur. Verum Sforzias cum animaduerneret, reginam parum equo aduersum se animo esse, vt quem absentię Caraccioli causam putabat; omni ope adnissus est, vt is reduceretur; satius ratus aliquo esse apud Reginam loco, quàm nullo. Quod & facillè perfecit. Ceterum quam ex amatoris reditu hauriebat Regina voluptatem, eadem Regis mariti tædium & auersationem & postremò odium animo ipsius insinuauit. Vnde ille
igno-

ignominie & ludibriorum, quibus ſeuebat quotidie inſenſa vxor, impatiens in Galliam abiit, ibiq. monaſticam vitam profeſſus eſt. Iamq. læta viduitas Ioannē cōtigiffe videbatur: cū ecce denuò Pontifex illi ſucceſſens, quòd Braccium Eccleſiæ hoſtem ad ſua ſtipendia acciuifſet, Ludouicum Andegauenſem ad ſulcipiendum regnum vocauit. Vnde Regina conſiliorum egens in vltimum ſubſidium Alonſum Aragoniæ & Sicilia Regem filij loco adoptauit. Sed mox ſimulate inter illos orta, & inritâ factâ prætextu ingratitudinis adoptione, in locum eius euocauit Ludouicum, quem diximus. Opinio eſt, nō magis vt haberet, quem Alonſo opponeret, quàm vt Caraccioli nimios ſpiritus compeſceret, animum ad Ludouicum paullo antè hoſtem vertiſſe. Quippe is ex familiaritate ſumptâ arrogantia & mox contemptu reginæ parū eius dignitatis reuerens videbatur. Et aderant callidi in aula homines, qui adhuc dubitantem irāſci propellebant. Nondum odio erat ille, ſed amari deſierat: cū tandem ſuperuenit, quod exitium maturauit. Vetus illi cupido erat, filium ſuum euehendi ad Salernitani principatus dignitatem; qua de re cū appellafſet Reginam; certus, vt opinabatur, haut refragaturam: illa, cuius animum, vt diximus, Caraccioli ſuperbia, & inuidorum ſermones mutauerant, repulit nimia petentem. At ille non aſperitate modò verborum, & intemperantia linguę, verū etiam, vt ferebatur, alapa repulſam vltus eſt. Quare Regina ingentem animo iram coquens cum fidiffimis conſilium iniit capiendi hominis. Committitur negotium quibuſdam

ex præcipua nobilitate : qui, ne regina insita leuitate animum mutaret; & Senescalli, si pristinum gratiæ locum reciperet, vindictam veriti, tutius esse statuerunt occidere. Præmittitur quidam Germanus Reginam ex Austria secutus: qui ædium foribus immaniter pul-
tatis reginam ex catharro in vicinia mortis agere nū-
ciat. Referata porta irrumpunt coniurati; & prostra-
tum humi Caracciolum aliquot vulnerib. conficiunt.
Hic fuit exirus hominis, qui dum per flagitium parta
potentia superbè, & in illius, cuius eam beneficio ha-
bebat, contumeliam vititur, non magis alieno scelere,
quàm sua stultitia periit.

*Domitius (orbulo Prætura functus de L. Salla nobili iu-
uene questus est apud senatum, quòd sibi inter spectacula gla-
diatorum loco non decessisset.)* Ociola quæstio est, virtus
nobilitati, an hæc illi præstet? Nec enim vera nobili-
tas alia quàm virtutis nota à plebe discriminari debet.
Et antiq. uirtus honor & cultus & nobilitas in virtute
præcellentes delatus ab ijs, qui ad tam sanctum splen-
dorem obstupescabant. Hoc priscis temporibus vnū
erat remedium. emergendi è latebris vulgi, cum om-
nes initio pares esse natura iussisset. Idem deinde ho-
nos nobilium filijs habitus; primum à paternis clientibus,
deinde ab omnibus, qui inesse in ijs semina pater-
næ virtutis arbitrabantur. Ita virtus erat, quæ nobi-
les faciebat. Nunc qui propria destituti virtute nihil
aliud ad sui commendationem habent quàm inanem
maiorum memoriam, quæ honorem, quæ cultum
merentur? Venerabilis ista maiorum virtus, ex qua
præter memoriam nihil in posteris superest, similis est

magnificentissimis ædibus, ex quibus præter latrinam nihil ruina aut incendium reliquum fecit.

Illud etiam hîc notandum venit, æ grè seniores iuuenibus cedere; adeoq. imprudenter iuuenes admo-
ueri muneribus, & dignitatibus, quibus etiam senes
subiecti sunt. Nouimus quàm benè Sebastiano Ve-
nerio cum Ioanne Austrio conuenerit: cùm ille hunc
puerum, hic illum importunum senem appellarent.
Pro Venerio ætas, pro Austrio imposita dignitas erat.
(*v. M. Ant. Gratian. 1 v. de bell. Cypri.*) Fit etiam interdû,
vt senes parere indignantur; & iuuenes iubere erube-
scant &c.

*Haut perinde publicè vsui habitum, quam exitiosum mul-
tis.*) dixi ad lib. 1. verb. *Granium Marcellum &c.*

Ne quem magistratum sua uxor comitaretur &c.) de
hoc consilio aliisq., quibus corruptionibus sordibus-
que ius dicentium obuiam iri possit, plene dixi ad lib.

1. 1. verb. *Inter quæ L. Piso ambitum fori &c.*

Bellum forimidine morentur.) Ridiculum est, quod cû
in exercitibus bellisq. omnia in horrorem terrorisq.
imaginem composita sint, videanturq. & audiantur
vbique arma, viri, equi, tubæ, tympana, vltima in viliâ
scorta desinant. In castris Romanis capitale erat esse
feminam: sicut demonstrat in Antiquitatum libris
Thomas Dempsterus: cuius viri nuperrimè morti nō
possum, quin hîc ingemiscam.

Seuum, ambiciosum, potestatis auidum.) Egregia enco-
miâ mulierum, à virò profecta, cui concors coniugiû,
& sex ex vna liberi. Quid Socrati similis de Xantippe
aliqua diceret?

Castigatis obliquè patribus, quod cuncta curarum ad Principem reijcerent.) Erat hoc dominationis arcanum; Senatuum priuatarum causarum iudicatu obtinere; quò Principes dominatu liberiùs fruerentur. Tac. infr. hoc libro. *Sed Tiberius vim Principatus sibi firmans imaginem antiquitatis Senatus præbebat, postulata provinciarum adquisitionem patrum mittendo.*

Auunculum esse Sciani Blasum, atq. eò prævalidum.) Digna Manio Lepido, quem Augustus capacem imperii (Tac. i. annal.) haut vanè dixerat, prudentia, cedere maiori; & donare, quod bonis condicionib. vendi nequit. Stolidæ præsumptionis est, competere cum ijs, qui potentiorum favore nituntur.

Neq. quinquam in Capitolium, aliæque vrbis templa perferre, ut eo subsidio ad flagitia utatur.) Scimus tamen hodieq. quibusdam in locis vetustatem asyloꝝ magis tutam improbitatem præstare, quàm iustis solatijs explicare humanitatem. Ita ipsa Dei templa scelerum custodiam agunt, ad audaciam nouorum facinorum, & infamiam religionis. Statuebantur primitus asyla, & in illis securitas erat, qui non tam scelere noxii, quàm humana imbecillitate lapsi veniam & miserationem, quàm pœnam merebantur. Nunc flagitia hominũ, ut Optimi Maximi Dei cærimonix proteguntur. (Tacit. infr. hoc lib.) Modus igitur præscribendus; & hominum non item scelerum securitati prouidendum est.

Neq. luxus in iuuenæ adeò displicebat. huc potiùs intenderet diè adificationibus, nocte cõuijs traberet, quã solus et nullis voluptatib. auocatus mestam vigilantiã, et malas curas exerceret)

ceret.) Ita hominum iudicia sunt in iuuenibus latam voluptatibus adolefcentiam excusare; contrà querulam semper senum naturam, & fastidientem omnia censuram damnare. Vt enim arbores, quæ multo succo in inutiles ramos exuberant, tandem maturescente illa luxurie felicissimos prouentus alere possunt; ita iuuenes nimio æstu exultantem liberumq. animum nactos, tandem iusta & ad sapientiam sufficiente moderatione residere. Senes, dum præterita tempora sola beata prædicant, dum iuuentutis exerrantem, sed in orbitam olim redituram licentiam damnant, validioribus plerunque virijs obnoxios esse: tunc mala consilia, iram, & simulationem, & secretas libidines (*Tac. 1. annal.*) agitare, tunc improbas cupiditates ordinare &c.

Ob magnitudinem aris alieni rebellionem captanere: & pòst: per conciliabula & catus seditiosa diserebant. & pòst: egregium resumenda libertas tempus &c.) Duæ sunt præcipuè regnorum pestes, Ambitio, & Desperatio. Sed hæc illâ peior. quippe ambitio occasionibus intenta lentioribus procedit consilijs, quibus obuiam iri potest; desperatio vltimis consiliorum præcipitijs, quibus aut perit aut perdit, animum aperit. Sed abrupta illa consilia vel ex imminantium metu procedunt; vel ex æris alieni magnitudine. Ex flagitijs ac pænæ metu sanè maxima peccandi necessitudo est. Tunc igitur periculis per pericula quærere remedia, & manifestis flagitijs ab audacia subsidium petere optimum ducitur. Quibus ambigua domires, (*Tacit. 1. histor.*) & afflicta fides in pace est, turbatis rebus alacres, & per incerta tutissimos se putant (*Tac.*

(*Tacit. 1. histor.*) domesticis malis excidium patriæ opponere.
 (*Tacit. v. hist.*) & priuata vulnera, Reip. malis operire solent. (*Tacit. 1. hist.*) Publica quisq. ruinâ mauult occidere, quàm suâ proteri. Qui in Domitiani necem conspirauit, interceptarum pecuniarum reus fuit. (*Sueton. in Domit. c. xv. 1.*) In Gallia Syluanus desperatione ad rebellionem compulsus. (*Amm. Marcell. xv.*) Catilinam Salustius, & C. Cæsarem Plutarchus & Suetonius, ære alieno coactos tyrannidem affectasse testantur. Sed huius farinæ hominibus ea consuetudo est; priuatis necessitatibus aut ambitioni libertatem & tyrannidis depulsionem obtendere. Nec quisquam alienum seruitium & dominium sibi concipuit, vt non istud gratiosum in vulgus libertatis vocabulum vsurparet. Vt imperium euertant, libertatē præferunt: si peruerterint, libertatem ipsam aggrediuntur. Sed quacūq. specie scelus tueri & ornare moriuntur; diu est, quod eandem alii rebelles maculauerunt. Sandrocorus post mortem Alexandri Magni, velut ceruicibus iugo seruitutis excusso, præfectos eius occidit. Author libertatis fuerat; sed titulum libertatis post victoriam in seruitutem vertit, siquidem occupato regno populum, quem ab externa dominatione vendicauerat, ipse seruitio pressit. (*Justin. lib. xv.*) Arminium pro libertate pugnantem fauor habebat: sed idem pulso Maroboduo & abscedentibus Romanis regnum affectans libertatem popularium aduersam habuit. (*Tacit. 1. 1. annal.*) Vicecomites, patritij Mediolanenses immanibus illis partium studijs, quæ totam Italiam in Guelforum & Gibellinorum nomi-

na diuidebant, pulsus Guelfis, ciuitatis dominationem occupauerunt (*Guicciard. 1. hist.*) Olim in Frisijs, quod animo quisq. suo minus honestum conceperat, id penitus additum honestissima specie studij defendendæ libertatis popularis obtegebat. Omnes bonum publicum iactabant; pleriq; sub hac larua, suos affectus, suamq. cupidinem in aciem producebant. (*Vlbo Em. xxi. & xxi. hist. Fris.*) Gallici regni proceres nefandâ contra Regem suum conspirationem *Boni publici bellum* appellabant. (*P. Aemil. x.*) Solent hi tales gentium, turbatores *per conciliabula & cætus seditiosa disserere.* Ad præcipua oppida non vno prætextu diuertentes, magistratus in secreto, aut exhibito conuiuio hilariores monent, ne publicam libertatem prodant. Pessimis consilijs infestari patriam. meminissent se in regno, non sub tyrannide esse. Nec in Principem quicquam addunt, nisi ita perplexè, vt vel ipsi id possint excusare. Cùm his verbis incitatos vident, quasi familiaris agentes imperfectum aliquid inter suspiria, vel publicè, vel præcipuis in aurem loquuntur; vt piâ solitudine plura timere videantur, quàm quæ audeant euulgare. Inde plurimi in hos, vt patriæ columina aspicere, curaq. subtristi Principem fastidire occipiunt; cùm præsertim iactetur plerunque in populis, nunc contemptis popularibus ad publica negocia acciri peregrinos, qui nobilitatem & auitas opes iactantes domi æterna maiorum vilitate, vel furnarijs purgandis (*Rauchfangkehrer, Caminfeger*) vel aliâ ministeriorû forde sustentauerint ieiunæ vitæ supplicium: nunc tributa & portoria augeri: cædes deniq; imminere

ab infesto Principe. His artibus in ciuile bellum impulsimiseri non sentiunt ab initio, grauiora se sub rebellibus pati, quàm antè sub regibus tolerauerant: Tandem errore discusso, quid rebelles sint, & quid Rex fuerit, tristissima æstimatione pensant: cum non agnoscit vtilitatem promissam patria multa strage deformis. Pellitur pietas, iura negliguntur. Infidæ sunt euntibus viæ: domus viciq. passim rapinis, furore, incendio affliguntur. sola deniq. castra in squalentibus campis fulgentia. Ac vt membra, quæ violentia de naturali sede demouit, non nisi per violentiam in articulos suos redeunt, ita prouinciæ quæ hoc modo ab obsequio diuerterant, prius errorem multis cladibus expiare necesse habent, quàm antiquæ & à se projectæ rectitudini reddantur.

De continuatione tributorum.) Hæc frequentissima omnium ab omni quo rebellionum causæ: de qua dicā ad lib. i v.

Tulere auxilium: quò dissimularent defectionem.) Ea ciuiliū armorum condicio est, vt rebellium duces nō omnes suos ad aperta facinora educant. Aliqui remanent circa Principem, læuis animis; & illinc quidem militant, isthinc fauent. Sic infesta omnia Principibus; infidæ procerum sententiæ; consilia ad hostem delata, neque domi quàm in campis minus periculum.

Aspernatus est indicium aluitq. dubitatione bellum) nihil tutò in hoste despicitur: quem spreueris, valentiorē negligentia efficiet. (*Q. urt. v i.*) Viri fortis est, vt nihil timere, ita nihil contemnere. (*Liu. v i.*)

Nobilissimam Galliarum subolem, liberalibus studijs ibi operatam (occupauerat) ut eo pignore parentes, propinquosque eorum adiungeret.) Egregia firmandi principatus, tenendiq. in officio populos ratio. Simile Alexandri consilium est, qui Indiam & inde Oceanum petiturus, ne quid à tergo, quod destinata impedire posset, moueretur, ex omnibus prouincijs. xxxc. i. d. iuniorū legi iussit; obsides simul habiturus & milites. (*2. Cur. viii.*) Hannibal parto Hispaniæ Regno, quò res suas Carthagenensiumq. firmaret, ex interioribus ciuitatibus delectæ iuuentutis aliquot millia Carthaginem, non tam præsidium, quanquam id prætendebat, quā obsides fidei Hispanorum misit. (*Polyb. i. ii.*) C. Cæsar occupatā aliquā vrbe arma, equos, obsides exigebat; obsides legens omnes, qui aut manu prompti, aut boni consilio videbantur. In Britannos expeditionem mouens robur Gallorum secum abduxit. Xenophon Seuthæ Thracum Regi suavit, à Thinis, populo nuper à se victo, obsidum loco acciperet, quibus ad lædendum plurimum esset virium. (*Xenoph. vi. de exp. Cyr. min.*) Augustus Cæsar à quibusdam nouum genus obsidum, feminas exegit; quod negligi mariū pignora sentiebat. (*Suton. in Aug. xx. i.*) Commodus Imp. mos erat retinere apud se liberos illorum, qui in prouincias abibant. Et Philippus I. Franciæ Rex Procerum Vasconum liberos per speciem honorum aulicęq. gratiæ pro obsidibus abduxit. (*P. Aemil. i. ii.*) Et in Æthiopum Regis aula, regum stipendiariorum filij, prætextu militiæ & ministeriorum palatinorum, re autem vera obsides educantur. Heraclius Impera-

tor, quatuor millia delectæ iuuentutis ex Saraceno-
rum nobilitate excitos militi suo iunxit, per speciem
militarium munerum; re ipsa habiturus obsidum lo-
co. (*P. Aemil. in Dagob.*) Carolus Magnus Frisiorum à
se deuictorum militare robur in expeditionem con-
tra Saxones assumpsit. (*Vbbo Emm. 1 v. hist. Fris.*) Poly-
bius (*lib. 1.*) Carthaginiensium imprudentiam arguit,
quòd mercenariorum, quibus cum postea bellum ip-
sis fuit, vxores liberofq. dimiserant; quibus obsidum
loco vtì potuissent. Deniq. Guicciardinus (*1. histor.*)
Pisanorum rebellionem, quæ cùm Carolus VIII. Gal-
liæ Rex cum exercitu in Italiam venit, cœpit, præca-
ueri potuisse à Florentinis ait, si illi, quod aliàs in leui-
simis motibus soliti erant, Pisanorum præcipuos Flo-
rentiam euocassent.

Non multum huic arti dissimile est illud Sophis-
ma, quo Hispaniarū Rex Genuenses tenet: quoq. pri-
mum Carolus V. Imp. vsus est. Cùm enim ille Andream
Auriā intercedente arcem vrbi imponere, hoc est iu-
gum ciuibus non posset; (*Carol. Sigon. 11. de vita An-
dr. Aur.*) Genuensium pecuniā, quā ferè illorum o-
pes constant, mutuò sumpsit, eamq. graui fœnore pa-
uit: sicq. hominum quæstus dulcedine illectorum o-
pes sensim ad se contraxit; & urbem in ere suo, hoc est,
ciuium studia in potestate habuit. (*Thuan. lxi.*) Et hoc
respectu hodieq. liberius Genuensibus quam Medio-
lano imperare Hispaniarū Regem asserit Thomas C.
(*xiv. de Monarch. Hispan.*) cùm Genuæ nihil decerna-
tur, nisi volente aut sciente Rege: verentibus ciuibus,
ne, si lecus faciant, possessionibus & redditibus, quos
in

in Hispania habent amplissimos, spoliuntur. Simili ratione Ragusiis hodieq. Turcarum Imperatorem, & olim Florentinis Gallia Regem imperasse idem Camp. testatur. Et eadem arte olim Leuconem vsu, Polyænus (vi. *stratag.*) Et Eumenem Plutarchus (*in Eum.*) scribunt. Verum, quod de Hispanis dixi; sanè ita erant superiori seculo decantata Hispaniarum thesauri, vt stuperent timerentq. tantam opû vim ceteri etiam armati Principes. Sed multa sunt, quæ solâ famâ stare pristinas diuitias euincunt. Quid enim? cur tanto suo cum dispendio à Genuensibus mutuas accipit pecunias Rex? Scilicet, aiunt, vt ita velut pignori nexam habeat illius Reip. fidem. Sed quærere libet, cur, vt pignori teneat Rex Genuensiu animos, pignori mancipet regnorum suorum reditus, tres aut quatuor annis antè, quàm ipse eos perceperit? quæ politica, quæ œconomica ratio hoc præcipit? cur vsuras stipulantibus Genuensibus promittit tam magnas, tam enoëmes? cur tot ab Hispanicis exercitibus ob non representata stipendia audiuntur querelæ? tot seditiones? tot defectiones? Ego sanè aliorum relationibus didici, ex Indiis annuatim vix, vt nos numeramus, tres milliones ad Regem, reliqua ad priuatos; 000000 spectare: ipsam Hispaniam sterilem & desolatam: Ecclesiasticos decimis ac subsidiis nimis grauari: regni Proceres magnam partem decoxisse; deniq. Hispanos mercatores petenti Regi vix quingenta millia aureorum contribuere posse; vt ærealieno, quo Carolus V. & Philippus II. spontè obstricti Genuenses tenebant, hodiè Rex Hispania Genuensibus ineuitabili

necessitate teneatur.

Odiopraesentium & cupidine mutationis suis quoq. periculis latabantur.) Extremum malorum, & deploratae reip. argumentum, vbi tadio odioque praesentium & mutationis cupidine suis quoq. periculis letantur afflictae gentes; miseram pacem vel bello bene mutari arbitrantur.

Intolerantior servitus iterum victis.) quippe durioribus condicionibus iugum iteratò subeunt. Et inde Principes, qui restrictâ potestate certisq. legibus imperant, callidâ arte rebellionum initia non statim reprimere, sed *olere dubitatione* solent: quò deinde victis & deprehensis in scelere, quasi iure belli adimi immunitates, & quibus superbiebant, priuilegia auferri possint.

Quantò pecunia dices & voluptatibus opulentos, tantò magis imbelles.) Mercaturæ exercitium, cum solo lucro fines suos metiatur, abiectos facit animos, odio habet bellorum dispendia, & vitiosum pacis desiderium ingenerat. Ex quo consequitur, vrbes populosas artium manuariarum & mercimoniorum exercitio facilè in officio contineri. Harum enim maximè interest, esse pacem, cuius beneficio negocia florent, vigentque nec vllis carminibus aut incantamentis felicius populorum beneuolentia conciliari potest, quàm pace & ditescendi subministratis occasionibus. Itaq. parùm illi Reip. suæ conuersiones animaduertunt; modo mercaturæ suæ utilitate & lucri dulcedine non priuentur. Alterum, quod hîc noto, est, bella, quæ cum Rebusp. à Regibus geruntur, trahendo & cunctando plerumq. felicia

feliçia Principibus exire: Quantumcunq. enim illa cupide decernantur: tamē suscepta ob sumptus (quos naturaliter ciuitates horrent) molestias, & commerciorum impedimenta mox grauiā esse incipiunt. Inde q. vel ob stipendia parçē præbita, vel comæatuum inopiam, vel parū amicam de ducibus opinionem, quos plerunq. aut conspirare cum hoste, aut sui commodi causā trahere bellum suspicantur, quantumuis magnos exercitus dissolui necesse est. Tertium, quod hīc obseruo, est; longē aliam veteribus, Imperatorūq. constitutionibus causā fuisse, cur Nobilibus mercimoniis interdiceretur, quā hodiernis Gallorū Germanorum, Sarmatarum, Hispanorum moribus, à negotiationibus Nobilitatem excludentibus. Maiores nostri mercaturæ exercitium dignioribus idē non concedebāt; quia *perniciosum urbibus*, & potentiam nobiliorum obstituram commerciorum libertati cēsebant. (l. i. i. c. de commerc.) Nostri autem persuasum est, vile, atq. nobili generositate indignum, istud esse exercitium. Quæ opinio, non tam quod omninō vera sit, quā quod ea Principum arte primū seminata, nunc etiam alatur; inualuit. Cū enim illi magnitudinem suam atq. securitatem in armis consistere sciant; nec ignōrent, Nobilitatem semel degustatā lucri ex mercimoniis proueniētis dulcedine abiectis armis negotia mercantilia seclaturam: necessarium fuit, eam illis sententiā paradoxo proximā infunderē, quā acquirere sibi emendo vendendoq. vile & abiectum, aliis latrocinari gloriosum esse crederent. (v. Bocc. cens. l. cap. xxxix.)

Neq. decorum Principibus, si una alterave ciuitas turbet, omiſſa urbe &c.) v. not. ad librum 1. verb. non omittente caput.

Auſtorem (.Caſari prauitatis & discordiarum arguebat.) v. quæ dixi ad lib. 1. 1. verb. inuiſus Tiberio, quòd eum Rho-di agentem &c.

Sed cæteris hanc lœta memoria Quirinij erat.) Falluntur Principes, qui quâ indigni quidam apud illos gratiâ florent, eandem apud omnes eſſe arbitrantur.

Vana à ſceleſtis, dicta à maleficijs differunt.) Ita s. lib. 1. facta arguebantur, dicta impunè erant. v. quæ dixi ad lib. 1. verb. immoſum aduerſus eos ſermoneſ &c.

Neq. carcer, neq. laqueus &c.) Egrègia ratio monendi potentiores; non intempeſtiuiſ contradictionibus, & contumaci libertate illos irritare; ſed quò ab inſanis audiamur pacatiores, primùm eòſdem ſimulare affectus: Nec enim ira ſub primum impetum vllâ prudentia conſiliove tractabilis eſt. Hoc modo Otho Marium Celſum ad ſupplicium à militibus expoſtulat, ſimulatione iræ vinciri iuſſum & maiores pœnas daturum affirmans, præſenti exitio ſubtrahit. (*Tac. 1. biſt.)*

Factum Senatus conſultum, ne decreta patrum ante diem decimum ad ararium deferrentur, idq. ſpaciū vitæ damnatæ prorogaretur.) Theodoſius Imperator triginta dieſ à dielate ſententiæ conſtituit, intra quos ſententia capitalis executioni non mandaretur. (*l. xx. C. de pœn.*) Imperium nihil eſt, niſi cura ſalutis alienæ; bonique moderatoris eſt reſtringere poteſtatem, reſiſtere cupidi-

piditati & implacabili iracundiæ; nosseq; , vt Cæsar Dictator aiebat, miserum esse instrumentum senectutis recordationem crudelitatis: ideoq. de vita & spiritu hominis, qui diuinitatis pars est laturum sententiam diu multumq. cunctari debere, nec præcipiti studio, vbi irreuocabile factum est, agitari. Apud Proconsulem Asiæ Dolabellam Smyrnea materfam. filiū propriū & maritum necasse confessā est, quod filium suum ex priore matrimonio susceptū ab eis occisum comperisset: & comperendinata, cū consiliū, ad quod ex more delata est, anceps quid inter vltionē & scelus statui debeat, hæsitaret, ad Arcopagitas missa est. Hi causā cognitā centesimo pōst anno cum accusatore mulierem adesse iusserunt: ne aut absoluerent veneficam, aut filij vlticem punirent. Ita nunquam tardum existimarunt, quod est omnium vltimum. (*Ammian. Marcell. xxix Valer. Max. viii. c. i. A. Gell. lib. xii. c. vii.*) Cunctator esse debet, qui iudicat de salute hominis. Aliā sententia potest corrigi; de vita transactum non patitur immutari. (*Cassiodorus vii. var. i.*) Laudandus igitur Mauricius Imp. tardissimus ad irrogandam capitis pœnam; quod delicta pœnitentia quā supplicio sanari melius putaret. (*Theophilact. Simocatt. i. bist.*) In quam sententiam etiā apud Thucydidem (*lib. i. l.*) est elegantissima Diodati Atheniensis oratio, lectuq; dignissima.

Aduersum luxum, qui immensum proruperat, ad cuncta quæ pecunia prodigitur.) Quod idem sanè de nostris temporibus verè dici potest. Galli, Germani, Itali, Hispani, Sarmatæ præcipuè luxus infamia laborant. Sed

Sed in his populis alibi procerum tantum & nobilitatis id malum est, alibi etiam ad oppidanos homines peruenit. *Creuerunt eluies, & gurgites prærupti conuiuiorum, & epulares triumphi, usq. abundantis serici; & textiles auctæ sunt artes, & culinarum sollicitior cura; & ambitiosa ornatarum domorum sunt spatia.* (Ammian. Marcell. xxii.) A serico peruentum est ad aureas & argenteas vestes; ab his ad texta serica, quæ margaritæ & varij generis lapilli implent per suos colores distributi. Quid catenæ dicam, & gemæa cingula, & adamantinas fibulas, & bina ternaq. patrimonialia mulierum auribus pendentia? & feruentia saltantibus equis stabula? & ministrantium exercitus? & quid non? Digna principibus imò necessaria cura foret, providere, ne dītes familiæ, aut claritudine insignes studio magnificentia prolabantur. Sed opinor, ex aliorum inopia securitatē sibi conciliari nunc persuasum est Principibus.

Omittere potius præualida & adulta vitia, quàm hoc adsequi, ut palam fieret, quibus flagitijs impares essemus. Nocet sæpè antiquus rigor, & nimia seueritas, cui iam pares non sumus. (Tac. i. bist.) Eleganter de dictatore Sulla Lucanus: (lib. ii.)

-dumq. nimis iam putrida membra recidit,
Excessit medicina modum: nimiumq. secuta est,
Qua morbi duxere, manus. periere nocentes,
Sed cum iam soli posset superesse nocentes.

In omni vitæ genere sunt, quæ à pristina sanctitate & maiorum innocentia ita degenerarunt, ut coercitio fortassis plus damni in Remp. latura sit; præualidis ita

& adultis vitijs, vt qui vlcus hoc tangat, non aliud effecturus sit, quàm vt palàm fiat, quibus vitijs impares simus. Non possum hoc efficacius dicere, quàm expressit hac sua ad Senatum oratione Tiberius: quæ tamen de solo luxu est, & sumptuariæ legis contemptu. sed alterum quoq. exemplum est in militia nostra, quæ in tantam degenerauit licentiam, vt nullis modis ad veterum disciplinam reuocari posse videatur. Quippe conuiuendo intenduntur flagitia, & seueritatem non fert inueterata licentia. Marchio Marignanus, præstantissimus ducum, qui superiori seculo floruerunt, quòd duos ex tribunis, meritos sanè in quibus exempla faceret, supplicio capitali affecisset, adeò ceteros offendit, vt multi duriciem eius, & perpetuos labores causati missionē flagitauerint. (*Io. Bapt. Cin. v. de vita (osmi.)*) Pius V. Pontifex Maximus, cum mulieres, quæ corpore quæstum Romæ faciunt, certæ vrbs regioni clausas degere iussisset; ex eo sæpius monitus est, adulteria, incestus, & cetera quæque infanda frequentius patrari.

Diuites satias in melius mutet.) Quanquam ea inueterati huius mali vis est, vt mediocribus remedijs sisti non possit: attamen Principis exemplum fortassis validius esset, quàm pænæ ex legibus & metus. En morbum Tiberij iudicio præualidum & omni medicina fortiolem Vespasianus sustulit; non pœnis, non legibus, sed suo exemplo; antiquo ipse cultu, victuq;. Obsequium inde in Principem & æmulandi amor. Alterum consilium est, pœnas luxui statuere, & omnibus rebus, quib. ille instruitur, vetigalia tributaq;

imponere: vtiq. multò maiora, quàm frumento, cæte-
risq. rebus, quibus necessariò etiam pauperes vtun-
tur. Quidam odio habebunt insaniam tanti emen-
dam: aut, si nec tunc resipuerint, saltèm ex prodiga-
litate sua iactantium etiam ad Principem pars perue-
niet.

Magnitudo fame exitio erat) v. quæ dixi ad lib. 1. verb.
caterum Tiberio hant &c. & ad hunc lib. s. verb. *fato po-*
sentis &c.

Obsequium inde in principem & *emulandi amor* &c.) De
Principis exemplo eiusque vi in animis ciuium nemo
est, qui non aliquid adnotauerit. Ego igitur, in quibus
ab aliis præuentus sum, non tango.

Ne Regis aut dictatoris nomen assumeret) v. quæ dixi ad
lib. 1. verb. eadem magistratum vocabula.

Ne successor in incerto foret) v. quæ notavi ad lib. 1. verb.
subsidia dominationi.

Nec omnia apud priores meliora.) quod eleganter, vt
omnia, demonstrat in principio libri secundi Baltha-
sar Comes Castilionæus; & singulari opere Secundus
Lancellorus Perusinus. (*in libro quem Hoggidius inscripsit.*)

Ad disquisitionem patrum mittendo) v. s. lib. 1. verb. *Ea-*
dem magistratum vocabula.

Impunitas asyla statuendi) dixi s. hoc eodem lib.

Non ex rumore statuendum.) Cùm Delphidius ora-
tor, documentorum inopia apud Iulianum exclama-
set: Ecquis Cæsar, nocens esse poterit vsquam, si ne-
gare suffecerit? Iulianus respondit Ecquis innocens es-
se poterit, si accusasse sufficiet? (*Amm. Marc. adde l. ult.*
C. de accusat.)

Excitari quosdam ad meliora &c.) dicam ad lib. v. 1.

Et Pontificis maximi arbitrio plus quam binoctium abesse: dum ne diebus publici sacrificij, neu sapius quam bis eundem in annum.) Tanta cura sacrorum fuit, etiã qui nulla sacra habebant. Nunc *beneficiati* interdum Ecclesiis suis penè tam rari ignotiq. sunt, quàm Hispaniarum Rex populis, quos in Indijs imperio suo tenet. Paulus IV. Pontifex vitam religiosam professis in cœnobis, unde qualibet ex causa exierât, præstitutâ die nulla mora aut excusatione adhibita, redire præcepit: ne id facerent, à sacrorum communione excluderentur; quæ sacerdotia obtinerent, Apostolicæ sedi cederent; obtemperare detrectantibus, ut ab alijs internosceretur, pileo aut galero lineum album filium imponere iussit. Adeoq. seuerè in eo edicto exequendo enitebatur: ut complures in Pontificis ditione satellitum manu in vincula truderentur; alij in triremes conijceretur. Sed tanta ex ea lege hominũ turbatio ac tumultus Venetijs maximè, quã urbẽ, qui edicto parere nonlebant aut non poterant, ad triginta millia, ut tutissimum perfugium elegerant, exortus est, ut pleriq. desperatione adacti in Turcarum oras proficisci, vel in Germaniam migrare statuerent; quidam in ædibus delitescentes rei exitum, ac Pontificis propinquum lethum, expectarent. (*Andr. Maurocen. vii. Hist. Venet.*)

Pompeij theatrum igne fortuito haustum (esar extructurum pollicitus est.) Augustus inuenisse Romam latericiam, & relinquere marmoream gloriatus est. (*Suet. in Aug.*) Et sanè ædificandi studium non solum inge-

nuam quandam habet voluptatem; sed & magnificentiam principum auget, ciues ad architecturam, sculpturam, picturam aliasq. egregias artes excolendas inuitat: pauperes deniq. inde quotidiano labore victum sibi procurant. Vias publicas lapidibus sternere, flumina pontibus iungere, muros ciuitatum reficere, adq. eam redigere securitatem, quam diabolice oppugnandi artes atque instrumenta hodiè requirunt; munimenta locis opportunis, templa item & Nosodochia, Gerontocomia, orphanotrophia constituere, porticus & bibliothecas aperire: deniq. sistere ruinas, solitudinem pellere, ingentia opera eodem, quo extructa sunt, animo, ab interitu vindicare &c. Hæ sunt structurę principis curas exercere dignę. Infamia Neronis fuit, domum ædificare, in qua haut perinde gemmæ, & aurum miraculo essent, solita pridem & luxu vulgata, quàm arua, & stagna, & in modum solitudinum hinc syluæ, inde aperta spacia & prospectus.

(*Ceteros quidem ad spem alliceret, arma sine noxa ponendi, ipse ducts quoquo modo potiretur.*) Optima ratio similia extinguendi incendia. Princeps furoris præteriti omnibus gratiam faciat, si qui defectionis pœnitētes ad ipsum transuerint. Quicquid hætenus est delictum, nullum forum, nullam legem vindicaturam. Hanc veniam suâ fide publicè sanciat. Excusiet plerisque ista benignitas, & in cōtrarium, si perstiterint; metus, insaniam. Multi per circuitus dilabentur, hi commilitones sequentur, illi trahent. Ducis ita destituti potius di facilis erit aliqua ratio.

Capitonis obsequium dominantibus magis probabatur.)
dixi ad principium huius libri.

Præfulgebant Cassius atq. Brutus eo ipso quod effigies eorum non visebantur.) Frustra laborat invidia con-
spicias & laude dignas actiones sua malignitate ob-
scurare: & egregijs facinoribus *negatus honor gloriam*
intendit. (Tac. i v. annal.) Labconi quod præturam in-
tra stetit, commendatio ex iniuria, Capitoni, quod
consulatum adeptus est, odium ex invidia oriebatur.
(*Tac. hic*) Ælio Lamix non permissa prouincia digna-
tionem addidit. (*Tac. i v. annal.)*

Finis Notarum politicarum in li- brum tertium Annalium.

C. CORNELII TACITI.

CHRISTOPHORI FORSTNERI AVSTRII

NOTÆ POLITICÆ

ad librum III. Annalium

C. CORNELII TACITI.



V M repente turbare fortuna cæpit.)

Nescio quo fato fiat, ut nunquam fortuna eandem vni faciem vîq. ad extremum vitæ ostendat. Nihil de Cræso dicam aut Polycrate: quorû yterq. cum felicitatem suam ipsi mirarentur, alter suspendio perijt, alter à viuicomburió parû abfuit. Carolus Magnus à Saracenis magna clade in descensu montis Pyrenæi affectus, discere potuit, deficere suam fortunam. Nec Quinti Caroli ad extremum fida constansq. fuit felicitas. Nam & per duces suos detrimenta accepit, & à Germanis fugatus, & Mediomatricum urbem frustra tentauit. Suleimano deniq. ut valida in rempub. Turcicam fortuna, ita domi improspéra fuit, ob emulationes aut ambitionem filiorum, quos morte quoq. punire necesse habuit. Sed nec in Persas expeditio priori gloriæ respondit. Ita quæ in vegeta ætate viget floretq., in senibus marcescit, felicitas.

Sauire ipse, aut sciens vires præbere.) Dicam ad librum sextum, quæ fiat, quod senes, in quibus languescere cholera debebat, ad crudelitatem inclinationes sunt.

Mox Tiberium varijs artibus deuinxit adeò, ut obscurum aduersum alios sibi uni incautum intellectumq. efficeret.) Merito miratur Tacitus, Tiberium tanta experientia, tanta prudentia adeò à Seiano falli potuisse; huiusq. rei causam non Seiani solertia, sed Deum iræ in rem Romanam adscribit. Et sanè indigna res est, Principes, qui sæpenumero non extraneorum modò, sed filiorum quoq. & proximorum ambitionem suspectam habet, nec dominationis socium vlllo modo ferre queunt; vel sua stupiditate, vel aliena fraude eò adduci, ut se infamia faciant seruorum suorum mancipia. Res miraculo proxima, illos, qui ante susceptum principatum spiritus ambitione inflatos, animum extremè dominationis sitientem prætulerant, post, abdicato quasi à se omni imperio, pudendam metamorphosi, omnem potentiam alijs transcribere. Miraculum, cuius non magis, quàm quod magnes ferrum trahit, causam reddi posse Boccalinus ait. Et tamen exemplorum frequentia, cum demere stuporem deberet, augeat. Ecce Galbatrium nequissimorum arbitrio regebatur. (*Suet. in Galb. xiv.*) Claudius ab uxore & libertis, ut à paruo Æthiope Elephas circumagebatur. (*Sueton. in Claud. XXvi i i.*) Ioanna I. Neapolitana regina ad Philippum Catanensis (fuerat hæc olim fullonis uxor, cuius historiam singulari libello scripsit Petrus Matthæus Gallie Regis Historiographus) & Ioanna II. ad illo-
rum

rum nutum imperabat, quibus corporis sui inhonestam permittebat vsuram. (*Guicciard. 1. hist. Scip. Amirat. in lib. de vita Joanna II.*) Cōstantius Imperator apud Eusebium cubiculi sui præfectum plurimum valebat. (*Ammian. Marcell. xv 111.*) Franciscus II. Franciæ Rex Guisij omnia tribuebat. (*Thuan. xx 1 v. xxv.*) Apud Carolum V. Gonzaga, Mendoza, & Episcopus Atrebatensis (cuius pater ferrario fabro apud Vesontionē in Sequanis natus erat. (*M. Anton. Gratian. lib. v. de bell. Cyp.*) omnia poterant (*Thuan lib. viij.*) Carolus VIII. Franciæ Rex ad Guilielmi Brissonetii & Stephani de Versarbitrium viuebat. (*Guicciard. 1. hist.*) Sulcimanus à Rustane Bassa pendebat. (*Thuan.*) Clemens VII. Pōtiffex à Nicolao Scombergio Germano, & Ioāne Matthæo Giberto, quò vellent, ducebatur. (*Guicciard. xv 1.*) Philippus II. Hispaniarū Rex Antonio Perezio. (*Thuan. T. C. 1 x. de Monarch. Hisp.*) & Episcopo Atrebatensi, (*Conestagg. 1. de bell. Belg.*) nimium credebat. Philippus 111. Lermæ Duci à seruitijs erat. (*Euphorm. in Satyr.*) &c.

Sed quàm lubrico loco stent hi tales, quàmque sine faciles cadere, ad superiorem librum dixi. Nunc videamus, quid ex hac effusè amandi caligine redundet in ipsos Principes. Primùm non opus est dicere, hos tales, de quibus nobis sermo est, ferè maiores spiritus sumere, quàm quos deindè facile coerceant ipsi rerum domini. De hoc enim satis abundè dictum est ad librum secundum. Tùm æmulos, aut prioris aulæ veteres ministros variis causis, & alios per speciem honoris remouere laborant: suisque clientibus regiam

implent. Quomodo Scianus inrepebat paulatim militares animos, adeūdo, appellando: simul cēturiones ac tribunos ipse deligebat: neq. senatorio ābitu abstinēbat, clientes suos honorib. aut prouincijs ornando. Ipsū quoq. Principē ab intimā publicarū rerū cognitione, quam maximē possunt, excludunt. Nā tunc oīa tutissimē possunt, cū domini rerū ignoratione & credulitate in ipsos laborant. Sūmā industriā adnituntur, ne quis Principē propiūs adire, & erroris ipsū admonere possit. Præterea paullatim negocia, populi ad cursus, multitudinē adfluētiū increpare extollere laudib. quicquid & solitudinē artis est. Ita enim Principes plerunq. ad vitā amœnis locis degendam, ad hortorū villarumq. delitias, ad venationis intemperantiam impelluntur. Tūm hi tales literarum ab exteris, à legatis missorum arbitri sunt: hi peregrinorum Principū oratores primi audiunt: hi deniq. nihil, quàm quod placet, ad Principem referunt. In hac verò libertate, quas cum exteris amicitias, si velint, nō obruant, aut iniurias atque fraudes præcorrupti non mulceant? Quippe tantæ potentię viros clām vicini Principes solent vel muneribus aggredi, vel, quod valentissimum ambiendi genus est, penē tanquam æquales sic colere, vt vix intelligant se sollicitari ad turpissimam seruitutem. Faores, proemia, & honores, quibus aliorum Principum, amicos quidam afficere solent, tentamenta sunt fidei, quā penē plusquàm coniugali Principi suo tenentur ministri. Nam horum animi, horum studia ita cum Principis dignitate coniuncta esse debent, vt, quod pudicarum mulierum est, non modò non amare aliū,

sed ne oculis quidem lasciuis intueri debeant. Qui igitur muneribus, qui honoribus coli se patiuntur, tam precioso concussi fulgure atq. excæcati nihil præter tam munificum largitorem vident, eiq. se vel cū domini sui proditione mutuas vices debere putant: aut, si leuissimè scelerati sunt, nec omninò his machinis concesserint, saltem debilitatam fidem non opponent illius consilij, quem illicito federe sic amabunt. Porro cum illi, qui in immensum regiâ manu subiecti sunt, nimia potentia inuidiâ laborent, sicq. regantur à domino, vt peti nisi per illius latus non possint; licentiùs turbæ fiunt, Rex ipse vellicatur, & sub aliquo nomine proteruiùs vapulat: ac auaritiæ flagitiorumque alienorum infamiam subit. Deniq. nihil ad egestatis humanæ contemplationem flebilius est, quàm cum Reges immensis donis amari se putant: cum potius si quid in illis, quos sic extollunt, veræ amicitia antè fuit, plerunq. imprudens liberalitas extinguat. Quamdiu enim Regū amici sensu fruuntur lætæ quidem fortunæ, sed modicæ, & velut fragiliores hederae arbore egent, in quam recumbant; tamdiu patrum incolumem volunt: vel quòd ab eò pendeant, vel saltem quòd ab eius calamitate nihil utilitatis expectent. At postquam validiori trunco, suæ magnitudini nituntur, sensim ramos expediunt ab arboris nexu, quâ fulciente iuerunt in altum; vt vel eâ cadente stare sublimes possint. Suas, inquam, res à Principis salute festinant sciungere, quemq. illi debent amorem, sibi impendunt. Quippe Principem sciunt ab amandi furore reuocatum posse horrere ad suos errores,

res, & quam condidit potentiam, vltro metuere: deniq. propemodum esse fatale, vt postquam Rex summo illi fastigio quenquam admouit, alteruter ruat. Iam tùm ergò ab ipso cauere incipiunt, & futuræ emulationis suspicionem præsentibus dolis vendicant; eò commissa negocia flectentes, non quò Regis existimatio vel utilitas inclinât, sed vnde sibi securitas infortunatam, & proditum Regem affulget. Vnde Suleimanno Turcarum Imperatori dicere solemne fuit, Principem vno ministro non nisi semel vti debere. Fidem quippe ministri eò vsq. sinceram esse, quò domini gratiam assecutus fuerit. post id non vltà domini salutem, sed suum commodum spectare. Et tamen fatendum est, huius infidelitatis causam sæpè in ipsis Principibus esse; quorum ingratitude facit, vt ministri negocia flectant, vnde sibi utilitas redundat. Cùm enim Principes non nisi cùm pluit, penulâ vti velint, & focum, quo se hyeme fouerant, æstate redeunte negligant; hoc est, cùm non vltà, quàm ipsorum operâ indigeant, suos ministros curent: illi quoq. ita sibi demandata negocia gerunt, quò ipsis nunquam carere dominus possit: aut, sicut piscator, vbi se satis opulentum vider, damnat ingratum laborem, retia rumpit, scapham comburit: ita qui in aulis rem fecerunt, malunt ad ocium secedere, fruiq. partis, quam sterilibus imposterum officijs Principem demereri.

(Corpus illi laborum tolerans &c.) v. s. ad lib. 11. verb. copiaq. & affluentia &c.

Numeroq. & robore & visu inter se fiducia ipsis, in ceteros metus cresceret.) Nullum est contra militares fedi-

tiones efficacius remedium, quàm spargere & diuidere militem, nec vnquā concedere, vt magnus exercitus ociosus desidens seipsum mirari possit. Ita Tac. 1. Hist. de Germanicis exercitibus: *ante bellum centurias tantum suas turmasque nouerant: exercitus finibus prouinciarum discernebantur. tum aduersus Vindicem contractae legiones, seq. & Gallias expertae, quaereretur sus arma, nouasque discordias. &c.* & 11. hist. *fremere miles, & vires suas circumspicere. septem legiones statim &c.* & eodem libro: *militari astu, cohortes turbidas, ac si vnā forent, praeualidas, dispergendi, partem Batauorum ire in subsidium iubet.* Drusus quoq; Pannonicarum legionum seditionem suspicionem ferendo, legionem à legione dissociando compressit. (Tac. 1. annal.) Et Vitellius praetorianas cohortes, è quibus ipsi metus erat, separauit. Sed quoniam ad librum primum de seditionibus & coniurationibus dicere omisimus: operæ precium erit nunc quædam adnotare. Primum illud sciendum est, cum periculosa consilia, quò accuratiùs perpenduntur, eò segniùs constitui atq; expediri soleant: fieri plerunque, vt omnes coniurationes, quibus conficiendis aliquid spacij intercedit, euulgentur. Quòd eo magis, sit, si inter plures iuncta sit coniuratio. Cum enim (cuncta præmio & metui peruia sint; difficilimè secretum inter tot homines reticeri potest; timidos maximè & imbelles. quippe & viros inter armorum strepitum, educatos, cædibusq; innutritos sæpè in eiusmodi conatibus animum perdidisse accepimus. Id etiam de coniurationibus notandum est, solere eas nundinarum, nuptiarum, feriarum aliarumq; celebritatum tempo-

re expediri. Ita Claudius Civilis specie epularum sacrum in nemus vocatos ad conspirandum contra Romanos inuitavit. (*Tac. iv. hist.*) & Belgæ Bruxellis in Montignii nuptiis in Hispaniarum regem coniurarunt. Et Hugonoræ specie nuptiarum Nauarræ Parisios ad suum exitium allekti sunt. (*Conestagg. i. & v. de bell. Belg. Thuan. l. ii.*) Ceterum de instruendarum coniurationum ratione, earumq; difficultate Florentinus in disputationibus ad Liuium latè disserit: quibus autem consiliis cauti Principes illas represserint, neq. Florentinus ibi tractat, nec ab aliis, quod ego quidem sciam, nisi leuiter ostensum est. Quò diligentiùs nobis in hoc argumento elaborandum. Quamquam igitur vis interdum succedat: tamen & sepiùs ea rerum condicio est, quæ violentum istud remediũ non ferat. Quid enim si magna sit alicuius Catilinæ potentia? quid si ipsa plebs in pauciores concita insaniat, & plurium vecordia constantiam eximat? Blæsus, cùm quosdam ad terrorem ceterorum adfici verberibus, claudi carcere iussisset, flagratiorẽ inde vim fecit, pluresq; seditioni duces dedit. (*Tacit. i. Annal.*) Dax Athenarum, Florentinorum tyrannus, cùm in se coniuratum rescuiisset, vnum ex suspectis comprehendendi iussit. Vnde ceteri armis arreptis illum vrbe eiecerunt. Guilielmus Pazzus Florentinus, cùm Aretinos defectionem parare præsensisset, nõ libratiss suis aut rebellium viribus, inermis Aretium profectus, cū ex coniuratis vnum in carcerem coniici mandasset, à ceteris ipse captus est. Necessẽ igitur est, mensurare vires suas, & vbi dubius esse potest exitus, aliis, quàm

violentis insistere consiliis. Primum itaq. nihil omnino, quantumvis leue videatur, spernendum est, unde Reip. benè vel malè esse possit. Parua scintilla contempta magnum sepe excitauit incendium. nihil turdò in hoste despicitur: quem spreueris, valentiorē negligentia efficiet. Viri fortis est, vt nihil timere, ita nihil contemnere. E leuissimis vaporibus nubes generantur; quę deinde atrocissimas effundunt tempestates. Quare prudenter M. Cicero Fuluię, femine licet indicium, in Catilinaria coniuratione, minime reiecit: (*Sallust. in Cat.*) & contrà infeliciter iuxta ac imprudenter Philotas detectam sibi a vili scorto coniurationem contra Alexandrum celauit. (*2. Curt. v. 1.*) Nihil est in districtis negociis tam leue, quod non interdum etiam contra sperata magnarum rerum momenta afferat. In suo quemq. periculo magnum animum habere decet: cū de salute Principis aut Reip. timetur, credulum esse conuenit; etiam vana deferentes admittere. Pōst, vbi fraus nondum quidem detecta, at suspecta tamen est: omnibus modis operam dare oportet, vt in penitiorem cognitionem veniamus. Quod vbi factum, iniicienda seditiosorum aut coniuratorum consiliis mora est; vt ita omnia detegantur, nobisq. muniendi nostri tempus suppetat. Et pertinet huc, quod quidam monet, obiiiciendam esse coniuratis falsam occasionem, quā alio tempore commodius, atq. nunc coniurationem explicare se posse autument: quo sophismate etiam Romani vsi sunt. Nam cū duę legiones, quę Capuę in hybernis erāt, contra Campanos coniurassent; Romani sparserunt fa-

famam, legiones etiam sequenti anno ibidem hybernaturas. Inde coniurati spatium nactos se rati maturius consultandi, distulere scelus, donec Rutilius Cos. mederi malo potuit. (*Liv. viii.*) Hanc artem aliæ excipiunt, quas per exempla docebimus. Romani ad motus extra urbem propellendos bellum aliquod simulabant, aut parabant. Hoc modo tribunitios furores represserunt: (*Plutarch. in Camill.*) & Sylla spectante ad seditionem milite trepidum nuncium de hostis aduentu finxit. (*Front. lib. i. c. ix.*) Et similis de Theagene Atheniensi extat historia apud Polyænum, (*vii. Stratag.*)

Constantius Cæsar auro per turbulentos seditionū concitatores distributo rebellionem sedauit. (*Amm. lib. xiv.*) Et Iustinianus factiones ob colorum diuersitatem ortas compressit, seditionis auctoribus corruptis. (*Zonar.*) Pisander & Drusus suspensiones ferendo periculum seditionis discusserunt. Et sanè non exigua prudentiæ pars est, etiam in iusto bello, proditiōnis suspectum reddere illum, cui maximè publica hostium res innititur, vel aliunde illi conflare inuidiam; eamq. notam ducum artem Tacitus (*iv. hist.*) appellat. Lacedæmonij, cū scirent, Periclis ductu atque auspicio Athenienses bellum Peloponnesiacum gesturos, & viri virtutem metuerent, sacrilegium hostibus exprobrarunt, eiusq. se, ni expiaretur, vindices profelsi sunt. Quod non cum in finem dicebant, quod Athenienses moueri posse sperarent, sed ut Periclem, cuius mater etiam sceleri, quod obiectabatur, participauerat, inuisum populo redderent. (*Thucyd. lib. i.*)

Ea-

Eadem arte Hannibal, cum in agros Romæ vicinos ignem immisisset, & ad Q. Fabij segetes ventum esset, ceteris omnibus clade atq. incendio vastatis, iis tantum abstinere iussit; ac etiam custodes adhibuit, qui inde capere quicquam prohiberent. (*Liv. xxi. 11. Plutarch. in Fab.*) Cerialis quoq. idem factum extat apud Tacitum in quinto Historiarum. Et cum Pericles ob hospitij & familiaritatis ius, quod sibi cum Archidamo hostium Rege intercedebat, vereretur, ne is, cum civium suorum agros videret, suos intactos sineret, seque in prodicionis suspicionem adduceret: initio premonuit populum, Archidami se olim hospitio usum: neq. sibi fraudi esse debere, si ille fortassis agris suis parceret. malle se publicos illos fieri, inq. civitatis censum redigi. (*Thucyd. 11. Justin. 111.*)

Alfenus Varus in exercitu Vitelliano castrorum praefectus seditionem compescuit, veritis obire vigiliis centurionibus, omisso tubæ sono, quo miles ad belli munia cictur. Inde torpere cuncti, circumspectare inter se attoniti, & id ipsum, quod nemo regeret, pauentes, silentio, patientiâ, postremo precibus ac lacrymis veniam quærebant. (*Tacit. 111. hist.*) Et quod occiso per insidias Alexandro Florentia Duce populus Florentinus pro recuperanda libertate arma capere non potuit, ea inter alias causa fuit; quod iam ante Clemens Pontifex Basilicam, ad quam in eiusmodi turbis plerumq. concursus fieri solebat, militum presidio munierat, & vexilla atq. ordines, in quos urbana plebs describi solebat, adempti erant: ita ut nec caput turbandis rebus, nec locus, nec rei gerendæ ratio in-

expedito esset. (Io. Bapt. in lib. 1. de vita Cosm.)

Sultani Aegyptij infinitam hominum Cairum incolentium multitudinem suspectam habentes, præaltis urbem fossis distinxerunt; adepturi hoc modo infido populo coeundi facultatem. Et inter eas causas, quibus Venetiarum per tot secula constantem pacem atq. tranquillitatem nullę vnquam ciuium coniurationes sollicitarunt, eam vel præcipuam arbitratur Io. Boterus, quod interfluentibus passim aquis (canales vocant) in multas veluti partes diuisa sit ciuitas.

Super hæc Romani plebem seditiosam in colonias deducebant; (Liv. x.) eiq. agros diuidebant; quo ab seditiosis consiliis, quę ex ocio proueniunt, ad agriculturam verteretur. (Dio xxxviii.) Militem seditiosum per prouincias sparsum externis bellis illigabant. (Tacit. i. i. histor.) Et simile quiddam est, quod hodię quieti imperii Heluetiorum, præter democratię morem turbis & seditionibus minimę obnoxii, eā esse præcipuam causam quidam putant, quod illi stipendia apud externos Principes facere soliti hoc modo egerere possint, quicquid in suis urbibus turbidum: quam eandem ob causam Magnum Hetrurię Ducem classem perpetuò alere Traianus Boccalinus scribit, cui milites & remig es attribuat urbium suarum purgamenta. Paucos ante annos, Viennę Austrię nulla penę abibat septimana, quā non vnus aut plures furtis & latrocinijs insignes gladio percuterentur, longaue fierent litera. Nec id mirum in vrbe magna, populosissima, omni mercimoniorum genere, & Cæsaris

aulâ splendidissimâ; in qua non magis virtutû, quàm vitiorum collegia, & ne parùm dixerim, cœlum cum tartaro mixtum . Nunc in eadem vrbe ferias agunt cruces & patibula, & omnis suppliciorum seueritas in castra migravit . Cuius rei ego non aliam reddo causam, quàm quòd, ex quo bellorum incendio correpta est vniuersa Germania, non illius extinguendi causa, sed vt ex incendio, ruinâ, naufragio patrie raperent, agerent, ferrent pessimi fures, accurrerunt pleriq. omnes, quibus ob egestatem & flagitia maxima peccandi necessitudo erat.

Affines sunt populorum translationes, & veluti transplantationes: quarum plurima sunt exempla . P. Æmilius, subtraçturus Macedonibus omnem rebellionum materiem, primores gentis cum vniuersâ familia in Italiam transportauit . Constantius Imper. Sarmatis alias sedes dedit. (*Ammian. xviii.*) Philippus Macedonum Rex, vt pecora pastores nunc in hybernos, nunc in æstiuos saltus traiciunt, sic ille populos & vrbes ad libidinem suam transtulit. (*Iustin.*) Augustus Cæsar Sueuos & Sicambros deduxit in Galliam, & in proximis Rheno agris collocauit. (*Sueton. in Aug. xx i.*) Io. Comnenus Triballos à se victos in Orientem traduxit. (*Nicet. Chon.*) Carolus Magnus Saxonum toties rebellantium nobilitatem partim in Italiam, (*Boter. v. de rat. stat. vi.*) partim in Galliam Belgicam, (*Æmil. i i. de reb. gest. Franc.*) partim in Daciam traduxit: vnde origo ciuitatibus Saxonice in Transyluaniâ (*Paul. Manut. in descr. pt. Transylu.*) Anno c i d. i d. c i x. Philippus III Hispaniarum Rex Mau-

torum ad Caccaro. & Hispania triremibus Caroli Aurix in Africam transportauit. Et quanquam non deerant, qui factum carperent, quod tot hominum millia sacro baptismo abluta, quorum laboribus Hispania creuerat, bonis exuti & seminudi in peregrinas oras eijceretur: tamen ea tanti non esse Hispani assecebant, ut propterea Regis, Regniq. salus periculo exponenda sit. (*Maurocen. xviii. hist. Vener.*) Molucis Scirifus Mauritaniæ Rex ante prælium cum Sebastiano Lusitanix Rege commissum, ducibus ob prodicionem suspectis milites suos ademit, & totidem, qui sub alio duce antè meruerant, reddidit. (*Conestag. l. i. de coniuict. Portug. &c.*)

Græci suspectas vrbes mœnibus nudare solebant. idq. Athenienses apud Chios, Thebani apud Thespientes fecerunt. (*Thucyd. iv.*) Idem Cyrum fecisse Xenophon tradit. (*i. i. Cyrop.*) Et Romanos idem secutos esse consilium, historiæ tradunt. Henricus II. Angliæ Rex omnium magnatum arces mœnibus nudauit: & superiori seculo Leo X. Pontifex præcipuarum vrbiu muros, quos Urbini Dux munierat, solo æquauit. (*v. quæ dixi ad lib. i. i.*)

Eteonicus Lacedæmonius, cum milites ipsius de occupandâ Chio, vbi hybernabant, conspirassent, & cōiurationis signum, quo se internoscere possent, calamum gestarent, assumptis quindecim, quorum adhuc intemerata fides, ac per oppidum obambulans, primum, qui calamum gestabat, interfecit. Obortotumultu, & quærentibus nonnullis, quæ cædis causa fuisset, nunciari Eteonicus iussit, eò factum, quod cala-

num habuisset. Quo audito vniversi calamos abiecerunt, & compressa seditio est. (*Xenoph. 11. histor. Grec.*)

Cum Hanno Carthaginensis regnum affectaret, & euertere Rempub. interficere Senatum in animum induxisset, & quò nefanda consilia faciliùs tegerentur, sceleri patrando solemnem nuptiarum filiae diem legiset, quâ plebi epulum in publicis porticibus, Senatui in ædibus suis præberet, & poculis veneno illitis secretiùs Senarum ac sine arbitris interficeret, orbamque Rempublicam ita ad se traheret: Senatus repper ministros prodita, quando ille armis & clientelis plus valebat, decreto nuptiarum solemnibus & pompis modum statuit, quo eius consilia euauerunt. (*Iustin. xx1.*) Cum C. Cæsar ad edendum munus gladiatorium multiplici vndiq. comparata familia inimicos exterruisset; cautum est legib. de numero gladiatorum; quò ne maiorem cuiquam Romæ habere liberet. (*Suet. in Iul. x.*)

Henricus III. Galliae Rex, cum in se sub specie federis contra Protestantes coniurasse Guisium comperisset, federi prudens subscripsit; sed principarum federis, imperiumque armorum, quod coniurati in Guisium transferre cupiebant, sibi sumpsit. (*Tbuan. lx111.*)

Dionysius Syracusanus, cum de inita in caput suum coniuratione resciuisset, capponem quendam ad se vocatum, & post secretum colloquium præmio quasi delati indicij, affectum dimisit. Prudenter! nam & cum C. Cæsar in Senatum iturus, ea die, quæ illi supre-

ma fuit, in Cn. Pompilium coniurationis complicem incidisset, diuq. cum illo collocutus fuisset; veritisūt cæteri coniurati, ne is Cæsari seriem cogitati facinoris aperuerit. Et sanè, quicunq. talia consilia animo volunt, eò sunt ingenio, vt quoscunq. sociare sermonem vident, de se loqui putent.

Porro vbi ad manifestam intemperiem res deuoluta fuerit, populares viri, & qui plebem obnoxiam habent, multum ad exundantem plebis furorem intra modestiæ alueum reducendū valent. æquis enim auribus audiuntur, qui amici putantur.

*—Magno in populo, cum sepe coorta est
Seditio, sauisq. animis ignobile vulgus;
Iamq. faces & saxa volant furor arma ministrat:
Tum pietas & grauem, ac meritis si fortè virum quem
Conspexere, silent, arrectisq. auribus adstant.*

(Virg. 1. Aeneid.)

Nota sunt exempla L. Valerij Poplicolæ, M. Horatij, & Menenij Agrippæ apud Liuium. Iulium Cæsarem Tacitus & Suetonius referunt exercitus seditionem inno verbo compescuisse, Quirites vocando (aliàs commilitones solebat) qui sacramentum eius detrectabant. Arbetion, veteranus dux, cum Valens Imp. nullo pacto ad officium seditiosos milites reducere posset, paucis verbis truces animos lenijt. Cum enim omnibus prouectior natu, & dignitate sublimior ostendisset reuerendam caniciem, & publicum grassatorem Procopium (seditionis authorem) appellasset, milites verò filios, & laborum pristinorum socios, orasset, vt se magis sequerentur, felicissimis du-

ctibus cognitum, quàm profligatò nebuloni, destitutu-
 endo iam & casuro morem gererent: extemplò mu-
 raris animis ad pristina signa redierunt. (*Amm. Mar-
 cell* xxvi.) Erat olim Florentia vniuersa in duas fa-
 ctiones diuisa, quarum vna à monacho Monialis, al-
 tera à rabie, quâ ferebatur, Rabiosa vocabatur. Ven-
 tum est ad arma, & victi Moniales; quos inter erat e-
 tiam P. Antonius Soderinus: ad cuius ædes diripien-
 dās cū concurrerent victores, fortè domi erat fra-
 ter, Episcopus Volaterranus. Is auditò tumultu, in-
 datus episcopali habitu, & Pontificali mitrâ reueren-
 dus ad armatos prodiit, & cū reuerentiâ vultus, tūm
 grauitate atq. eloquentia eos continuit, ne domum
 fratris diriperent. Res profectò admirabilis! posse
 efferatos animos, vi & armis inuictos, apta oratione
 mulceri. Aptā cū dico, eam intelligo, quæ, quam-
 uis horrida & militaris, animis tamen temperandis
 appositā est. Illa enim vmbra trilis ex declamatorum
 & philosophorum schola deridiculo erit. Qui enim
 Deum non curant, qui spe, scelere, armis turbati sunt,
 ad istam ineptam philosophiam non componentur.
 Quod à Mufonii Ruffi Stoici exemplo discimus, qui
 apud milites Flauianos bona pacis & belli discrimina
 differens, plerisq. ludibrio, pluribus tadio fuit: nec
 deerant, qui propellerent, proculcarentq. nī admoni-
 tu modestissimi cuiusq., & aliis militātibz, omi-
 sisset intempestiuam sapientiam. (*Tacit.* i. i. *hist.*) Et
 falsè Traianus Boccalinus, cū introduxisset Mene-
 nium Agrippam Apollini promittentem, alia longè
 lepidiore fabula quàm qua Romanorum animos cō-

ciliauerat olim, Belgas cum Hispanis in gratiam reducturum, derisum ab Apolline dicit. Nec enim eandem esse animorum humanorum, quæ olim facilitatem; non cruentissimis tragædiis ultra XL. annos in Belgii theatro exhibitis satiari potuisse diram sanguinis sitim. parum ergo fabularum leuitatem profuturam.

Fortassis etiam interdum consultum erit, virum auctoritate præstantem, bonum, prudentem, multitudini turbide in speciem ducem se præbere, qui pro imperio cedes, rapinas & cætera seditionum mala prohibere, aut saltem mitigare possit. Tacitus libro primo Historiarum: *sic temeritatis aliena comes Spurius, primò coactus, mox velle simulans, quò plus auctoritatis inesset consilijs, si seditio misceret.* Anno Christi c. 13. xlviii. grauis tumultus per vniuersam Aquitaniam fuit: cumque seditiosi in vrbe Burdigala Georgium Chassanæum Curie Præsidentem, virum grauem, & qui gratia apud plebem plurimum valebat, sibi ducem per vim sumpsissent: ille arrepta sensim auctoritate bonos ciues, quasi etiam in societatem adscitos, multitudini seditiosæ immiscuit: vt hoc modo rapinæ cædesq. cohiberentur, & perditorum hominum audacia refrænaretur. Quanquam autem non diu fallebat Chassanæus: tamen ille in quamlibet frementes, imperatoris iure vsus, præcipuos ex seditiosis, captatis occasionibus, quasi dicto minùs audientes per commilitones confodi iussit. Ita paulatim per quatridduum descuiète furore, motus vtcunq. sedatus est, donec Momorantius à Rege cum exercitu missus seditionem vlturus, venisset.

nisset, atq. omnia, pro ea, quam amplissimam obtinebat, potestate composuisset. (*Thuc. v.*) Vbi Senatum Nolanum metus acceperit, si palam plebi, quæ ad Annibalem propendebat, contrâ tenderent, resisti multitudini concitatæ non posse, clam simulando dilationem mali inuenerunt, placere sibi defectionem ad Annibalem simulantem. Ita distulerunt, donec Marcellus veniret. (*Liv. xxxiii.*) Simile quiddam de Othone & Vitellio memoratur, qui sæuitiam militum plerosq. ad eadem deposcentium simulatione vinculorum frustrati, multos exitio subtraxerunt. (*Tacit. i. hist.*)

Verum enim verò, si his remediis locus non sit, si omninò ad vim & arma decurrendum sit: acriter ibunt magistratus in rebelles, eorumq. duces extremo afficient supplicio. Alexander Magnus frendens de tribunali desiliit, & in medium seditiosorum agmen se immisit: notatos quoq., qui ferocissimè oblocuti erant, singulos manu corripuit, nec aulos repugnare, tredecim asseruandos custodibus corporis tradidit. Quis crederet, sæuam paullò ante concionem obtorpuisse subito metu? & cum ad supplicium videret trahi, nihil aulos grauiora quàm cæteros? (*Q. Curt. x.*) In Germania legiones tumultuabantur, ob quendam à Hordeonio Flacco in carcerem coniectum. Conscendit tribunal Vocula legatus mirâ constantia, prehensumque militem ac vociferantem duci ad supplicium iussit. & dum mali pauent, optimus quisque iussis paruere. (*Tacit. iv. hist.*) Imperante Constantio, cum plebs Romana, excita ab inquietis hominibus seditio-

ditiosa ad Septizonium (locus is fuerat in vrbe, Nymphæo Marci Imp. celebr.) conuenisset: Leontius Prefectus Vrbi, quamuis omnibus dehortantibus, ne se violentæ multitudini immitteret, adeoq. pluribus illum, tanquam in abruptum festinantem periculum, deferentibus, magnâ animi præsentia in medium perditorum nebulonum cuneum se immisit; & insidens vehiculo cum speciosa fiducia, acribus oculis & minacibus circumspexit, authoremq. tumultus inter alios eminentem vasto corpore, rutilus capillis atreptum, vinctis post tergum manibus suspendi iussit. Vulgus omne paullo ante confectum per varia vrbis membra disaplum euauit. (*Ammian. Marcell. xv.*) Et quam oratione Marci Imp. expressum sit, vt tametsi prouocantis in causa capitis appellatio non fuerit recepta, pœna tamen sustineatur, quoad Princeps rescripserit ad literas præsidis & libellum rei: tamen si fuerit seditio prærupta, factioq. cruenta, quæ moram nō admittat; non pœnæ festinatione, sed præueniendi periculi causa, tunc eum punire permittitur, deinde scribere. (*Vlpian. I. C. in l. v. §. ix. D. de iniust. rupt. irrit. fact. test.*) Sed his violentis remedijs non nisi desperatis cæteris, & in subsidium vtendum est. Nec enim seper succedere ex his, quæ suprà de vidiximus, constat. Multitudo tamen semper excusata sit, quæ non tam consilio, quam impetu & alieno scelere abripitur: quod ad librum primum quoq. monui. Alibi quoq. dixi, seditiones a potentum in aula auaritiâ aut sauitiâ ortas deditione illorum, qui tam immianiter populi indignationem mouerunt, sedari: quod hîc non

repeto. Illud addo, in locum sceleratorum istorum, alios incorruptis moribus, gratos populo substitui debere. Quomodo Agrippina Senecam ab exilio in aulam transtulit; id *letum in publicum rata*. (Tacit. xi i. *Annal.*) Et Franciscus Oliuarius prudentissimus & integerrimus vir, à Cardinali Lotharingio ad summam regni Gallie Cancellariatus dignitatem in eum finem euectus est, ut moderati imperij sub optimo legum, moderatore spem populo faceret. (*Tbua. xvi. & xvij.*) Quanquam hac ipso plus Senecæ atq. Oliuario, quam aliis illud est. Vterq. enim foedissimam seruitutem seruire coactus, quod vitæ reliquum erat, inter ludibria & pericula sub impotenti dominatu transiegit: ut appositè Senecam, in Octauia Tragædia alter Seneca, vel quisquis ille fuit, ita loquentem introducat.

Quid me potens fortuna, fallaci mihi

Blandis a vultu sorte contentum mea

Alcè extulisti? grauius ut ruerem, edicta

Receptus arce, totq. prospicerem metus?

Meliùs latebam procul ab inuidia malis

Remotus, inter Corsici rupes maris:

Vbi liber animus, & sui iuris mihi

Semper vacabat studia recolenti mea. &c.

Lasciuit militem diductum) sed & dicere debebat, in superbiam, arrogantiam & rebellionem prolabi contractum militem. Hoc est illud consiliorum genus, non quidem subtile aut callidum, sed subitaneum, celere, captum ex tempore, grata quadam argutia, velut merces quædam per se inanes ipso artificij fucio im-

ponens. Huic venustati, si accedat corporis gratia, quæ, ut Heliodorus in *Æthiopicis* (*lib. 1 v.*) inquit, omnium ad se benevolentiam blanda quadam violentia trahit, vel suadentis dignitas, & præter hæc non immodica, sed securâ audacia: regnat plerunq. ista consiliorum leuitas, & veram exactamq. sapientiam in egregiis, sed tardis hominibus suo strepitu obruit. Verum ista extemporanei ingenij promptitudo plerunq. veræ prudentiæ & magnis negocijs suffecturæ expertus est. Nam ubi sustuleris istis hominibus subitas fractasq. sententias: tum sterilitatem egenarum mentium, nec sufficientium ad veram longamq. sapientiam haut dubiè contemnes. Rapta ista & tumultuaria consilia illis tantum placent, quibus rædium est longa sed tuta ratiocinatione penetrare in intima & quasi viscera negotiorum. Quos equidem simillimos esse puto illis hominib., qui externa edificijs spectantes, intus lacunaria auro grauiâ, maculosam marmorum varietatem, & cætera artificis miracula propius inspicere negligunt. Ideoq. superficialia ista sapientia plerunque dignum sua temeritate negociis exitum, & pœnitentiam quidem, sed seram inuenire solet. Tale consilium fuit, quo de capite Magni Pompeii Ægyptius ille pronunciauit, *mortuum non mordere*. Et Alexander regiæ totius Oriëntis, vnde tot gêtes iura perebant, patriæ tot Regum, vnico quondam Græciæ terrori ebrîus faces subdidit, impellente eum ad tantum dedecus vili scorto, Thaide; quæ expectare hanc vltionem Græcos, quorum vrbes barbari deleuissent, dicebat. Prima factionum apud Florentinos initia

ab istiusmodi temeritate ceperunt : cum Mosca quidam Lambertus, consultantibus de vindicanda iniuria à Bonnelmontio illata, necandum esse diceret ; addito Italorum prouerbio (*cosa fatta capo ha*) quâ rem perpetratam caput habere aiunt. (*Leon. Aret. lib. 1. hist. Florent. Scip. Amirat. lib. 1. hist. Florentina.*) Deniq. parùm abfuit, quin Neapoli regie vrbi ignem iniiceret Petrus Aragonius ; inductus illorum sermonibus, qui potio- rem esse cineribus suis sepultam, quàm amissam urbem scurrili dicterio iactabant. (*Scip. Amir. in vita Joanne II. Regina Neap.*)

Et quia viros simul corripere intutum, dolus intervalla scelerum posebat, & inferius : sed magnitudo facinoris meum, prolationes, diuersa interdum consilia afferebat.) Plerunq. difficilem exitum habent consilia, quorum exitio in partes diuisa est, & quæ circumstantiarum varietate intricata sunt. Ab initio quidem videntur facilia : verùm tractatu difficultatis plena, exitu periculosa esse solent. Nam vt radii horarum indices, quorororis & ponderibus aguntur in destinatos cursus, tot aberrantibus instrumentis mendaci monstratione fallunt : ita si ex infinitis rebus, quæ subtilia componunt consilia, vna se condicio subtraxerit, fallere ea necesse est. Neq. venena, neq. adulteria, neq. vlla potentia satis munire Scianum potuit, quò minus iisdem artibus vinceretur, quibus alios perierat. Ex hoc consequitur, populos cæteris ingenio præstantes rerum nouandarum perpetua cupiditate teneri, ideoq. crebrioribus reipublicæ conuersionibus obnoxios esse. Nimia enim differendi subtilitate, & huic adiun-

et ingenii ostentatione quam sibi semel persuaserunt opinionem, mordicus tenent, & ab ea dimoueri probrosum arbitrantur. Quod vniuersè asserit apud Thucydidem (lib. 2. 1. 1.) Cleon Atheniensis: & speciatim de Megarensibus, Syracusanis, Atheniensibus, Florentinis; Gesuensibus affirmat Bodinus: (1. 1. de Rep. 1.) Qui idem testatur, Athenienses C. paullò minus annis quinquies, Florentinos septies Reip. statum mutasse: id autem nec Venetis accidisse, nec Helueticis, qui ingenii minus valent. Nec igitur subtilia ingenia nouandis rebus quàm gerendis aptiora, dubiis & periculosis expediendis negociis adhibenda sunt: nec committenda iis munia excusationum, temporum extrahendorum, actionum cum illo, qui nobis etsi causa inferior, viribus tamen superior est; & omnium illorum negociorum, quæ affectus requirunt sedatos, & necessariam simulationem. In primis autem ab imperiis malè affectis, vel nondum confirmatis procul habenda sunt. Vt enim in egris corporibus vel minimo motu noxii humores concutiuntur; ita inquietis ingenijs infirma imperia turbantur. Sunt tamen utilia in consiliariorum collegio; vt collegarum ingenia exerceant, & exterorum artes obseruent.

Hanc vt amore incensus, adulterio pelleris.) v. quæ scripsi ad lib. 1. 1. verb. nam vulgatum erat, missum

Esse. Si ibi eo esset consilium manifestum non esset. Quamquam arduum sit, eodem loci potentiam & concordiam esse.) Poetis, historicis, nemini non dicta sententia. Matthæus Vicecomes, dictitantibus fratribus in familiari colloquio regnum egregium quid esse; verum

esse, respondit, sed sine sociis. Ex quo fratres sibi meruētes illum veneno sustulisse dicuntur. (Io. Bapt. Pig. r. v. bist. Atreß.

Plerumq. inopes ac vagi sponte militiam sumant. percensuitq. cursum numerū legionum, & quas provincias tutarentur.) Ex isto Taciti indice, quanta fuerit Romana potentia, quæ armorum vis, qui inexhaustus militiæ fons, intelligere licet. Non erit alienum, quædam differere de armorum studio: quæq. ex illo magnis imperiis bona malaq. vtilia aut perniciosa accedant. Quæ ex disputatione de maximis rebus pendet iudicium. Inde, quæ causa fuerit, quod Romani tot præliis fusi, nunquam tamen vniuerso bello superati sunt, quæq. res Romanam potentiam ad summum fastigium prouexerint, & quæ ex contrario libertatem pessum dederint, discemus. Intelligemus, quibus ex causis Veneta Resp. optimis legibus institutiq. formata imperii sui terminos non ita longè lateq., vt Roma, proferre potuit. Dicemus de Turcicæ potentie fundamento, deq. eius casu interitq. consiciemus. Alia quoq. scitaturarissima dignissimaque tangemus. Igitur quamquam Romani imperij magnitudinem alius iusto imperio, alius ciuili sapientiæ, alius Reip. formæ bonisq. legibus, alius sociorum defensionem, alius priuatorum virtuti, alius alii rei tribuant, mihi tamen aliud videtur. Nam nec iustitiam multum fuisse cordi Romanis alibi docuimus, & prudentes virtutisq. studiosos alia quoq. Resp. habuerunt, & socios alii defenderunt, & bonis legibus, formaq. Reip. Veneti præstant: nec tam eni in eam potentiam, quæ in Rep. Romanâ stu-

pemus, quisquam veterum, nostrorumq; Regum aut Rerump. conscendit. Statuo igitur, præcipuam & penè vnicam magnitudinis Romanæ causam fuisse, armorum studium, & omnia Reip. instituta non ad ciuilis vitæ tranquillitatem, sed gloriam & imperii amplificationem introducta. Non dicam Romanos armorum & pugnæ genere, atq. militari disciplina aliis omnibus populis præualuisse. Nam vt id negari nequit, ita pluries Romanos præliis superatos confiteri cogimur. Illud mirandum est, & sine exemplo, eos ita extra fortunæ aleam fuisse, vt cæsi, fusi, fugati, nunquam tamen vincerentur, sed semper fortiores validiorq. resurgerent, tandemq. de hostibus sibi paulò antè insultantibus triumpharent. Nimirum ea erant ciuitatis instituta militaria, vt post maximos cæcos exercitus, semper maiores in hostem educi potuerint. Quod quo pacto fieri quiverit, quàm breuissimè poterò explicabo. Dico igitur, triplicem fuisse fontem, ex quo validissima Romanarum copiarum flumina, quæ orbi terrarum inundarunt, proruperunt; Tribus, Colonias, Socios. Hodie cum tympanum strepit, coeunt proterui, ociosi, legum impatientes, parentib. immorigeri, maximi mulierum mœchi, aleatores, vrbium suarum fex & purgamentum: quibus neq. boni intellectus est, neq. mali cura; qui neq. in victoria decus, neq. in fugâ flagitium putant. Romani verò ex tribubus, coloniis, sociis militem habebant electū, belli & munerum militarium gnatum, acie inuictū, & qui annos non plūs ex fastis quàm stipendiis suis numerabat. Vt Romani exercitus à nostris differant, quod

quod naus, quæ probatis trabibus est compacta, ab eâ quam intempestiuè excisæ arbores & omnia non pensatis vitiis ligna componunt. Ergo in xxxv. Tribus descriptus erat populus Romanus: quo nómine veniunt, non tantum qui muris vrbis includebantur, sed multo magis, qui extra urbem in Latio, Campania, Hetruria tribubus adscripti erant. Quippe urbanus populus non nisi in quatuor trib. diuiserat, Suburanâ, Esquilinâ, Collinam, Palatinam: ceteræ, vt demonstrat Franciscus Bocchus in libris de magnitudine Romanâ, vna & triginta extra urbem erant, appellationem fortitè vel ex locis, vbi degebant, vt Crustumina, Veientana, Oriculana &c. vel à fluminibus, vt Arnienſis, Anienſis &c. vel à præcipuis Romanis familiis, vt Cornelia, Fabia, Sergia &c. Hic erat populus ille Romanus, qui leges ferebat, qui magistratus creabat, qui bella aut pacem decernebat: ex hoc vniuerso censabantur legebanturq. in militiam, quicumq. bello apti erant. nec licebat cuiquam detrectare militiam. Hi ad comitia in urbem confluebant, ius suffragiorum habebant, magistratus & honores suscipiebant. Hi veri & originarii ciues Romani erant. Quanquam etiam fuerunt, qui ex priuilegio, cum longius Româ abessent, in tribuum nomina adſcribebantur: quomodo Ateſtini in Romiliam, Veronenſes ac Tergeſtini in Publiliam, Patauini & Brixienſes in Fabiam, Mediolanenſes & Comenſes in Vſentinam, Bergomates in Vituriâ coniecti sunt. (Io. Bapt. Pigna i. hys. Ateſt.)

Quantus autem ex his tribubus militum numerus confici potuerit, ex eo constat, quod interdum CC. in-

terdum CCC. millia, & quod excurret, censa sunt ciuiū capita. Censebantur autem ij tantum, qui ferendis armis habiles erant, adeoq. ad militiam destinabantur. Ita. n. Linius de primo censu, qui actus est Seruio Tullio Rege: *millia lxxx. eo lustro ciuium censa dicuntur. adiicit scriptorum antiquissimus Fabius Pictor, eorum qui ferre arma possent, eum numerum fuisse.* Nā si vniuersi connumerentur, pueri, senes, ceteriq. nō nisi capite cēsi; supra quindecies cēties mille homines in tribub. fuisse Franciscus Bocchus coniicit. Qui tñ numerus, cū ciuitatis Romanę ius ab Imperatoribus nimis vulgatum esset, eò excreuit, vt Claudio Cæsare (nisi codices vitiosi sunt: certè in Medicæo M. S. istos numeros aliter scriptos ipse Florentiæ vidi) censa sint ciuium lxxv. centena & xl. v. millia. (*Tacit. x1. annal.*)

Iam in coloniis quantum momenti fuerit ex eo, quod T. Linius libro septimo & tricesimo refert, colligi potest. Belli Punici secundi tempore triginta populi Romani coloniæ erant. Ex iis duodecim, cū omnium legationes Romæ essent, negarunt esse, vnde milites pecuniamq. darent. Nouâ re consules ikti rem ad Senatum detulerunt. vbi tantus pauor animis hominum iniectus est, vt magna pars actum de imperio diceret. Sed cū cæteræ xv. i. r. coloniæ infide perstitissent; resumpserunt animum patres. Et notabile est, quod Linius pronunciat illarum coloniarum subsidio tum imperium populi Romani stetisse.

Deniq. sociorum auxilia quantum Romanis contulerint, ex eo conijci potest, quod anno Urbis conditæ cccxv. Latini gloriabantur, Romanos sociali exer-

citu adiuncto duplicare vires suas; ideoq. Consulem alterum ex Latio, alterum Româ creari, & Senatus partem æquam ex vtraq. gente esse postulabant. (*Liv. lib. vi. 11.*) Sociale bellum, quod populus Romanus cum Marſis, Picentibus, Pelignis, alijsq. Italiæ populis, ſuis ſociis geſſit, Plutarchus in Syllâ magnum vocat & varium, quodq. multa vulnera populo Romano & grauiffima intulit discrimina.

Non igitur mirum videri debet, illum Romanæ militiæ triplicem fontem nunquam exaruiſſe, tam valida potentiæ fundamenta nunquam conuelli, tantas vires nunquam labefactari potuiſſe. Quod tot exemplis manifeſtum eſt. Cum Pirrho quamvis victi pacifici in alias conditiones noluerunt, quàm vt Italiâ excederet. Ab Hannibale tories caſi, cùm tandem ſubmittere ceruices deberent, quatuor ſimul exercitus conſcripſerunt. A Perſeo proſtigati, tanquam viſiſſent, Perſeo leges tulerunt, quibus ſe imperio Romano ſubmittere iubebatur. Nimirum, quouſq. ſcaturiebat inexhauſtus ille fons, quantumvis maxima damna nouis delectibus ſarcire poterant. Poſt Cannenſem pugnam Hannibal victoriæ nunciū Carthaginem miſit Magonem fratrem. Is cùm ei Senatus datus eſſet, res in Italia à fratre geſtas expoſuit. Cum ſex imperatoribus eum, cum ſex conſularibus exercitibus acie conſiſſiſſe; occidiſſe ſupra cæcis hoſtium: ſupra leuocipiſſe: Brutios Apuloſq. partem Samnitum ac Lucanorum defeciſſe ad Pœnos; Capuam Annibali ſe tradidiſſe. Secundum hæc dicta lectis omnibus, Hanno, qui ex factione Hannibali ad-

uersâerat, quæsiuit, ecquis Latini nominis populus defecerit ad Carthagenenses? ecquis homo ex v. & xxx. tribubus ad Annibalem transfugerit? Cum vtrumq. Mago negasset, hostium quidem ergo, inquit Hanno, adhuc multum superest. Sed multitudo ea quid animorum, quidue spei habeat scire velim. Cum id nescire se Mago diceret, Nihil facilius est scitu, inquit. Ecquos legatos ad Annibalem Romani miserunt de pace? ecquam deniq. mentionem pacis Romæ factam esse allatum ad vos est? Cum id quoq. negasset, bellum igitur, inquit, tam integrum habemus, quam habuimus, quâ die Annibal in Italiam est ingressus? (*Liv xxxi. 1.*) . . . Patet igitur ex dictis, Romanam magnitudinem super arma fundatam, armis prouectam, armis stetitisse. Quod quanquam armorum dignitatem ac utilitatem latis ostendat, tamen aliorum quoq. populorum, qui solis armis sibi potentiam, aliis terrorem pepere-
runt, exempla producere, non inutile erit. Mameluchii Ægyptum & Syriam trecentos annos tenuerunt, magna scientiæ militaris fama, & vicinorum populorum terrore. Quippe domesticum militem legebant, à primâ pueritia, ac penè infantia raptum ad arma, atq. educatum multa victus abstinencia, tolerantiâq. laborum, & militarium operum exactione eò rigidiorè, quia & ipsi duces antè tollerauerant. In demortuorum locum succedebant non filii, aut sanguine propiores, sed quos indoles & corporis animiq. robur bellicæ fortitudini idoneos fecerat. Hi, quorum nûmeros xvi. i. c. non excedebat, inuietabello ma-

nus, vicinas nationes domauerunt, Arabes fregerunt, in praeliis cum Turcis aut raro aut nunquam succubuerunt; donec anno Christi 1110. xviii. à Selymo Turcarum Imperatore & militia & nomen Mamaluchorum extinctum est. (*P. Iovius in Selym. Guicciar. xlii. hiflor.*) Turcae; publica Orbis lues, solis armis, & militari virtute in tot regnorum excidia evaluerunt. Centum ac quadraginta equitum, quos Spahos vocant, millia perpetuò alunt; quorum lxxxvi. in Europæ finibus, lxxvi. in Asia continentur. Iis agri (Timaros dicunt) assignantur, ex quorum prouentu equos in bellum expeditos sustentare queant. nec ob id quicquam regiis thesauris decedit. Reliquis, qui millia quindecim censentur, aere publico stipendia persoluntur. Pedestrium copiarum robur in praetorianis, qui Ianizari vocantur, situm est. Hoc instituto militari, hoc robore inuictum hæcenus Turcarum imperium stetit. Quanquam multum adhuc Turcis ad perfectam armorum scientiam, quâ tantoperè Romani præcellebant, deest. Nam in aciem educunt illi copias ex immensis imperii sui spatiis contractas: Romanorum exercituum nervus ex Italia, atq. adeò ipsis tribubus, in quas relati erant ciues Romani, legebatur. Turcae maximos exercitus vno in loco diu sustinere nequeunt: quod potuere tamen Romani. Deniq. nec armis, nec pugnae genere, nec fortassè disciplinâ militari cum Romanis comparari poterunt. Suffecerunt tamè ad iugum tot populis, tot regibus imponendum. Et omnia ipsorum instituta imperii dilatationem, gloriâq. militarem spectare ex eo quoq.

clarum euadit, quòd impię legis lator Mahumetes sine Dei reuerentia, sine honestatis cura dominationis vinculum fecit religionem. Persuasum Turcis est, I. suum quemque diuinum, sed mortalibus oculis inuisibilem charactera, fatorum & mortis ineuitabilem ordinem fronte præferre; qua fide factum est, vt vitæ mortisque contemptores cæca temeritate omnibus se periculis offerant; à fatali dispositione salutem aut exitium sibi impendere arbitratii.

Felices errore suo, quos ille timorum

Maximus hauri curget lethi metus: inde ruendi

In ferrum mens prona viris, animæq. capaces

Mortis; & ignauum est reditura parcere vitæ.

(Lucan. 1.)

Deinde Turcici Imperatores lege aut more prohibentur restituere regnum, aut urbem, aliudue solum, in quo semel suę religionis sacellum dedicauerint. Quę constitutio mirè facit ad superandas difficultates, quibus implicari noui Principes tenentur; & ad obstinandam partorū defensionem: scientib. omnib. non pacis, nõ vlla transactione, sed sola vi, armisq. perdi prouincias armis acquisitas. Sanè & ex Romana historia constat, ab urbis ortu ad Iouianum Imp non inueniri Consulem aut Imperatorem, qui semel Romani iuris factas terras hosti concesserit. (Amm. Marcell. xxv.) III. Porro præceptum illud, quo Turcis vini vsu interdicitur, eò spectat, vt prisce frugalitati assuetus miles parabili & obuiò cibo potuq. in castris degere velit; nec illa impensa grauetur, quæ in nostris exercitibus enormis fa-

facit, ut nulla stipendia vestri, equis, armis emendis ac
 tuendis sufficiant. Ex quo creberrimas oriri seditio-
 nes necesse est. Cui accedit, quòd, cum Turcis arua a-
 griq; colles, & aperta camporum frumento produ-
 cendo, & pascendis armentis inseruiant; apud nos fer-
 tilissimum quodq. solum sit vitibus confitum, & nu-
 merosis exercitibus semper commeatus deficient, &
 Præterea, cum nostri Principes acerbissimis exactio-
 nibus tributorum, sed profectò malè sano consilio, se-
 IV. pe etiam pessimo exitu infringere subiectorum ani-
 mos tentent, in eoq. securitatem suam collocatam es-
 se arbitrantur; Mahumetani Principes non vectigali-
 bus, non tributis, sed promiscuâ coniugiorum licen-
 tiâ & vxorum multiplicato consortio illectos, ita
 miseros populos suos, quanquam non sentientes, fa-
 ciunt, ut omni nervio destituti ferociam omnem obli-
 uisci cogantur. Cum enim naturales liberi cum legiti-
 timis equis partibus succedant, & pleriq; patres fami-
 domum suam ex tot vxoribus aut pellicibus refertam
 liberis habeant; fieri non potest, ut in tam numerosam
 subolem diuisa bona, velut in multos riuulos didu-
 ctus fons, tandem non exarescant: sitq; perpetua ne-
 cessitas militandi in castris, & stipendio à Principe
 præbito vitam tolerare. Ut taceam, polygamiam istam
 sanè bestiis magis quàm hominibus conuenientem
 indefinentem esse fontem, ex quo innumerabiles co-
 piae in aciem, velut magni pecorum greges in macel-
 V. lum educi possunt. Quid? ille mos, quo nulli Otho-
 maniarum vel ad nominis famam, vel corporis se-
 pulturam, templa aliaue publica opera extruere licet,

nisi

nisi imperij fines protulerit, quid aliud est, quàm incitamentum, & vehementissimus stimulus, quo vel ignavissimi Principis animus ad ambitionem, ad gloriam, & famæ ardentissimum desiderium excitetur. (*v. exemplum de Selymo apud Thuan. xlv. 1. Maurocen. hist. Venet. P. Parut. 1. de bell. Cypri. M. Ant. Gratian. 1. de bello Cypri.*) Illud etiam quòd feminas à suorum templorum liminibus arcent, quid aliud vult, quàm cum illas sua imbellia contemptas faciat, solos viros, quorum ferocia tueri meretur, fortissimo religionis vinculo ligare, mitigare, cicutare? Cui simile est, quòd olim mulieres sacro Herculano abstinebant. (*Gell. xi. cap. vi.*) quare nec Herculis Gaditani templum mulieribus ingredi fas erat: ut ex Silio Italico observat Thom. Deimpst. lib. 1. de iurament. c. 1 v. Deniq, quod Turcæ credunt, illorum animos, qui cum morerentur, inferi sunt Imperatorem habuerunt, æternis apud inferos affligi cruciatibus, nec eorum delicta ulla poenitentia expiari posse; omni lege & omni pœna efficacius retinaculum est, ne quis in Imperatorem quid admittere velit fondeatur. Hæc de Turcis.

Superiõri sæculo Ferdinandus Aragonius propriam habebat militiam; cum cæteri mercenaria vterentur. Gelsi q; res maiores, si verè rationem inimus, quàm quisquam suorum æqualium.

Etiam in cultis Reip. Venetæ finibus, vicis, pagisque descripta est agrestis pubes, quæ militari opere exercetur, ac promptam Reip. operam navare parata est. (*P. Iustinian. in hist. Ven.*) Quod idem de Allobrogum & Hetrurix Principibus tradi so. Boterus, Et in

plerisq. Germaniæ Principum ditionibus arma peritè tractare docentur subiecti; maximè ad vsum bombardæ, certus nitrati pulueris, & plumbi, ex quo ferales illi globuli funduntur, modus certis temporibus distribui solet. Belgis deniq. federatis hodieq. vsitatum est, ciues in oppidis & munitis locis vnà cum mercenario milite excubiis admouere; quò proditiões impediuntur, & omne periculum, quod à peregrino milite imminet, amoueat. Sed hæc exempla à superioribus toto cælo differunt. Nec enim aut Venetis, aut ceteris iam dictis Principibus commune cum Romanis aut Turcis institutum est, consecrari gloriam, extendere imperij terminos, bellum ex bello serere, nunquam ocium velle; sed ad defensionem, & qualecunq. auxilium comparatum est istud subsidium: quod tamen plerunq. vanum existit. Plebs enim, quantumcumq. armorum vsum didicerit, & multiplicatis cohortib. impleat campos, par illis nunquam erit, qui inter vera pericula versati timere desierunt. Et hoc ipsum ad terrorem erit; quòd timidâ pensatione aciei & veri Martis discrimina à fictis certaminibus, & vmbratili militia longissimè differre animaduertent. Palatino Comiti subiecti populi totâ Germaniâ ab armorum tractadorum peritiâ celebrabantur. Nulli minus ad resistendum animi habuerunt. Nempè, aliud est, benè ad metam collineare, aliud hostem ferire;

Verum enim verò, quamuis quæ hætenus disputata sunt, satis armorum studium in Rep. egregium esse asserant: tamen & alia in diuersum argumenta exempla.

plaq. sunt, quibus armorum tractationem ciuibus cō-
 missam parū tutam esse ostendi potest. Iis qui, pru-
 denter condere aut stabilire regna student, hæc duo
 videntur præcipua: primum, ne populus in Principē
 facilè possit insurgere: deinde, ne, si obsequij vincula
 emolietur, ad insaniam vires accedant, furorq. mili-
 tiæ vinculo firmetur. Vtraq. cautio interueritur
 hoc armandorum ciuium consilio. Nam & irati nihil
 prius videbunt, quàm daturā fiduciam arma; & ubi
 arma rapuerint, secura erit, aut non nisi magnis labo-
 ribus sedanda rebellio. Inde, quod in Gallia armis &
 militaribus exercitijs in nobilitate tantum retentis, in
 plebe longo ocio emollitā, opificiisq. & quæstui de-
 dita, antiqua illius gentis ferocia defecit, singulari
 Regum studio factum esse scribit Guicciardinus; (11.
bist.) ne tam crebris à furioso populo conspirationibus
 seditionibusq. peterentur. Cyrus omnes gentes, quas
 suo imperio subiecerat, sublatiis armis ad fundarum
 vsum coegit; quod hoc armorum genus maximè ser-
 uile arbitraretur. (*Xenoph. p. 11. Cyrop.*) Theodoricus
 Ostrogothorum & Italiæ Rex tutissimum pacis sta-
 biliendæ modum ratus est, Romanos, cæterosq. Italię
 populos armorum exercitio arcere. (*Orland. Malauols.*
 11. *bist. Sen.*) Sanè ciuiliū bellorum curandarum
 necessaria medicina est, ciuibus arma adimere. Quod
 Romanis quoq. in vfu fuit. (*Dio xl. 1. & xl. v. Plin. lib.*
xxxiv. cap. xiv.) Et Senenses cum diuerso consilio in-
 stitissent, ruerunt. Anno à nato nostro Sequatore c. 12.
 cc. xlv. cum inter nobiles familias sæpius in ipsa Sena-
 rum vrbe ad arma & cædes ventum esset: 1x. Virūm.

magistratus infelici æquè ac imprudenti consilio ex singulis vrbis regionibus (quarum tres erant) quadringētos selegit, quibus zonam, arma, & insignia publica dederunt; addito præcepto, vt ad præconis vocē aut nolarum sonum omnes sub signis confluerent, accepturi magistratus imperia. Sed consilium, quod ad sedandas turbas, & arma nobilibus excutienda comparatum erat, in exitium Reip. vertit. Hoc enim instituto mucrones, qui in hostium ora intentari debebant, in Nobilitatem, alteram ciuitatis partem versi ciuilem sanguinem sepè hauserunt; & tamdiu armata plebi cum nobilibus, pòst & inter se dissensiones, certamina atq. cedes exercitæ; donec Medicæi cuncta discordiis ciuilibus fessa sub imperium acceperunt. (*Orland. Malanole. VII. hist. Sen.*) Nimirum non ad omne momentum plebs armāda est. Auctoritas enim & potestas quæcunq. in multitudinem collata, nunquam benè & feliciter vsurpata fuit. Turbas parturire facilè; ijs autem excitatis occurrere summi laboris est. Sed quando superiùs, potentiam Romanam armis omnia debere diximus, nunc quoq. exitiū illi Reip. ex armis prouenisse dicemus. In ordinanda, & bonis legibus instituenda ciuitate duorum temporum haberi ratio debet, bellorum & pacis: vt & ab externa vi tuta esse, & ciuium inter se concordia constare possit. Verū Romanorum instituta propiùs inspicienti manifestum est, vnum illa finem atq. scopū habuisse, imperii amplitudinem. Inde bellum ex bello excitabant: &, vt in hostes militem haberent formem, & periculorum contemptorem, exercitia armorum,

rum, & virtuti militari præmia instituebant. Sed ut assuescerent ciues iusticię, temperantię, modestię aliisq. virtutibus ciuilibus, quibus in pace. concordēs & tranquilli viuerent, nullis aut paucis prouisum erat legibus. Ut inde Tacitus (111. *Annal.*) duodecim tabulas finem æqui iuris fuisse, & secutas leges apiscendi illicitos honores, aut pellendi claros viros, aliaque ob praua per vim latas esse verè dixerit. Numa quidem Pompilius, cum omnia Romuli instituta ad militarem virtutem spectare videret, religine & ceremoniis Deum, aliisq. ciuilibus virtutibus feroces animos imbuere tentauit: sed præualebat militare populi ingenium, & maiores radices egerat armorum amor, quàm ut nudis legum in charta scriptarum verbis tolli posset. In quo illud à Numa imprudenter omissum est, quòd non, ut Lycurgus apud Spartanos, legibus latis earum assuetudinem, & ad illarum præscriptum ciuium educationem coniunxit, chartis eas inscripsisse contentus. Quid enim vanę leges sine moribus proficiunt? Lycurgus parsimoniam iussit, existimans laborem militię assidua frugalitatis consuetudine faciliorem fore. Iuuenibus non amplius vnâ veste uti toto anno permisit, nec quenquam cultiùs quàm alterum progredi, nec epulari opulentiùs, ne imitatio in luxuriam verteretur. Fundos inter omnes æqualiter diuisit, ut æquata patrimonia neminem potentiorē altero redderent. Conuiuari omnes publicè iussit, ne cuius diuitię vel luxuria in occulto essent. Rempub. ita ordinauit, ut Senatus, Populus, Rex mutuo respectu se intra præscriptos sibi terminos continerent.

Hæc & similia instituta ciuium mores ac educationem, & repub. spectantia non chartæ inscripta, sed sine scripturâ rethris inclusa, vt necessarium carmen à pueris ediscebantur, & in animis potius exarata, quàm membranâ acuratissimè seruabantur. Romæ autem, quis moralis virtutis, & ciuilis honestatis, artiūq. pacis curam fuisse diceret, vbi ad honores plerunq. provehebantur, non qui iusticiâ, quiq. vitæ innocentiam insignes, sed qui belli scientiam præcellebant, & magnis negociis pares erant? Quis Syllam aut Marium benè formatę Reip. ciues dicat? Nunquam quidem Roma etiam bonis ciuibus caruit. Habuit Camillos, Decios, Fabricios, alios. Sed id tantum volumus, non eam Reip. condicionem fuisse, vt illi meliores Remp. gererent. Quippe cum in vniuersæ plebis manu esset, facere imperatores, aliosq. creare magistratus; impetu, & consilii inopiâ plerunq. peccabatur. ambitus quoq. potentiorum cuncta turbabat. Porro ex eo, quod alibi docuimus, immoderatum gloriæ desiderium in libera Reip. ciuibus timendum; manifestum est, quantum à perfectione Reip. Romanę forma abfuit. Quippe ad imperij magnitudinem tendenti bellicq. perpetuò implicitæ magnos in ciuibus suis, & gloriæ cupidos animos nutrire necesse fuit. Quæ res à libertatis curâ planè abhorret. Inde Venetiis vetere instituto inualuit, vt quemadmodum naualium armorum suprema authoritas penes patricios est, qui posita togâ arma induti patriæ operam suam præstât; ita quæ ad terrestrem militiam spectant, exterorum ducum, quorum spectata in Remp. fides, atq. eximia vir-

virtus præclaris facinoribus eminet, imperio fidei atq; curæ committantur. Crediderim non tam consilio quàm casu primitus inuētum hunc morem. Quippè ante hæc tempora, qui in Italia vel amplitudine familiæ illustres, vel militari disciplina clari erant, affinitatibus, cliētelis atq. amicitiis fulti, quoscunq. manu promptos, & ingenio ad militiæ munia obeunda idoneos existimarent, ad se trahebant, ut in eorum manibus, quicquid vel peditum vel equitum roboris erat reponeretur. Hos Principes ac Resp. magna plerunq. vi auri illectos annuiq. stipendiis obstrictos militiæ suæ præficiabant: illorum ductu atq. auspicio limites non tuebantur modò, sed & aliquando prouehabant. Inde Picinini, Sfortiæ, Fortebracij, Carmaniole fluxere; qui egregiè militiæ muneribus functi memoriam in omnem posteritatem propagarunt, & humili loco, abiectis parentibus orti, virtute sibi ad summos honores, atq. imperia gradum fecerunt. In ea tempora cum Resp. Veneta incidisset, ubi ad terrestre quoq. imperium animum appulit, à Procerum Rerum publicarumq.; quæ tunc in Italia florebant, exemplo non abhorrens exteros duces ad sua stipendia acciuit. Quod quia salutare Reip. esse animaduertunt Veneti, etiam hodiè seruant; accedente ea quoq; ratione quòd cum illi pacem inter ciues, concordiamque & æqualitatem semper summo studio aluerint, quieti publicæ perperam consultum existiment, ciuib; tantum auctoritatis impertiri, exercitus subiicere, summæ rerum præficere. ne dominandi assuetudine capti, cliētelis, atq. amicitiis nixi, & populari aura

in-

inflati opibus ac imperio in publicam olim perniciem abuterentur. (*Jo. Eoser. lib. i i. de Rep. Ven.*) Illud etiā dignissimum obseruatione est, quòd, cum Romani trophæis memoriam suam ad posteros celebrare permiserint, ipsiq. statuas ex ære aut marmore, quibus aliorum quoq. virtutem tanquam gloriæ stimulis excitarent, benè meritis ciuibus crexerint; Venetis tamē diuersum placuisse. Quanquam enim in ipsa vrbe Coleono Bergomati, & Patauī Gatamelę Narniensi equestres ex ære statuas, virtutis testimonium posuerint, tamen eundem aut similem honorem nulli suorum ciuium quantumuis egregiè de patria merito habuerunt. Porrò popularis imperii necessaria lex est, temporarios habere magistratus: vt quia ad naturalem, in qua creati sumus homines, paritatem quàm proximè accedit illa Reip. forma, recedentibus alijs à Reip. gubernaculis, aliis locus detur. At Romę contra hanc legem quàm sæpè potentum ambitio peccauit? quoties ante tempus legibus concessum honores & magistratus incapacibus collati? quoties, vt bellicis feliciter cœptis iidem nec mutati præsent, prorogati vltra tempus magistratus? Nimirum contemptæ leges; & paucorum ambitio, qui plebeculæ gratiam aucupabantur, omnia poterat: adcoq. inter externa populi Romani incrementa, inter egregias illas victorias & triumphos, quibus captiui Reges ducebantur, quibus in maiorem quotidie molem excrefcebat prodigiosa illa potentia; domi & in ipsis visceribus tam vasti corporis latens oriebatur malum, nimii ciuium spiritus, viuida & maiora, quàm quę libertas ferret,

ret, ingenia, bellis sueta, & inde feroces atq. turbide naturæ: cum quibus diu colluctata sanior Reip. pars tandem impar morbo miserè concidit. Constat igitur inde, Romanos bellorum quidem veteres, virosq. fortes, sed ad pacis tempora neq. legibus neq. assuetudine institutos fuisse. Ut nemini mirum videri debeat, Remp. illam bellis tantum quæsiuisse imperiū, tantamq. gloriam; contrà, cū pace gaudere deberet, velut ferrum rubigine obsitū omnem amisisse splendorem: adeo ut, ubi primū cesserunt minæ hostiles, cædes & bella inter ipsos ciues existerent. Quod circā non iniuria mihi Scipio Nasica excidium Carthaginis dissuasisse videtur: quod conicere potuit ciuitatem ad belli tantū munia institutam & factā in pace ocioq. ruituram. Quod non eum sensum habet, quasi pax sua natura rebus pub. interitum afferre soleat. sed nouerat homo prudentissimus Romanæ Reip. labem & imperfectionem, quæ paci tolerandæ impar erat. Si verò non minùs ciuilibus quàm militiæ institutis florisset Resp., si excisa Carthagine sciuisset arma ponere: poterat id esse via ad veram felicitatem, summumq. bonum ciuile, non ad interitum. Et profectò, ex hætenus dictis manifestum est, non pacem, non ocium, sed bella & arma veram fuisse ciuiliū dissensionum causam. Hæc ciuium quorūdam ambitionem fouerunt, hæc nimias opes atq. potentiam priuatis contulerunt, hæc ciuitatem in factiones diuiserunt, deduxeruntq. ad ruinam. Et quomodo verum esse potest, pace corruisse Romam, quam nouit nunquam? cū Iani templum paullò minùs

se-

sepringentorum annorum spacio non nisi bis claudi potuerit; semel post primum bellum Punicum; iterum ab Augusto post deuictum nauali prælio M. Antonium. Certè Sparta octingentos annos liber auxit, non armorum gloriâ, sed pacis institutis: quod in dissertationibus Politicis satis ostendit Paulus Pàruta. (1. *disc.* 1.) Et quòd Venetę Reip. post mille ducentos annos non illapsa mala sunt, quibus perturbata, atq. euerfa Roma est, quæ ferocibus nationibus gentibusq. perdomitis, post æquatum orbi terrarum imperium, intestinis ciuium odiis concidit, optimæ & perfectissimæ Reip. constitutioni, quæ pacem, non arma, quietis conseruationem, non imperii amplificationem spectat, acceptum ferri debet. Quippe Optimatum imperium, quale Venetis placuit, sanctis moribus, ciuilibus alitur virtutibus: & ex diuerso incrementis externis bonæ leges, sinceri mores, præclara instituta labefactantur. Et qui in illa vastitate, quâ Attila Italię fecit, oppidis suis exuti, primi intimos istos Hadriatici maris sinus, paludesq. occuparunt, metu ac salutis defendendæ ergò, non quòd aliis dominarentur, istam mirabilem urbem fundarunt. Is quoque ciuitatis situs est, qui ciuium studia ad mercaturam potius & nauigationes, ac diuitias cumulandas, quàm ad arma conuertere debuit. Præterea in ea tempora incidit urbis initium, quibus Roma multo indomitarum nationum impetu, tanquam Orbis sua spolia inde repeteret, de suæ magnitudinis ac opulentix fastigio deiecta est: quâ tam graui procella mirandū est, nihil calamitatis nouę ciuitati infusum esse. tantū

abest, vt de imperio cogitare debuerit, aut potuerit. Porro cessante ista barbarorum armorum tempestate, restabant Græcorum imperium, & mox Francorum Germanorumq., & deniq. Ottomanidarum potentia, magna Veneti imperii impedimenta, & crescentis potentię velut frenum. Quâ in re longè felicius Romanæ Reip. fatum fuit: quæ primis suis initiis Assyriorum, & post Persarum Macedonumque arma procul habuit. Italia in plures populos, quorū quisq. sui iuris erat, diuisa. Vt facilè fuerit, quosdam armis, alios federe & societate continere, ne incipienti, & deinde adolescenti potentiæ intercederent. Quemadmodū igitur, quod Vna Vrbs Orbi dominari potuit, quodq. eadem libertatem suam, cū ad summum potentiæ culmen conscendisset, amisit; intemperantiā armorum, artiumq. pacis seu ignoratione, seu neglectu accidit: ita quod Veneta Reip. in portentosam, similemq. Romanæ magnitudinem surgere non potuit, quoddq. ex contrario non mirabilior imperio quàm libertate in hunc vsq. diem per tot mala, & reliqui Orbis seruitutem superstes est, vtrumq. non armis sed pacis studio & ciuili solertiā contigit. Deniq. ex eo, quod suprâ Turcicum Imperium armorum studio Romanę Reip. simile dixi, conicere possumus, eodem morbo, quo Romanum imperium, vastum illud Ottomanicę potentiæ corpus interiturū; intestinis puta dissidiis, & nimiā militum licentia. Et sanè dubium non est, quin corrupta veteri disciplina ad interitum vergat illud imperium: essent modò, qui propendens ad ruinam impellerent, præciperentq.;

Prætorianorum (in quibus peditum robur) virtus languit. Cum enim sua in manu rem Turcicam sitam cognoscant; superbia inflati, obtemperare vltra ducibus recusant. Cumq. olim non nisi lecta puorum Christianorum corpora à sinu matrum rapta in Prætorianorum disciplinam instituerentur, hodiè meliorum inopia quivis, etiam interdum Turcarum filij à ministris præce & precio corruptis admittuntur. Equitatus quoq. non eadem, quæ olim, fortitudo est. Nam, quibus prædia, quæ Timaros appellari diximus, tributa sunt, agros colere, peculiumq. comparcere, quàm equos suos curare malunt: & dulcedine ocii capti non nisi inuitissimi ab agellis suis militatû abeunt. Et in vniuersum deniq. adeò luxu infractam esse pristinam Turcarum virtutem ac ferociam aiunt, vt præter famam ex illa nihil vltra sit reliquum. (v. *Lazar. Superant. in Ottom. part. 1.*) Romani saluberrimum ad continendam fidem militarem putabant, longis terrarum spaciis discerni exercitus, ne vitijs aut viribus misceri possent; spargiq. per prouincias militem, & externis bellis illigari. Vnde Tacitus (1. *hist.*) sæuissimis post Neronis excessum temporibus non alias legiones innocentius egisse testatur, quàm Britannicas, quòd procul & Oceano ab alijs diuisa erant. Mihi Illustris Stheno Bielke Baro Suedus affirmavit, cum Constantinopoli esset, in vna illa vrbe Prætorianorum ad octoginta millia (in eum numerum à xlii. millibus excreuerunt) omnibus insolentia graues fuisse. Quæ autem imprudentia est, tot armatos in vnam urbem cogere, scilicet, vt sub vno aspectu se ipsos mirari, & furo-

furoris contagione defœuire queant. Ea animorum
militarium natura est, vt dum hostis submouet ociū
habentq. milites, quos lacesant aut timeant, vix aut
possint suas vires agnoscere, aut in superbiam, quam
illa contemplatio insinuat, labi. Ast vbi suis viribus
pacem fecerint, nemoq. nouo discrimine interpellat
victoriæ memoriam: tunc ceu Principi exprobrent
operam suam, secum expendunt, quantum effecerint.
Vnos se suis ciuib. salutare, sua in manu sitam rem-
pub. suis victoriis augeri patriam, in se translatum re-
rum arbitrium, & publica fata. Quasi aliam à cæ-
teris Remp. faciant, in se coguntur: otio deinde lasci-
uiunt; quod quantum fortitudini adimit, tantum ad-
dit proteritiæ. Mox si iustis præmiis non putant se
excoli, si continuò obsequiis non placantur; feruent
animis, intumescunt, indignantur. Certè nos intra
viginti aut triginta annos plures rebelliones, feditio-
nes, defectiones in imperio Turcico audiuius. An-
no Christi c. 10. xcix. Cassianus Ciliciæ Satrapa
excusso Ottomanorum iugo, ingenti exercitu stipa-
tus, Ciliciâ excursionibus deformatâ, Iconiū præcipuâ
urbem cepit. Huc intestinæ Principum dissensiones,
corruptæq. per luxum leges accedebant: vnde libidi-
ne atq. effrenata licentia prolapsa militari disciplina
in dies non in prouinciis modò, sed & in vrbe regia
ingentes turbæ excitabantur; vt propemodùm mole
sua oppressa immensi imperij vis collabi videretur.
Tunc quoq. maritimarum rerum cura relicta litora-
lia loca incursionibus patuerunt: & Ferdinandus
Magnus-Dux Hetruriæ post direptas Patras Chium

occupauit. Anno cix. ix. ciii. Amurathes Imp. ab efferata plebe & Prætorianis metuens furentium libidini amatissimos sibi duos homines obiicere coactus est. Eodemq. tempore idem Imperator Asiæ à se præpositum, cum ab ipso defecisset, pollicitationib. premiisq. delinitum, honoribus ac præfecturis auctum in Pannoniam misit. Quæ res ab Ottomanidarum instituto, & dominico imperio sanè quàm vehementer abhorruit. Deniq. quantæ turbæ ab iisdem profectæ causis ante paucissimos annos aulam & imperiū Turcicum agitaauerint, cum omnibus nota res sit, referre non attinet.

Dixi, quæ ab armis, & armipotente populo ad Principem & Rempub. mala, quæq. ex diuerso bona perueniant. Summa in eo consistit, quod Hetruscus Politicus (1. disc. iv.) ait, à solis armis magnam sed breuē potentiam; à pacis studio paruum, sed fidum & diuturnum imperium esse.

Semelq. ad sumpti tenebantur, prorsus sine modo, cum plerq. iisdem negocijs insenscerent.) Causam dixit Tacitus libro i. his verbis: *Id quoq. morum Tiberij fuit, continuare imperia, ac plerosq. ad finem vitæ in iisdem exercitiis, aut iurisdictionibus habere. Causa varia traduntur. Alij tandem nouæ curæ semel placita pro æternis seruauisse: quidam inuidia, ne plures fruerentur. sunt qui existiment, ut callidum eius ingenium, ita anxium iudicium. neque enim emittentes virtutes sectabatur, & rursum vitia oderat. Ex optimis periculum sibi, à pessimis dedecus publicum metuebat. &c.)*

Prima dominandi spes in arduo) v. quæ dixi ad lib. i. verb.

verb. *quantò summe spei prior &c.*

Talia iaciabat) imprudenter ! dixi ad lib. I I. verb. *in ea diuisione &c.*

Vero quoq. & honesto fidem dempsit.) Ita merentur, qui omnibus suis dictis factisq. simulationum nubes obducunt, vt etiam cum sincerè agunt, fidem non mereantur.

Lygdi quoq. Spadonis animum stupro vinxisse.) de hoc flagitioso dominationis arcano dixi ad lib. I I. verb. *nam vulgatum erat &c.*

Quia Seianus facinorum omnium repertor habebatur etc. quamuis fabulosa & immania credebantur.) Ita meritis, qui per flagitia viuunt, vt non suorum modò sceleurum, sed & alienorum infamiam luant. In Alcibiade vigor ingenii, & vitiorum amor, & morum luxuria omnia credibilia faciebant. (*Iustin. v.*)

Atrocior semper fama erga dominantium exitus.) Ita de Augusti excessu dixit libro primo : *quidam scelus uxoris suspectabant.* Et vulgata historicorum vox; hunc aut illum Principem obiisse, *non sine suspitione veneni.*

Igitur contumaciam eius insectari.) Nota delatorias artes, insectari, criminari apud potentiores, ea maximè dicta factaq., quę maximè apud illos valere possunt: submittere callidos criminatores, validosq. in animo dominantium: proximos illorum, quibus insidię tales struuntur, inlicere, vt prauis sermonibus incautos ad peccandum perstimulent. Cætera dixi ad lib. I. verb. *Granium Marcellum &c.*

Nihil intermissa rerum cura, negocia pro solatijs accipiens etc.)

Quo.

Quomodo hoc ipso libro paullò superiùs Tiberius dixit: se fortiora solatia è complexu Reip. petiuisse. Nimirum Principes in eum dignitatis gradum subuehuntur à Deo, vt omnium quietem illorum vigilia, omnium ocium illorum labor, omnium delicias illorum industria & omnium vacaciones illorum occupatio defendat. Talem Brutus apud Lucanũ (11.) Catonem

Inuenit in somni voluentem publica cura

Fata virum, casusq. vrbis, cunctisq. timentem,

Securumq. sui

Sacrarissimus Imperator noster Ferdinandus.
Carassam Episcopum Auerse Pontificis apud se Oratorem interrogasse dicitur, ecquid ipsi de cantoribus Musicisq. suis videretur? Cui cum Carassa, summam omnium esse excellentiam, respondisset; sed, si sui arbitrij foret, iussurum, ne nimia prolixitate in templo rædium auditoribus facerent: Cæsar subridens, tribus insatiabiliter se interesse, dixit; sacrorum celebrationi, consultationibus disputationibusq. de Republica, & venationum sudoribus.

Claritudine in fausti generis (&c.) v. quæ notaui ad lib. 1. verb. Pollionisq. Asinij patris ferociam retineret.

De immodesta histrionum &c: pulsi tum histriones Italia.)
Oprandum esset, toto orbe pellerentur. Fuit semper estq. hodie quoq. scena omnium vitiorum schola. Ibi, quicquid obscenitatis hætenus occultum, paucioribusq. notum fuit, velut stipendio proposito, docetur: ibi turpi voluptate, velut lenocinio, innoxii hætenus puriq. animi adulteriis, stupris, & cæteris cum
su-

supercilio ac verecundia nominandis conciliantur : ibi furta, fraudesq. ac periuria discuntur : ibi traducuntur Principes ; & audientes reuerentiam erga magistratus dediscunt : inde parentum contemptus, prodigendi iactandiq. sua amor, pudoris quoq. & castitatis iactura domum reportatur : ibi denique paulatim patrii mores funditus euertuntur, per accitam lasciuiam, ut quod usquam corrumpi & corrumpere queat, in vrbe visatur, degeneretq. studiis externis iuuentus, gymnasia, & ocia, & turpes amores exercendo. (*Tac. xiv. annal.*) Cothurno tamen non eadem, quæ soccis, leuitas : & non, ut comædia, ita tragædia quoque, felicia scelera, & dolus præmia habet. Sua flagitiis nemesis, & ultor Deus ; sua quoq. virtutibus merces est.

Aequari adolescentes senectæ sue impatienter indoluit.) Ita s. lib. i. *anxius inuidia, & muliebri fastigium in diminutionem sui accipiens &c. moderandos seminarum honores dictans &c.* Et plerunq. Principibus suspecti sunt, qui proximi imperio destinantur, ne habere, quàm expectare imperium, ne acerbis Iulio mense, quàm Octobri maturas dulcesq. vuas edere malint. Inde omnis nimia adulatio illis facta, omnis honor exhibitus in deterius trahitur. Inde idem noster Tiberius Macro ni Prætorio Præfecto, Orientem Solem ob illo adorari exprobrauit : ad Caligulam illius studia respicere innuens. (*Tac. i v. annal.*)

Incusabatq. diductam ciuitatem &c. ac ni resistatur fore plures &c.) Hoc est illud sophisma politicum, quod Itali eleganter iniicere alteri Zelotypian dicunt: cuius

ius

ius artifex peritissimus fuit Cosmus Medicus, Hetruricæ Dux; eoq. præcipuè Senarum urbem suæ ditioni adiecit. Primum, apud Philippum Hispaniæ Regem, qui Urbem illam tenebat, egerat, ut sibi pecunia in rem Caroli Cæsaris commodata restitueretur, aut loco eius Plombinensis ditio traderetur. Reputatis deinde sumptibus, quos in bellum Senense impenderat, spem de vniuersa Senensi ditione occupanda concepit. Quam tum cogitationem ille, ne fidem suam suspectam Hispanis redderet, prudenter dissimulauit, petitionibus suis crebrò renouatis, & de Plombino tantum facta mentione; tempus scilicet idoneum operiens, quò declarandæ voluntatis occasio se offerret; quæ se paullò post in manus dedit. Etenim cum ex literis oratoris sui quem Romæ habebat, & Albano Duce rescisset, Philippum cui tunc cum Pontifice & Caraffis bellum erat, ab armis cum Pontifice omninò discedere, eiq. Senensem ditionem tradere velle; primum cum Albano, cui id negotium à Philippo commissum erat, egit, ut rem minimè præcipitaret. Misit deinde ad Regem Ludouicū Toletanum, qui post repetitam meritorum Cosmi seriem, modestè ijs nullam rependi gratiam questus est. Tum quantum & ipsius Regis, & Cosmi rebus allatura sit detrimentū, Senarum in Carafarum manus consignatio, disseruit. Carafas non tam recentis beneficij, quàm veteris iniuriæ memores noua potentia auctos vniuersam Italiam maximo cum Regis incommodo turbaturos; Cosmo verò, etsi vniuersa pecunia debita exsoluatur, minimè cautum esse, si cogatur eos habere vicinos, quos,

quos, vt Regis rebus inferviret, tanquam hostes ha-
 tēnus persecutus sit. Proinde eum non posse tutò re-
 stituere, quæ in Senensi ditione possideat, vt Garafis
 tradantur: quæ eadem tamen semper restituere para-
 tus sit, modò ea in Philippi potestate permaneant.
 Quod si verò certum sit Regi, rem Senensem à se ab-
 dicare, non posse sine maximâ iniuriâ in aliū, quàm
 Cosmum transferri. Petere igitur eum, vt quando res
 suæ non ampliùs feran, vt diutius in incerto dubij e-
 ventus salo fluctuet, quid suæ voluntatis sit, Philippus
 definiat. Eodem tempore, quò Cosmus Toletanum
 ad Regem miserat, Romæ famam spargi curat, quasi
 perpetuis Hispanorū delusionib. irritatus Galliæ Regis
 amicitia expeteret. Philippus igitur, qui rem seriò agi
 crederet, rebus suis in Italiâ, quib. seu evertēdis seu ful-
 ciendis magnum momentum Cosmus afferebat, ti-
 mere cepit. Nutabāt enim tū temporis res Hispano-
 rū in Italia, hinc Brissaco ducē Galliæ Regis in suball-
 pinâ regione progressus indies faciente, hinc Guisto
 in regnum motibus obnoxium irrumpeante. Assensit
 igitur, vt Cosmus suo beneficio Senensem ditionem
 possideret. (Io. Bapt. Cim. v. l. de vita Cosm.) Iisdem arti-
 bus post Franciscus Cosmi. F. Ioannam Austriam vxor-
 em adeptus est. Cū enim eandem præter Franci-
 scum etiam Ioannes Sigismundus Transylvaniæ Prin-
 ceps, & Fridericus Daniæ Rex ambirent: Franciscus
 primò beneficijs Cæsarem Ioannæ patrem demerent-
 dum ratus, pecuniam & auxilia in bellum Turcicum
 promisit: tū rūmorem sparsit, quasi Galliæ Rex de
 forore sibi in vxorem dandâ spem fecisset Cæsar ergo,

qui eius ope in bello vti constituisset, posthabitis alijs
Ioannam ei matrimonio iunxit. (Thuan. xxxv.)

Nec aliud gliscantis discordiæ remedium, quàm si unus al-
terue maximè prompti subuerterentur) v. quæ notauit ad
lib. i. verb. ne ipsis quidem, qui fecere, laudatas. & ad hunc
lib. verb. numeroq. & robore &c.

Immodicè iactantis &c.) Latè hæc explicauit ad lib.

ii. verb. *fatopotentia raro sempiterna.*

Beneficia eò vsq. lata sunt, dum videntur exolui posse; vbi
multum anteuenero, pro gratia odium redditur.) Senecæ ea-
dem sententia extat, epistola decimâ nonâ: quidam,
quò plùs debent, magis oderunt. leue æs alienum de-
bitorem facit; graue inimicum. Et Ep. Lxxxii. eò
perductus est furor, vt perniciosissima res sit; benefi-
cia in aliquem magna conferre. nam quia purat tur-
pe non reddere, non vult esse cui reddat. nullum est
odium perniciosius, quàm beneficij violati pudere. Et
lib. ii. de benef. xxi. v. Turius est, quosdam offendere,
quàm demeruisse. argumētum nihil debentium odio
quæritur. Dixi ego plura ad lib. iii. verb. *fatopoten-
tia &c.*

Dubitare cogor, *fato & forte nascendi, ut cetera, in Prin-
cipum inclinatio in hos; offensio in illos; an sit aliquid in nostris
consilijs, liceatq. inter abruptam contumaciam, & deforme ob-
sequium, pergere iter ambitione & periculis vacuum.*) Ali-
bi Tacitus sine dubitatione ait; posse etiam sub malis
Principibus magnos viros esse: obsequiumq; ac mo-
destiam, si industria & vigor adsint, eò laudis exce-
dere, quò pleriq; per abrupta, sed in nullum Reip. vsù
ambitosâ morte inclaruerunt. (Tacit. in Agric.) Alius

fortune tribuit ad gratiam Principis quosdam prouehere; plerumque autem prudentia esse, in ea felicitate positos posse seruire. nam ut fortuna sua sponte non paucos Principibus conciliat: ita multos artificio & calliditate destitutos de tanto fastigio excidere. Ego arbitror, aulicum non tantum suis consiliis, sed et prudentie tribuere debere, ut nihil sibi inuium putet; nec vicissim ita negligentem esse, ut omnia sorti credat. Cogitet aulam nauigationem esse, in qua etsi industria & ars nautica plurimum valet; tamen interdum tam insana tempestas maria exercet, ut omne nauatarum consilium peruertat, artemque iis omnem eripiat. Sæpe tranquillo mari

cum pluuium detergit cauitibus Austrum

Cymothoe, & petit virides in rupe capillos

habilis & in tempestates comparata nauis, quæq. sæpe maris sæuitiam pertrahat, quodam infortunio mergitur; sæpe etiam laceratum nauigium,

nec sen patiens boreæ, cum turbidus ille

Stridet, & alternis medium sese obruit undis.

vel mediam hyemem euasit in tutum.

In animo reuolvente iras, etiamsi impetus offensionis languerat, memoria valebat dixi ad lib. i. r. verb. sibi tamen aduersus eum &c.

Iussa principis magis, quam incerta belli metuens.) Ministrum Principis, negocia, non ut ipse melius putat, sed ut iussit Princeps, expedire æquum est. Vna actio-num suarum cynosura esse debet, domini voluntas. Vix igitur ex fidelis ministri officio egit Vastius; ad quem cum Vincentius Fidelis à Senatus Veneti secre-

tis accessisset, ut, an quæ de apparatu Hispanorum in Turcicum bellum spargebantur, veræ essent, expiscaretur; ille se, deposita ministri Cæsarei persona, Venetis suadere dixit, ut rebus suis prospiciant. nihil enim, quod in tanti belli usus necessarium esset, proculsum. (*Andr. Maurocen. 1 v. histor.*) Interdum tamen, ubi Principum iussa parùm honesta erunt, potius erit honestum, quàm volugetem Principis respicere. Quemadmodum Papinianus fratricidium Caracallæ excusare noluit. Antonius Cardinalis Præfatus federis à Francisco I. Galliarum Rege cum Turcis inito, & Mercurinus Catrinara transactionem cum Francisco Rege, iubente Carolo Cæsare subscribere, recusarunt.

Negatus honor gloriam intendit) notavi ad finem lib.

II. *Exprobrauerat, suum tantum studium etc.* v. quæ dixi ad lib. III. verb. *fateo potentia &c.*

Delatores, genus hominum etc. v. quæ latè scripsi ad lib. I. verb. *Granium Marcellum &c.*

Princeps proferendi imperij incuriosus erat. Non ignavia credo, sed consilio, & quia Augustus Imp. breuiario, quod sua manu scriptum Tibetio reliquerat, consiliū addiderat, coercendi intra terminos imperij. (*Tac. 1. annal. v. Thom. Dempster. lib. 1. apparatus ad hist. Scotic.*) Ego ad lib. I. exposui causam, quæ Augustū ad hoc consiliū mouere potuit. Et generaliter verum est, magnorū imperiorū non semper optandam esse condicionē. Sunt, quæ mediocris potentiae regna magis commendent. Primum in superba illa imperii moles, plerumq. vanā sui cōfidentiam

tiam affert, & inde securitatem hostiumq. contem-
ptum; certissima futuræ ruinæ signa, imò causas. Qui
non magis sperandi, quàm timendi causas habent, a-
criter rebus suis iuigilant; qui magnitudinis sola o-
pinione tutos se arbitrantur, per ocium & ignauiam
hebescent. Ecce! Darius tanti imperij Rex Alexan-
dram puerum vocabat; & ferula illum castigarivo-
lebat; ipse deinde ab hoc puero regno exutus. Dein-
da magnam potentiam odium & invidia vicinorum
comitatur. Etiam disuncti inter se cocunt, capessunt
que consilia, quibus suis rebus formidabilem fortunam
euerant. Carolus V. post tot victorias, post, ut ipse
rebat, victam & exutam omni potentia Germaniam,
plures sibi hostes concitauit. Hispaniæ Regum ho-
die adeò suspecta omnibus magnitudo est, ut, ubi pri-
mum ab illis scribi miles cœperit, omnes sibi strui in-
sidias arbitrentur. Nam potentia Regis, & genti in-
nata ambitio, & affectati orbis terrarum imperii opi-
nionem etiam inania credibilia faciunt. Inde federa, inde
mutuæ protuenda communi salute conuentiones; &
plura in arcano, quàm publicè pacta. Quæ res omnia
Hispanis difficilia facit. adeoq. prudentium iudicio
summum nunc est ubi consistit Hispana potentia, &
monarchiæ illius velut solstitium. Sed nunc hæc trā-
mittit; plura dicturus ad librum vi. Redeo ad ma-
gna imperia; quæ plerumq. mole quoq. sua laborant,
ingentibus spaciis terrarum, & populorum varietate
diffusa. Cum enim ad ciuium salutem imperium
attendere debeat: quomodo vnus ingenium tot ge-
tium incolumitatem tueri poterit? Nimirum, dicit

ali-

aliquis, amici Principum sunt, in quos partem curarū transferant domini, qui longiūs remotorum populorum salutem inuigilent. Benè id quidem, si illi tales non suas potiūs cupiditates, suam auri argentiq. sitim extinguere vellent, quàm aut Principis famam, aut gentium bonum curare. Vos mihi testes, Neapolis & Mediolanum. Proreges, Præsidesq. vestri non sibi apud vos regnum minus in ampliori Hispanico constituunt? non tradimini illis in certissimam seruitutem? non triburis & vectigalibus exhaurimini quā sæuissimè? Mitto vetera. Anno c10. 10. cv11. Comes Fontanus Mediolanensibus militem immisit: in quem alendum sola vrbs singulis diebus septem milia Philippicorum soluebat. Cumq. ea de re ciues ad Regem conquestum misissent, obrinuissentq. ad Fontanum de dimittendo milite mandatum; ille nihil motus, absentes non intelligere præsentium rerum statum, respondit. Hæc audient illi homines penè in oculis sui Regis: quid non faciant Præfecti apud Indos, nouiq. Orbis incolas; qui Regem suum, cū videre nunquam possint, credere tantū coguntur. In orbem terrarum penè alio, in potestate tam libera, ingente seruituti assueta quale ipsorum imperium esse putamus? maxime quia certissimā cum impunitate peccant; non secuturis è prouinciā, qui eos repetundarum arguant. Hadrianus igitur vt malis occurreret, quæ ex Imperatoris absentia in prouinciis nascuntur, omne vitæ & imperii sui tempus in perpetuis peregrinationibus consumpsit: restrinxitq. imperium in Oriente, Euphratem pro limite constituens, & in li-
ber-

bertatē vltiores omnes populos remittens. Sed nullus Principum est, qui relicta regia sua, cum Hadriano perpetui itineris laborem, & Scythicas pati pruinās velit. Alius magni imperii defectus est, quod cū de maioribus negociis ad Principem referri necesse sit; non nisi post longum tempus nunciij cum responsis redire possint, & ita ex distantibus terrarum spatijs consilia post res afferantur. (Tacit. iij. hist.) Oprandum igitur esset; Camelos imitarentur Principes: quos aiunt onera recepturos spontē in genua subsidere, nec exurgere, priusquam iniectum illis fuerit, quantum ferre possunt: grauiora viribus non recipere, sed antē, quā illa sibi imponantur, in pedes surgere, & nec iussos abire. Porro fieri quoq. solet, vt mediocres principatus maximis imperiis, viris, opibus, potentia haut raro nihil concedant. Xenophon, (lib. 1. de exped. Cyri min.) Persarum regnum, quamuis prouinciarum amplitudine, & hominum numero maximum, tamen ob itinerum immania spacia, & quod copiae militares hinc indē diuulsae sint, infirmū atq. imbecillum pronūciat. Et nostri sapientes Galliae Regem expeditis viribus Hispano potiorē affirmant. Nam & sterilitate homines, & indē solitudine praecipua regna damnata sunt. Membra quoq. tam vasti corporis nimium distracta: quae quamuis Genuensium patronatu, & affinitate cum Allobrogum Principe inita iungere Reges Hispaniae tentauerint; tamen quod non iisdem finibus vtantur Allobrox & Genuenses, quibus Hispani, frustra haecenus illa consilia fuerunt.

Deniq. cū in rebus humanis nihil perpetuum sit, sit

ut cum illæ eò progressæ sunt, unde ultra non possunt; necessariò iterum labantur; atq; decrescant. Virtus quietem parat, quies ocium; ocium porrò luxum generat; luxus interitum. Et si nulla alia causa sit, natura ita comparatum est, ut quod cœpit, finiat. Ut cætera, ita resp. & regna nascuntur, crescunt, florent, decrescunt; moriuntur: & sicut ex ferro rubigo, ex ligno teredines gignuntur: ita rebus pub. naturæ lex posita est, ex se ipsis gignere, quæ eas aliquando conuertent; aut euertent. Ut verè in hypomnesibus Guicciardinus dicat, non esse infelicem eam ciuitatem, quæ, cum multa sæcula floruit, de dignitate sua deicitur: nec enim infelicitatem esse, subijci legi naturæ.

Nunc magnam potentiam mortalem esse etiam exemplis ostendemus. Alexandri Magni furiosa ambitio Macedoniæ Græciæque imperio non contenta, sceptrâ Persica legitimo Regi excussa sibi asseruit; Indos deuicit, Afris iugi sui minas intetavit, imperium deniq; vsq; quò rerum natura diffunditur, proferre concupiuit. At ille Alexander in ætatis flore, in medio rerum suarum cursu extinctus, regnum reliquit incompositum, hoc est, matri, vxori, liberis perniciem; & amicis eorumq; stirpi perpetuam digladiandi, & inusitatis sceleribus in se inuicem sæuendi materiam. Alexandro in omni història similiorem non inuenio, quàm Temir-lâcum Scytharum Regem, qui infinito cum exercitu, non tam iure regio, quàm prædonis more longinquis itineribus percurfando, quæ obtineri nequibant, omne imperium cum vita ami-

misit, non dissimilis illis hominibus, qui nimium ingerentes ventriculo, vomitu remetiuntur, quod concoquere nequeunt. *Roma modicis rebus virorum virtutumq. feracissima fuit. Sed ubi subactō orbe, & amulis vrbibus regibusq. excisis securas opes concupiscere vacuum fuit; prima inter patres plebemq. certamina exarsere. modō turbulenti tribuni, modō Consules praevalidi, & in vrbe ac forotentamenta ciuiliū bellorum. mox ē plebe infima C. Marius, & nobilium seuissimus L. Sulla, victam armis libertatem in dominationem verterunt. Post quos Cn. Pompeius occultior nō melior: & nunquam postea nisi de principatu questum.* (Tacit. 11. hist.) In stuporem rapimur, si virorum praestantiam intuemur, quos primi 10. vrbis anni ediderunt; si virtutis excellentiam, si pietatem, si iusticiā, continentiam, libertatis studium ingens & amorem cōsideremus. Nimīrum cum illis gentibus adhuc luctabatur populus Romanus, quā nihil ex trāsmarinis moribus in vrbem inuehere poterant. At postquam auratum esse Capitolium cœpit, & luxus in vrbem transijt, atq. piscis plūris veniit, quā bos: ilicō euaniuit virtus in theatris, emarcuit in Lucullivillis & hortis, suffocata est in Messallæ piscinis, postremō extincta ociō ac voluptatibus. Vt prōnum fuerit atque expeditum Vandalis, Gothis, Herulis, alijsq. barbaris, Romanas sibi vindicare prouincias, atq. adeō Romā ipsam cāpere, diripere, incendere. Somniabant quidem Romani *eternam vrbem*, & imperiū; pro eternitate Vrbis vota nuncupantes, ludos edentes, victimas cædentes: sed frustra fuerunt. Cum enim tempus fati destinatum aduenisset: ex obseuro quodam

angulo orbis terrarum, vbi vastitas feris tantum habitata bestiis putabatur, vno ferè momento inusitatum antehac hominum genus ruens vt turbo montibus celsis. (Ammiani Marcellini verba sunt libro primo & tricesimo-) prorupit tanto numero, vt totum terrarum orbem implere posse videretur. Tum statim à Gothis ablata Romanis omnis ferè Græcia, insuper Italia atque Hispania, à Bulgaris Dacia atq. Mysia, à Vandalis tota Africa, à Francis Germania & Gallia, à Saxonibus Britannia, à Slauis Sarmatia, Dalmatia, Illyricum: nec multò post à Saracenis Ægyptus, Arabia, Syria, Chaldaea, à Tartaris Armenia, Hircania, Colchis, & quicquid ad mare Caspium & Hircanum spatij interiacet, à Turcis vniuersa minor Asia, cum Cappadocia, Ponto, Bithynia, & reliquis ad Persarum vsq. terminos Asiæ prouincijs; à Persis quicquid in Indiam vsq. porrigitur, &c.

Cunctas nationes, & urbes populus aut primores, aut singuli regunt.) Ab omnibus vulgare agitur argumentum, cequod inter homines optimum sit imperij genus. Qua disputatione aliud nihil hactenus profectum est, quam quod claruit inde, nullam omnibus numeris absolutam potuisse fingi Rempub. & vbiq. esse, quæ omnium sub sole rerum imperfectionem arguant. Credo Numinis sapientiam esse, quæ non esse nobis hic permanentem ciuitatem, ostendere vult. Alia nobis patria est. Interim in terris peregrinantibus id cuique genus imperij carissimum esse debet, sub quo est genus.

Si euenit, hanc diuturna esse potest.) Nulla mixtio tam

perfecta esse potest, cuius aliqua pars non deniq. reliquas exuperet, inq. suam naturam trahat.

Ut olim plebe valida, vel cum patres pollerent, noscenda vulgi natura, & quibus modis temperanter haberetur; senatusq. & optimatum ingenia, qui maximè perdidicerant, callidi temporum, & sapientes credebantur; sic conuerso statu, neq. alia rerum, quàm si vnus imperitet, hac conquiri, tradique in rem fuerit.) In repub. viuentibus exploranda vulgi aut Optimatum natura, quibusq. studijs aut artibus capiantur. Tum aptandus animus ad ea, quibus probari ciuitati possumus. Leges, iura, immunitates ignorari non debent. Tum quibus initiis fundata ciuitas sit, quibus artibus creuerit, flore atq. : aut ex diuerso, quàm in re ab antiquis institutis recesserit : quæ interitum afferre possint ; qui Cæsares, qui Cato-nes in ea sint ; publicæ an priuati diuitiæ præualeant ; suis ciuibus armorum imperium committat, an externis ducibus vtatur ; deniq. quibus maximè artibus libertatem teneat. Qui verò Regibus nascendi conditione obnoxii sunt, quæ bonorum malorumque Principum artes sint, scire debent ; quibus modis habeantur, qui vnus familiæ veluti hereditas sunt, quibus item, qui sui muneris regna faciunt. Sciendum item est, quibus artibus teneantur gentes, velut natamancipia domini arbitrium simplicius expectantes, quibus ex diuerso populi nec totam libertatem, nec totam seruitutem patientes. Præterea quàm calliditate ciuium nec sentientium immunitates, & antiquas prærogatiuas minuant Principes ; quis Regum suo ingenio vtentium genius ; quæq. illorum natura, qui

aliis se & regni administrationem tradiderunt; quæ
 federum, affinitatum, & amicitiae inter regnantes
 condicio. Postremò aulam penitiùs noscere, Proce-
 rum, cæterorumq. hominum ibi opes, famam, hono-
 rem quærentium studia, delatorum scelus, veneficia,
 adulteria, & cætera dominationis flagitiosissima in-
 strumenta, deniq. omnem bonarum malarumq. ar-
 tium disciplinam non in vsum sed cautionem didicis-
 se necessarium erit. Nunc velim considerent qui *dis-*
putando Politicam discunt, ecquid ipsi harum rerum
 sciant. Sed scilicet exterorum hæc sunt artificia nihil
 ad Germanorum Rempub. pertinentia. Nobis *Au-*
ream Bullam Caroli IV. interpretari, docere & discere
 satis est. Quasi verò non iidem, qui hæc dicunt, im-
 minui iura & priuilegia, pessumdari aureæ bullæ san-
 ctiones, Hispanos orbis imperium affectare, pereгри-
 nis artibus nobiscum agi, conquerantur. Ecce igitur,
 quibus sophismatis subuertantur leges, auferan-
 turq. immunitates, quibus artibus Hispani ad Catho-
 licum regnum grassentur, quæ deniq. externæ technæ
 sint, quibus petimur, discere nolunt? Diogenem in
 dolio diceret; qui ibi inclusus, quid reliquus orbis a-
 geret, non curabat.

Spreta exolescunt &c.) v. notas ad lib. I. verb. *immo* u
aduersus &c.

Libros per adiles cremandos censuere patres, sed manserunt
occultati & edisi.) Multò minùs hodiè præsentì potè-
 tiâ extingui poterit sequentis ævi memoria. Nam &
 typographiæ beneficio in plures libri sparguntur: nec
 pro-

prohibitio ultra prohibentis territorium extenditur. Nulli sunt Romani, qui Orbi dominantur. Ergo quod in Italia scribi non poterit, in Germania poterit; & quod ibi non licebit, Galli edent &c. Ex quo tamen non sequitur, impios, aut improbos, notæue obscenitatis libros non prohibendos. Quamuis enim verum sit, eiusmodi scripta plerumque auidè conquiri lectitarique, donec cum periculo parantur; *mox licentiam habendi obliuionem asferre*: (Tacit. xiv. Annal.) tamen quidam ignoratione libri, alii metu, plurimi emendi difficultate ista vetita negligent. Ita quidam librum nescient, quidam legere nolent, quidam non poterunt.

Leues, ignobiles pænis adficiuntur.) Minuta sacrilegia puniuntur, & magna in triumphis feruntur. (Sen. Ep. lxxxvij.) Muscarum parvæ telis araneorum pendunt; vesperæ per rumpunt.

Validus aliqui spernendis honoribus.) Non vnum est in hac historia modestiæ Tiberii documentum. Atqui is mundi dominus erat. Hodie quorundam tanta dementia est, tantaque vanitas, ut titulos patrimonii emant; titulos splendidos illos quidem, & fumosos, sed omni re vacuos; quique non ad aliud utiles sunt quam ut quod ex patrimonio reliquum est, deuorent. Ventum est, in Italia maximè & Hispania, cò ineptiarum, ut cum eiusmodi par negotiorum aut officij causa congressum parant, prius nunciis hinc inde commentantibus de mutuis titulis & carimoniis, quibus vantantur inuicem, conueniant.

O curas hominum! d quantum est in rebus inane!

Va-

Vanescet Augusti honor, si promiscuis adulationibus vulgatur.) Præcipuum vulgatorum honorum exemplū sunt equestrium ordinum nomina: quæ olim virtutis præmium nunc promiscuè etiam indignissimo cuiq. conferuntur. Vt quidam indè S. Michaelis in Gallia Ordinem nō ampliùs virtutis signum, sed omnium bestiarum monile dixerit.

Satis superq. memorię meæ tribuent &c.) Egregia verba, & auro signanda! Summa est, vnum insatiabiliter parandum, prosperam sui memoriam: quod duplici consequimur viâ; virtutum famâ, & externis monumentis: quales statuæ sunt, effigies, & similia. Virtutum recòrdatio etiam sine pictura aut sculptura in hominum animis viuit. Quæ saxo struuntur, si iudicium posterorum in odium vertit, pro sepulcris spernuntur. Fallūtur ergò, qui virtute destituti marmoreis molibus & mendacibus inscriptionibus posteritatem falli purant.

Moris tum erat etiam presentem scripto adire.) Atque adeò hodiè idem mos durat: siue maiestati ita consultum Principis putant, siue hoc modò tempus tanquam ad integram consultationem sibi seruant. An cum à Principes facie neminem tristem discedere oporteat, repulsę pudorem subleuāt datę per intermedias personas, vel per epistolam, quæ non erubescere dicitur. Sed qualiscunq. illa sit ratio, quæ in Principibus istum morem probet: in priuatis non ferenda superbia erit. Quis non rideat ineptiam illius, qui cū infantem ex sacro baptismo suscipere rogaretur,

scri-

scripto id à se pèri iussit? Quis sine risu, imò quis sine indignatione Pallantem Claudii libertū audiat, nihil vnquam domi, nisi nutu aut manu significasse; vel si plura demonstranda essent, scripto vsum, ne vocem confociaret? (Tac. xiii. *Annal.*) & tamen in vniuersum veteres non voce, sed poppyismatis, sibilis, & expresso digitis sono famulos vocasse, raròq. contulisse cum illis sermonem obseruat accuratissimus Laurentius Pignorius in doctissimo de ministeriis seruorum commentario.

Quibus præcipua rerum ad famam dirigenda) v. quæ dixi latissimè ad lib. i. passim. & lib. iiii. verb. *prouenire dominationes*. Non possum aptius exemplum afferre, quàm Hispaniarum Regis. Ex quo securâ Neapolitani regni & Mediolanensis Ducatus possessione gaudet, nunquam illius rebus conducere potest, turbare Italiæ quietem. Et tamen superioribus annis, cū inter Paulum V. Pontificem, & Remp. Venetam nota Orbi dissidia vix benè quietam Italiam ad novos motus sollicitare viderentur, Philippus III. Rex, quò se Ecclesiæ defensorem ostentaret, largissimè Pontifici suas opes obtulit. Nec hucusq. res sterit. Mandatum Comiti Fontano, militem scriberet; Pontifici requirenti præstò esset. Scriptus miles, omnia ad bellum parata adeoq. in ista pietatis ostentamenta impensa, sunt ostingenta millia Philippicū, ex regia pecunia; præter id quòd à ciuitatibus & oppidis Ducatus Mediolanensis depensum est. Quòd quantum fuerit ex eo colligitur, quòd sola Mediolanensis ciuitas septem

Phi.

Philippicū millia in singulos dies dedit. Et tamen Regis apud Venetos Orator sanctè Senatui affirmavit, (& verum erat) Regem nolle bellum in Italia; omnia ista fieri, quò Pontifici amplissimè de Regis pietate constaret &c.

Falleris enim Seiane, si te mansurum in eodem ordine putas) v. quæ dixi ad lib. 1. verb. *pridem inuisus, tanquam ducta &c.*

Ut Tiberium ad uitam procul Roma &c.) notavi hoc artificium s. hoc lib. verb. *mox Tiberium &c.*

Literarumque magna ex parte &c.) vide dicto loco.

Minui sibi inuidiam adempta salutantum turba) & hoc est illud præceptum; *noli facere. conferuus tuus sum.* de quo dixi ad librum tertium. Hoc modo Nicolaus Capponus, deposita Vexilliferi (Gonfalonierum dicunt) dignitate, minuendæ inuidiæ causa rusticatum in villam abiit. Et Bernardus Cabrera ardentissimò apud Petrum Aragonium fauore, eundem in finem monasterio se inclusit: vnde à Rege extractus, & maioribus admotus honoribus, non potuit æmulorum inuidiam declinare. Horum enim suggestionibus incitatus Rex innocentissimo, nec cuiusquam sceleris comperto caput demiussit.

Cæsar obiectam sibi aduersus reos inclementiam eò perulcaciùs amplexus) Tyranni vt faciendis sceleribus prompti; ita quæ fecerunt audiendi impatientes sunt. Nolunt corrigi, reprehendi, moneri. Referunt Hispaniæ Regem circa annum Christi 1500. lxxxv. tam furiosè puellam quandam deperiisse, vt non modò in illius gra-

gratiam plurima rege indigna faceret, sed & suâ manu quosdam regii sanguinis illius causâ occid eret; deniq. eidem ab omnibus regni ordinibus fidelitatē, & obsequium iurari vellet. Abominati procures rei indignitatē duodecim ex primariâ nobilitate viros ad Regem ablegarunt; iussos reuerenter deformem amorem, causâq. propter quas pellici regiē obsequiū iurare nequeant, exponere. Quod cum illi fecissent, Rex, barbâ suâ tactâ, per hanc iuro, dixit, malè vos locutos. Nec alio dato responso eos dimisit. Paucis interiectis diebus, cum Hispalim venisset, XI. illos oratores noctu in ædibus suis interfici iussit.

Ne regibus quidem parere, nisi ex libidine solitis. Quod plerunq. accidit in populis, qui immunitatibus & quâdam libertatis imaginē gloriantur. Indeque Boetacalinus priuilegia lapidem scandali, seminarium zizaniorū appellat: ex quâ causa omnia inter Principem & subiectos disidia oriantur. Sanè Principatus, quò propius dominatum accedit; & solutam legibus potestatem; eò firmior minusq. seditionibus obnoxius esse videtur: & ex contrario. prolior est in rebellionē & ciuilia bella, omni tyrannide peius malum, via, vbi Optimatibus, potentię & opum suarum consciis in Regem contumacibus esse licet. Nec in Regem modò, sed & in mutuam plerunq. perniciem arma sumunt, qui in magno regno paruos se Reges sciunt. Tacitus de Britannis: (in Agric.) olim Regibus parebant; nunc per Principes factionibus & studijs trahuntur. nec aliud aduersus validissimas gentes pro nobis utilius, quàm quòd in commune non consulunt. Rarus duabus tribusue ci-

tatibus ad propulsandum commune periculum conuentus. ita
 dum singuli pugnant, vniuersi vincuntur. De iisdem Bri-
 tanniæ populis, sed recentioribus Guilielmus Neu-
 brigenſis, ſat prudens ſcriptor in Hiſtoria rerum An-
 glicarum ſui temporis ita ait; *Caſtella per ſingulas pro-
 uincias crebra ſurrexerant ſtudio partium; erantq. in Anglia
 quodammodo tot Reges, quot domini caſtellorum; habentes
 ſinguli percuffuram proprii numiſmatis, & poteſtatem ſubdi-
 tis regio more dicendi iuris. Cum itaq. ſinguli excellere qua-
 rerent, ut quidam ſuperiorem, quidam vel parem ferre non
 poſſent, ſeralibus inter ſe inimicitijs diſceptantes, rapinis atq.
 incendijs pulcherrimas regiones corruerunt.* Deniq. Chri-
 ſtianorum Principum multitudinem exarmaſſe illo-
 rum potentiam, atq. auxiſſe rem Turcicam, & noſtri
 homines agnoſcunt, (v. *Tb. pol. cap. xxxi. ii. & xxxvi.*)
 & ipſi Turcæ ſciunt. Cum enim Mahumetes Imp. ve-
 reretur, ne Occidentis Principes Conſtantinopoli à ſe
 obſeſſæ auxilia ſubmitterent; Sogam-Baſſa ei his ver-
 bis metum dempſiſſe dicitur: Noſti, Domine, Italo-
 rum Principum polyarchiã facere, ut anarchi ſint, nec
 concordēs eſſe poſſint. Multa quidem illi ratiocinan-
 tur, conſultant, decernunt ſed horum nihil aut parum
 exequuntur: & quod hodie volunt, eius cras pœni-
 tet. (*Georg. Pbranzes Protouoſt. III. hiſt. Conſtant.*) Et
 Ibraimus Baſſa in Comitibus Imperii Francofortenſib.
 dixiſſe fertur: Germanorum conſilia & actiones ſi-
 miles eſſe belluæ multorum capitum, & plutium cau-
 darum, quæ ſepem tranſire conaretur. & quia capi-
 tum quodq. ſibi diuerſum foramen quæreret, fieri, ut
 ſimul vniuerſum corpus maneat immotum, impedia-
 turq.

turq. quò minùs vltèriùs progredèretur. Contrà suū Imperatorem vnicipiti animali comparabat plures habenti caudas: quod vbi semel capite transisset, statim corpore toto atq. caudis omnibus sine vllò impedimento penetraret. Barbari iudiciū minimè barbarum! Nam in comitiis, quæ sarcientiæ paci publicæ & communi bono stabiliendo augendoq. sacra esse debebant, quæ consiliorum sunt scissuræ & factiones? imò quæ consiliorum communium sunt effugia? Cùm iam ad portas est Hannibal, dum monentur Principes & ciuitates, dum delecti vocantur, dum tributa emendicantur, aliquot mensium labor est: & religiosum tamen hunc ordinem non expectant negotia; effluitq. inter moras reigerendæ occasio, aut ingruit malum, quod præsentibus poterat repelli stipendiis. Bella non auro minùs, quàm ferro geri solent. Quia autem citiùs hostis adest, quàm Imperij Procères conueniant, defunt plerunq. publicæ opes, quibus alatur domesticus miles, & ex vicinis gentib. auxilia contrahantur.

Datis mitibus responsis, dum &c.) Quia alios repentinò bello adoriri, aut aliorum in se impetum remouari volunt, *pacem & concordiam speciosis & irritis nominibus iactant*, (Tacit. i. hist.) & missis legatis, aut ad se missis detentis, aduersariū ludificant. Nonnunquã etiam dimittuntur hostiū oratores non alio cùm respòso, quàm secuturos mox relatueros responsionem: ij autem deinde aut planè non mittuntur, aut non nisi compositis necessariis rebus tardè nimis expediuntur. Romanorum legati à Perseo è Macedonibus redeuntes, nul-

la re magis gloriabantur, quam decepto per inducias & spem pacis Rege. adeò enim apparatus belli fuisse instructum, ut omnia opportuna loca præoccupari ab eo potuerint, quàm exercitus in Græciam transmitti reretur. Spatio autem induciarum sumpto venturum illum nihilo paratiorem; Romanos omnibus rebus instructiores cœpturos bellum. (*Liv. xli. i.*) C. Cæsar Heluetios transitum petentes distulit, ad præstitutam diem redire iussos. interim aditus omnes validis præfidiis firmavit: reuersis deinde transitum negauit. (*Cæs. i. de bell. Gall.*) Et Sabinus, donec exercitus isti vnũ conduceret, datis mitibus responsis, dum Pomponius Labeo è Mœsia cum legione, rex Rhoemetalces cum auxiliis popularium veniret, Thraces elusit. (*Tac. hist.*) Simile exemplum de Ptolomæo Philopatore Aegypti Rege est apud Polyb. (*lib. v.*) aliud de Emanuele Imperatore Constantinopolitano apud P. Iustinianum: (*i. i. hist. Venet.*) aliud apud Hieronymum Conestagium (*lib. iv. de coniunct. Portug. cum reg. Castil.*) de Philippo Rege Hispaniæ, Cardinalem Riarium à Pontifice ad se missum, in itinere per præfectos suos magnificè excipiendo, ludisq. & spectaculorum varietate, tam diu detinente, donec Albè Dux Lusitaniæ regnũ (de cuius controuersâ successione Pontifex sibi cognitionem arrogabat, subegisset. Aliud de Cosmo Medico apud Io. Baptistam Cinum (*lib. i. de vit. Cosm.*) Saluatum & Ridolfum Cardinales, ne nouiter iacta imperii fundamenta conuellerent, extra urbem per amicos detinente. Deniq. nostra memoria in famosissima Offendè obsidione Albertus Archidux hoc

modo à praefidiariis delusus est. Cùm enim inducias pepigissent, quasi de deditiõne acturi, dum simulant colloquium, furtim v. cohortes auxiliares cum ingenti vi commeatus intromissi sunt. Sed non debuit præteriri insignis eiusmodi Themistoclis astus, quo Lacedæmonios decepit. Post Xerxis è Græcia fugam Athenienses vrbis suæ muros, quos ipsi antè diruerant, restaurare parabant. Quod cùm Lacedæmonii, quibus omnià illorum consilia suspecta erant, legatis missis impedire vellent, adeoq. verbis vim addituri viderentur: Athenienses Themistoclis vsi consilio, Lacedæmonios dimittunt cum responso; è vestigio secuturos suos oratores, qui causam suam sociis probaturi sint. Illis abeuntibus, ipse Themistocles Spartam ablegari se iubet, aliosq. sibi adiungit socios, qui tamen non secum abirent, sed tam diu manerent, donec murum in eam altitudinem extruxissent, quæ hostium impetum repellere posset. Urgerent modò opus, nec ulli labori, sumptuiue parcerent. Peracto itinere, cū Spartam venisset, non ilicò ad magistratus perrexit: sed initio causas ipse sibi pro arbitrio fingens, tandem socios se expectare dicens, miratusq. nondum adesse, rem in multum tempus extraxit. Tandem cùm illi quoq. venissent, & Lacedæmonii interea certis nunciis comperissent, surgere Atheniensium muros, nec yllam nunciatiõis suæ curam haberi: Themistocles illos hortatur, ne vanis rumoribus fidem habeant: mitterent potius fidos ex suis homines, qui comperta cum fide referrent. Annuunt illi, mittunt Athenas (opiniõne sua legatos, re autem vera pro Themistoclis

clis salute obsides) & simul quosdam suorum Themistocles, cum arcanis mandatis, retinerent à Spartanis missos, nec antè dimitterent, quàm ille rediisset. His omnibus compositis, Themistocles ad Regem & Ephoros prodit: fatetur, urbem suam muro cinctam. Postremò ille Athenas, isti Spartam redeunt. (*Thucy. 1. Justin. 1. 1.*) Hęc sophismata iuste an secus vsurpantur, querere libet. Certè Alexander Magnus latrunculorum & furum solertiam esse dicebat, noctu & ex insidiis hostem adoriri. (*Q. Curt. lib. 1 v.*) Quod legati, Perseum Regem induciarum spe deceperant, ut dixi, magna quidem Senatorum pars probabat. Sed addit Liuius veteres moris antiqui memores nouam istam sapientiam improbasse. non astu magis, quàm vera virtute bella gessisse maiores. Et Tiberius Adgandestrio Principi Cattorum respondit, non fraude, neq. occultis, sed palàm & armatum populum Romanum hostes suos vlscisci. (*Tacit. 11. Annal.*) Ego arbitror rectiùs dici, facti quæstionem esse; & principalem causam trahere hanc veluti consequentem: ut si iusta sit bellilcausa, iusti sint etiam hi doli: sin iniusta, etiam has technas improbas pronunciem. Quidni enim summam publicę rei quibuscunq. modis saluam præstemus? Nihil turpe est, quod inimico detrimentum afferat. (*Achill. Tat. v. 11.*)

-Dolus an virtus, quis in hoste requirat?

Addo tamen necessariam limitationem; modo sanctum illud Fidei numen nullo scelere violetur. (*v. Thom. Dempster. lib. 1. de iuram. cap. 11.*) Fauent pietati fideiq. dī. Quomodo autem istiusmodi artibus fides

des contaminetur, equidem non video. Sunt inter Principes visitatæ; iure gentium probatæ; ut qui per illas decipitur, non de dolo hostis, & ruptâ fide (quippe quæ nulla data est) sed de suâ imprudentiâ & credulitate conqueri debeat. Omnibus scriptum est hoc monitum: *ἴσθι καὶ μὴ γὰρ ἀπιστῇς. πάντα πῦρ τῶν φρενῶν. ἦ.* vigila, & diffidere memento. hi sunt nerui prudentiæ. Tractatus ad nihil obstringit. (*Decian. lib. 1. 1. cons. lvi.*) & multa tractantur, quæ non concluduntur. (*Decian. cons. cv. cxxxix. i.*) Huc contenditur sæpissimè, ut per eiusmodi iniectas spes & tractationes hostis securus reddatur, & negligens. Sed aliud erit dicendum, si iam pactum aliquid sit, & conuentum. Tunc enim, qui contrâ molitur, contra datam fidem agit. Non ergo callidum Petri Aragonii factum probare possum, quod tale historici memorant. Cum inter Carolum Andegauensem & Petrum de Sicilia regno armis decerneretur; & Carolus maritimis terrestribusq. copiis superior insula immineret, Aragonius, qui Caroli superbum atq. elatum ingenium nouerat, ad equestre paucorum certamen prouocat. profligari posse bellum duello, longiori mole attriturum mutuas opes, regna, populos. Placuit condicio, & Burdigala, quæ tunc Britannię Regi parebat, duello lecta. Igitur cum Carolus ad præstitutum diem se stirisset, & ad occidentem vsq. solem frustra Petrum aspectasset, serò agnitò errore abcessit. Vix est, ut non improba sit hæc solertia. Data enim fides erat in rem certam ad duellum, ad certamen; nec præstita. Quod autem Xenophon (1. *Cyrop.*) ducem militum insidiatorem esse de-

debere ait, & suæ mentis occultatorem, & fraudulentum, & furem, & veteratorem, & raptorem; eo, quod diximus, sano sensu accipiendum est, ne quid scilicet in datam fidem peccetur. Ita enim ipse Xenophon se explicat, cum addit supradictis; operam dandam bono duci, ut cum suis paratis hostem non instructum deprehendat, cum armatis incrimem, cum vigilantibus dormientem, conspectum ab se, cum is illum non videret, denique ut locorum difficultatibus impeditum ipse constitutus in loco comodo adoriatur. Non igitur oportet hostes in consilium adhibere; nec armorum magis est militia quam temporum. Placet eam demum esse veram victoriam, quomodo nullum præter hominem animal vincere potest, id est, ingenii quadam solertia. Nam corporis robore, versus, leones, apri, lupi dimicant: qui ut viribus superiores nobis, ita ingenio & ratione infra nos sunt. Indeque Lacedæmonii, si quando stratagemate hostem superassent, Marti bouem immolabant, si aperto prælio, Gallum.

Idèd la di, quia non regnaret) Iasonis apophtegma est, miserum se vocantis, quod non regnaret. (*Aristot. 111. politic. 111.*) dixi ad libr. 11. verb. *caterum Tiberio haut &c.*

Non ignarus quantum ex Rep. peteretur) v. quæ dixi ad libr. 1. verb. *pridem inuisus &c.*

Immissis qui per speciem amicitia monerent) has aliasq. callidorum amulorum artes exposui ad librum primum.

Cum dominationem ipsam donum elus accepisset.) Grande

de donum, & quod non gratiam sed odium mereri potuit. Quippe ubi impares merito se putant Principes, destrui fortunam suam rati, & velut exprobrantes, oculis suis obuersari tam inuidiosos benefactores pro gratia odium reddunt. Agrippina Neronis mater cum ad vestem & gemmas dono sibi à filio missas, non his instrui cultus suos, sed ceteris arceri proclamasset, & diuidere filium, quæ cuncta ex ipsâ haberet; minareturq. ituram se cum Britannico in castra, patefacturam suas nuptias, suum veneficium: prægravis Neroni, interfecta eius iussu est. (*Tacit. xi 11. & xiv. Annal.*) v. quæ dixi ad lib. i i i. verbo. *fato potentia raro &c.*

A libertis & clientibus apiscenda potentia properis exstimulatur.) Magni conatus, & præcipitia incæpta non sæpius ab ipsis Principibus, quàm ipsorum amicis, opes aut potentiam inde aucupantibus procedunt. Fridericus Comes Palatinus mirissimi ingenij Princeps semper habitus, suorum praua suggestione ad consilia sibi & Germaniæ vniuersæ exitiosa impulsus esse dicitur. Quippe maiores sibi apud Regem honores spõdebant. Iam opes, potentiam, præfecturas, regiæ deniq. fortunam omnes spe deuorauerant &c.

Traxit in partes, spe obiecta Principis loci) Prima calliditatis ars est, suâ cuiq. spem velut hamum obicere. Animus spe occupatus non vacat pensandis periculis, aut, quæ struuntur, insidiis.

Spes implet tumidum naufragijs mare;

Spes captis onerat retia piscibus:

Hac Bellona ferox vsa satellite,

Mortalem quoties solo

Fudit prodiga sanguinem ?

Praefero cem & insidijs magis opportunum) dixi ad libr.
11. verb. in ea diuisione.

Magna post praelia saucios largitione) notauit ad lib. 11.
verb. addit munificentiam Cæsar.

Mos vulgò fortuita ad culpam trahentes.) Burgundiones folio deturbabant Regem, sub quo fortuna bellititubasset: & Ægyptii omnes casus adsignabant rectoribus suis. (*Ammia. Marcell. xxvi. 11.*) Mofsynæci, si fortuna cæptis non adspirasset, reges suos totius diei inedia puniebant. (*Pompon. Mela lib. 1. cap. xx.*) Sed non est prudentis ex euentu æstimare consilia: cum sæpè res sapienter & maturè deliberatæ sinistros exitus, pessimè verò consulta bonum finem fortiantur. Sæpè stulta consilia hostium imprudentia correxit: sæpè sapienter deliberata inuitabilis factorum necessitas euertit. Qui praua consilia ex felici euentu laudant, bona ob aduersam fortunam damnant, ad malè censendum homines inuitare videntur, inq. causa sunt, ut animi consulentibus imminuantur, ne in apertū sententiam suam liberè promere ausint. Inde sapienter Carthaginenses, cum ducum suorum acta recenserēt, non euentum atq. casus, sed consilium spectarunt: cū multos, etiam qui prauo consilio feliciter rem gesserant, tanquam homines stultos, Reip. perniciosos cruci affigerent. Sed hīc illud notandum venit, consiliorum quoddam genus esse speciemerarium, aut stultum; re autem vera sapienter, & intuitu hostium discordiæ aut ignauiæ susceptum. Cū enim non omnes

nes homines sapientes sint, sed plures impetu abripiantur, alij desidiâ marcescant, quos nota pariter & occulta fallunt: audere licebit interdum, quod, si in aliû fusciperetur, imprudens & stultum foret. Cùm quidam Ferdinandi Ducis Albani factum quoddam vt temerarium, & inexperto iuvene, quam veterano duce dignius familiariter reprehendisset: respondit Albanus, non negate se, fuisse anceps & alex plenum factum: sed fiduciam prosperi successus sibi fecisse hostes rei militaris planè imperitos. (*Conestagg. vi. de cōiunct: Lusit. cum Regn: Cast.*)

Nullò mirante, quòd diu egens, & parto nuper proemio male usus plura ad flagitia accingeretur.) Quod fieri necesse est, vbi delatores, genus hominum publico exitio repertum, & penis quidem nunquam satis coercitum per præmia illiciuntur. Delatores qui non castigat, irriat. (*Domitiani dictum apud Suet. in Domit. c. x.*)

Quibus additus miles & c.) relatus est hic locus ad lib. i. verb. *Granium Marcellum & c.*

(*Compositum inter ipsos*) iste tragædiæ ordo explicatus est ad lib. i. verb. *Granium & c.*

Veteres & pragraues adfluxit.) retuli ad lib. i. verb. *neque imperasse se.* & lib. iij. verb. *sato potentie raro sempiternæ* & verb. *audire me memini & c.*

Misericordiam erga afflictos) notavi ad lib. i. ii. verb. & cùm accusatores & c.

Pacem exuere; nostra magis auaritia, quàm obsequij impatientes.) Grauiissimè Deum offendi, acerbissimis tributorum exactionibus, adeò clarum est, vt nulla egeat demonstratione. De Eduardo Angliæ Rege Polydo-

rus Virgilius in Historia Anglica refert, cum ingentē aurivim ex tributis redactam ad se afferri iussisset, videri malum dæmonem foedissima specie pecuniis infidentem: coque spectaculo territum pium Regem præcepisse, suum cuiq. reddi. Sed & contra naturæ rationem inhumanitate ista, ne quid sævius dicam, peccatur. Principatus conditos scimus, ut vi sublata, quæ omnia ad potentiores trahebat, ex naturæ & rationis imperio agerentur res humanæ. Quid autem ad naturam magis accedit, quàm ut quisq. partis industria sua aut amicorum liberalitate opibus fruatur? Quid rationi civili commodius, quàm ut intelligamus, quid nostrum, quidue apud nos fisci sit. Atqui Princeps, qui legitimè collatas pecunias aut ipse per luxum profundit, aut avaris hominibus committit, & inde novas sustinendi militem rationes cogitare necesse habet, facit, ne sciant cives, quantum ex domesticis opibus Regi, quantum sibi iura attribuant. Qui enim id sciant, cum nō hoc suum ac ne legis quidem arbitrium sit, sed Principis duntaxat unius; cumque tributo semel exacto adhuc ipsi simpliciter suis bonis non gaudeant, quæ alijs scilicet Regis edictis possunt rursus delibari? Porro quæ aduersus Deum, & naturam peccat rapacitas, etiam inter homines nō vsquequaq. felix esse solet: quod historiis, quas deinde afferemus, clarum fiet. Quod enim quidam egestatem civium dominantis securitatē esse existimant; falluntur illi profectò. Paupertas quippe & egestatis fastidium non abiectos homines facit & iniuriarum patientes; sed quia afflicta ipsorum fides est in pace, &

vnica spes in turbatis rebus, nouarum rerum extremè cupidos : vt nihil sit tam difficile , tamque anceps , quod illi non audeant . Semper compertum est egen-
tissimum quemq; esse audacissimum; & non rarò in desperationem abire paupertatem; eam maximè, quæ neq. terræ hiatu, neq. aquarum inundatione, neq. natu fragij damno , neq. hominum insidiis, aut deniq. negociationum casibus, sed crudeli illorum Principum auaritia contingit, qui non tondendo gregem suum , sed excoriando & deglubendo opulentos se euasuros pastores stolidè credunt . Qui hodiè nocere non poterunt, fortasse cras poterunt . Tempus, & mille nunquam cogitati casus occasiones afferunt, quibus non potens modò inimicus, sed debilis & contemptus, & qui nūquā fortasse iuuare potuit, possit in perniciem vltimam nocere . *Non tam omnibus fortunis nudari quis potest, vt non ad vindictam ei cultellus remaneat . Prius necis paternæ, quàm ablati patrimonij obliuiscuntur homines .* Metus & terror infirma vincula caritatis sunt; quæ vbi remoueris, qui timere desierunt, odisse incipient . (Tacit. in Agric.) Non igitur immane latrocinium & atrocissimum hoc furti genus probare nobis possunt, qui politicum præceptum tradunt; premendos ferocientes, & regnantibus periculosos ciuium spiritus ; adimenda ea, ad quæ, si respexerint, superbia & opum conscientia obsequium excutere possint , & , vt Italorum prouerbum est, *bona subiectis populis sensim, et quasi guttatim instillanda; mala simul & semel ingerenda* . In magnares ea cautio valeat; illis honores, opesq. , ne maiora quàm par est, concupiscant, parcè distribuant . Plebes

eo nos metu liberat; quæ vilis humi serpit, & animo prædita est nunquam assurgente sublimibus consiliis, & cogitationum magnitudine.

- Satis est, populis fluuiusq. Ceresq.

(*Lucan. 17.*)

Vulgo una ex Rep. annona cura. (*Tacit. 1 v. hist.*) *Lucan. iii.*
de Cæsare.

Gnarus & irarum causas, & summa fauoris

Annona momenta trahi &c.

Nihil à principe requirit vulgus, quàm panem & frumentum in foro. Cererem & Bacchum & Ocii dulcedinem innocentem stupiditate colit; & ratio in alios, quàm qui ad hæc numina sua auaras manus porrexerant, exarsisse legitur; eaq. bona sua pertinacius defendit, aut ita recuperatum, quia sola æstimat, & horum intuitu omnium aliorum obliuiscitur. Romana plebs sub pessimis & crudelissimis Imperatoribus, & Florentini trucidato per insidias Alexandro Duce nullam status mutationem expetebant. Quippe annonam vilem fuisse satis erat ad amandos istos principes. Hebræus populus etsi in Ægypto grauissimam seruiret seruitute, à Pharaonis ministris continuis laboribus ita pressus, ut vix respirandi haberet facultatem, in victus tamen & rerum necessariarum abundantia facile oblitus est libertatis. Postquam verò stupendis Omnipotentis Dei miraculis & potentia ineffabili velut manumissi Palestinam versus per loca omni solitudine vasta iter facerent, & initio panis, mox aqua, deniq. carnes deficerent; non semel durissimum seruitutis iugum, & ollas Ægyptias optare sustinuerunt. Romani, quò

Gal-

Gallos recens domitos quietos tenerent, non efficacius ullum existimabant remedium, quàm omnes disciscendi præbere eis occasiones. Quæ res tam feliciter illis cessit, ut de populis illis, qui bellicosissimi olim fuerant, Tacitus (*in Agric.*) velut de re, in quâ præter factam nihil durauerit, *Gallos quoq. olim in bellis floruisse* dicat. Ex quo apparet, segniciem cum ocio intrasse, & opum atq. diuitiarum, quas collegerant Galli, ingentem vim enervasse illum tam armipotentem olim populum: ut Taciti tempore penè fabulæ simile fuerit, Gallos aliquando bellicosos fuisse. Quemadmodum ursi, leones, aliaq. morsu & vnguibus nocentia animalia deponunt insitam feritatem erga pascentem. parent imperanti, blandiuntur: ita nulla re mansuecunt homines meliore fide, quàm si opibus per industriam partis Principis beneficio frui possint. Inde sequitiam annonæ inculante plebe Romana Tiberius statuit frumento precium, quod emptor penderet, binosque nummos se additurum negotiatoribus in singulos modicos. (*Tac. 1. 1. annal.*) Vespasiano & Aureliano Imperatoribus volupè fuisse dicitur, pascere populum. Et hic quidem, quod vilior esset annona, libræ unciam addidit: ille architecto rationem monstranti, qua prægrades columnæ exiguis impensis & paucorum hominû operis in Capitolium duci possent; placere quidem sibi inuentum, respondit; sed sineret se populum pascere. Quod pertinet sanctissimum cuiusdam & pientissimum consilium; fame populos urgente Principem, ditioribus tributum indicare debere ad pauperum sustentationem, eamque pecuniam, vel ea coemptum frumen-

mentum postmodum pauperibus suo nomine distribuere. Carolus Flandriæ Comes Tamardum è gratiosissimis aulicis alendis è fisco egentibus præfecit : ipse cum oculis in vulgus prodibat , circum templa obambulans, stipemq. sua manu mendicis promens . Dardaniorum, eorumq. , qui annonam flagellabant, & clausis horreis frumentum suppressiebant, nequitiam comprescit, apertis conditoriis, triticoq. in egenos distributo. Qua popularitate adeò carus subiectis fuit, ut cæsi à sceleratis hominibus corpus pro se quisq. tanquam sanctas reliquias venerarètur, osculaq. ferrent; deniq. aliquid capillorum, barbaq. atq. adeò vnguïu & vestimentorum, domestica religione asseruarent, colerentq. (*P. Aemil. v. de reb. gest. Franc.*)

Satis igitur constare arbitror, falli Principes, qui à pecunia ditibus sibi periculum, ab exhaustis, & excarnificatis securitatem promittunt . Quia tamen pauci prudentia honesta ab deterioribus, utilia ab noxijs discernunt; plures aliorum euentis docentur : (*Tacit. s. hoc lib.*) ego quoq. exemplis, quod dictum hæctenus, adstruam . Carthaginenses superbè & auariter Africanis imperitabant; mediam fructuum partem auferentes, tributa duplicantes, & solum probantes ministros & præfectos, non qui clementer benigneq. populos tractassent, sed qui grandem ærario pecuniam per fas nefasq. corrasam intulissent. Quibus rebus factum est, ut plerèq. ciuitates seditiosis militibus postea accederent. (*Polyb. i. i.*) Ob eandem causam ab illis Hispani quoq. defecerunt : (*Polyb. i. i.*) & ab Atheniensibus post cladem in Sicilia acceptam Socii. (*Thucyd. v. i. i. i.*) Etiam

Romæ suspecto Senatus, populiq. imperio ob certamina potentium & auaritiam magistratuum, fessa Resp. in vnus potestatem concessit: (*Tac. i. annal.*) Et Gallis auaritia, aliis iuncta causis, fatales fecit *Siculas Vesperas*: (*Leon. Aretin. i. i. i. histor. Flor.*) & Ludouico Sforzæ Mediolani Principatum abstulit. (*Guicciard. i. histor.*) In Gallis Carolo VI. Rege rerum venalium vicesima indicta erat, id onus vrbes detrectabant. cōtrā regii ministri nitebantur. Cū igitur Parisijs in foro olitorio femina quædam nasturtium venum exposuisset, coactor Regius obulum postulat muliercula ad astantium virorum auxilium prouocat. Concurso facto exactor à turba oppressus, obtritussq. est. Inermis plebs ad ædes publicas impetu fertur. deiectis foribus arma relaq. corripunt: exactores, redemptoresq., quoscunq. urbem peruagati deprehendere poterant, plumbeis malleis confecerunt (*P. Aem. i. x.*) Pisani olim à Florentinis, quod omne negociandi genus ipsis interdiceretur, & artes, præter manuarias, omnes exercere prohiberentur, defecerunt: nec nisi post multos annos, & immensos Florentinorum sūptus subigi potuerunt. (*Guicciard. ii.*) Hispanis Mediolani occupationem facilem fecit populorum ingens erga Gallicum nomen odium: qui à militibus grauiā & intoleranda perpeffi, cū neq. Rex ob pecuniæ inopiam satis prouideret, neq. præfecti obisterent, incredibilis, quo Regem prosequabantur, studij & beneuolentiæ obliti omnia sursum deorsumq. volui misceriq. cupiebant. (*Andr. Maurocen. i. hist. Ven.*) Eadem tributorum acerbitas Gandauī in Flandriā

(*Mauricen. iv. hist. Ven.*) & absente Carolo Cæsare in Hispania (*Guicciard. xiii.*) periculosissimam seditio- nem concitauit: & Clementi VII. Pontifici tantum o- dium fecit, vt cum Borbonius cum hostili exercitu ad urbem contenderet, & Pontifex ciues ad conferen- das pecunias hortaretur; cæteris abnuentibus Domi- nicus Maximus Romanorum ditissimus centum au- reos numos mutuò se daturum promitteret. (*Guiccia. xvi. i. i.*) Gotricus Danię Rex, (Gothofredum Ger- mani & Itali vocant) cum Frisios oppressâ libertate, fortunis cunctis ablatis in turpē miseramq. fortunā adegisset; tributum quoque annuum iniunxit: quod maximè fecit, vt seruitus illa diuturna non esset. Edi- ficiū, cuius longitudo erat cexl. pedum, duodecim- paribus spaciis maceriâ diremptis distinctum struxit; ad cuius caput Quæstor, cum tributum pendendum erat, considere iussus est. Ad finem verò clypeus con- cauus ex ære locatus, in quem singuli Frisiorum tri- butum soluturi numum coniciebant: cuius cadentis sonum si Quæstor ex longo intervallo exaudiret, in- solutum cedebat: sin minus regio quidem fisco ille ac- crescebat; sed qui iecerat, alium atque alium maioris ponderis eodem conicere cogebatur, donec tinnitus Quæstoris aures feriret. Addunt alij, auri & argenti vtiū omni in corporis cultu vtitū ad vimineos, tor- ques, similiaq. seruitutis extremæ argumenta eos latā lege redegisse; præfectum dedisse, qui in seruili obse- quo & operis miseros detineret; ostium in ædibus ad Septentrionem vñum habere iussisse, humilius quàm pro statura corporum: cum, vt iugum quotidie tur-
piter

piter subire, tum vt exituri inflexo toto corpore regē
 Danum seruiliter venerari viderentur. Quis ex noue
 sapientiæ doctoribus non diceret, benè prouisum ne
 animos tollerent Frisij. omnia ad infringendos spiri-
 tus instituta erant. Sed iidem erectis talibus iniuriis
 ad libertatem animis, cū arma raptim vndiquaque
 collegissent, Danorum præsidia passim oppresserunt,
 aut sinibus suis eiecerūt. (*Ubo Emm. v. hist. Fris.*) Quod
 exemplum eò notabilius est, quia Tacitus hīc eodē
 Frisios eādē ob causam ad iram & questus, & post-
 quam non subueniebatur, ad bellum venisse refert.
 Nunc alia addo. Imperante Valentiniano (placet no-
 uis vetera interserere) multiplicata per Pannonias ve-
 tīgaliū agumenta Optimates vltimorum metu
 exagitatos compulerunt mutare sedes, & trans mare
 abire: & flagitantium ministrorum amaritudine qui-
 dam oppressi, cū non suppeteret, quod darent, erant
 perpetui carcerum inquilini: è quibus aliquos, cū
 vitæ iam tēderet & lucis, optata suspendiorum reme-
 dia consumpserunt. Quibus populorum excoꝛiatio-
 nibus nudatum esse hostibus Pannoniæ latus scribit
 Ammian. Marcellinus libro tricesimo. Guilielmus
 Auraici Princeps, quærentibus quâ spe contra poten-
 tissimum Hispaniarum Regem ipse omnium rerum
 egens, patriâ extorris bellum cieret? respondit: Hi-
 spaniarum avaritiam & crudelitatem duas sibi fore
 portas aditum daturas in Belgium. Deniq. cū supe-
 riori seculo à Fontano Comite & Hispanis Cameracū
 obsidione cingeretur, & iam Fontanus autumnali in-
 reimprie attritō exercitu de receptu cogitaret: nihil

illi ad vrbis occupationem magis profuit,quàm ciuiū in Balagnium,qui se nuper Cameracensem Regulum appellari à Galliae Rege impetrauerat, odium. Exasperauerat illos, quod pro mercibus in foro venalibus numisma æreum Balagnii iussu percussum, accipere cogerentur: cùm pro indictionibus tributisq. non nisi aureum & argenteum Balagnii exactores reciperet. Exempli præter solitum plura attuli: vt iis receptam hodiè quorundam opinionè confellerem, qua subiectorum inopia principum securitas constare putatur. Nunè superest, vt, quibus artibus tributorum necessariorum inuidia leniatur, doceam. Veteres limitanea

- I. regnorum loca non tam grauibus vectigalibus, atq. ea quæ in meditullio regni sunt, onerant; metu defectionis. Inde noluit Darius esse tributarios Æthiopes & Colchos, quia limitares erant. Veneti hodieq. mitius tractare putantur Bergomates, Brixices, Crementenses, Mediolanensium olim ditionis oppida. Et Neapolitani acerbius ab Hispanis habentur, quàm Mediolanenses; qui cum Allobroge, Gallis, Veneris consilia Hispanis perniciosissima inire possent. Illud quoque consilij pars est, non imos quæstores exigendis à
- II. populo tributis præficere. & nec ipsi priuatorum limina circumcant, nec missis licitoribus pignora capiunt, diuexentq. oppidanos. Ipsorum ciuium sit hoc munus; qui ex suo corpore eligant per quos ea pecunia cogatur humanius; inde singula oppida inferant ærario. Si quis enim priuatus detrectet aut moretur: per assuetos magistratus, notosq. licitores præstat ad solutionem adigi; quàm inhumano fastu quæstorum qui

qui cum exactoribus suis breuem moram interdum crudeliter vendunt; meliusq. prædati nunquam sunt, quàm cum in vexatis laribus, & in quibus vix tantum est, quod tributo sufficiat, sibi quoq. spolia illato terrore inueniunt. Est etiam cautio, ea tributi nomine III. exigere, quæ quibusq. locis vilissima habentur. Quomodo Romani à Frisijs coria bouum, (*Tac. hic.*) à Siculis frumentum, à Corsis ceram (*Alb. Gent. 111 de iur. bell. 1v.*) sumebant. Præterea pium maximè est, tributis IV onerare ea magis, quæ diuitum luxum instruunt, quàm quibus pauperes vitam exhibent: & sumptuarias leges ferre, earumq. contemptoribus multas irrogare. Cūræ ærarij & vectigalium præponendi sunt homines sanctissimi, & qui puras innocentescq. manus habeant. Secus si fiat, nulla tributorum acerbitas sufficiet; & Princeps semper vacuus, vt de Erisichthonis fame pueris narramus, & erectis in futurum votis egebit. Et non inepta quorundam cautio fuit, ærarij & reddituum cūram sacris hominibus mandasse. Cum enim illis Pontificia constitutio matrimonia abstulerit, cur opes relinquere optarent liberis, quos tollunt nullos? Præsumuntur itaq. non diuitiarum conquisitioni operam dare, aut ceteris mortalium cūtis occupari, sed pro domo, pro familia, pro posteris cælum habere. Ita Mediolani olim in sacro ærarium erat, pecuniæq. plebis sequester sacerdos esse ex lege iubebatur. (*Aleiat 11 hist. Mediol.*) & c. 13. 10. xxiv. Senis Camerlingi officium (is ærarij curam habebat) monachis concedebatur: (*Malauol. lib. vii hist. Sen.*) & nuper sacratissimus Dominus Imperator noster, Camer-

merę, vt vocāt, Austrię Cremsinunsteranum Antisti-
 VI rem Præsidentem dedit. Multum quoq. tributorum in-
 uidiam minuet, si Princeps fūdos patrimoniales suos,
 & quicquid in domestica eius hereditate est, colli iu-
 beat, & inde redactas opes publicis vectigalibus iun-
 gāt. Quam curam hodiē hęc facilior popularis pe-
 cunię ratio atq. fiducia penē euertit. Negligi enim
 patrimonia illa Regum tanquam angusta aut labori-
 osa aut deniq. ad priuatorum sortem accedentia inci-
 piunt; mōx in gratiosos homines diuidi, pignori dari,
 veraq. aut simulatā emptione excidere. Ita innocen-
 tissimum viuendi genus omittunt de suo vectigali, il-
 ludq. tributorum instituunt prædę proximum. De-
 viuinq. exactam pecuniam cum artificiosa quadam par-
 simonię ostentatione in publicam vtilitatem eroga-
 re decet; vt videant gentes, non eam per luxum &
 ignauiam prodigi conuiuijs, ludis, venationibus, &
 turpissimā in sycophantas & adulatores liberalitate.
 Sed cū fiat plerunq. vt malē extorta flagitiosius con-
 sumantur; perpetua necessitate tenentur Principes no-
 uis indictionibus exsugere subiectos sibi populos, &
 ad ea deuenire, quę sine dedecore Principum, & infam-
 mia seculi dici scribiue non possunt. Inde enim pro-
 dierunt modi nostrā aut auorum memoriā reperti,
 quā Principes carentes pecuniā militem suum in hy-
 bernis vel præsidio retentum ex ciuium suorum expi-
 latione, & vicini agri depopulatione alere solent. Nā
 quod Cyrus Babylonis à se deuictis præsidium impo-
 suisse, eiq. ab ipsis stipendium numerari iussisse legi-
 tur, (*Xenoph. vi. c. Cyropæd.*) id fortassis in vrbe recens

captâ, & mobili, indeq. suspecta, singulari ratione probari poterit. Inde quoq. magnâ cum militiæ nostræ infamia, quâ amici ac hostes pari discrimine habentur, orta consuetudo, singulis ciuium ædibus vnum aut plures imponere, quos, illi cibo, potu, lecto, nocturno lumine, & pro iumentis fœno, stramine, interdum & auena sine precio instruant. Quem morem in Italiam ex Gallia translatum Ludouici XII. temporibus Guicciardinus libro quarto & decimo tradit. Sed Ioannes Baptista Pigna libro quarto Historiæ de Principibus Atestinis, Mastinum Scaligerum multò antequitum ad vrbis pace aluisse scribit; vtiq. leuiore impendio, quia in priuata hospitia distribuebantur. Vt ut sit, mos ille post ea tempora ab Hispanis tanta crudelitate atq. acerbitate in vrbe Mediolanensi exercitus est, vt penè incredibile sit, quod illorum temporum scriptores memorant. Milites per ciuium domos distributi non modò patresfamiliàs ad victum sibi quotidie lautum & delictum suppeditandum, verùm etiam ad pecuniam, eaque omnia, quibus luxu seruitur, cogeant. Quæ cum intoleranda essent, non nisi clandestina ex vrbe fuga (quippe palàm non licebat; cum milites suspectos domi cum coniugibus & liberis vincirent) vitari poterant. Quam ob rem tabernæ atque officinæ tota vrbe clausæ erant, & vbi se olim frequentia suffocabat, mœsta solitudo. Miserabilis vrbi facies, & hominum nimia clade stupentium attoniti vultus. Res certè summa miseratione digna, & exemplum inconstantis fortunæ planè singulare. Viderant homines urbem paulò antè, ciuium

opibus, splendidissimis ædificiis, superba rerum omnium copiâ nobilissimam; multitudine hominum tanta, ut credi posset seminarium esse, ex quò mortales Iupiter in orbem emittit, vel quò fatis vocantibus coeunt homines. Tunc versa rerum vice innumeris partim pestilentia absumptis, partim vltimorum metu fuga dilapsis, vacua habitatoribus, ac penè deserta erat. vterque sexus incultus, sordidatus, rerum omnium egens. nullum earum artium vestigium, quibus precium luxus fecit, quarumque industria tam ingentibus urbem opibus ditauerat. Ex quò in eam desperationem ciuium animi lapsi sunt, ut mortem in tot malorum remedium optantes, quidam ferro, alij laqueo, nonnulli præcipitio exiisse miseras illas memorentur. Nec hæcenus malum stetit. Sequitur in absentes, quorum, si vocati non comparuissent, bona publicabantur. Et erat tantus proscriptionum numerus, ut minuendæ molestiæ causa, quæ in scribendo erat, proscriptionum tabulæ typis excudere necesse esset. Sacra quoque templorum spoliabantur pecunia, in militum stipendia. Denique Antonius Leua militum dux omnem ciuitatis annonam ad se contractam & in publicis locis conditam illis ipsis à quibus rapuerat, immoderato precio vendebar. His vestigijs nostri Principes insistentes cum summa sua infamia (saltem apud bonos) atque miserabili populorum exitio bella gerunt. Nam quod temporum necessitate, & seculi ab antiquis longè diuersi condicione se excusant, id verò vanum est. Non est, non profectò temporum vitium, quod est hominum iniquitas.

tas. Decidatur aliquid ex immenso Regum luxu: restringatur effusa illa in gratiosos & adulatores pecuniæ publicæ profusio: coerceatur insatiabilis quæstorum ministrorumq. auaritia, fraudes, doliq. nunc consuetudine peccandi non excusati modò, sed pro iustis, licitisq. habiti. Nunquam deerunt pecuniæ non in militum modò stipendia, sed in magnificentiam quoq. & reliqua maiestatis ostentamenta. Nec adeò infelix est nostra aut superior ætas, vt non protulerit viros Principes, qui, quòd frugalitatem, & largiendi modum quendam habebant, ad exercitus sustentandos, & viros in quaq. arte præstantes præmiis afficiendos, & cæteram regiam liberalitatem pecuniæ satis habuerunt. Cosmus Magnus Hetruriæ Dux tenuibus noui imperij initiis, difficilimisq. temporibus, & exhausto à prædecessore suo ærario, cùm in suâ Caroliq. Imperatoris rem perpetuos fecisset sumptus, tantum comparcere potuit, quantum non soluendis modò integris stipendiis, sed & præmiandæ virtuti sufficeret. (v. *Cm. v. 1. de vita Cosm.*) Ioannes xxi. Pontifex decem & octo annis, quibus sedit, xxv. *milliones* conquisiuit: & nuper Sixtus V. cùm obeliscis erigendis, ædificiis struendis, nauibus armandis maximam pecuniæ vim insumpsisset, sexto Pontificatus anno decedens paullò minus *quinque millionibus* reliquit. (*Scip. Amiras. ad lib. 1. Tacit. disc. 111.*)

Fastus ianitorum perpetiebantur.) Intolerabile, nec ipsis patronis multum honorificum est, habere ianitores, à quibus ad dominum aditus plerunque precio emendus est. Et tamen id etiam veterum seculorum

dedecus fuit; ut patet ex hoc loco, & pluribus Seneca. Etiam Lucii Iunii Moderati Columellæ verba huc adscribere haut absurdum fuerit: (*lib. 1. de re rust.*) *an putem fortunatius à catenato repulsum ianitore sapè nocte sera foribus ingratis adiacere, miserrimoq. famulatu per dedecus fascium decus, & imperium profuso tamen patrimonio mercari? Nam nec gratuita servituti, sed donis rependitur honor. &c.*

Finis Notarum politicarum in librum quartum Annalium.

C. CORNELII TACITI.

CHRISTOPHORI FORSTNERI AVSTRII

NOTÆ POLITICÆ

ad librum V. Annalium

C. CORNELII TACITI.



VPIDINE forme auferre maritæ)
quasi cōcedenti, inquit Sextus Au-
relius Victor in Epitome. Rarè e-
nim alienarum vxorum attrētatio
Principibus impunita fuit. Et libi-
do pene tot Principes, quot crude-
litas, perdidit. Hęc Sardanapalum

imperio deiecit, Reges Roma eiecit, decemuiros po-
testate sua spoliauit, Troiam euertit, Mauros in Hi-
spaniam introduxit, Gallos è Sicilia eiecit. Ne igitur
priuatum istud flagitium, & nihil mali in Remp. in-
fundere putemus. Non possum facere, quin referam,
quod agri Neapolitani in Austria homines ad qua-
dragesimum ab vrbe Vienna lapidem hodieque nar-
rant. Aiunt olim Principem familiariùs cum vxore
Baronis Pottendorffij (quæ familia extincta, cæterùm
arx hoc nomine superest) consueuisse, quàm aut ma-
ritus vellet, aut tanti Principis famam deceret: & Pot-
tendorffium, cum Principem sepiùs monuisset, vt desi-

Ccc 2 ste-

steret, frustra fuisse. Igitur dissimulato dolore, inter-
iecto tempore, cum Principem venantem comitare-
tur, fune ad id parato equo detractum iugulasse. Ma-
nent adhuc non procul Neapoli in agro, qui Vienna
illuc euntibus sinister est, duo fastigiati lapides, pyra-
midum instar, aliquo intervallo ab se inuicem distan-
tes, signum spaci, per quod à Barone Princeps, ut ab
Achille Hector, aut ab Alexandro Batis tractus est.

Hæc ita ab illius agri accolis memorantur, sine tem-
poris certa designatione. Post ea ex Cuspiniano di-
dici, Fridericum fuisse, cognomento bellicosum, Au-
striae Ducem, in quo mascula primorum Austriae Du-
cum series defecit. Sunt quidem, qui in prælio cum
Hungaris cecidisse affirmant; quod etiam veteres an-
nales rethris scripti velle videntur, illis verbis:

Daz ist Herzog Friderich

Von dez tode Osterreich

Sol' immer vrainen vnd chlagen

Vnd trawrens nit Verdagen:

VVann sein leip vnd sein nam

Sind noch heut ein plueunder stam,

Durch Osterfrid VVard er irslagen

Vorvvaist VVart daz lant zu den tagen.

Daz sei von Vngern ebunich VVela,

Sein Herrn gesigten an den Vngern sai:

Daz man ir chlagen sagt vweit

Zu dem Heiligen chreucz er begraben leit.

Ego tamen illis accedo, quicæ de iam memorata
occidisse asserunt. Argumentum habeo id, quod di-

xi de pyramidibus agri Neapolitani. Deinde, quòd in cœnobio S. Crucis, epitaphium Friderici illius visitur laqueis aut loris se implicantibus notabile. Terriò, quòd familia Pottendorffia, testante Cuspiniano, ab illo tempore penè ducentos annos tanquam piaculo obstricta infamis fuit, & ab omnibus honoribus submota. Aliud huic simile exemplum extat in Frisiorum Batauorumq. annalibus. Florentius V. Hollandiæ & Selandiæ Comes Gerardo Velsio, è prima nobilitate Batauica frequenter tùm in aula versanti concubinam suam in vxorem obtrudere volebat.

Quod ille abnuens, meretricem Principis ducere non conuenire natalibus suis, nec honesto animo respondit. At Princeps stultum eum esse subijciebat, qui tam probatæ pudicitiae vxorem reperturum se putaret, quam non ipse ad stuprum se pertracturum confideret. Cumq. Velsius pòst vxorem duxisset, illa absente fortè marito à Principe priorum memore est stuprata. Ea verò iniuria vehementissimè pupugit animum Velsij. Ergò coniuratione inita cum propinquis vxoris suæ Florentium fortè Vltraiecto in Hollandiam redeuntem non procul vrbe exceptum, cum videret, viuum auhere, & eripere persequentibus non posse, educto gladio transuerberat medium, & celeri fuga se proripit. (*Vbbo Enim. xi i. hist. Fris.*)

Dicax idem & Tiberium acerbis facotijs inridere solitus, quarum apud præpotentes in longum memoria est.) Fœcunda salium & arguta libertas grata solet esse in colloquijs, iocis, cæterisq. animi remissionib. Quid in elegantius, quàm ad omne argumentum sententiolam,

di-

dictaq; concisa, & veluti breui fulgure micantia habere? quid vrbanius, quàm omnium dicta, factaque excipere improuisis salibus; & breui nitidoq. acumine semper intentum esse in aliorum ineptiam? Sed innoxij debent esse isti ioci, & qui non minùs eum, in quem dicuntur, quàm ceteros, qui audiunt, delectent. Nam quibus acerbitas inest, quæq. multum ex vero trahunt, acrem sui memoriam relinquere solent. Eriã iocorum libertas, quæ multum inter pares iucunditatis habet, in superiores vsurpata scurrilitas esse videtur magis quàm vrbinitas: eiusq. sæpè apud præpotentes in longum memoria est. Reuerenter habenda est principum familiaritas. Sæpè ex intima sodalitate odium oritur. Nunquam sine reuerentia cum maiori versari debemus. Ecce Fusius Geminus Tiberij offensionem incurrit, quod eum acerbis facetiis irridere solitus esset. (*Tac. hic.*) Et eadem intempestiuorum iocorum ferocia Atticum Vestinum Neroni Cæsari aliàs carissimum ad mortem traxit. (*Tacit. xv. annal.*) Nec principes modò, & summa rerum capita, sed & cæteri honoris famæq. suæ retinentes aggrepetulantem istam iocorum licentiam sufferunt. M. Cicero petulantiori lingua plurimam sibi apud multos inuidiam concitauit. (*Plutarch in Cic.*) Petrus Philippi F. Strozius Florentinus Maranum Foroiulii oppidum Austriacis Principibus interceptum Venetæ Reip. quinq. ac triginta aureorum millibus vendiderat. Quod factum cum Petrus Aretinus, homo impietate & Lucianismo non minùs quàm libertate linguæ celebratus in Italico quodam carmine (ut nulli parcebat)

bar) traduxisset: Strozius illi significari, iussit famam quam carminibus querebat, inuenturum supplicio. Subornaturum se homines in ipsius necem, quos nullâ curâ, nullâ prouidentia vitaturus esset. Vnde miser ille, qui Strozium non plûs minis terribilem, quàm factis promptum nouerat, adducto domus suæ ostio toto tempore, quo hostem suum in Venetâditione morari sciebat, nec pedem extra limen efferebat, nemine quoq. ad se intromisso. Credo ensibus & pugionibus pluere opinabatur. Deniq. & id obseruandum est, inter remissiones tantum animi iocis utendum. Nam in seriis & publicis negociis aliorum risum ciere scurrile est. Cùm Senenses eiecto Hispanico præsidio ad Gallos defecissent, missus ab eis est Florentiam Alexander Sansedonius, ut factum molliret, ciuesq. suos Cæsareis ministris excusaret. Igitur cùm Cæsariani delicta Senensium exaggerarent, Sansedonius nunc negando, nunc minuendo, atq. variâ arte excusando obiecta, respondebat. Verùm cùm Cæsariani noua subindè proferrent, & violenter vrgerent his verbis: quid ad hoc respondebitis? quomodo excusabitis illud? qua ratione istud defenderis? non vox aduersum ea Sansedonio, nec silentium, sed verba sua præpediens, & confusionis manifestus tandem in hunc sermonem prorupit: quid, malum! non satis purgabit nos, quod omnib. notum est, Senenses stultos esse? (*ò diauolo! non ci scuserà il saperfi, che noi Sanesi siamo pazzi?*) Imò excusabit, vnus ex Cæsarianis respondit, sed eâ conditione quæ mente imminutis conuenit, quod quia sui compotes non sunt, catenis coercemus, ne

vel

vel sibi vel aliis nocumento esse queant . Non erat oratoris, negotium tanti momēti scurrili leuitate tractare, & stultam appellare suam ciuitatem, seq. fatuū ostendere.

Donec pauci &c.) Ipsi Principes facinorum suorum nolunt authores videri. Sapientes, senatoresq. iuris & equi consultos subornare, qui cupiditatibus dominorum famulentur, minùs inuidiosum est. Et inter illos semper erunt, quibus nulla ex honesto spes, & publica mala singulis in occasionem gratiae trahuntur.

Brenibus momentis summa versi posse) dixi ad libr. i. verb. *cuncta mortalium incerta &c.* & ad libr. i v. verb. *princeps proferendi imperij incuriosus &c.*

Falsas literas &c.) Eum colorem omnes seditiosi initio sceleri suo obducunt. Praua consilia, potentiū in aula immodicam superbiam, & nihil in Principe nisi nimiam bonitatem arguunt.

Drusum Germanici filium &c.) Frequenter in historia illorum dolus occurrit, qui inferunt se in alienam familiam, & velut adoptant ipsi; ludicro plerunque initio, sed maximo regnorum motu, & periculosis turbis. Memorantur in historia Pseudo-Alexander, vnus & alter Pseudophilippi, Pseudo-Nero, Pseudo-Postumus Agrippa, Pseudo-Drusus (*Tac. hic.*) falsi in Anglia Eduardus & Richardus Reges, inter Turcas Pseudo-Mustafe, ante nō multos annos Pseudo-Carolus in Hispania, & is deniq. qui se Caroli IX. filium in Gallia dicebat. Vnum tamen, & alterum horum exemplorum merentur, vt explicariùs recon-

sen-

feantur. Balduinus VIII. ex Flandriæ Comite Constantinopolitanus Imperator factus in prælio contra Bulgaros constanti famâ cæsus dicitur. Verum post annos xx. quidam rediuiuum se Balduinum finxit. Igitur in Flandriam cum hac famâ venit; & ratâ quâdam oris grauitate, commemoratione hominum rerumque priorum, stemmatis totius notitiâ, etiam sagaces cautosque inducit. Desciscunt & adherent passim, fastidio etiam & contemptu feminei imperi; quod Ioanna id temporis, Balduini filia, rebus præerat. Examinatus inquisitusque planus ille à Ioannæ Senatu, mirâ confidentiâ, & ex ipsa fidem præstans, Domi, inquit, inclementiores ciues, quàm foris hostes reperi. Tu me Flandria, mater & alitrix reiciis, quem Græcia, Macedonia, Thracia aduenam excepit, coluit; ipsa barbaria, maiestatem verita, seruauit. At enim, ubi delitui? audite, & casuum humanorum miserescite, si quid tamen humani in pectoribus istis habetis. Captus prælio ad Hadrianopolim à Bulgaris, ab iisdem in custodiâ habeor, satis lenta & remissa, vsque eò, ut effugium etiam patuerit, & animo isto ac Deo ducibus me liberarim. Cum ad meos propero vagus & erro, in alios barbaros incido, ignaros fortunæ meæ, & ab iis in Asiam trahor ac vendor. Heu miseriam! pudet, sed vos narrare cogitis. Syri me habent, & in ergastulum rusticum damnant. Ego Balduinus, Comes, Imperator qua manu sceptrâ tenui rastrâ tractaui, plures per annos: donec à Germanis mercatoribus casu transeuntibus, quibus me aperui, precio liberarer. Ij me domum remisissent. Vos ex-

pellitis, ingrati, immemores veterum beneficiorum quibus aui vestri, patres, etiam tu atq. ille à me affecti estis. En senium & hanc canitiem, quò reseruati sumus? post tot fluctus scopulum reperi, vbi portum putabam: ipsa mea filia, mea Ioanna patrem non agnoscit, ne Comitem cognoscat. Hæc & plura differens magnitudinem vel fallaciam tuebatur, vario animorum motu, & plerisq. ad illum inclinatis. ad-
cò, vt nobilium populariumque bona pars statim adhæresceret, Comitem & Augustum saluaret: donec re iam præcipiti Ioanna ad Ludouicum VIII. Franciæ Regem supplices legatos mitteret, vt Balduini memoriam ab impuri nebulonis contagio tueretur. Suscepit negotium Rex, diem homini dicit. Venit ille magno comitatu, solitaq. fiducia, & fastu. Vestis erat purpurea, alba in manu virga: sistitq. se Regi Peronæ. Qui his ad eum verbis infit: si ille es, quem te iactas, breuiter respondere & statim potes. Quæro, tene pater meus Flandriæ Comitem dixerit, iura dederit? quo teste, loco, tempore, ritu? baltheone te & insigni militari donarit? Quæ mulier ex Franciâ nobilitate, quo conciliante, quo auspice, loco, cœtu nupserit? Quid heres? hæc ignorare de se verus Balduinus non potest. Ista Rex: tamen audacia illa, velut deprehensa hærebat, & spacium cogitandi petebat. Inde pro impostore haberi, & contemptum dimitti, nam sub fide publica venerat. Neo diu post in Burgundia captus Ioannæ offertur: quæ conuictum, confessumq., vt dicunt, laqueo strangulauit: non tamen sine plebeculæ rumoribus, quæ patrem ab im-

proba filia in ligno suspensum tunc & diu postea differebat. (*J. Lipsius in monit. & expol.*) Anno Christi c13. 12. xcvi11. qui mihi natalis est, Venetiis quidam Sebastianum Lusitanæ Regem se finxit? Aiebat post pugnam infelicitè in Africa pugnam, cum ipsum cuncti cæsum putarent, pudore confusum & conspectum hominum veritum obuia celoce conscensa Algarbium peruenisse, curatisq. vulneribus orbem terræ obire, Abyssinorum Principis ditiones, aliasque remotiores prouincias lustrare decreuisse. Hoc consilio in Persiam vsq. penetrasse, variisq. præliis ab eo tempore interfuisse, ac multa in his vulnera accepisse: postea peregrinationum perælum apud Hiberos (*Georgiani* dicuntur) cum sene deuoto latuisse. denique anno c13. 12. xcvi11. ab eo discessisse, & in Siciliam naui delatum: vnde Romam euntem à famulis spoliatum Venetias diuertisse. Commendabat sermonem, quòd apud vulgus fama vigeat, ab Africano prælio non amplius visum Sebastianum: & quòd oris totiusque corporis leua parte breuioris similitudinem, in supercilio dextro cicatricem ex vulnere ab infantia notabilem, verrucam denique in imo pedis articulo haut multum digito minorem ostenderet iste, quisquis fuit. Implacabile quoque in Castulonense nomen Lusitanorum odium faciebat, vt plerique crederent aut credere fingerent. Sed precibus Dominici Mendozæ Hispanici Oratoris datum, vt homo Venetiis in carcerem coniiceretur, ex quo anno c13. 12. c11. dimissus factò per Herruriam itinere à Francisco Magno-duce captus & Hispanis traditus

Neapolim abductus & ad transtra ablegatus est. Tandem cum Neapoli in Hispaniam auctus esset, & cò acrius in Lusitania coitiones fierent, in arcem conclusus siue accelerata siue naturali morte tragédias quotidie ex ea causa exorientes finiuit. (*Thuan. lib. cxxv. 1.*
Andr. Manrocan. lib. xvi.

Finis Notarum politicarum in librum quintum Annalium.

G. CORNELII TACITI.

CHRISTOPHORI FORSTNERI AVSTRII

NOTÆ POLITICÆ

ad librum VI. Annalium

C. CORNELII TACITI.



BLAT A arario, ut in fiscum cogerentur. tanquam referret.) Volunt quidem Principes credi, separatas se rationes à Reip. arario tenere: sed opera diuersa sunt. Ciues cùm externo pavidè bello pensione, quam Princeps imperat, credunt se salutem redimere; principis luxū instruunt, aut præpotentium in aula auaritiā passunt. Quota illorum pars, quæ ad militem alendū, ad vrbes & oppida munienda, & cæteras publicas necessitates penduntur, in eos vsus, in quos destinata sunt, erogantur? Tū illud intolerandum est, quòd, quæ sub discriminis articulo extraordinaria ratione soluantur à ciuibus, post perpetua fiunt: & *quæ graua atq. intoleranda, sed necessitate armorum excusata, etiam in pace manent plerunq. (Tac. 1. hyst.)* Neq. præmia nisi ab Imperatore) dixi ad lib. I. verb. quā-
rò summa spei & c.

Ne verba prauè detorta & c.) v. quæ scripsi ad lib. I. verb.

verb. *immutum aduersus eos sermones* &c. & verb. *Graniū Marcellum.*

Dij me, de aq. peius perdant, quàm perire quotidie sentio.) O miserum, qui contemnit conscientiae testem ! Tiberius pudore scelerum & libidinum saxa & solitudine maris Urbi Romae prætulit. Sæuitiam ac libidinem cum factis promeret, locis occultabat. Nec tam en ipsum fortuna sua, non solitudines protegebant, quin tormenta pectoris, suasq. ipse pœnas fateretur. Cetera Gnomologi.

Qua Seiani amicitiam ceteri falsò exuerant.) Nemini fraudi aut damno esse debet amicitia & familiaritas cum eo habita, quem Princeps diu probatum, cultum, & ad summos honores euectum post gratia sua exclusit. Separari debet amicitia à crimine. Complices alii sunt sceleris, qui merito suo pœnas luunt : alij amant, colunt, venerantur, quos à Principe amari, & penè tanquam pares diligi sciunt. Hi autem quid contrahunt sceleris ; si iure vel iniuria Principis gratia mutet ? Princeps qui omnia explorata habet, deceptus est. quid mirum, si alius quoq. in eundem errore trahatur ? Hęc defensio M. Varroni, de quo hinc Tacitus, truculentissimis Tiberii temporibus, quibus erat accusandi fræquēs & penè publica rabies, accusato incolumitatem dedit. Et gemina huic oratio Amyntæ ob amicitiam Philotæ apud Alexandrum rei extræ apud Quintum Curtium : (*lib. vi. 1.*) cuius partem huc adscribere placuit. Amicitiam quæ nobis cum Philota fuit, adeò nō eo inficias, ut expetisse quoq. nos, magnosq. ex ea fructus percepisse confitear : (Idem initiū cum

cum M Terentii exordio.) An verò Parmenionis, quē tibi proximum esse voluisti, filium omnes penē dignatione vincētem, cultum à nobis esse miraris? (Respondent orationis Terentianę verba; Videram collegam patris &c.) Tu herclē, si verum audire vis, Rex, huius nobis periculi causa es. Quis enim alius effecit ut ad Philotam decurrerent, qui placere vellent tibi? ab illo traditi ad hunc gradum amicitie tuę ascendimus. Is apud te fuit, cuius gratiam expetere, & iram timere possemus. (Confer verba M. Terentii: ut quisq. Seiano intimus, ita ad Cęsarıs &c.) An non propemodum in tua verba, tui omnes, te pręeunte iurauimus? eosdem nos inimicos amicosq. habituros esse, quos tu haberes? hoc sacramento pietatis obstricti aduersaremur scilicet, quem tum omnibus pręferebas? (Similis Marci argumentatio in illis verbis; non enim Seianum Vulfiniensem &c.) Igitur si hoc crimē est, tu paucos innocentes habes, imò herclē neminem.

(comparia illa in Marci oratione verba; cunctos, qui &c.) Omnes enim Philotę amici esse voluerunt, sed totidem, quot volebant, esse non poterant. Ita si à consciis amicos non diuidis, nec ab amicis quidem separabis illos, qui idem esse voluerunt. (Idem in oratione Marci epilógus; (imò iustis terminis diuidatur &c.)

Abditos Principis sensus, & si quid occultius parat, exquirere, illicitum, anceps) dixi ad libr. i. verb. quibus unus metus, si intelligere &c.

Quod filij necem fleuisset.) Sub tyrannis malorum omnium complementum est, non posse tutò flere mala;

la; quòd non palàm tristem esse licet, sed inter ærum-
nas cor ipsum exedentes necesse est feliciùm affectus
exprimere. Tacitus infr. hoc libro; *neq. propinquis aut
amicis adfistere, inlacrimare, ne visere quidem diutius daba-
tur; sed circumiecti custodes, & in mœrorem cuiusque intenti,
corpora putrescèta adsectabantur, dum in Tiberim traheren-
tur: vbi fluitantia aut ripis appulsa, non cremare quisquam,
non contingere. interciderat sortis humana commercium vi-
metus.*

*Cum iam tabe fluunt, confusaq. tempore multo
Amisere notas, miserorum dextra parentum
Colligit, & prouido subducit cognita furto.
Meq. ipsum memini cæsi deformia fratris
Ora rogo cupidum vetitis imponere flammis,
Omnia Sullana lustrasse cadavera pacis;
Perq. omnes truncos, cum qua ceruice recisum
Conueniat, quæ fuisse caput.*

(Lucan. 11.)

Sapienter moderans) exemplum; posse etiam sub ma-
lis Principibus magnos viros esse; obsequiumque ac
modestiam, si industria & vigor adsint, eò laudis exce-
dere, quòd pleriq. per abrupta sed in nullum Reip. vsù
ambitiosam morte inclaruerunt. (Tac. in Agric.) v. quæ
dixi ad lib. iv. verb. *dubitare cogor &c.*

*Gallo exprobrabat, quòd scientiæ ceremoniarumque vetus
&c.*) Non est tolerabilis eius artis ignorantia, quam
quis profitetur. Turpe est, inquit Q. Mucius Scaur-
læ I. C. patricio & nobili, & causas oranti, ius, in quo
versatur, ignorare. (l. 11. D. de orig. iur.) Pudendum i-
gitur fuit, quòd Renatus Biragus, Galliæ Cancellarius
cùm

cum in regni comitiis oratio ipsi habenda esset, ætatem & rerum Gallicarum ignorantiam causatus, initio se excusauit. (*Tbuan. lxi i i.*)

Neq. habere primatum liceret) v. notata ad lib. i v. verb. *libros per adiles &c.*

Felicitate sapius quàm industria commendabatur) dixi latè ad lib. i i i. verb. *mibi quantò plura &c.*

Nam primò duodecim tabulis &c.) quibus legibus obuiam itum sit Romæ vsurarum fraudibus, & quomodo illæ toties repressæ rursum ortæ sint, satis diligenter tractat in Commentario ad leges x i i. tabularum Franciscus Balduinus. Ceterum vetus id malum pœnisq. nunquam satis coercitum hodieq. medullis ciuitatum regnorumq. inheret, tam altè, vt eius pellendi nulla spes sit. Nam qui mercimonia negotiationesq. exercent, suo iure fœnore vrbes agrosq. exhaurire se arbitrantur. Nobilitas & proceres, quibus omnis questus indecorus esse debebat, institorias fraudes egregiè perdidicerunt; quidam auaritiâ: alij quò habeant, quæ per luxum & vanitates aulicas prodigant. Principes ipsi Hebræos, tanquam necessarium regni instrumentum, interdum paullò meliori, quàm Christianos, conditione, tenent. Ista gens post immane occisi Seruatoris IESU CHRISTI piaculum, irâ Numinis omni exuta dignitate, & quo ceteris mortalib. ostentui esset, suis eiecta sedibus, vaga atq. egens, quæ lucri fraudiumq. rutò exercendarum spes duxit, omnibus se terris dispersa effudit, perq. omnes vrbes pròpta dolis, pecuniæq. vias omnes callens, fœneratur. Ita iuxtà plebs primoresq. euertuntur fortunis, circū-

ueniuntur, atq. obruuntur scœnore. Principes illis vt spongiis vtuntur, & postquam satis biberunt, exprimunt madidos: &c.

Acribus, vt sermè talia, initijs, incurioso fine.) Necessarium illius præceptum est, qui respublicas, leges, & instituta sæpè ad suorum initiorum vigorem reduci iussit. Senescunt omnia; & ipsæ leges, quibus stat Resp. dum nouæ sunt, seruantur, dein frustrâ habentur; *acribus initijs, incurioso fine.* Nulla ergò melior ratio est, nulla prudentior, quàm resp. seruentur, nulla Medea huius Æsonis senium feliciùs reiuuenescere fecerit, quàm si, qui vitio temporum & hominum prauitate contracti sunt nœui, tempestiuè emendentur; & leges veteres, ne illarum contemptus aut obliuio obrepere possit, nouis sanctionibus muniantur. Quemadmodum corpori hominis per singulos dies aliquid vitii accrescit, quod, nisi tollatur, tandem mortiferû parit morbum: ita Resp. sen sim à primo robore, primaq. suâ constitutione abscedunt: ad quam nisi reuocentur, senio expirare eas necesse est. Florentiæ olim mos fuit, singulis quinquenniis refingere, siquid à primâ legum sinceritate abiisset. Et Frisij (*Vbbo Emm. xxiij. biff. Fris.*) cùm anno Christi c. l. cccc. xxxi. in comitiis Leoardiæ coactis multa de pace, de bello, deque cæteris rempublicam concernentibus negociis decreuissent, quo sanctiùs cuncta seruantur in biennium solum id decretum valere iusserunt. Veneta Resp. mortalitatem effugisse videtur non aliis magis instituti beneficio, quàm huius instaurandarum corrigendarumq. legum; & reducendo reuocandoq. cuncta,

Sta, quæ labare videntur, ad priscum morem. Anno Domini c. 13. 13 lxxxii. Collegij decemviralis auctoritas eò se prouexerat, vt limites, intra quos olim se continuerat, transgressa, immodica nimiumq. se effe-
rente potestate terribilis esse liberæ ciuitati inciperet. Illo præsertim anno multa legibus aduersa facta dicebantur. publica pecunia ambitiosè in priuatorum gratiam effusa: patritij pleriq. maiorum comitiorum lege soluti: alij, qui vel ob ætatem arcerentur, vel tēpus, quo post exactos honores ad alios capessendos minimè idonei sunt, nōdum exegissent, ad magistratus admissi: deniq; cuncta ferè ad se nullo refragante, tracta. Sed re maioribus comitiis agitata certis limitibus inclusa decemvirum potestas est, ne noxia Reip. esset.

Quod Theophanem Mitylenæ proauum eorum Cn. Magnus inter intimos habuisset.) Magnum sanè crimen, quale fuit, quod Agathocles Ithacensibus, Vlysem Ithacæ dominum, abactis ex Sicilia pecoribus pastorem exoculasse post tot secula obiecit. (*Plutarch. in apoph.*)

Magnitudinem pecunie malo vertisse) v. quæ dixi ad libr. 1. verb. *Granium Marcellum &c.* Boni Principes, cum iniurias suas & læsæ maiestatis crimen vlti sunt, ne magnitudinem pecuniæ, quam damnatus habebat & auaritiæ suam reo exitium attulisse dici posset, bona damnatorum liberis aut agnatis damnati trans-
miserunt. Quod Cosmus Magnus Hetrurix Dux, qui pluribus, quàm quisquam alius suorum temporum, coniurationibus petitus fuit, sæpius fecisse dicitur.

Non damnatione matris, non exilio fratrum rupta voce.)
 Hi sunt isti in aulis Struthio cameli, qui ferrum quoq.
 hoc est, indignissimas quasq. iniurias deglutire, ac di-
 gerere possunt. dixi ad libr. 11. verb. *haec cunctatus*
&c.

Fatone res mortalium) exposui meam de fato senten-
 tiam ad libr. 111. verb. *mibi quânto plura &c.*

Graue conscientia, graue fama sua &c.) Talia quoque
 Neronis verba sunt ad Senecam opibus suis renunci-
 antem : *quòd si maximè continentia tua laudetur, non tamè*
sapienti viro decorum fuerit, vnde amico infamiam parat, inde
gloriam sibi recipere. (Tac. x1. annal.)

Pars moeroris fuit, quòd Julia Drusi filia denupsit in do-
rum Rubellij Blandi, cuius auum Tiburtem equitem Roma-
num pleriq. meminerant.) Indigna sanè res, regij sangui-
 nis virgines, aut viduas ignobiliorib. in matrimoniũ
 dari. Quod tamen olim in Persis & nunc apud Tur-
 cas moribus excusatum est, quibus Regum filie Sa-
 trapas nubunt. Sed & coniugum imparitas necessitate
 interdum defenditur. Inde Fridericus Neapolis Rex
 à prudentibus reprehensus est, quòd Alexandri Pon-
 tificis filio suam filiam vxorem dare noluisset. (*Guicc.*
1v.) Et Alfonsus tunc Ferrariæ Ducis primogenitus
 laudatur, quòd ducendo in vxorem Lucretiam Bor-
 giam Pontificis filiam, principatum suum, ob ambi-
 tionem Cæsaris Borgiæ aliàs in manifesto periculo, si-
 bi seruare sciuit. (*Guicc. v.)* Cætera dixi ad libr. 1. verb.
nuptijs sororis illeçtum.

Non permissa provincia dignationem addiderat) retuli ad
 finem lib. 111.

Hæc incerta & fabulosis aucta) quemadmodum ple-
raq., quæ maiorum inexplorata autoritas pro veris
tradidit famæ: quæ & visu nocere basiliscum, & ca-
nere cignos credidit, & formidinis opinione leones
oneravit, qui in gallos cantantes incidissent &c.

*Mirumq. amorem adsecutus erat, effusa clementia, modi-
cus seueritate.*) Principis munimentum tutissimum,
est amor ciuium. Sed & metus cohibet. amari igitur,
an timeri præstet, quæritur? Sanè optimum est
ita temperare mores, vt nec facilitas auctoritatem,
nec seueritas amorem diminuât. Ita amor odium, &
metus contemptum excludent. Nec sufficit sola cle-
mentię & benignitatis fama, adeoq. ciuium amor.
Nam cùm impossibile sit ita se gerere Principem, vt
omnibus satisfaciât, neminemq. offendat; necesse est
ad incolumitatem eius, vt qui amare nolent, timere
debeant. Quod si alterutro carendum sit, malim equi-
dem pro se uero atq. adeò se uo haberi, quàm nimis fa-
cili, nec in iniurias idonea seueritate acri. Nā & con-
temptum parit nimia bonitas, &, vt dixi, saltē il-
los, qui non amabunt Principem, metu continere o-
pus est. Tūc & ita plerunq. etiam optimum Prin-
cipem ciues amant, vt se tamen plūs ament. & quan-
quam

Pronior in regem est populus, pugnatq. minaci

Cum terrore fides:

tamen

-vt cū mare possidet Ausler

Flatibus horrifonis; hunc aquora tota sequuntur.

ita plerūq. necessariis maximè difficilibusq. tēporib. ; *fi les metu infringitur*; (*Tac. 11. hist.*) & suis rebus neglecto Principe, cōsulere, prudētia habetur. Ita tamen rigorem malo, ne is populi odium in Principem concitet. Furoris plena, & auctoribus suis exitiabilis illa vox fuit: oderint dum metuant. Seueritatem volo iustam, quam mali metuant, boni probent; quæque etiam expers odii esse potest. Ita namq. M. Brutus, cū nihil ad gratiam faceret, omnia tamen grata videbantur, quæ faciebat. (*Ammian. Marcell. xxvii. ex Tullio*) Cæsar apud Lucanum, (111.)

-gaudet tamen esse timori

Tam magno populis, & se nec mallet amari.

Julianus Cæsar à militibus dilectus est arctissimè, dū timetur. (*Ammian. lib. xxv.*) Prætextatus vrbi Romę sub Valentiniano Præfectus adeptus est id quòd rarò contingit, vt, cū timeretur, amorem non perderet ciuium. (*Ammian. Marcell. xxvi. 1.*) Concludo Ammiani Marcellini verbis; salutaris rigor vincit inanē speciem clementiæ. (*Amm. xxix.*)

Sibi fidem integrā, & si nullis insidijs peteretur, mansuram.) Xenophontis sententia est, (*vi. 1. Cyrop.*) viros honestos, cū sibi fidem non adhiberi sentiunt, odio prosequi diffidentes. Periculosum igitur est, & intutū Principi, de potentibus ministris suis pessima quæque credere, & vindictam meditari. Sæpē enim innocentes inuidia defert, & qui primū horruissent scelus, pœnæ metu & Principis irā in furiosa consilia propelluntur. Cassino & Bonifacio ducibus Honorius Imp. cum Vandalis, Alanis, Sueuis in Hispania bella gerebat.

bat. Virtute, prudentia, felicitate Bonifacius præstabat. Inde cùm gloria in inuidiam vertisset, & Bonifacius à Cassino non modò superbo immodicoque imperio premeretur, sed & in suspicionem rebellionis apud Imperatorem adductus esset; coactus est, vt securitati suæ consuleret, secessionem facta, in Africam se proripere, & Vandalos Alanosq. in auxilium vocare. (*P. Aemil. 1. de gest. Franc.*) Eodem modo fidissimi suis Principibus Syluanus (*Ammian. Marcell. xv. histor.*) & Alexius Philanthropenus (*Niceph. Gregor. vi. histor.*) rebellare coacti sunt. Inde Principes quidam tam ad diffidendum tardi fuerunt, vt perire mauuerint. Cùm Dario Nabarzanis & Bessi insidiæ detectæ essent, & quidā ei suaderēt, Græcis militibus, quorum erat nota fides, corporis sui custodiam committeret; respondit ille, difficilius sibi esse damnare quàm decipi; quicquid fors tulisset, inter suos perpeti malle, quam transfugam fieri. serò se perire, si sui milites nollent saluū. (*2. Curt. lib. v.*) Et Ludouicus Sforzia nunciata Sanseuerini copiarum ducis defectione, dixisse fertur; se non minorem existimare imprudentiam, vana suspitione fidissimorum opera se priuare, quàm incauta credulitate illorum se fidei committere, qui suspecti esse debebant. (*Guicc. 1 v. hist.*) Ergò

Quoties necesse est fallere, aut falli à suis

Patiare potius ipse, quàm facias scelus. (Senec. in Theb.)

Reputante Tiberio, publicum sibi odium, extremam aetatem, magisq. fama, quàm vi stare res suas) Quorum Principum magnitudo non armis, non vera potentia nititur,

tur,

tur, sed sola fama, sola hominum opinione; ij nunquam vires suas ancipiti periculo committere debet: ne Elephantum more, qui vbi semel ceciderint, inualido sunt ad resurgendum nisu, amittant autoritatē, quam ipsis tribuebat publica gentium veneratio. Parum enim tuta sine viribus maiestas est; nihilq. contemptius, neq. infirmius, si sint qui contemnāt. Inde q. his talibus necesse est, pondere quod vrget, flecti velle, ne, si nolint, frangantur. Quanquam enim summam Princeps autoritatis & dignitatis rationem habere debeat; nec quicquam maiestati tam infestum sit, atq. contemptus; vt Princeps sine autoritate iustē sine cauda pavo dici possit: ineptissimi tamen illi REPUTATIONIS etiam in minutulis quibusq. iactatores meritō habendi sunt, quibus dignitatem Principis sine regni salute saluam esse posse stolidē persuasum est: quiq. parū cogitant, his talibus consilijs dominos plerunque regnorum iactura multari, nec euersō principatu principem Principem esse posse. Quanto satius est, rei summam, cedendo, aliquid de iure suo remittendo, non omnia intempestiuā austeritate denegando, seruare, quā eandem pertinaci & inconsulta superbia pessumdare, omnem secum dignitatis existimationem in casum ruinamq. tracturam. Optimi ducis est, non solū vincendi, sed & cedendi tempora posse perspicere: (*Polyb. l. i.*) nec minū boni imperatoris sapienter quā fortiter agere. Non est flagitiosum, urgente necessitate hosti cedere; multō autem fœdus, stando pugnandoq. temerē Remp. in periculum coniicere. (*Thucyd. l. ii.*) Vincere apud

pud sapientes cedere est. (*Eustath lib. v. de Iſmenie & Iſ-
 menes amoribus.*) Indè laudandus est meritò Philip-
 pus Alexandri pater, quòd circa regni primordia re-
 rum infinita multitudine in diuerſas trahente partes,
 finitimis vndiq. in Macedoniam irrùpentibus, quia
 omnibus par eſſe non poterat, alia bella interpoſita
 pactione composuit, alia redemit, facilima aggreſſus.
 Et Polybio valdè probatur Hamilcar Carthaginensis,
 quòd quamdiu aliqua Carthaginensium rebus ſpes
 superfuit, nullo vnquam labori pepercit, nullum pe-
 riculum ſubterfugerit: vbi verò rebus patriæ nullam
 ſpena relictam vidit, prudenter temporì cedens, de fe-
 dere cum L. Lucretio Coſ. conuenerit. Manuel quo-
 que Imperator Conſtantinopolitanus ſapientiſſimè
 Ioannem filium ob intempeſtiuè generoſos ſpiritus
 reprehendit: in eas anguſtias eſſe redactam priſtinam
 Urbis atq. imperii maieltatem dicens, vt ea non tam
 Imperatore quàm Oeconòmo opus habeat. (*Georg.
 Phranzes Protomeſtar. ij. hiſt.*)

Eadem in veteribus legibus inſtitutiſq. tuendis
 obſeruatio valere debet. Nam cum in eas anguſtias
 peruenerimus, vt aut violatis legibus ſalua Reſp. aut
 ſaluis legibus interitura ſit reſp.; poſthabitis legibus
 neceſſitati parendum, & *dormiant hodiè leges*, dicendù.
 Maiores noſtri res ſuas, ad ſeculi, quale tunc erat, ge-
 nium curauère. nobis pro diuerſitate temporum, in-
 què incidimus, interdum pro ſalute eſt, à mente eo-
 rum, & còſiliis abire. Vt & profanæ ſuperbiæ putem
 vbiq. negligere auitam prudentiam: & abſurdum re-
 uerentiæ genus eſſe, quòd nos perpetuò illorum inſti-

tutis velit addicere. Athenienses in sanctius ærarium mille talenta seposuerant, sancita capitis pœna, si quis de ea eroganda censuisset. (*Thucyd. 11.*) At iidem accepta in Sicilia ingenti clade, ad extremas deducti necessitates, antiquata lege, contrahendis copiis, & instruendæ classi pecuniam illam omnem insumpserunt. (*Thucyd. VI. 11.*) Non igitur immeritò culpatur Cato Uticensis, quod cum patria in ultimo versaretur discrimine, nimis antiqui moris retinens, ita omnes suas actiones instituit, quasi fatò delatus esset in Platonis rempub. non autem versaretur in fæce Romuli. Nocuit etiam antiquus rigor & nimia seueritas Galbæ, cui iam paria non erant vrbs vitia. Constat potuisse conciliari animos militum quantulacunq. parci senis liberalitate: sed cum intempestina seueritate legi à se militem, non emi, pronunciaffet, vita & imperio excidit. (*Tac. 1. hist.*)

Porro non in legibus tantum obseruandis, veterique more tuendo, nec in hostes tantum, ut diximus, & qui æquo cum Principe nostro iure, similiq. dignatione censentur, hoc monitum valeat: sed & in ciues, qui siue prouocati, siue inconsulto animi impetu, in Principem peccasse videbuntur. Quare, si nimis laxè ac licèter populus habitus est, restringatur. nimis duriter; indulgeatur. offensus est hoc aut illud contra consuetudinem & immunitates tollendo; in pristinum reponatur. rapacibus & inuisis hominibus officia demandata sunt; remoueantur. Cum Athenis de Mitylenæis, qui ad Lacedæmonios defecerant, excindendis consultaretur; prudentissimè Diodotus monuit,

non

non esse nunc disceptandum, sitne iustum, puniri sceditiosos: sed sitne id utile Reip. Non, inquit, si pessimè egisse Mitylengos liqueat, nisi è rep. sit, damnari eos iubebo; nec etsi maximè veniam mereantur, cam nisi reipub. salutarem dari suadebo. (*Thucyd. lib. i. 11.*) Cùm Ioannis Galeatij Viscontii milites, qui Pisis in præsidio collocati erant, ciuium contumeliis irritatorum factione vrbe pulsati essent: Galeatius increpando militum proteruiam, laudandoq. ciues, quòd necessitate adacti militum iniurias vlti essent; Pisas retinuit, asperioribus modis habitas confestim ad hostes Florentinos transaturas. (*Leon. Arct. in histor. Florent.*) Quò magis reprehensione dignus est Philippi II. Hispaniarum Regis rigor apud Hieronymum Conesta. (*iv. de bell. Belg.*) Maximiliano Cæsari respondentis, propugnaturum se omni ratione ac modo auctoritatem suam: facturumque priùs rerum suarum iacturam, quàm vt quicquam de benignitate sua decedere patiatur. Sed quantum Regi nocuerit hæc asperitas, euentus docuit. & constat inter omnes, qui ferale istud Belgicum bellum descripserunt, Alexandri Farnesij prudentia & moderatione atq. consiliis à priorum *Gubernatorum* ratione diuersis reliquias Belgij Regi seruatas: quemadmodum ex diuerso austeritati Albani Ducis, quæ populorum illorum nec totam libertatem, nec totam seruitutem ferre assuetorum rabiem concitauit, tot malorum causas adscribunt penè omnes. (*Thuan. Conestag. Jo. Bapt. Cim. &c.*) Atq. ita ferè euenire videmus, vt postquam vehemens aliquis & imperiosus Appius rem imperio agendam cē-

fuit; lasciuire magis plebem quàm scire, vnoque arrepto aut altero quieturos ceteros arbitratus, ex amicis dubios, ex dubiis hostes fecerit; tandem ad Serui-
lij aut Quintij alicuius popularitatem confugiendū sit: qui blandâ oratione & lenibus remediis animos concitatos mulcere, suspiciones eximere, partesq. conciliare possit. Mirè huc facit saluberrimum illud consilium, quod olim Maximilianus II. Imperator Henrico III. Galliarum Regi, Viennæ apud se diuer-
tenti dedisse perhibetur: successorem illius, qui cum ciuibus suis bella exercuit ciuilia, necdum finita, primis regni auspiciis debere omnibus pacem dare, amnestiam sancire, & clementiam, noua imperia inchoantibus semper vtilem, ostendere. Sic enim funestam præteritorum memoriam sepeliri, & eorum culpam ab vniuersis in antecessorem reici. (*Thuan. lvi. l. i.*) Mocenicus quoq. Venetiarum Princeps eundem Hêricum, cum Venetiis esset, ad intestinas dissensiones tollendas, subiectos beneficiis demulcendos, pacandosq. animos adhortatus esse dicitur. (*Andr. Mauroc. xli. hist. Ven.*) Quod consilium cum Henricus neglexisset, qui viuo fratre Carolo dignissimus imperio habitus, & omnium votis expetitus fuerat, conuersâ omnium voluntate statim iugens sui fastidium, fecit. Et consimili euentu olim in Romano imperiô Galbæ feralis in urbem ingressus, trucidatis in oculis ciuium tot millibus studia omnium ab ipso in Othonem vertit. (*Tacit. i. hist.*) Qui autem indulgentiam, clementiam, & temporibus seruientem prudentiam tanto perè Principis maiestatem oppugnare arbitrantur ve-
he-

hementer profectò falluntur. Nihil enim est in summa fortuna maius, quàm posse, nihil melius, quàm velle longè lateq. propagare pomœria clementiæ atque benignitatis. Nullâ dote, nullo genere virtutis mortalitas propiùs accedit ad naturæ diuinæ similitudinem, quàm miserendo humanæ imbecillitatis, ignoscendo erroribus, & iniurias obliuiscendo. Quâ arte, quâ virtute maiorem se diuinioreq. subiectis facere Princeps possit, quam si videant, sentiantq., omnia illum saluti ciuium postponere? Crescit hîc maiestas, dum remittitur; maior fit, dum negligitur! Præter hæc, cum duo sint imperiorum fundamenta, auctoritas & ciuium beneuolentia: quantum indulgentia maiestati detrahere videtur, tantum ad amorem addit: qui conseruandæ publicæ rei non minùs inseruit, quàm illa. Et bona hîc cautio est, si quod faciendum est necessario, sponte se facere Princeps præferat. &c.

-cupias, quodcunq. necesse est. (Lucan. 1 v.)

Nomine tantum & auctore opus) Hæc illorum plerunq. consilia sunt, qui proprijs destituti viribus alios ad bellum mouere nituntur. Exulum maximè nunquam fida possunt esse consilia. Nam cum illorum spes desiderio potius quàm ratione mensurentur, plerunq. infelicem sortiuntur exitum. Patriæ & auitarum possessionum recuperandarum cupidine parùm pensi habent, quid iustum, quid facile sit aut possibile expeditu. Id solum cogitant, quo pacto alium moueant. nunciis, literis, precibus vrgent. mentijuntur, peierant, omnia esse in expedito. veniat modò, tenter,

au-

audeat vincere. nomine tantum & autore opus. cunctos ab hoste defecturos, & citra sanguinem plenam victoriam secuturam. Tali persuasione Philippus Macedoniae Rex à Demetrio Phario Illyriorum Rege, (*Polyb. v.*) Sebastianus Lusitanus à Mahumete Mauritano (*Thuan. lxx. Conestag. i. hist. de coniunct. Lusit. &c.*) & Athenienses ab Egestanis exulibus (*Thucyd. lib. vi.*) inducti perierunt. Postremò Carolus VIII. Galliae Rex ab exulibus regni Neapolitani, desperatum illius statum, amicosq. & clientes suos instantibus ad damnosam sibi posterisq. expeditionem impulsus esse scribitur. (*Guicci. i. hist.*)

Ut genus Arfacis ripam apud Euphratis cerneretur.) Sæper alienis regnis turbandis, alliciendisq. populorum animis validum instrumentum fuisse regia soboles, aut per alienam iniuriam suò principatu pulsæ. Indeque sæpissimè, qui novis Principatibus inhiant, quò peregrinae dominationis invidiam lenirent, ex veteri Principum sanguine quendam ostendere soliti sunt. Quomodo Procopius tyrannus Constantii Imperatoris filiam patruulam cum matre Faustina & in agminibus, & cum propinque acies starent, lectica secum circumtulit: ut pro imperiali sanguine, cui se quoque iunctum credebat, pugnarent audètiùs milites. (*Amian. xxvi.*) Eodem consilio Petrus Aragonius occupata Sicilia Constantiam uxorem, Manfredi, qui Siculis imperitauerat, filiam ad confirmandos illorum animos præmisit. (*P. Aem. vii.*) Ita Maroboduus Sueuorum Rex duodeciginti annos Raucennæ à Tiberio habitus, si quando insolescerent Sueui quasi reditu-

rus in regnum ostentabatur. (*Tacit. 11. annal.*) Dum bella gliscerent de ducatu Mediolanensi inter Gallos & Hispanos; vt inuidiam externi imperii mollirent victores, non aut ipsi, aut præfecti vrbi & populo dominabantur; sed primò Maximilianum, mox Franciscum Sforziam, carum isti genti nomen, sed qui præter titulum ex principali fastigio penè nihil tenerent, Duces imposuerunt. (*Guicciar. Parut. in hist. Venet.*) Et cùm Franciscus sine prole defunctus esset, Italiq. Principes ac Resp. suæ nationis Ducem Mediolanensibus dari mallent, quod Carolo Cæsari non placebat; vt in speciem saltem eis satisfaceret, Ferdinandum Gonzagam Italum Principem Mediolano Præfectum dedit. (*Julian. Goselin. in vita Ferd. Gonz.*)

Consilij & astus res externas moliri, arma procul habere.

Istæ pacis artes, & externarum rerum sine ferro molitio à debilioribus necessariò, à maioribus consultò vsurpantur. Nam multum ad suscipienda consilia valet, seipsum nosse, atq. imperii sui vires excutere; vt qui bello se imparem animaduertit, pacis artibus se tueri sciat. Et magnorum quoq. principum ea interdum condicio est, vt astu potius, quàm armis res hostiam subuertere rebus eorum magis conducatur.

Quod quibus modis vtrobiq. fiat, videamus. Quibusdam profuit, constanti pace arcere vim, quàm armis non potuerunt. Intransitibus Romanis fines Tusculanorum, non demigratum ex propinquis itineri locis, non cultus agrorù intermissus: patentibus portis vrbs togati obuiam frequentes exercitui processere: commeatus exercitui comiter ex vrbe in castra

& ex agris deuectus: in vrbe patentes ianue, & tabernę apertę: inrenti opifices suo quisq. operi, & ludi literarum strepere discantium vocibus: nihil vsquam noſi pauidis modò, ſed ne mirantibus quidem ſimile. Victus igitur hoſtium patientia Camillus, ad Senatum Tuſculanorum, ſoli, inquit, adhuc Tuſculani vera arma, veraſq. vires, quibus ab ira Romanorum veſtraturaremini, inueniſtis! (*Liu. vi.*) Simili modò Amalaſuntha Góthorum Regina Iuſtiniani legatis reſpondit, nolle ſe armis contendere: nec fore decoram de non aduerſante victoriã (*Procop. i. Goth.*)

II. Proxima huic debiliórum ſapientia eſt, potentiorum patrociniũ ſubire. Piſani, Aretini, & Florentini olim, cùm ab externis hoſtibus metuerent, ſuarũ urbium dominium in annos V. Roberto Regi Neapolitano tranſcripſerunt: & alio tempore Florentini in decenniũ Carolo Calabriae Duci ſe addixerunt. Senẽſes Ioãni Bohemię Regi, & Genuenſes triennio ante Carolo Francię Regi ſe dediderunt. (*v. Orland Malvol. Hiſt. Sen. hinc inde.*) Lucenſes, & Genuenſes hodieque Hispaniarum Regis potrociniũ tutiores ſe putãt, quã paratò & ſemper in caſtris exercitu.

III. Florentini pleraſq. belli tempeſtates pecuniis à ſe depellere ſoliti ſunt. Aurò libertatem contra ferrum defendebant. A quo inſtituto cùm vltimis illis bellis, quibus Medicæi in urbem reſtituti ſunt, per auaritiã reſceſſiſſent, república perdiderunt. Conſtat potuiſſe quadraginta millibus aureorum numũm Cęſarem, & exigua ſumma Neapolitanum Proregem ſuę urbis patronos facere: ſed ſeu negligentia, ſeu

seu peruerso P. Soderini consilio factum est, ut aliud placeret. Vnde Medicæi Hispanis viribus subnixi & coniuratione suæ factionis in urbem redierunt. (*Guicciard. xi.*)

Pluribus placuit, quod suis viribus non potuerunt, foederata sibi iunctaque alienâ potentiâ obtinere. Coeunt igitur plures aduersus vnum, quem metuunt omnes. Belli Peloponnesiaci, quamuis alii erant pretextus, ea fuit causa, quod Atheniensium vires ceteris Græcis formidolosæ erant. (*Thucyd. i.*) Sic Lacedæmonii Siciliæ Regem in commune contra Persas bellum hortabantur: quod victis reliquiis Persæ ad Siculos quoque arma translaturi sint. (*Herod. vii.*) Sic Perseus, sic Mithridates aduersus Romanam potentiam mouebat alios in communia federa. (*Salust. in fragm.*) Nec tamen expressis semper federum contractibus in salutis & libertatis suæ defensionem ita coeunt principes & respublicæ: sed & tacita interdum inter quosdam est conuentio, ne quem nimis magnum velint. Quâ in re nobilitata est maximè Laurentij Medicæi prudentia: qui cum Reip. suæ periculosum animaduertèret, si vnus ex Italiæ Principibus opes nimium augerentur; omni adhibito studio, ut res Italiæ in eâ æqualitate consisterent, ne in hanc magis quàm in illam partem propenderent, procurabat, quod quidem quia sine pacis conseruatione obtineri nullo modo poterat, summo studio annitebatur, ne alicubi semina bellorum ad maturitatem peruenire possent, sed in ipsa herba opprimerentur. (*Guicciard. i. hist.*) Hieron Syracusarum Rex populi Romani socius atque

amicus metu Romanæ potentiae Carthaginensibus omnia, quibus in bellum opus habebant, liberaliter subministravit. (*Polyb. 1.*) Lanotius Neapolitanus Pro rex dixit, solemne esse Pontificibus, timere & odisse Imperatores: (*Guicciard. xv. 1.*) Et Andreas Maurocenus (*11. Ven. hist.*) ait, Imperatorum potentiam semper Pontificibus aduersam esse. Et Andreas Gritus, nunquam Imperatorem Romanum in Italia tam paruum habiturum nidum affirmabat, quin ex eo vniuersos Itali nominis sit oppugnaturus: & Pontifici non abs re tam timendum in temporalibus. Cæsarem, quam in spiritualibus Turcam (*Guicciard. vii. 1. histor.*) Ergo, quanquam nullæ contra Cæsaris maiestatem fœderum tabulæ publicè extent: tamen illò tendunt Itolorum Principum consilia, ne vnquam pristina Imperatorum potentia ibi reuiuiscat. Quod idem de Germanicis Principibus atq. ciuitatibus scribit Guicciardinus (*vii. & xiii. histor.*) nolle eas esse Imperatoris opes, quibus ingratis ad imperata facienda cogi possint. Plus est, quod quidam scribit, ideò nec in tempore nec iustis viribus in bello Turcico Germanos Cæsari adesse; quòd vereantur, ne is recuperatum Hungariæ regnum non imperio, sed suæ familiæ vindicet, & hoc modò maior virium Austriacarum iam antè formidanda turri accessio fiat. Et M. Antonius Gratianus libro tertio de bello Cyprio, Germanos obiectos Turcis fines tueri, quàm proferre malle ait: & audacius fortiusque Troianus Boecalinus fatius esse Germanis atq. oprabilius amittere Viennam; quàm recuperare Budam. Ergo suspecta semper est non hostium in mo-

dò, sed & amicorū federatorumq. potentia: & quisq; à tantæ potentie vicino non aliud beneficium expectat, quàm quod Vlyssi Polyphemus apud Poetam promittit, scilicet, postremum & post omnes deuoratum iri. Dudum nos Hetrusci politici & veterum exempla docuerunt, Principes qui alienis imperiis in varios dominos distractis inhiant, coniunctis sibi minoris potentie Regulis maiores oppressisse, quib. subactis nullâ priorum federum, nullâ auxiliorū aut beneficiorum habita ratione ambiciosas & auaras manus ad socios extenderunt. Romani Latini nominis populos, post subactos illorum auxilio cæteros populos regesq. in seruitutem redegerunt. Quos potentie sue instrumentum habuerunt, post frustra renitentes idem, cuius alijs gentibus ipsi causa fuerant, iugū subire coegerunt. Itaq. non Italia modò, sed & Asia Africaq. tanquam sua opinione extra periculum, Romanæ potentie incrementa, sibi olim graui pondere incubitura, cum in herba opprimere potuissent, fatali socordia nutriuērunt. Lugubris adhuc recordatio est, cum Pannonες Imperij Græci ruinam, illos quoq; sua mole afflicturam, riserunt: & Ludouicus XII. Gallie Rex, non egre ferentibus Florentinis, Mantue, Ferrariæ, Fauentie, Pisauri, aliarum ciuitatum regulis Italiam quanquam non diu retentam, penè vniuersā occupauit. Ex quo clarum est, in illis regnis, quæ multi Principes inter se diuiserunt, vnius cladem cæterorum esse ruinam, & instrumentum seruitutis omnium: honores vni factos affinitates, federa, annuas pensiones esse fidei sollicitamenta, hamos, toxico illitos, &

artificia, quibus sopiri paucis deinde numis, aut vana spe vendant libertatem moribus auri non comparandam. Nimirum omnibus percutit, quæ singula amittunt; & *singuli dum pugnant, vniuersi vincuntur.*

(*Tacit. in Agru.*) Vna hic omnium salus est, Syrenum cantus auribus excludere, & armorum comuniū, vt ita dicam, aqua extinguere ignem, quod proximus ardet Vcalegon. Hispana potentia tam omnibus suspecta est, vt vix illi se moueant, quin vniuersus orbis, omnesq. gentes arma induant. Quæ res omnia consilia cæptaq. Hispanis difficiliora reddit. Tot anni sunt, ex quo Bataui iugum eorum excusserunt. Vereri debebāt alij, ne pessimæ rei exemplum alij sibi ius facerent. Omnes eo laborare debebant, ne orientem morem pellendi Reges inultum sinerent.

Ne sancta quisquam sceptrâ violares dolo,

Regi tuenda maximè est Regum salus. (in Oedip.)

Sed tantum absuit, ceteros Principes Hispanis ius suum adseruisse, vt Britanni, Franci, Germani Batauos milite, pecuniaq. iuuerint; & hodieq. multi salutem suam cum Batauis coniunctam tanquam necessariò arbitrantur. Aiunt bellis illis cum olim subiectis populis tanquã necessario cauterio nimias opes, potentiaq. Hispanicæ velut humores exhauriri.

Alia potentium principum ars fuit, odia aliis populis subicere: quomodo Romani Armeniam specie largitionis turbandis animis præbuerunt. (*Tacit. xi. i. animal.*) Ita Manuel Comnenus dissidia inter Pontificè & Fridericum Imperatorem aluit: nec vlla erat in Italia ceterisq. Imperatoriis ditionibus ciuitas, in qua nō

addictum sibi hominem haberet Manuel. (*Nices. vij.*)

Simile huic artificium est, hostem excitare ei, cuius in nos impetū timemus. Hoc modo Michael Palæologus à Carolo Cæsare bellum metuens Sicilię Regē & Venetos ad bellum illi faciendum exciuit; exemplo (*inquit Nicephorus Grægoras lib. v. hist.*) Artaxerxis, qui Agesilai impetum formidans Thebanos & Athenienses ad bellum ei inferendum impulit.

Referendum huc est Alcibiadis consilium, quo Persarum Regem instruxit: eatenus bellum inter Græcos sustinendum, ne inopiā deferatur. Domesticiis bellis Græciā obtinendam: inferiores auxilio iuuandos, non tam ut vincant, quā ne succumbant. (*v. quę dixi ad lib. i. verb. nam spes inceperat.*) Quo consilio Hispanum quoq. specie tuendę religionis contra Henricum III. & post aduersus Henricum IV. commouisse regni procures aiunt, & proponendo nunc hunc, nunc illum pro Rege, mittendoq. auxilia prompta magis quā magna, operam dedisse, ne aut victoriam daret, aut belli deponendi necessitatem imponeret. Ita dissentientibus seq. mutuò consumentibus Gallis se arbitrum pacis ac belli fore, & quos suis non posset, ipsorum armis victurum arbitrabatur. Sed animaduertēte fraudem Galli, & Hispanorum amicitię nuncium miserunt.

Iterum aliud sophisma est, quod paullòs. proposui ad verb. *ut genus Arsacis.* &c. & item aliud de quo dixi ad lib. i. verb. *Pompeium imagine pacis &c.*

Barbaris cunctatio seruilis: statim exequi regium videtur.)

Et sanè interdum imperiosa vehementia plus potest, quā

quàm lenta indulgentia. *Prima hostibus prodit tempora belli, qui, quos armis pellerè promptum erat, epistolis increpat.* (Tac. 111. hist.) Ita Cyrus Armenijs & Romani terttiū bellum Punicum (*Appian. in Pun.*) simul indixerunt ac intulerunt, nullo hosti relicto spacio. Agesilaus Spartanorum Rēx, cū transmissio Helleſponto iter faceret per Thraciam, nulli barbarorum, ut daretur trāsitus, supplex fuit, sed missis ad singulos nunciis quærebat, utrum per hostium an amicorum regionem iret? Cumq. Macedonum Rēx, se cum amicis consulturum respondisset: consultet igitur, inquit Agesilaus, nos interim iter faciemus. (*Erasm. in apoph.*) Cū Popilius ad Antiochum à Senatu Romano missus mandata sua exposuisset, & Rēx deliberaturum se dixisset, Popilius virga, quā in manu gerebat, circūscripsit Regem: ac, priusquam hoc circulo excedas, inquit redde responsum Senatui. Obstupefactus Rēx tam violento imperio, faciam, inquit, quod iubet Senatus (*Liv. xxv. Iustin. xxxiv.*) Foxius Gallicæ militiæ dux, is qui ad Ravēnam occubuit, cū castra Bononia Brixiam versus mouisset, ex itinere Mantuano per internuncios mandavit, ut claves arcium, quæ transitue minuerent, sibi transmitteret. Misit Mantuanus. nec enim aliud cōsiliū tempore exclusus capere poterat. Superiorib. annis Bauariæ Dux quinq. dierum spatio dato superioris Austriæ procerib., intra quos velint necne Cæsaris mandatis parere, deliberarent, interim nō elapsis adhuc illis quinq. diebus exercitum ad provinciæ limites admoxit: qua re percussos ad omnia obediētes Austrios habuit. Quæ quanquam Alberico Gentili videan-

dean-

deantur vasa, & iniustæ actiones; quod etiam in priuatorum litibus postulato in iure tempus concedatur expendi secū, cedere magis an contendere conducatur; mihi tamē vtriusq. rei ratio multum diuersa videtur. In priuatis enim actionibus nulla ex dilatione fraus, nullum damnum est auctoris, quō ius eius imminuatur: a t in ista bellorum concertatione, ante quā se firmet hostis, aut vires paret, obuiā eundum; cum omnis mora hīc sit cum irrecuperabili damno coniuncta. In bello bis peccare non licet. Oporter, inquit Niceph. (lib. v.) occurrere imminetibus malis & præuenire. Sed in his tamen ego cum tantū finem prob. quō celeritate iste hostis terreatur, & promptiūs ad pacis petendæ necessitatem adigatur. In illum enim, qui iussa, quanquam præsentī armorum vi coactus, facturus est, arma stringere, bellicę iusticiæ non conuenit.

Ministros Arsanis multo auro &c.) Vetus est, non hostri tantū seculi ars non auro minū quam ferro bella gerere.

Horridam suorum aciem, picta auro Medorum agmina &c.) In scholis inter alias politicās quæstiones etiam hanc excutiant: sitne miles auro argentoq. ornandus? Credo parū ad rei summam facere, vtrumuis dicas.

Metu magis quā beneuolentia subiecti) v. quæ dixi s. hoc lib. verb. *mirumq. amorem &c.*

Quā si qui externorum &c. miseri sceleribus.) Et tamē his talibus, quales hīc Tacitus describit, hodiē bella geruntur à Principibus nostris propria destitutis militia. Sed quam ab illis expectēs obedientiam, quam constantiam aut fortitudinem? quæ inter illos valeat di-

disciplina castrensis? licentia, protervia, seditionibus tantum se nobilitant. Carthaginensibus periculossimum fuit bellum cum mercenariis suis. (*Polyb. i.*) Anno Christi c. 13. ccc. xxi. x. equites Germani, cum à Ludouico Imperatore stipendiis suis fraudarentur, Lucā occuparunt, quam postea Gerardino Spinulæ Genuēsi xxxc. 13. florenis vendiderunt. Anno c. 13. ccc. lvi. i. Germani milites bellis Neapolitanis exerciti, duce quodam Lando tota Italia vagabantur, incendiis, cede, præda cuncta miscentes. Senenses incolumitatem suam xi. i. c. 13. Pontifex Innocentius Sextus l. c. 13. aureorum redimere coacti sunt. Ex horum successu annis sequentibus licentiam alię quoq. prædonum manus sibi sumpserunt. Alii Capelletos, alii, qui Britanni erāt, Albos, alii Stellatos, alii Sanctos se vocabant. Quibus tandem Braccius, Sforzia, Piccininus, egregia bello, sed venalia nomina, operam suam maiora offerēti stipendia addicere sucta successerunt. Hodiernæ militiæ icclera vt nimis nora dicere superuacuum est.

(*Quoquo modo dicta vulgari malebat &c.*) Paulus III. Pontifex, quo suæ per urbem famæ gnarus fieret, singulis diebus propositas apud Pasquinū famosas chartas ad se deferri iussisse dicitur.

(*Deferri census, patii tributa*) dictum latè ad lib. iv. Quotiens concordēs agunt, spernitur. Partibus: vbi dissenfere, dum sibi quisq. contra amulos subsidium vocant, accitus in partem, aduersum omnes valet. Plerunq. externa auxilia vocanti exitiosa fuisse ad librum primum dixi, quod nunc exemplis monstrandum est. Seleucienfes à Parthis, (*Tac. hic*) Cari à Cyro, (*Xenoph. vii. Cyrop.*) Rhe-

gini & Messanenſes à Romanis (*Polyb. 1.*) Carthaginēſes à Gallis, Hiſpanis, Liguribus, Balearibus, Græciſ, (*Polyb. 1.*) Græci à Philippo Macedone, (*Inſin.*) Britanni ab Anglo-Saxonibus (*Vbbo Emm. 111. hiſt. Friſ.*) Hieroſolymitani à Saladino (*Guil. Neubrig. 111. hiſt. Angl.*) Hiberni ab Anglis (*Guil. Neubr. 11. hiſt. Angl.*) Apuli à Normanis, (*Jo. Bapt. Pigna v111. hiſt. Ateſt.*) Itali à Gallis & Hiſpanis (*Fr. Guicciard. 1. hiſt.*) Demetrius Palæologus, Peloponneſi Princeps, (*Pigna v111.*) & Conſtantinopolitani à Turciſ, (*George. Phranzes 1v. hiſt.*) Friſij occidentales à Saxonib. (*Vbbo Emm. xxxiv.*) aut oppreſſi aut inſidiis appetiti ſunt. M. Tullius (*in fragm. 111. de Rep.*) gloriatur, populum Romanum ſociis defendendis in id ſaltigium, in quo tunc erat, cōſcendiſſe. Et Alcibiades apud Thucydidem (*lib v1.*) Athenienſes auxilia ſociis & externis ferendo ad tantam potentiam perueniſſe ait. Gothi aduerſus Herulos à Zenone Auguſto in Italiam miſſi, cum omnium populorum ſeruitute eas opes ſibi pepererunt, quæ tot cladibus concuſſæ vix tandem concideturunt. Longobardi à Narſete acciti pulſis nobiliſſimis familiis ſedes ibi ſuas adeoque ſuperbum condiderunt imperium, vt Narſes, ſi diutiùs vixiſſet, ſub ea mole expiraturus fuerit. Nec leuia detrimenta accepere Pontifices Romani ab Anglis cum eos mercede conductos bellum aduerſus Romanę ditionis occupatores gerere iuſſerunt: ſcilicet tam validis illorum copiis, vt, quocunq; loco conſtituiſſent, impunè debaccharentur, amicis plerunq; quam hoſtib; grauiores, & promiſcua præda raptoque viuentes. (*v. Blond. in hiſt.*)

H h h

ab

ab inclinat. imp. lo. Bapt. Pign hinc inde, Scip. Amirat. in bist. Flor. lib. xii. & alibi.) Claudio veteri apologo, quo aiunt equum, nec ceruum eiusdem pabuli consortem haberet, hominis imperio sese vltro subiecisse: atq. illud quidem praeceptum, hunc ex contemptore vindici subiectum fuisse.

Plebem primoribus tradidit ex suo usu.) Ciuitates, quae populi imperio regebantur, cum à Principibus subiguntur, nullo felicius modo continentur, quam si summa rei à populo ad Senatum à Principe constitutum vel in vnum aliquem ipsi Principi id beneficium debet, conferatur. Nam populi imperium iuxta libertatem, paucorum dominatio regi a libidine propior est: & facilius est multoq. tutius, vnus aut paucorum inniti fidei, quam populo omni momento variabili se resq. suas credere. Hoc modo Carolus V. Florentinam Remp. ad Medicos, Augustam aliasq. Germaniae ciuitates à populo ad Senatum, quem ipse fecerat, transtulit. Singulare regiae dominationis atque

Adsidendo castellum) relatus est hic locus lib. i. verb. *genere pugna & armorum &c.*

Ea sententia valuit, quia plurima auctoritas penes Abdagensem &c.) Quaerunt vtrum sit optabilius bonus Princeps, sed qui bono amicorum consilio destituatur, aut prudentes amici mali aut insipientis Principis. Ego illum sequor, qui pro certissima regula tradit, Principem saepe sine amicis bene statuere. Senatum autem sub imprudenti & fatuo Principe nunquam bene consulere posse: nisi vnus aliquis ex Senatu sit, in quem translatione omnium negotiorum cura, Princeps acquiescat.

Nihil abnuentem, dum dominationis apisceretur) v. quæ dixi: lib. 11. 1. verb. nam vulgatum erat &c.

Occidentem ab eo deferi, Orientem spectari exprobrauis.) v. quæ dixi ad lib. 1 v. verb. æquari adolefcentes &c.

*Macro intrepidus opprimit senem iniectū multæ vestis iu-
bet*) non ignarus summa scelera incipi cum periculo, peragi
cum premio. (Tacit. xi. 1. annal.) Non opus est cunctatione, v-
bi perniciës sit quies, quàm temeritas. (Tac. 1. hist.) Indeq.
traditur regula à politicis doctoribus: quando eò quis
reductus est, vt siue quiescendo, siue agendo eadē illi
superstent pericula; semper ea, quæ agunt, consilia ap-
prehendenda esse. Quippe dum ociosa contemplatio-
ne rerum exitum opprimur, manent accidentia cau-
seq. periculi, quales fuerant: cū ē contrario, qui au-
daçter contrait, aut inuenit; quod depellere periculū
pōtest, aut, si frustra insudauit, monstrat tamen ani-
mum se habuisse obsistendi.

Morum quoq. tempora illi diuersa) Rarò Principes im-
perij sui cursum æquabiliter ad metam decurrunt, in-
clinant ferè & deteriores fiunt. Nota sunt exempla A-
lexandri Magni, Philippi Macedoniae, Herodis Iudee
Regis, Nerōnis Romanorum Imperatoris. de Tiberio
signanter Tacitus hoc loco: egregius vita fama-
que ad priuatus, vel in imperijs sub Augusto fuit; occultus ac subdo-
lus fingendis virtutibus, donec Germanicus ac Drusus super-
fuere. Idem inter bona malaq. mixtus, incolumi matre; in-
testabilis sentia, sed obiectis libidinibus, dum Sēianum dile-
xit, timuitque. postremò in scelera simul ac dedecora prorupit;
postquam remoto pudore & metu suo tantum ingenio creba-

itur. Idem Tacitus de Galbâ: *maior privato visus, dum pr. uatus fuit; & omnium consensu capax imperij, nisi imperasset.* (1. *hist.*) Et de Vespasiano; solum omnium ante se Principum in melius mutatum esse. (Tac. 1. *hist.*) In recentiori historia illustre huius rei documentum est Clemens VII. Pontifex. Leo qui primus Pontificatus dignitatem in Medicæam familiam intulit, & sacre purpure reuerentiâ se suamq. familiam, quæ ab excelsolo loco in imum deciderat sustinuit, ut secundam fortunam reuertentem expectare potuerit, homo erat profusissimæ liberalitatis. Hic inter alia, in quib. maximâ est usus felicitate, non parùm propiciam habuit fortunam, quòd Iulium patruelem, quem ex Rhodio equite, quamvis illegitimis nuptiis ortum in sacrum collegium cooptauit, apud se tenuit. Cùm enim is natura grauis, ac maximis quibusq. negociis par, atq. à voluptatum illecebris alienus haberetur, ideoq. Pontifex ipso in omnibus magni momenti rebus vteretur multos errores, qui ex Leonis facilitate oriebantur, moderabatur aut emendabat. Quæ causa erat, ut multi Leonem ab Iulio gubernari, ipsumq. tâto oneri imparem crederent. Hinc quicquid seuerè actum, quid quid magno animo susceptum erat, Iulii impulsu fieri censebatur. Sed quàm vana fuerint de vtriusq. ingenio hominum iudicia, môx cognitum est. Nec enim Iulius Leone & môx Hadriano defunctis, Pontificatum adeptus expectationi hominum respondit. Non rerum nouarum cupiditatem, aut animi magnitudinem & magnorum operum studium demonstrabat: & apud Leonem minister potius consiliorum, quàm

quàm rector fuisse deprehendebatur. In consilijs suscipiendis sumptuum virandorum præpostero studio & insita quadam hæsitantia semper erat dubius atque suspensus. Vnde cum ad consiliorum executionem ventum erat, quoduis vel minimum momenta, quæcunq. vel leuissima difficultas sufficiebat ad reducendum illum in eam confusionem, in qua fuerat antequam consultasset. Et inde quoq. sæpius re iam constituta ad reiectum paullò antè consilium relabebatur. Qua in implicata natura, & perturbata rerum administrandarum ratione potius à ministris regi duci, quàm ipse consilium capere videbatur. (*Guicciard. xvi.*) Cæterum huius rei causa in Clementis ipsius natura ingenioq. eodem ante & post susceptum principatum fuit. Quamobrem autem quidam Principes vi dominationis conuulsi & mutati sint, solerter Lipsius indagat in notis politicis. Prima est, quod initiò principatus maior pudor est & famæ studium: quod paulatim cedit proteruiæ & contemptui ex omnium obsequiis sumpto. Alia, infirmitas humani ingenii: eoq. magis in Principe, quem nihil tenet, quàm honestum, pudor & metus Numinis: quo respectu quidam dixit, (*Ammian. Marcell. xxx.*) potestatis amplitudinem nudare semper animorum interna. Est enim imperium sublime quiddam & excelsum, sibiq. insidentem altius effert, aduersus rationem ferociens. (*Theophrast. Simocatt. i. bist.*) Accedunt adulescentes insita aulæ pestis. Quid miremur, Principes violenta adulationis procella inclinatos, quò sponte iam volût, iis vocibus credere, quas solas accipiunt? præcipuè ne-

mi-

mine ruinam sustinente, ad quam tanta vis impellit. Nam illi sapientes, quos negotiis adhibent, seu verentur frustra monere, seu medicamentum, quamvis infundat salubritatem, ingratum esse sciunt, his vulneribus non adhibet manum, aut certe vitia distinguunt, quibus seipsum Rex maculat, ab iis quibus perdit Republicam: & contenti utcumque mederi publicis, non restituunt Principi oculos, quibus ipse suam sortem & blandientium fallaciam damnet. Quis familiarium Reges admonet, si auaritia infames sunt, si nimio venationum studio omittunt reip. curam, aut cum libidinis exemplis inficiunt seculum, vel inconsultis amicitiiis publicam inuidiam concitant? Laborant omnes virtutum nomina his cupiditatibus foedare. Cura futuri, laborum assuetudo, comitas, liberalitas appellantur. Nisi igitur maiorem Regibus genium, quam qui populum informat, natura dedisset, quotusquisque ex his plagis euaderet, quæ vel ipsa consuetudine placet, quia nascentium cunas circumdant, nec eas meminerunt sibi poni? Senectutis etiam vitium est, timidum esse, & plus insto suspicacem, indeque crudelem. Putant enim senes, alios letari suis infortuniis: & quia multos à se lesos recordantur, malè quoque de suorum fide sentiunt: ideoque suis similes ab Æliano dicuntur, quos si quis manibus tangat, protinus grunnire occipiunt, malè sibi ominantes; quod nec vellera habeant, nec lac, nec aliud præter carnes. Etiam non raro accidit, ut Princeps, qui sæpius coniurationibus & insidijs appetitur, ex bono malus fiat. Coniurationes enim timorem incutiunt. qui timet securitati suæ pro-

spi-

spicere cogitur, quod sine multorum exiliis & cædib. fieri nequit. Cædes deinde & proscriptiones popularium odia concitant: ex odio Principis exitium sequitur. Et hæc quidem causæ in ipso Principe sunt. Est alia in nobis ipsis. Temerè enim initio, & de malis aut ambiguis benè vana credulitate, & insita plerisq. hominum leuitate speramus. Nec igitur mirum est falli nos & decipi. Sanè Historiæ Florentinæ scriptor sapienter monet, Principi non esse optabilem nimiam de se expectationem: cui si non ubiq. respondeat, in contemptum & mox odium degenerare inconsultū istum affectum. Deniq. ex perpetnâ gestorum infelicitate & fortunę contumaci aduersitate tædium sæpè omnium rerum & fastidium oritur. Tunc fortunæ & subiectis, quamuis immeritis, succenset Princeps, & dat vela ventis. priuatim oblectamenta quærit in conuiujs, ludis, mulierculis, morionibus. publicum decus omne aspernatur.

F I N I S.

Gratias tibi, Domine IESV!

Patauii, Per Gasparem Criuellarium ad instantiam

Paulli Frambotti. MD. LXXVI.

Superiorum permissu.

ΤΙΤΛΟΣ ΤΗΣ ΕΡΓΑΣΙΑΣ
Operarum Typographicarum errata sic corrigio.

p. 85. pro παραματων, παραματων. p. 93. pro τετυλην, τετυλην.
p. 105. pro mentione, mentionem. p. 111. pro impetirus, impetitus. p. 126. pro
evaluere; inualuere. pro curas; moras. p. 185. pro priores; peiores. p. 193. pro stu-
delitas; credulitas. pro sul milicum, si milite. pro voluisse, voluisset. p. 226. pro
codicillos, codicilli. p. 241. pro ο' σικα, ο' σικα. p. 289. pro clausas, inclusas. p. 308
pro liberet, liceret &c.

Quamvis Dominus IESU!

ORATIO,
QVA SERENISSIMO
VENETIARVM PRINCIPI
IOANNI CORNELIO.

Nomine Nationis Germanicæ, quæ Patauij
studijs operatur,

Novum honorem gratulatus est IV. Id. Iul. CIO. IDC. XXV.

Venetijs in Excellentissimo Collegio

CHRISTOPHORVS FORSTNERVS AVSTRIVS.

Ad Illustriſſimum, & Excellentiſſimum Dominum

D. DOMINICVM MOLINVM

SENATOREM AMPLISSIMVM.

Superiorum permiſſu, & Privilegio.



VENETIIS. Ex Typographia Ioannis Salis, MDCXXVI.
Expensis Pauli Frambotti Bibliopola Patauini.

ORATIO
DE SERENISSIMO
VENETARVM REIPUBLICÆ
IOANNI CORNELIO

Oratio habita in Conspectu
Serenissimi Senatūs
Venetiarum a Iohanne Cornelio
Oratore Publico
Die Martis 16. Martij 1612.
A. M. D. C. XII.



Ex Typographia
Petri Francisci Scuderi



ILLVSTRISSIMO,
ET EXCELLENTISSIMO D.
DOMINO DOMINICO
MOLINO, ETC.



Christophorus Forstnerus Austrius S. P. D.



RATIONEM, quam apud S E-
RENISSIMVM VENETIARVM
PRINCIPEM in Excellentissi-
mo Collegio pro Natione nostra ha-
bui, ad te mitto: non ut cedat in
partem solutionis eius debiti, quo
tibi maximo obstrictus sum: sed ut
sit grati animi velut chirographum,
& infinita obligationis quaecunque pignus. Et cum tot ex-
tent tua non in me modo, sed in quamplurimos Germano-
rum, beneficia, tot merita: inde se omnes correos debendi ti-

bi meritò, lubentes quæ mecum constituent. Sanè ego suavi
 coniectura mihi, mea quæ genti blanditus sapè sum, te natu-
 ra quadam similitudine, & sanguinis cognatione in nostri
 amorem, & fauorem ferri. Docuit enim nos, (nec vana fi-
 des est) Laurentius Pignorius V. Cl. in Notitijs historicis ad
 Solymeida Torquati Tassi, nobilissimam MOLINORVM
 FAMILIAM à fortissima Normannorum gente, quæ ori-
 gine Germanica Neustria, Britannia, Apulia, Sicilia olim do-
 minata est, descendere. Vt inde omnes te meritò, tanquam
 domesticum numen, & popularem Heroa veneremur. ego
 præcipuè: qui beneficentiam tuam plus alijs sensi. Certè
 mea ad Cornelium Tacitum (ad cuius maiestatem, ac seueri-
 tatem non nisi animas illustres, ac eximias assurgere Hein-
 sius tuus ait) Notæ politicae te suum secundum parentem
 profitentur: vt si quid inde ad Rempublicam, aut rem lite-
 rariam boni peruenturum est; eius gratiam non minùs tibi,
 quàm mihi posteritas rependere debeat. Quantum enim abe-
 rat, quin sætus ille in ipso partu periret? nisi tu difficulta-
 tes subortas discussisses. Ignosces igitur, ILLUSTRIS-
 SIME, & EXCELLENTISSIME DOMINE, ma-
 gne Patrone, quòd pro tam magno beneficio rem tam par-
 uam tibi reddo: quam tamen, vt dixi, non in solutum cede-
 re, sed ingentis obligationis qualequale testimonium esse cu-
 pio. Vale, ILLUSTRIS DOMINE, & Reipub.
 nobis quæ diu vive.

Patavij Cal. Septembr. Clj. Id. XXVI.



CHRISTOPHORI
FORSTNERI AVSTRII
ORATIO GRATVLATORIA

Ad Serenissimum

IOANNEM CORNELIVM
VENETIARVM PRINCIPEM.



SERENISSIME PRINCEPS
AVGVSTISSIMI PATRES.



IRAMINI, haud dubium est, Nationem nostram in publico omnium gaudio, & reliquarum gentium applausu tacitam hucusque, & nulla ob publicum bonum, quod orbi Christiano ex nouo SERENISSIMI IOANNIS CORNELII honore contigerat, laetitiae significatione egisse. Nam qui maioribus, quam alij,

A 3 bene-

6
beneficijs devincti vobis eramus; quibus solis ex duabus
& viginti, quæ Vniuersitatem Patauinam componunt,
Nationibus seiunctim coram vobis orare singulari ve-
stro fauore concessum est: primi utique officio defun-
gi, lætitiàmque collegij nostri contestari debebamus.
Sed ignosces, SERENISSIME PRINCEPS, quòd
ad tuarum uirtutum splendorem caligantes animorum
nostrorum oculi, in illarum contemplatione defixi stu-
puerant: nec ab illo stupore tam citò se colligere pote-
rant. Præterea cùm anni tempus itineribus faciendis
commodum, & innata genti nostræ peregrinandi, variof-
que populorum mores, ritus, artes cognoscendi lubido
quosdam Romam, alios aliò abduxissent: nolimus tibi,
SERENISSIME PRINCEPS, honorem habere pau-
ci, quem debebamus vniuersi. Nunc autem, cùm Italici
cœli ardores, & sua quemque peracta negocia Patauium
(cuius ciuitatis aerem nobis salubriorem, ac vicinitate
Germaniæ penè cognatum putamus) compulissent: ne-
fas duximus, vltra gratulationis officio supersedere.

Non expectabis, SERENISSIME PRINCEPS,
à nobis virtutum tuarum, laudumque præconia. Nam
quamvis eæ tales tantæque sint, quæ te mortali condi-
tioni exemptum etiam in vivis agentem noua apotheosi
in Diuos transcribere possint: tamen nec huius loci, nec
temporis, nec instituti nunc nostri est, panegyricum di-
cere: & mea in dicendo mediocritas, ne dicam infantia
humilioribus argumentis assuevit. Quanquam etiam,
si liceret, reprehensione quadam mihi dignus videreris:
quòd durum mortalitati imposuisti onus: quam posse ad
tantam perfectionem peruenire; tuo exemplo docuisti;

ad

ad superos vsque virtutis consortio euectus . vt nemo posthac humanæ naturæ imbecillitate errores suos tueri possit . Sed in præsentiarum nec laudare digna oratione virtutem tuam potero : nec Turpillianum timebo , si ab earum accusatione destitero . Vnum si dixerò , te augustissimi huius SENATVS Principem esse : omnia dixerò . Hæc laudum tuarum summa est , hoc fastigium , hæc certissima virtutum tuarum fides . Mirantur alij urbem vestram felici miserorum fuga in hanc , quam videmus , magnitudinem creuisse : mirantur splendidissimas domos , marmoraque & aurum , & tecta operosis minis pendencia : mirantur forum ingentibus spacijs apertum , ædesque publicas , & armorum , nauiumque perpetuam fabricam : denique in stuporem rapiuntur , cùm terras velut æquoris victrices ligneis fundamentis in hanc audaciam succreuisse vident , vixque oculis suis credunt . Quæ quanquam per se mirabilia sint : vnum tamen est portento proximum : quòd vestra Resp. per tot mala , & cæteri orbis seruitutem , sospes , atque ingentibus inimicijs superstes , in hunc vsque diem non memorabilior est imperio , quàm libertate . Roma quingentos annos libera vixit . Sparta octingentorum annorum libertate gloriatur . Venetiarum vrbs rarè , imò nullo exemplo supra mille ducentos annos vitam cum libertate produxit . Quod igitur vobis non illapsa sunt ea mala , quæ alias Respublicas perdidierunt ; quòd ab externis hostibus tutos nulla tyrannis delibauit ; quòd nec Syllas , nec Marios , aut Pompeij magnitudinem , & ad vestrum factum gentem Iuliam inuenistis : id omne , post Deum immortalem , in solidum prudentiæ huius augustissimi ordinis

dinis acceptum ferendum est. Roma armorum infano
 amore incensa omnium actionum suarum finem gloriam
 belli habebat, & imperij amplitudinem. Quo sanè in-
 stituto factum est, ut non modò aliorum in se coortos
 impetus sustineret, sed & ipsa alios laceggeret; certissi-
 mo semper cum imperij incremento. Inde post perpe-
 trata circummurana bella, post repressam igneam Pyr-
 rhi regis vim, post superatum denique Pœnum Hanni-
 balem, aliosque Reges, ac populos; cum in mortali glo-
 ria gentes multitudine innumerabiles, locis infinitas im-
 perio suo subiecit. Verùm inter illam portentosam fe-
 licitatem, inter tot viâtorias & trophæa, quæ ubique,
 quò rerum natura diffunditur, figebant Romani, cum
 gentibus iugum imponeretur, cum Reges triumpharen-
 tur, interim domi peribat Reipub. libertas. Nec enim
 ut iusti, temperantes, modesti essent ciues, ut cum armis
 ferociam ponerent, ut denique quietè in ciuitate age-
 rent, multum curabatur. Quo fiebat, ut ex continuis
 bellis maiora, quàm quæ libertas ferret, ingenia, præ-
 feroces ac turbarum cupidæ naturæ, nimix priuatorum
 opes, & vnius ciuitatis partes factionesque enasceren-
 tur: in curia, in foro cædes, ciuiliū bellorum tenta-
 menta. mox arma à ciuibz sumpta non pro libertate;
 sed pro Sylla, pro Mario, pro Pompeio, pro Cæsare.
 nec vnquam postea, nisi de dominatione certatum;
 quam postremò C. Cæsar euersa libertate inuasit.

Vestra autem, SERENISSIME PRINCEPS, Sa-
 pientissimi Patres, maiestas non solum armis decorata,
 sed etiam legibus est armata: nec maior belli, quàm pa-
 cis cura. Bella quidem etiam gessistis maxima; hostes vi-
 cistis

cistis potentissimos : fines imperij terra marique extenditis quàm latissimè . Sed hoc vobis cum Romana potentia commune est . Illud proprium , quod ciuitatem habetis saluberrimis legibus , & prudentissimis institutis ita munitam , ut non tutior ab externa vi , quàm à priuatorum ambitione existat . Nulli vobis Periandri , nulli Agathocles , nulli Cæsares timendi sunt . Ingens in omnibus , & penè incredibilis patriæ amor ; feruentissimum libertatis studium ; in Senatu tam numerofo mirabile , & simillimum obliuioni silentium ; rigidissima legum custodia , & subita eorum , quæ contra vetera instituta irrepunt , emendatio . Hac cura , hac industria , hoc indefesso , & ardenti studio mortalitatem effugistis : & Remp. qualis cum optima fuit , talem hodieque cū immortali prudētiæ vestræ laude , & orbis stupore habetis .

Huius igitur EXCELLENTISSIMI SENATVS , cuius sapientia Reipublicæ huius stat salus , cuius prudentia Italiæ quies , & tranquillitas conseruatur , te caput esse , SERENISSIME PRINCEPS , id verò egregium est , summumque , quod in tuam laudem dici possit . Nam vt ea summa in Rep. dignitas est : ita tam honorificū de te Sapientissimi Senatus iudicium , tam magnifica opinio amplissimū sunt diuinarum tuarū virtutū testimoniū . Quas quidem , cæteraque , quæ in te egregia sunt , fatiūs ducō mirari , adorarique , quàm ieiunā , & impari laudatione libare . Nam FAMILIÆ TVÆ vetustissimam nobilitatem , maiorumque tuorū pro Repub. domi , forisq; fortiter , benèque gesta , quomodo dicēdo ad quem ? Si vel mihi nam corū partem percensere velim :

Ante diem clauso componat vesper o'j'mpo .

Id solum quantum est, quòd CATHARINA CORNELIA IACOBO LVSINIANO CYPRI REGI nupta, florentissimum olim regnum illud, quod ex mariti testamento habebat, Venetæ Reip. donavit. Sunt, quibus nihil satis antiquum, satisque egregium est, nisi quod à proditoribus, & erronibus Troianis per incertissimas coniecturas repetatur. Tua gens, SERENISSIME PRINCEPS, nulla ambitione, certa annalium fide nixa, à Nobilissima CORNELIORVM Romanorum stirpe descendisse se gloriatur. Porro, vt ab eo, quod viro Principi primum, ac præcipuum esse debet, incipiam, quis tuam in Deum pietatem, religionisque studium pro dignitate laudare valeat? Plerique rerum domini religionem nihil aliud putant, quàm regnandi instrumentum; quod bellis, & cupiditatibus suis prætexant, quo populos ludant, quo populorum diuisiones alant, foueantque. Alia tibi mens est, SERENISSIME PRINCEPS: cui amorem, timoremque Dei optimam, eandemque securissimam (quicquid alij Mezentij iudicent) regendi populos artem persuasum est. Inde tua in cultibus diuinis assiduitas; inde in miseros, & egenos pronus fauor, & liberalitas, & penè profusio. Iam verò iustitiam tuam, temperantiam, & in summa fortuna eximiam moderationē, humanitatem, cæterasque egregias tuas dotes, quantò in alijs Principibus rariores, tantò magis tibi decoras, què satis prædicem? quibus verbis, qua orationis vi satis exprimam? Loquantur pro me tot honores (vera in vestra Repub. meritorum argumenta,) tot dignitates certatim in te collati. Nam post primos honores obitos summos quosque magistratus ordine

ordine gessisti: Patauio, Veronæ, Brixia, præcipuis imperij vestri vrbibus insigni cum integritatis & prudentiæ laude, summo cum imperio præfuisi: cumque, quod ad nos quàmmaximè pertinet, quodque nos tibi æterna beneficij recordatione devinciat, Patauina Vniuersitatis Reformator esses, singulari semper Nationem nostram fauore profecutus es. Postremò, cùm in hoc, quo nunc emines, folio collocatus esses: quàm fauentes omnes habuisti? quis plausus erat? quanta omnium læritia? quæ gaudentium, gratantiumque exultatio, & penè dixerim, intemperies. Nos quoque, quando tumultuantem gaudio animum vtcumque composuimus, nunc adsumus, nostro defuncturi officio, nostrumque contestaturi adfectum. Tibi igitur, SERENISSIME PRINCEPS, summum hunc honorem, Serenissimæ autem Reipub. talem, ac tantum Principem ex animo gratulamur: Deumque veneramur, vt sancta hæc Resp. virtutis templum, schola prudentiæ, inoffensæ hactenus libertatis oculatissimus Argus, & cōtra peregrinam ambitionem validissimum propugnaculum, veræ denique dignitatis, & opulentiæ alumna sub IOANNE CORNELIO vigeat, floreantque quàm felicissimè, quàm diutissimè. Gloriam eius, fortitudinem suspiciant, timeantque Christiani nominis hostes. ipsa eam Salus ferat: præueniatque vota felicitas, si quid optaverit. Tibi denique, SERENISSIME PRINCEPS, seculi gemma, longævam vitam, seramque immortalitatem precamur. Hæc qua ne dubites, obsecro. Virtutes tuas orbis nunc loquitur: famam olim præstabit æternam historiæ genius. Dixi.

Finis. Gratias Domino Iesu.





